


127

J.T.22.



R. P. JOANNIS NADASI,
è Societate JESU,
ANNI CÆLESTIS,
JESU REGI,
ET
MARIÆ REGINÆ,
SANCTISQUE OMNIBUS
Sacri,

PARS. II.

five

JULIUS, AUGUSTUS,

& SEPTEMBER.

SEPTEMBER.

EDITIO NOVA.

Longe prioribus locupletior.



BRUNSBERGÆ,
Typis Collegii Societatis JESU.

ANNO M. DCC. VI.

Ad usum S. I. Ludowici 1739.

55

J

qui
mor
Per
stijp
MAR
RIA
cum
liat
in s

S

S

S

tori

S

S



ANNI CÆLESTIS JULIUS.

i. Julij. Kalendis Julij.

JESU, in Eucharistia, hoc die, à Judæo Parisis, multis & indignis modis tractate, fuso mirabili sangvine, lumineque celebratissime; miserere mei, ut amem te.

S. Ebeharde Comes, à quo impetrabatur, quicquid MARIÆ nomine petebatur, qui à morte, à MARIA, cælesti nectare inebriari visus es. Per illum ego te, quem in elephantiaci specie vidi-
sti JESUM; per illam, quæ te sovit, JESU Matrem MARIAM, rogo, ut vitam, & mortem, illo MARIÆ sinu dignam, mihi impetres: ne me mors, cum epulone æternum sitibundo, in inferno sepe-
liat; sed sim, cum Lazaro, in sinu Abrahæ, tecum, in sinu MARIÆ, in æternum. Amen.

S. Aaron, primi Ordinis Levitici sacerdos.

S. Juli, & Aaron, MM.

S. Rumolde, Scotorum Regis fili, Angelo moni-
tori ac duci tuo, familiaris & obediens.

Sancti Caste, & Secundine Episcopi, MM.

S. Martine Episcope.

S. Domitiane Abba, discipulis ac miraculis clare-

ANNI CÆLESTIS

S. Galle Episc. injuriarum patientissime; qui incendium precibus restinxisti, cui pro populo, ut ab inguinariâ lue liberaretur, oranti Angelus, exauditas esse preces, teq; post annos octo, ad æternæ beatitatis gaudia evocandum, dixit.

S. Theodorice, qui sponsæ tuæ virginitatem persuasisti: mortuam Regis filiam excitasti; Regis oculum aliosque aliorum morbos curasti; cuius corpus Rex ipse suis humeris ad sepulchrum tulit multis posteâ miraculis celebre.

S. Eparchi Ep. è Cancellario laudatissimo, asceta sancte, mortuorum suscitator, pauperum, captivorum, ac reorum patronē.

S. Simeon Sale, miraculis, prophetiis magne, qui adolescentem novitium, Angelico habitu coruscum, coronâque regiâ coronatum, in cælesti lumine, & comitivâ, incidentem vidisti; mundi risus, proborum admiratio, dæmonum terror; qui mortuus cantores & vespillones Angelos habuisti.

S. Carilephe, asceta pudicissime, miraculis plene.

OMNES SANCTI, quos, felici morte defunctos, hodie felici æternitate donavit Deus.

Omnis Sancti mei nominis, & meæ patriæ, ac Patroni mei menstrui omnes.

Omnis Sancti nationis, & conditionis meæ.

Omnis Sancti, quibus sacra est illa, quæ mihi nascenti prima fuit dies.

Omnis Sancti, quibus sacra est illa, quæ mihi morienti ultima erit dies.

Omnis Sancti, & Sanctæ Dei; vos potissimum, qui in hac vita maximè excelluistis in amore Dei: tuncque, O MARIA, Mater agonizantium, orate pro

II. JULII.

5

pro omnibus hodie nascentibus, & hodie in agone supremo periclitantibus: impetrare mihi à Crucifixo JESU felicem mortem, beatam æternitatem Amen. Credo, spero, amo, adoro te, pulcherrime, ac optime, super omnia, Deus meus & ideo de peccatis meis doleo, ac desidero plus dolere, & confiteri. Doleo super omnia, quod te tam ingratus offendierim, Deus meus, & omnia! In gratiarum actionem, & satisfactionem, offero tibi hujus diei, & vitæ meæ totius, actiones, atque momenta singula, conjuncta omnibus lacrymis pœnitentium Sanctorum, omnibus guttis lacrymarum, & Sanguinis JESU, omnibus meritis JESU, MARIAE, & omnium Electorum tuorum: ut te videre, ac amare, unâ cum illis, & unâ tecum, merear in æternum.

S. MARIA, quæ S. Eberhardum tuum in calo finie fovere conpesta es. Dignare me finu tuo, ut morte fessum caput, in illo, fidelis tibi ad mortem usque relin nem!

2. Julij. 6. Nonas Julij.

Sancta MARIA, æternitatis beatæ sanctum pignus, mater prædestinatorum, morientium vita felix! ad cuius, hodie Elisabetham visitantis, vocem infans Joannes, in matris utero, præ gaudio exultavit! Non te potui amare antè quam nascerer; ora, ut saltem nunc, & in hora mortis, & per omnes beatitatis felicis æternitates sim in numero servorum, & filiorum tuorum, lætantium in te. Ita fiat, ô Parvule, MARIAE utero virgineo clause,

Deus infans! Visita me, cum tuo JESU, ô Domina; ita, ut nunc, & in hora mortis meæ, *visitatio tua custodiat spiritum meum*, hinc migrantem; ut in æternum, unà tecum, magnificet anima mea Dominum, & exultet spiritus meus in Deo salutari meo. Amen.

Sancti Processus & Martiniane, qui à SS. Petro & Paulo Apostolis in carcere Mamertino conversi, & aquâ, per miraculum, è petrâ erumpente, à S. Petro baptizati, ora lapidibus confrusti, jucundè dicebatis: *Gloria in excelsis Deo: sit nomen Domini benedictum!* qui equuleo suspensi, fustibus cæsi, scorpiones, nervos, flamas passi, gladio Martyrium consammatis.

Sancti tres milites MM. in S. Pauli morte conversi.

Sancti Ariston, Crescentiane, Eutychiane Urbane, Vitalis, Juste, Felicissime, Felix, Marcia, & Symphorosa, MM.

S. Swithune Episc. qui, post mortem ægris apparens, quendam, omnium membrorum infirmitate laborantem, & alium leprosum, statim curasti.

S. Otho Episc. animi demissione, frugalitate, patientiâ, zelo fidei, liberalitate in pauperes, celebante: qui pauperum Urbis tuæ catalogū habebas: quo moriente visi sunt pauperes suavissimè concinnetes, magnos & pretiosos lapides, in montem efferre, ac dicere: Nos sumus, qui eleemosynas, ac beneficia plurima à pio Othoni accepimus; ideoque domum pretiosam ei, in supercilio montis hujus, ædificamus. Impetra & mibi viscera misericordiæ, & artem sanctam, quâ mihi domum in cælo ædificem.

S. Mo-

III. JULII.

S. Monegundis, cælitùs pasta, miraculis magna
OMNES SANCTI, &c. pag. 4.

S. MARIA, cuius vestium depositio Constantinopo-
li hodie celebratur: qua beata Veronicæ hodie, ana cum
S. Elisabeitha, & Angelis, adfuisti: doce me tua festa,
ita ut par est, ita ut ii faciunt, qui illa optimè colunt,
celebrare, nuptiali ueste indutum.

S. MARIA, quæ Joannem innocentem captivum,
hac nocte, in carcere ad te suspirantem, & peccatorum
confessionem promittentem, invisens, libertati reddidisti;
quando ille cum eo, cui incubabat, straminis cumulo,
miravi, se velut per scalas ad portam in alto positam
erectum sentiens, percussis leviter foribus, ferro luet un-
dequaque armatis, illicò patentibus, ad te in Eremo
Helvetia invisendam, liber & gratus fugit. Evehe
me Domina, è profundo: solve vincula rea mea anima:
tolle impedimenta, quæ obstant, qnò minus mihi pateant
porta misericordie Dei, ad auream libertatem filiorum
Dei ô Mater Dei!

3. Julij. Nonas Julij.

S. Ancte Lanfrance Episc. supra cuius caput, mirè
ac disertè scripta, conspecta sunt hæc verba ipso
die tuæ consecrationis: Date eleemosynam; & ecce,
omnia munda sunt vobis. Impetra cor liberale erga
omnes, ad optimè omnibus faciendum: & fac,
ut nunc, ac potissimum in hora mortis meæ, o-
mnia munda sint mihi; ne quid coquinatum in
me inveniat mundus ille oculus Dei mei. Amen.

Sancti Tryphon, & alii duodecim MM.

Sancti Eulogi, & socii MM,

S. Hyacinthe, Trajani Imperat. cubicularie, plagiis pro Christo variè afflîcte, & in carcere, longâ fame extincte.

S. Irenæe, in equuleo suspense, ferreis unguis in lateribus discerpte, post flammas, aliis cruciatis cùm semper gratias Deo ageret, immortue.

S. Mustiola matrona, ancilla Martyrum, plumbatis cùm cædereris, extincta.

S. Marce, & Muciane, gladiis exst Martires.

S. Puer Parvule, qui dictos Martires, ne idolis immolarent, exhortatus, una cum Paulo, Martyrum item exhortatore, necatus es.

S. Anatoli Ep. magna doctrinæ, consilii, sanctitatis vir.

S. Heliodore Episc. sanctissime, & doctissime.

S. Dathe Episc.

S. Thoma Apostole, hodie ex India translate.

OMNES SANCTI, &c. pag. 4.

S. MARIA, in via, quæ Roma, hoc die populo diceris locuta. Loquere cordi meo, Domina, & far, ut audiat, ac obediatur tibi servus tuus, doctus à te audire te, ac loqui tibi!

4. July. 4. Nonas July.

Sancta Elisabetha Regina, S. Elisabethæ Ungaræ, sanctæ materteræ tuæ, nominis, & virtutis heres, virginum, conjugum, viduarum exemplar sanctum; oratione, jejunio, eleemosynis mirabilis; quæ dannam pro eleemosyna pecuniam, ut lateret, in rosas vertisti; pauperis ulcus horrendum osculo sanasti; pacifica non semel; aquam bis in vinum vertisti,

Con-

Constantiam filiam tuam, Castellæ Reginam. è purgatorio liberâsti quæ tibi candida poslèa apparuist, & te bis matris nomine appellans, gratias tibi egit; quæ denique hodie ad cælestis regni æternam regiam abiisti. Pacem nobis, Regina, quasi Salomon, pacem impetra. Pacem & animæ meæ! ut potentissimâ tuâ, apud JESUM & MARIAM, intercessione requiescam in æterna pace. Amen.

Sancti Osee, & Aggæe, Prophetæ.

S. Jucundiane M. pro Christo mari merse.

S. Lauriane Pannon Ep. M. quem, contra Arianos acriter satagentem, Angelus ter vocans tibi martyrii coronam prædixit: qui Angelum in via ducem habuisti; cæcum & paralyticum curâsti; mortuum suscitatisti; tuum caput, pro Christo amputatum, tuis manibus portâsti.

Sancti Innocenti, Sebastia, & alii triginta Martyres.

S. Namphanion M. & socii, quos ad coronam roborâsti.

S. Theodore Episc. plumbatis cæse, ac lingua abscissâ, in pæce extinete.

Sancti Flaviane, & Elia, Episcopi, pro Christo exules.

S. Udalrice Episc. puritate, revelationibus, miraculis, orandi aviditate sanctissimè.

S. Martine Ep. hodie translate.

S. Antonine M. cuius corpus cum in S. Victoris Episc. loculum inferretur, illius corpus sese colligens, tibi locum paravit.

S. Joannes Ep. qui ipsam etiam cubiculi supelle-
ctilem dispersisti, dedisti pauperibus, quos inter

JESUM quoque sub ulcerati mendicabuli nuditate latentem, induisti; padum exundantem cœr-
cuisti; cui, sacris mysteriis operanti, caput igneus
è cœlo radius coronavit; & postea migrans tua anima,
radianis instar sideris, cœlos penetrare con-
specta est.

OMNES SANCTI, &c. pag. 4.

S. MARIA, quæ Elisabetham Reginam morientem
visitasti. Doce me id mereri, ut me morientem præsen-
tissimâ tuâ ope digneris!

5. Julij. 3. Non. Julij.

S. Ancte Wilhelme, Mathematice, ac Orator, pau-
perum dives è cœli penu pater; qui erogatis tuis
omnibus, quinque auri pondo è cœlo accepisti pro
egenis; in vacuis antè horreis messem novam, in
everso dolio vinum reperisti; laborantium, & nihil
capientium, piscatorum tuo jussu projecta retia pi-
scibus implevisti: & jam promissâ pauperibus spi-
ritu, & misericordibus æternitate frueris, & frueris
æternum. Impetra & mihi singulare hoc donum
sanctæ in omnes charitatis; ut in hora mortis meæ
liberalem, & mei amantem reperiā illum, qui
omnium benè amantium amantissimus est, Deum.
Amen.

S. Zoa, B. Nicostrati Martyris conjux Martyr,
quæ inter orandum capta, collo, & capillis ex arbo-
re suspensa, adhibito subter horribili fumo, spiri-
tum dedisti Deo.

S. Domiti M.

S. Cyrilla, quæ ardentes carbones, cum thure, su-

per

per manum positos, diu tenuisti; ne prunas excutiendo, thus adoleuisse videreris: dein s̄avissimè lanatus es Martyr.

S. Athanasi, omnium cruciatuum genera experite, ac ferro tandem necate, Martyr.

Sancti Agatho, & Triphina MM.

Sancti Marine, Theodore, & Sedopha, Martyres,

S. Numeriane Episc.

S. Vedaſte Episc. ante cujus hierothecam lampas, absque oleo, & ullo alio pabulo arſit.

S. Philomena Virgo.

OMNES SANCTI, &c. pag. 4.

S. MARIA, cuius imago in supplicatione circumdata, meridianas tenebras; tempestates cali, ac terra motus horrendos discussit: impetrat cordi meo constantem, & lucidam pacem!

6. Julij. | Prid. Non. Julij.

S. Ancta Godoleva, sponsi impii sancta sponsa, misericordum nutrix; cuius funebri die dandi egenis panes numero creverunt in furno, terra etiam in loco supplicii tui egesta, gemmarum instar, coruscâ luce pretiosè radiabat. Cui honoris tantum dedit terra, ô quid non dabit cælum, in quo es! Ora Deum JEsum, ut vitam meam, mortem meam, ita suâ vitâ, & morte, ac finali gratiâ, faciat pretiosam, ut pretiosè vivam apud illum aeternum. Amen.

S. Isaia Prophetæ, in duas partes pro Deo ferrâ à dissecente; visionibus admirande.

S. Tranquilline, Sanctorum Marci & Marceliani pater, lapidate M.

S. Romule Episc. doctrinâ, sermone, miraculis,
potens; Angelicâ visitatione, colloquio, recreata,
unâ cum sociis, Martyr.

S. Dominica Virgo, fractis idolis, à bestiis illæsa,
capite obtruncata, Martyr.

S. Severc Episc, ab Angelo de morte instantे
admonite.

S. Lucia V. quæ acriter torta, conversis, ad Chri-
stum pluribus, unâ cum Antonino, Severino, Dio-
doto, Dione, & aliis decem ac septem, martyrio
coronata es.

S. Goar, miræ hospitalitatis, benignitatis, ac mi-
raculorum vir; cui cervæ obedientes lac, pro recre-
andis moribundis, dederunt; qui factam contra te
calumniam, appensa ad Solis radium, velut clau-
num, veste, diluisti.

S. Mechtildis V. cui cognati tui Friderici I. Imp.
mensæ assidenti aqua ter in vinum est versa, quæ
unicum verbum otiosum, tibi elapsum, multis la-
crys ac jejuniis expiâsti: quæ nunquam ridere
visa es, nisi in morte, cùm Dei Matrem, tibi coram
adstantem, salutans dices: *Ave MARIA, gratia
plena, Dominus tecum, benedicta tu!* & viaticum ab
Angelis accepisti: cuius vel soli capilli, in aerem
sublati, fulgura ac tempestates vel sponiant, vel ever-
tunt. Tene lingvam meam, ne quid pœnitendum
dicat: fræna inanem lætitiam: doce me MARIAM
ita piè, atque si coram eâ mihi præsente morerer,
salutare.

OMNES SANCTI, &c. pag. 4.

S. MARIA, silvaducensis apud quam celebris
est hodiernus dies, ob mortuam, à te vita iterum
resti-

restitutam Occide in me, quicquid male vivit in me: &
fac me ita vivere, ac si à te fuisset revocatus à morte
ad vitam!

7. Julij. Nonis Julij.

Sancte Willibalde, quem triennem parvulum ægrum Reges parentes, Christo, & Deiparæ devoverunt. Sanctus tibi parens Richardus Rex, sanctus frater Wunebaldus, sancta soror Walburga, sanctus avunculus tuus Bonifacius, sancti reliqui ex eadem familia plures, Wilibrordus, Deodacus M. & Pontifex. S Wilibalde, ora pro me, cum familia tua sancta. Potestis aliquid tot pro uno. Te, paratum licet ad cæcitatem perpetuam, tamen à cæcitate divinitus curavit Deus. Ora pro me, ne moriens projiciar ad æternum coenos! Amen.

Sancti Claudi, Nicostrate, Castori, Victorine, & Symphoriane, à S. Sebastiano conversi, deinde pro Christo torti, & in mare præcipites dati.

Sancti Peregrine, Luciane, Pompei, Hesychi, Papi, Saturnine, & Germane, qui viso S. Astio Episcopo crucifixo, exemplò illò permoti, Christianos vos palam fassí, mari mersi estis.

S. Pantæne, vir Apostolice, qui ad ultimi usque Orientis gentes Christum evangelizaturus penetrasti.

Sancti Apolloni & Illidi, Episc.

Sancti Odo & Hedda, Episcopi.

S. Edelburga V. Regis Angliæ filia, & S. Eronwaldi Episc. soror.

S. Lidane Abba ad Setiam; qui tibi, ac tuis, om-

nem carnis esum vetuisti: ranas in paludibus, cœnobio, importunas, perpetuo silentio mutas reddisti: hominem, qui per triennium non plus dormierat, quam ad vitam miserrimè trahendam necessarium erat, ad S. Cæciliæ altare adductum, fusis pro illo precibus, somno arctissimo sopivisti: mortuum puerum absens ad vitam revocâsti, qui cum cuidam persuadere non posset, ut iram, contra vicinum conceptum, deponeret, eidem prædixisti, fore, ut nisi pareret, id quod omnium pretiosissimum haberet, repente amitteret, non paruit; & filium unicum, repentina mōrbo in ignem lapsū, ac ibi extinctum, amisit, ad cuius sepulchrum sc̄mina muta, lingvæ usum recepit: qui Setini adolescentis, à dæmone per iter palam ei se conspiciendum præbente, vexati, precibus imploratus, ei apparuisti, dæmonem fugâsti, & ipsum pane refecisti.

OMNES SANCTI, &c. pag. 4.

S. MARIA, Africollis, coram qua, hoc die, Johannes, (hæcenus globus, & monstrum) repente manibus, ac pedibus explicatis, capite personato, sanus comparuit: fac, ut capite, manibus, pedibus, corpore toto, non nisi ad gloriam Dei, ad amorem tuum, utar semper!

8. Julij. 8. Idus Julij.

Sancta Landrada V. quæ in solitudine, cilicio involuta, cælestia inter gaudia pretiosam, è coelo Crucem, à præsente Sponso Christo, & has voces accepisti: *Accipe, Landrada, ab immortali Sponso, charitatis arrham: Ipse Crucem tibi mittit sponsalia, qui, in Cruce moriens, universa restauravit amatoris*

tui haec sunt munera, & illi templum, aram, tua omnia & te, ac denique spiritum, dedisti; eo ipso loco posteā sepulta ab Angelis, ubi stans Christus in petra, velut in cera, sua impressit vestigia; teque post mortem, S. Lamberto Episcopo in luce admirabili ostendisti. Scio ego crucem omnem esse coelestis amoris donum, atque mnemosynon piis omnibus. Tu ora, ut hæc dona æstimare pro dignitate sciam, & cum tenera quadam gratiarum actione accipiam; ut amicus Crucis Christi sim in regno illo, quod Cruce nobis emit Jesus. Amen.

Sancti Aquila & Priscilla.

Sancti quinquaginta milites, S. Bonosæ exemplo, Martyres.

S. Procopi, cui, velut Saulo, apparens in via Christus, ne contrâ Crucifixi cultores sœvires, persuasit; Crucem in cœlo, crystallino fulgore radiantem, ostendit, te convertit, contra hostes Cruce aureâ vietorem fecit: qui pro Cruce deinde tormenta passus, ab Angelis visitatus, & curatus, conversis ad Christum plurimis, post plura tormenta & miracula capite plexus es.

Sancti Abrahamicæ monachi, pro sacrâ imaginibus cæsi.

S. Kiliane Episc. qui de morte ab Angelo monitus, impuræ Geilæ, cuius impuritatem objurgabas, operâ, à sicariis, unâ cum sociis, Colomanno & Totnano, es occisus, cuius sanguine cruentum gladium sibi obversari, & imminere, sequeuri clamat, à dæmone arreptus sicarius: Geila verò, à dæmone obsessa, & ad æternos cruciatus abrepta; Gosbertus, Geilæ procus, occisus; filius principa-

cipatu dejectus, familia tota prostrata est.

S. Auspici, sancte ac docte Ep.

S. Theobalde, è vano juvene Abba sancte; cui Beatissima Virgo & se videndum sæpius præbuit, & ut in ecstasi, contemplatione SSS. Trinitatis fruereris, effecit; quô Trinitatis arcanô introspectiendô dum fruereris, eidem gratissimum esse, certior factus es, Canticum trium puerorum, *Benedictus es Domine, Deus patrum nostrorum, Et.* ideoque illud & familiarissimum habuisti, & tuis moriens unicè commendâsti: qui S. Ludovico, Galliæ Regi, heredem, & seros nepotes impetrâsti: qui dicebas, tibi à Christo revelatum esse, crucem ei parandam, qui Christo familiaris esse pereuperet. Doce me id agere, id pati, quod maximè gratum est SSS. Trinitati.

S. Astion, cum S. Epicteto M. qui post mortem, matri tuæ apparuisti, eique, post amplexum & osculum datum, gratulatus es, quòd esset facta Christiana, id est, Christi discipula; Epictetô quoque patrem tuum Alexandrum, ad Christum conversum, amplexô, ac dicente: Lætare in Domino, ô dulcissime frater Alexander, eò quòd dignus habitus es in numero sideium deputari, & perennem beatitudinem præmereri! Vigilantio autem, qui eos converterat, uterque dixistis: Gaude & tu in Domino, ô dulcissime frater; quia qui converti fecerit peccatorem ab errore viæ suæ, salvabit animam ejus à morte, & operiet multitudinem peccatorum! Denique matrem tuam verbis dulcissimis es hortatus ad ea, quæ sunt in Evangelio, adimplenda, ad hæreditatem tuam pauperibus, distribuen-

dam;

dam; simul paradisi delicias illi explicans, quibus
in regno Dei immortaliter fruebaris, doce me æ-
terna sapere, ac uti consiliis ecclœ jam receptorum;
neque quicquam agere, quod illi consulerent non
agendum.

B. Disibode Episc. benignitate in pauperes, vitæ
asperitate, zelo Catholico, humilitate, miraculis,
senectute sanctâ amabilis: ad cuius cadaver, totis
triginta diebus, omnes, qui aderant, odore mira-
bili recreabantur.

OMNES SANCTI, &c. pag. 4.

S. MARIA, cuius Duaci statua hodie visa est ma-
num extendere, ad percutiendos pueros immodestos. Im-
petra mibi modestiam animi, & corporis; & quicquid
tibi displaceat, à me avertit!

S. MARIA, quam S. Theobaldus tuus sapiens
coram spectavit, & audito tuo nomine, te ita salutabat:
Nomen dulce Virginis gloriose, nomen venera-
bile, nomen benedictum, nomen ineffabile, & a-
mabile in æternum! cum verò sanctissimum Filii tui
Corpus prateriret, ajebat: Benedictus JESUS Christus,
Dei Filius, qui suâ nativitate glorificavit
ineffabili gloriâ glorioissimam Matrem suam! &
divinitus manifestatum est, verba illa plurimum place-
re Filio tuo, ac tibi, Doce me bene orare.

9. Julij. 7. Idus Julij.

S Ancta Anatolia V. ad quam allatus à mago im-
manis serpens, tibi nihil obfuit, magum, ni tu
orando prohibuisses, occisurus: unde Audax ma-
gus pro Christo dedit caput; cui postquam orna-
menta

menta tua in pauperes effudisses, Angelus in purpura, gemmis, & aureo diademate apparuit ac dixit: **O Virginitas, quod non in operibus tenebris arum, sed semper in lumine versaris!** Virginitas, purpura regia, gemma, thesaurus est Regis immensus, huic fures insidias tendunt, cui dæmon ex energumena dixit: Tu es, quæ me flammis orationum tuarum exuris; & pulsus est: quæ demum, curatis ægris plurimis, variis vexata suppliciis, extensis denique manibus orans, gladio transverberata es. Intercede pro me; ne antiquus ille, & callidus serpens, qui calcaneo vitæ meæ, id est, ultimæ vitæ meæ, insidiatur, mihi noceat, meque paradiso æternū extorrem faciat; sed ut in paradyso potius Beatorum, è quo infelix ille excidit, æternū tecum vivam, inde ejiciendus nunquam. Amen.

Sancti novemdecim Martyres Goreomientes.

Sancti Zenon, & decem millia ducenti tres Martyres.

S. Cyrille Ep. sitientissime animarum, qui, quòd à flammis illæsus dimissus fuisses, lamentatus, & animarum saluti insudans, capite plexus es.

Sancti Patermuthi, Copres, & Alexander MM.

S. Brikti, potens Dei verbo Episcope: cui S. Petrus cum Angelis adfuit, teque è carcere liberavit, adesto tu mihi, unà cum illis, ut liberes me.

OMNES SANCTI, &c. pag. 4.

S. MARIA, que hoc die, militibus in exercitu Christiano, ad Vrbem Accon, apparuisti victoriæ prædicti. Effice, ut me vincam, ut me expugnem ac tibi dedam totum!

10. Iul.

10. Julij. 6. Idus Julij.

Sancta Felicitas, septem Martyrum filiorum Martyr māter; quæ Januarium tuum, plumbatis occisum, Felicem & Philippum, fustibus contusos; Silvanum, ex alto præcipitem; Alexandrum, Vitaliem, & Martialem, capite plexos vidisti, illos ad mortem hortata, & ipsa felicissimè secuta es. Esto & mihi mater; ut & ego quoque, in agone meo ultimo, pro Dei gloriâ, gloriosus decertem, & moriar de hoste victor; tecumque, & cum filiis tuis, felix Alleluja decantem triumphatori Deo. Amen.

Sanctæ Ruffina & Secunda, sorores, quæ cùm voluptates, cum æternitate conjunctas, vos his præhabere diceretis, pro Christo, & virginitate, post flagella, fœtores in odorem commutatos, in ferventis olei dolio illæsæ, in Tiberim cum saxo præcipites, indè siccæ cum cantibus exivistis, & capite postea cæsæ, post mortem, gemmarum ornatu miro adornatæ apparuistis.

Sancti Januari, Marine, Nabor, & Felix, Martyres decollati.

Sancti Leonti, Mauriti, Daniel, & socii MM. in ignem conjecti.

Sancti Bianor & Silvane, post sævissima supplicia, capite plexi.

S. Apolloni, crucifice Martyr.

S. Amelburga Virgo.

S. Amelburga Vidua, quæ viro tuo Principe, Angeli monitu, cœnobium ingresso, te totam Deo, per sacram velum; per continuum precandi studium,

&

& carnis macerationem, consecrâsti.

S. Canute, Rex Daniæ, Ecclesiasticæ dignitatis maxime æstimator, & cultor, perfidorum triumphator; post animum pœnitentiæ sacramentô sancte expiatum, ab impiis cæse, & miraculis gloriose.

S. Paterniane Ep. ab Angelo, ut te ad solitudinem conferres, admonite; qui dæmonem, te, compulæ adolescentulæ specie, ad impudica pellicientem, oratione, & manu flammis impositâ, superâsti; & mortis tuæ conscius, morte vincentium triumphâsti. Doce & cor meum, ac manus meas, ad castum prælium, ne quis vel apertus, vel tectus dæmon mihi unquam illudat.

OMNES SANCTI, &c. pag. 4.

S. MARIA, quæ Hallense tuum oppidum, ab hoste, hodie, auditis in blasphemos miraculæ liberâsti. Tuus sum ego. Ne sinas me expugnari ab inimicis tuis, ego mens!

11. Julij. s. Idus Julij.

S. Ancta Golinducha, quæ, etiam tûm Dei ignara, dum epulis assides, cœlestis convivii nectar, apparatus, delicias, illuc simul invitata, spectâsti; sientem, apud inferos, gulosum divitem epulonem, & parentes tuos, in æternitate pœnarum vindisti; posteâ, quod Christiana esses, à marito accusata, octo annos in carcere, quatuor menses cum dracone, cui frænum injeceras, in antro habitâsti; multis demum torta; ab Angelo è lupanari educta; è vulnere, quod in collo accepisti, sanguinem morbis

bis salutarem, dedisti; ac tandem vitâ, prophetiis-
que mirabilis, beatâ morte vitam ingressa es im-
mortalem. O recorder & ego æternitatis utriusq;
etiam comedens, & alias! Præparem nunc pala-
tum ad cœli delicias, jejuniis, ut post mortem il-
luc eam, ubi æterna est, & læta satietas. Amen.

S Pie Papa, sanctissimi sacrificii reverentissime
cultor, & Martyr.

Sancti Januari & Pelagia, eqvuleo, ungulis, testa-
rum fragmentis per dies quatuor cruciati, MM.

Sancti Sidroni & Marciane, MM.

S. Cindee Presb. qui, post multa tormenta, in
ignem injectus, nec læsus, in oratione spiritum
reddidisti.

Sancti Savine, & Cypriane, MM. fratres nobilissimi,
qui, inter tormenta, gratias Deo agebatis, hæc
identidem repetentes: *Quàm dulcis est dilectio tua
Domine!*

S. Joannes, Episc. omnibus amabilis, & venera-
bilis, sacrificii Missæ, ad miraculum usque, studio-
se, Arianorum hostis, doctrinâ, zelo, sanctitate po-
tentis, ab iisdem cæse M. miraculis gloriose.

S. Abundi M.

S. Sabine Conf.

S. Hidulphe, ex Archiepiscopo Religiose, Othi-
liâ cæcâ, Ducis filiâ, ægrisque aliis personatis, mi-
rabilis: qui à decessore tuo, tempus tuæ mortis,
viginti octo annis ante mortem, didicisti: cuius ve-
ste, sub dio explicatâ, pestilens contagio illicò est
repressa; & cœlum in imbræ solvebatur, vel tran-
quillabatur: prout necessitas postulabat.

S. Placide, qui cùm obedientiæ munere fungen-
teris

reris, occisus ab impiis, tuum caput, ab illsi reci-
sum, ad S. Sigisbertum Abbatem, à quo missus fu-
eras, deportâsti, & illud ei in manus dedisti; quod
ille, campanis ultrò sonantibus, sepelivit, Doce me
ubique facere id, quod vult Deus.

S. Euphemia M. cuius corpus, cùm navi vehe-
retur, indè exire est visum, ab obviam tibi è sepul-
chro S. Glyceriam M. quæ te complexa dixit: *Salve
Mariy Christi, Euphemia benedicta!* & ita ab invi-
cim recessistis.

OMNES SANCTI &c. pag. 4.

S. MARIA, cuius aris (in anathema victoria, hodie
à tuis Elandris relata) septingenta, è cassis nobilioribus
hostibus, accepta inaurata calcaria, sunt appensa.
Gratias tibi ago, Domina, pro victoriis, quas per
te mihi dedit Deus. Da, ut gratus vivam, *Et* victor,
ad aras tuas!

12. Julij. 4. Idus Julij.

Sancte Joannes Gualberto, qui hosti, cognati tui
intersectori, deprehenso, & supplici, in Crucifixi
gratiam, pepercisti; ideoque tibi crucifixus capite
inclinatō annuens, gratias egit; & hic virtutibus te,
ac beatā morte, in cœlo verò vitali æternitate coro-
navit. Roga Crucifixum J E S U M etiam pro me,
ut, in tui gratiam, ignoscat mihi ea omnia, in qui-
bus divinæ illius voluntati conformis non fui. E-
go etiam omnibus libentissimè ignosco. Utinam
tibi felicem pro me mortem petenti annuat capite
inclinatō! Adsit & mihi ille, qui tibi morienti visi-
bilis adfuit Angelus, & nomen rogatus, respondit,
nomen

omen sibi esse, *Benignus montis Dei*; & me benigni-
atis æternæ sicut hinc exceptum deducat in mon-
em Dei. Amen.

Sancti Nabor, & Felix, sustibus cæsi; aliterque
ruciati, &, cum hæc, ad supplicia æternitatis, tan-
cum puerorum terriculamenta esse diceretis, capite
cæsi.

Sancti Hermagora Ep. & Fortunatus post mira-
cula curationum, & prædicationis instantiam, MM.

S. Pauline, & socii MM.

Sancti Procle, & Hilarion, per acerbissima tor-
menta, MM.

S. Joannes Abba, S. Amandi magisterio, & imi-
tatione, ad gloriam sanctitatis evecte.

S. Epiphania, quæ post alios agones, pectore la-
niato, spiritum reddidisti.

S. Marciana V. à tauro discepta, Martyr.

Sancti Viventiole, & Paterniane, Episcopi.

S. Leo Abba, qui Beatissimam V. Dei Matrem, ti-
bi è cœlo apparentem, videre meruisti; vir à Deo
magnâ spiritûs libertate donata.

OMNES SANCTI, &c. pag. 4.

S. MARIA, quæ, postquam hodiernus S. Joannes
Gualbertus demonem à moribundo fugavit, mori-
bundo illi, unà cum Ss. Petro & Benedicto, adfuiſti.
Fac, ut pellam demonem, & tibi ad me iter aperiam!

13. Julij. 3. Idus Julij.

Sancta Justina Virgo, quæ læto vultu ibas ad op-
petendam pro Christo mortem, ridens quasi in
Sponsos hortos itura; & Zenoni à Sponsi hortis
fructus

fructus petenti, post mortem tuam sudariolum per Angelum, parvulum submisisti, quô cum ille frontem abstergeret, abstersâ perfidiâ, Christianus, & Martyr factus est. Mitiga dolores mortis meæ illâ tuâ lætitia; & mortuales meos sudores tuô illô sudariolô absterge; ut lætus moriar, & amœnam paradisi æternitatem, æternum lætus ibi futurus, ingrediar. Amen.

S. Zeno, S. Justinæ miraculô converse, & cùm JESUM in ore haberet semper, amputatâ lingvâ, gladio addicte M.

S. Anaclete Pape M.

Sancti Joel, & Esdra, Prophetæ.

B. Sila, prædicationis gratiâ illustris.

S. Serapion, Martyr per ignem.

S. Myrops, vestibus contusa M.

S. Eugeni Ep. cum Salutari Archidiacono, & Muritta, ac quingentis amplius sociis, pro Catholicâ religione, sub Hunnerico Rege Ariano, cæde, inediâque macerate, cum gaudio passe; Hunnericô deinde à scaturientibus è toto corpore vermis, ad infelicem usque mortem, consumptô.

S. Turiane, innocentissimæ simplicitatis Episc. qui puer ab Angelo, tibi conspectô, studere jussus, posteà miraculis clarus, ex eos, dementes, turdos, aliosque curasti; tres mortuos suscitasti: ad populum dicens, Christum in sede majestatis, & Angelos, arcam testamenti in supplicatione portantes, vidisti; qui oratione, ac tui afflictione inclytus, S. Michaelem Archangelum in humeris aliquando habere conspectus es, commenda me sancto illi tuo Archangelo.

S. Marga-

S. Margarita V. M. hoc etiam die culta; idolorum sacrificuli filia: quæ cùm nuptias formâ tuâ capti iñpīi Præsidis Olibrii aspernareris, virginis dirè cæsa ferreis laminis inclusa, clavis affixa, lacerata, perstisti, quâ in carcere orante, terra contremuit & dæmonis effigie terrere te volens dæmon, signo Crucis à te superatus est, tu verò divinitus à plagiis omnibus curata es. At iterū lampadibus toto pectore, ac utroque latere exulta, in lebete cruciata, SSS. Trinitatem laudans, capitis sententiā subiisti.

OMNES SANCTI, &c. pag. 4.

S. MARIA, cuius salutator & paranymphus Gabriel Angelus à Græciis hodie celebratur. Fac, ut non sepius tantum, sed & bene, ac ore, cordeque Angelico te salutem!

S. MARIA, Scalabitana, in eius sinu sedens in imagine puer JESUS, cum duobus pueris jentaculum sumpsit, & illos ad celeste convivium invitavit; quod illi, hoc die, audiēre, anno 1277. unà cùm magistro, felici morte defuncti. Iuva me; ne projiciar ad fauorem eternam!

14. Julij. Prid. Idus Julij.

S. ANCTE Joannes Bonaventura, MARIANÆ Cherub, & Seraph, qui S. Thomæ Aquinatî bibliothecam, è quâ tantum scientiarum haussisse, vide-re volenti Crucifixum ostendisti: qui moriens cùm divinum viaticum ore sumere ob morbum non posse; admotum pectori, amabilissimo miraculo, hau-sisti in cor, quod etiam ipsum cor, unà cùm capite-

pluribus à morte tua annis, integrum est repertum.
 Corde, ore, calamo, manibus Mariane Doctor,
 quælo te, per omnes charos tibi titulos, Crucifixi
 tui sacratissimi Sacramenti, & MARIÆ, ora pro me,
 ut bonus bibliothecæ Crucifixi discipulus, bonus
 MARIÆ servus, & filius, illud immortalitatis via-
 ticum ita accipiam, ut illud corde tuo hauriam; ut
 & JESUS in me, & ego in JESU habitem in æter-
 num. Amen.

S. Juste miles, qui apparente tibi divinitus Cru-
 ce conversus, omnia pauperibus erogasti; deinde
 verberatus, galeâ ignitâ contectus, rogo injectus,
 ne in pilo quidem læsus, animam reddidisti.

S. Phoca Episcope, per ferrum & ignem Mar-
 tyr.

S. Liberte Martyr, S. Rumoldi precibus nate, at-
 que cum aquis mersus es, vitæ redditæ ab eodem.

S. Ragenulpha V. tenella, & nobilitate inclyta;
 quæ parentes, & nuptiarum splendorem, ut virgo
 morereris, fugisti, miraculis gloria.

Sancti Heracla & Cyre, Episc.

Sancti Felix & Optatiane, Episc.

S. Marcelline Presb.

S. Henrice Imperator, Sanctæ Chunegundis Vir-
 ginis virgo conjux; qui viuis, post sex, cælitus ostendis
 tibi vocibus, cum ad mortem, post sex, dies heb-
 domadas, menses, annos, obeundam, te compara-
 res, post sex annos ad imperium elevatus es: qui
 posteâ, votô S. Laurentio nuncupatô, hostes tuos
 ab Angelo fugari vidisti; cui post mortem, in judi-
 cio, patronus cum calice, quem templo dederas,
 adstitit S. Laurentius.

S. Tu-

S. Tuscana Vidua, cuius pudicitiam grandi miraculo honoravit Deus; quæ moriens, è cælo tibi dici audisti: *Veni sponsa Christi, Tuscana, accipe coronam, quam tibi Dominus preparavit in æternum!*

OMNES SANCTI, &c. pag. 4.

S. MARIA, Major, qua S. Henrico, in templo tuo Roma excubanti, pacis osculum per Angelum misisti.
Fac me Henricum tuum, da pacis osculum cordi meo!

15. Julij. Idibus Julij.

Sancte Jacobe, Episcope Nisibene, qui orando saxum in partes diffregisti; hominem sicut mortuum, ut moreretur, ac deinde ut viveret, effecisti. Saporis, Urbem obsidentis, castra culicibus fugasti, puellas procaces, toto capite canas fecisti. Ora pro me, orator Dei, ut & ego sciam orare. Tota mea & vita, & mors, sit sancta oratio; ut etiam in æternitate orem, id est, mente, animo, & corpore in celum elevatus, Deum adorem, & amem semper. Amen.

Sancti omnes Apostoli, quorum hodie divisio celebratur.

S. Eutropi M. & Zozima ac Bonosa, sorores, Martyres.

Sancti Catuline, Januari, Florentina, Julia, & Justa, Martyres.

Sancti Philippe, Zeno, Narvae, & decem parvuli, MM.

S. Abudemi M.

S. Felix Episc. M.

S. Antioche medice è quo, capite obtruncato

cum lac manaret pro sangvine, Cyriacus carnifex ad Christum conversus, post te factus est Martyr.

S. Athanasi Episc. qui in templo liberalis; in corpus plumbo, ciliciis, flagris, jejuniis, severus; in lectione, templo, orationibus, concionibus frequens; in rebus agendis sanctè dexter, ad patientium fortis & latus, miraculis, rebus actis & perpessis magnus, diem sanctè obiissi.

S. Rosalia Virgo, hodie divinitùs inventa, magna contra luem pestiferam Advocata, fac, ut sicuti tu in antro habitare elegisti amore Domini tui JESÙ Christi; ita ego ejusdem amore faciam, quicquid me juvare potest ad acquirendum verum amorem Dei.

OMNES SANCTI, &c. pag. 4.

S. MARIA, in cūjus sinu sedens JESUS, S. Rosaliā, hoc die mirabiliter repertam, corollis aureis, & rosis donavit, Te illam tuis precibus, & consilios adjuvante. Tibi caput, cor, manus meas committo: Tu me erudias ad coronas; ut illas merear Tuā ope!

(16. Julij. 17. Kal. Aug.

Sancta Raineldis Virgo M. sanctorum parentum sancta filia, duarum sanctorum sororum, & sancti unius fratris, sancta soror; cui ad templum adiutum Angeli præbuere, quæ sanctissimæ in orando quieti dedita, in templo demum, ad aras usque amica Christo, pro Christo, ad aram, crucis in modum, prona, dum Deo gratias, laudesque ultimis verbis diceres, Virgo victima truncata es, clara prodigiis Ea.

En ego humili corde, ad aram illam, tuo sanguine
cruentam, provolvor supplex, ut id pro me à Deo
impetres, ut amando Deo, illique gratias agendo,
vitam totam, & mortem, ac æternitatem meam
impendam. Amen.

Crucifixe JESU, cuius Crucis triumphus, & gra-
tiarum actio hodie agitur, ob Crucem Alphonso
Castellæ Regi, olim in aëre ostensam, & Mauros
à Christianis, sub Crucis, & Matris tuæ, vexillis
superatos.

S. Monulfe Episc. qui è cælesti puerò monitus,
pro anima Principis, totum triduum unâ cum po-
pulo, precibus, jejuniiis, eleemosynis impendisti, &
illum è purgatorio exemisti.

S. Fauste, qui in cruce quinque diebus vivus,
fagittis confosus es, Martyr.

S. Athenogenes M. qui decem discipulis tuis
martyribus tibi præmissis, cùm pro nobis tuum,
tuorumq; discipulorum nomina imploraturis, ora-
res, hanc è cælo vocem audisti: *Gaudete, mi athleta
Athenogenes, mi electe, ecce dedit tibi tuas petitiones.
Quicunque me invocaverit per nomen tuum, liberabitur
ab omni afflictione & ne cessitate; & ejus peccato-
rum inducam oblivionem.* Fac, ut bene te invocem.

B. Eustachi Episc. pro fide Catholica exul.

SS. Hilarine & Donate MM.

S. Valentine Episc. M.

S. Sisenende, pro fide jugulata.

SS. Martyres, S. Raineldis socii.

S. Domnio Martyr, qui recisum à reliquo tuo
corpore caput in manibus gestasti.

S. Vitaliane Episc. à calumniis divinitus vindicata.

OMNES SANCTI, &c. pag. 4.

S. MARIA, quæ hodie mortuo Innocentio III. Pontifici, veram de peccatis poenitentiam, ne in agone peri-
ret; impetrâsti; ut ipse S. Ludgardi dixit. Impetra
idem mihi nunc, & tunc, eum jacebo in aditu æter-
nitatis!

17. Julij. 19. Kal. Aug.

S. Ancte Alexi, Virgo sponse, qui Edeßæ, à Beatis-
sima Virgine, quantus es, proditus es, quem
MARIA in imagine allocuta est; qui Romæ, in pater-
na domo, sub gradibus, ignotus patri, matri, spon-
ſæ, totis septemdecim annis, abjectus latuisti, ac è
ſchedula tua, & audita, per Urbis Ecclesias, divini-
tus voce, post mortem cognitus, dulcissimorum pa-
rentum lacrymis, Romæ universæ admiratione, vul-
tu radiante, aliisque prodigiis, laudatus es. Com-
menda me MARIA, Matri humilium, ut serio eli-
gam abjectus esse in militante domo Dei mei usque
ad mortem; ut post mortem erigar, & sim gloriosus,
in triumphante Dei mei domo, in omnem æternità-
tem. S. Alexi, qui hac festi tui nocte. S. Franciscæ,
quatuordecim annos natæ, per annum ægræ, jam-
que depositæ, ac vigili & oranti, peregrini instar, in
veste aurea spectabilis adfuisti, & dixisti: Francisca,
ego sum Alexius; & nunc venio, Dei missu ac jussu,
ut dicam tibi, an velis persanari? respondentे ve-
rò illâ, se id velle, quod Deo placet; illam totam au-
reæ tua vestæ coniectam, illicò persanâsti: unde illa,
primo diluculo, ad visendum templum & corpus
tuum abiit plenè sana. Tege me totum; indue me
auréa pretiosa erga Deum amoris veste: ut Chri-
stum

stum induam, & surgam à torpore meo, qui tamdiu me tenet languidum, fac me undequaque sanum ac firmum.

S. Fredegunde, cuius sacrum corpus voluit Deus à scelerata civitate, quam plectere statuerat, aliò asportari.

Sancti Sperate, Narzales, Cythine, Veturi, Felix, Acylline, Letanti, Januari, Generosa, Vestina, Donata, & Secunda, ligno confixi, decollati.

S. Hyacinthe M.

S. Generose M.

S. Theodora M.

S. Leo Papa quarte.

Sancti Ennodi & Theodosii, Episc.

S. Marcellina, S. Ambrosii Episcopi soror.

S. Marina Virgo M. quæ draconem, te flaminis involvere nitentem, precibus & verberibus domuisti.

S. Eterne Episc. Martyr inclyte Normannorum.

Sancti Eovalde, & Sixte, MM. quorum coronæ, in vineæ angulo, cælesti luce perfuso, Angeli monitu, à pio agricolâ sub rubis & spinis, inventa sunt.

OMNES SANCTI &c. pag. 4.

S. MARIA, cuius tardulum JESUM sinu gestantis imaginem Romæ, circa annum 534. in S. Gallæ domo, hoc die duo Seraphini in orantibus Pontifex manibus deposuerunt, Et pestis gravissima non plus ultrà grassata est. O Domina, tolle omnem, etiam occultam, animæ mee pestem, Seraphini collocent te in corde meo ac manibus: id est, amem te corde, amem opere, magistræ divini amoris instigatione atque instinctu!

18. Julij. 15. Kal. Aug.

Sancta Symphorosa, S. Getuli M. Martyr con-
jux, septem Martyrum filiorum mater, ſaxo ad
collum alligato in profluente demersa. Sancti se-
ptem fratres, ad palum alligati, cruciati: S. Crescen-
ti, guttus ferrō transfixe. S. Julianæ, pectus con-
folle. S. Nemesi, cor transverberate. S. Primitive
umbilicum trajecte. S. Justine, membratim ſecte
S. Stacree, telis confixe. S. Eugeni, à pectore in dua
partes divife. Orate pro me, uñā cum matre veftra
fratres fortiffimi; conjurate in meam ſalutem! Im-
petrate mihi felicem hinc exitum; ut ſim frater ve-
ſter, & ejusdem cæleſtis Patris hæres, inter electos
nlius in æternum. Amen.

S. Gundenes Virgo, quater in eqvuleo extenſa
ungulis dilacerata, gladio cæſa.

S. Æmiliane, in fornacem injecte, M.

S. Friderice Episc. qui, quod impuram Regi
pellicem reprehenderes à ſicariis graviter vulne-
ratus, vivus te tumulo imposuisti; & prædicta regn-
eb Regis, ac Reginæ peccata, ruinâ, sanctè expirans
mirâ templum cæleſtis odoris ſuavitate repleviſt
ſicariis paulò post repentinâ morte extinctis.

S. Marina V. Martyr.

S. Materne Episc.

S. Theodorice Metensis Ep. qui inspiciens lite-
ras nominum omnium Metenſium Antifitum
quas Angelus Domini S. Clementi, primo Mete-
nſium Epifcopo, dicitur dedit, aliàs auro, aliàs v-
ro viliore metallo, pro meritis, conſcriptas, dixiſ-

te laboraturum, ut nomen tuum (quod argento tantum notatum illo albo videbas) literis aureis scribatur: & verè ita vixisti, ut te moriente, in Angelico illo catalogo, tuum nomen apparuerit literis aureis exaratum.

S. Rophile Episc. qui cum S. Mercurio Episc. in dicto tridui jejunio, draconem, aliis noxiis, stolis collo illius injectis, è specu eduxisti, & in puteum præcipitatum, lapidibus obruisti.

S. Philastri Ep. zelo, & scientiâ plenis contra hæreticos disputationibus, scriptis, ac miraculis illustris.

Sancti Arnulphe & Bruno, Episc.

OMNES SANCTI, &c. pag. 4.

S. MARIA, cuius à bona voluntate dicta, imaginem qui laserat, hoc die, Montibus publico supplicio est affectus, lacrymu quoque, ac sanguine, de imagine tuâ mananibus. Sis mihi MARIA, Mater bonæ voluntatis: fac, ne tibi unquam inferam ullam injuriam: sit mea voluntas bona, sit divina, tuaque conjuncta!

19. Julij 14. Kal. Aug.

S Ancte Arseni, cui è cælo delapsa vox: *Fuge, tace, quiesce,* effecit, ut ex aula imperatoria in eremum fugeres. Tibi æternitas in mente semper; ideò lacrymæ semper in oculis, mortem meditanti. Unde etiam in morte, an etiam tu timeres? rogatus, dixisti, semper te horam illam timuisse. O timeam & ego timore sancto; ut morte non timendâ, sed sperandâ, & amandâ defungar: & demum illuc tecum sim æternum, ubi nemo habet malum ullum, quod timeat;

meat; omnes habent bonum summum, quod a-
ment! Amen.

S. Epaphra, S. Pauli concaptive, Martyr.

Sanctæ Justa, & Ruffina, confracto Veneris ido-
lo, eqvuleo, virgis, carcere, inediâ tortæ; Justa
careere, Ruffina fractâ cervice Martyr.

S. Aurea V. M. Sanctorum Joannis & Adulphi
MM. soror nobilis, quæ Judicis minis territa, te-
cessuram promisisti primum, sed posteâ male pro-
missi bene pœnitens, pro Christo jugulata es, &
coronata.

S. Martine Episc. M.

S. Symmache Papa.

S. Felix Episc.

S. Petre Conf. qui dæmonem, divitias, tibi affe-
rentem, fugasti Crucē; rem tuam opulentam, &
quicquid deinde mercedis serviens acquirebas, dis-
persisti, dedisti pauperibus: in cuius morientis gra-
tiam lampas ad aram B. V. divinitus est accensa, qui
tandem; visō licet formidabili spectrō, tamen secu-
rus, in Crucifixi complexu animam felicissimam
exhalasti.

S. Marcina Virgo, Sanctorum Basili & Gregorii
Nysseni soror, oratione, vitæ asperitate, miraculis
celebris.

OMNES SANCTI, &c. pag. 4.

S. MARIA, cuius sanctissima Matris Annæ festum
hodie Cameraci, & Ambianus, cras vero Josephi, Sponsi
tui, Roma celebrantur. Ora, ut sim bonus servus Ma-
tris tue, Sponsi tui, ac Filii tui.

20. Julij. 13. Kal. Aug.

Sancta Margarita, seu Marina V. quæ dæmonem draconem Cruce fugasti; Crucem è cælo splendidam, & ab insidente Crucis columbâ solatia cælestia, & simul in carcere à vulneribus medicinam accepisti; ignes, & aquas vicisti; ideoque à cælesti illâ columbâ palam coronata es: cui pro Christo morienti dictum è cælo toto populo audiente:
*M*arina, accepta corona incorruptionis requiesce in saeculum! circa quam visa est frequens corona te circumstantium Angelorum: cui pro nobis, te invocaturis, oranti Christus cum Angelis apparuit, & dixit: *Exaudi vi preces tuas, quæque petiisti, implebo,* & capite truncata es. Ora, ut præparem & ego caput per victorias ad coronam. Aderit morienti mihi infernalis draco; sed & tu adesto, ut illum ope, ad exemplo tuo, signo crucis vincam; & in amaro illo moribundorum silentio, à tua columba solatia cælestia accipiam; tandemque illuc perveniam, ubi solatia sunt æterna. S. Margarita Virgo M. quæ hoc tuo die, S. Gertrudi ægræ conspecta, eam in morbis gaudere jussisti: habituram enim pro singulis doloris momentis in corpore, millies mille annos cælestium deliciarum in æternitate: omnia hæc ipsi, à dilecto Iesu, è speciali amore immitti. Impetra mihi quoque à Deo intellectum, quo videam, voluntatem, quâ amem, quicquid corporis, vel animi incommodorum pati me vult dilectus Deus meus!

S. Elia, cordatissime Propheta,

S. Joseph Juste, cui haustum venenum nihil nocuit.

Sancte Sabine, Julianæ, Maxime, Macrobi, Casia, & Paula, MM. cum aliis decem.

S. Paule Diacone M.

S. Wilgefortis Virgo, pro fide & pudicitia crucifixa.

S. Vulmare, qui Beatissimæ Virg. Matri, & S. Petro, templum posuisti, post multas hominum ad dæmonum insidias, miraculis gloriose.

S. Severa Virgo.

S. Joseph, vir MARIE, cuius felicissimi transitus dies Romæ hoc die celebratur: ora pro me, ut felix moriar & ego.

OMNES SANCTI, &c. pag. 4.

S. MARIA, à Stella, cuius honori Robertus, Rex Gallia, hodie defunctus, Ordinem Equitum stelligerorum, tendente ad sorstellat aurea fundavit. O Stella maru, & noctis nostra illumina me; ne tempestas glutiat, vel ne tenebra exteriore conculcent me!

21. Julij. 12. Kal. Aug.

Sancte Daniel Propheta, jam indè ab adolescencia mirabilis, qui Susannam innocentem sapienter à morte liberasti; qui in lacu leonum illæsus, cibum à dante tibi per Angelum Deo accepisti. Daniel, serve Dei, vir desideriorum, & orationis, omnia impetrantis; quia cum corporis afflictione conjuncta! Ora pro me, ut, quando in ultimo vitæ agone, velut in lacu leonum, ero in timore, ac tremore; ne leo ille, me quærens, discerpatur: sed is, qui

qui te à leonibus illæsum servavit Deus, & me ser-
vet, servumque verè suum efficiat; ut sim unus ex
illis millibus, quos illi assistentes & ministrantes
vidisti, & vides. Amen.

S. Praxedes Virgo, S. Pudentianæ soror, quæ nul-
lum diem abire sinebas, quem novo pietatis opere
non illustrares; quæ S. Simitrium, cum aliis virgin-
ti duobus MM. tuis ipsa manibus sepelisti, plena os-
rationis ac misericordiarum Virgo.

S. Victor miles, in carcere ab Angelo visitate, &
post cruciatus varios, in mola pistoria unà cum SS.
Alexandro, Feliciano, & Longino, sociis militibus,
contrite.

S. Daniel Abba, orando potentissime.

S. Julia V. M.

S. Zoticus Episc. M.

Sancti Claudi, Juste, Jucundine, & socii quin-
que Martyres.

S. Arbogaste Episc.

S. Joannes monache.

S. Maria Magdalena, quæ, hoc die, seu pridie tui
festi, S. Gertrudi conspecta es; tot aureis floribus
splendida, & gemmis ornata, quot olim peccatis
fueras maculata, quam eadem pro tuis clientibus,
ad pedes Christi supplicem vidiit. Fac idem pro me.

OMNES SANCTI, &c. pag. 4.

S. MARIA, silvaducensis; cuius honori, ubi votum
fecit is, qui innocens de cœde accusabatur, duo repente se
cadis illius reos esse sunt fassi. Defende me in extremo,
tremendo, ubi de aeterna morte agitur, iudicio!

22. Julij. 11. Kal. Aug.

Sancta Maria Magdalena, cuius cor pœnitens ad arcem gratiæ & gloriæ vocans divinus amor, te ovem perditam invenit; inventam drachmam in regio thesauri sui ærario recondidit, & velut gemmam, deterso luto, sidera vincentem, cælesti splendore perfudit. Gratias ago illi, & gratulor tibi. Quam oculis misericordiarum plenis, respexit Pater superni luminis, *flamas amoris excitans*, geluque solvens pestoris tunc tui, nunc autem & nostri. Fac, ut liquefiat ab igne tuo, in lacrymas, etiam glacies cordis mei, tam duri, tam frigidi. Quæ amore fano saucia cucurristi; & cœpisti beatos Christi pedes ungere, lavare & rigare lacrymis, ore lambere, comis tergere, detersos nardo perlinire sic è rigatis à te pedibus JESU, crevit flos misericordiæ; imò arbor, dignos pœnitentiæ fructus ferens, quando in aliorum quoq; cordibus, exitus aquarum deduxerunt oculi tui, tam dolenter amanterq; lacrymati: & lacrymæ tuæ, omne margaritarum pretium supergressæ, fluebant à corde, divini amoris flaminis lacrymas liquefacto. Ita ignitis amoris lacrymis, peccata, cum septem dæmoniis, ad Christi pedes, proculcanda prostravisti; & instrumentis vanitatis, in alimentum divini amoris, conversis: pedes Christi lavans, cor tuum eluisti, sœculis omnibus facta sancta illecebra & exemplum pœnitentiæ, amore Dei animatæ, ideo tibi dolenti multum, remissa sunt peccata multa; *qua dilexisti multum*; quando lacrymis tuis, velut vino gaudentium Angelorum

rum, Seraphinos, ac reliquos choros omnes, ipsumque Angelorum, Regem, pretioso amoris nectare ac ambrosiam recreasti. Cœpisti tunc rigare pedes JESU; ut nos exemplo tuo idem agere pergeremus: cœpisti, nec desisti, usque ad Christi Crucem, mortem, sepulchrum, resurrectionem; imò usque ad mortem tuam. Nam navi laceræ, sinè velis ac remis, cum fratre ac sorore, imposita, à cœlesti navarcho Massiliam pervecta, ibi à draconem territa, sed non victa, dicebas deinde, te *amor dulcedine in lacrymas resolutam*, humique prostratam, post victoriam, dixisse: *Gratias tibi, Christe amor, quod me liberasti!* Fac, ut vincam & ego draconem illum, & me ipsum: fac, ut gratias & ego agam in me, Victori.

S. Maria Magdalena cui in antro dæmones, Angelos lucis mentiti, suavissimo cantu aures mulcebant; sed ajebant, tantam orandi assiduitatem animæ tuæ non expedire, at verò te dilectum JESUM in clamante, impostores illi omnes in fugam compulsi sunt à S. Michæle victore, qui Crucem in antri tui aditu, desigens dixit: *Cave, ne extimescas; quia custos tuus est Altissimus*, atque in illius Crucis amplexu dicebas te *vehementissimi amoris flammam persensisse*. Doce me crucem amplecti; doce persenscere flamam illam, magistram cordis mei.

In eodem tuo antro vidisti Christum, inter Angelos, florum ferta gestantes, & olivarum, palmarumque ramos habentes in manibus; alias quoq; ab eodem plus quam centies visitata. Dixerat ille tibi jam pridem; *Remittuntur tibi peccata;* & tamen plus quam triginta annos in antro illo

optu-

optimam partem eligens, tuam carnem inediā, dolore, silentio flagris, frigore, ac aliis variè cruciāsti, & macerāsti, divini amoris instinctu, ac monitu magistri tui S. Michaēlis, Præpositi animarum, tibi dicentis: Deus; quem tu, ô Magdalena, concupiscis, & semper habes, te vult hunc locum laerymis irrigare profusis: ut futuris sæculis exemplum poenitentiae perpetuò sis. Ibi ab Angelo, ad introspicendos purgatorii cruciatus deducta, majore intùs amoris igne accendebaris, ajebasque postea: *Frigus, ac gelu, divino igne succenta, jam non curabam.* Crescebat verò in te ignis ille, quando septies quotidie, unà cum corpore illo, tot cruciatibus exhausto, ab Angelis elevata sublimis in cœlum, in illo divini amoris regno, canentes divinum amorem Angelos audivisti. Denique post tot annos in amaritudine poenitentiae (sed dulcedine amoris) exactos, die quadam Dominicâ, in aurora, S. Maximino Ep. in Ecclesia apparuisti, duobus cubitus à terra elevata, in meio Angelorum, lumine multo circumdata; Et coram Clero, ac populo cum multis lacrymis, Eucharistia sumptā; spiruum ibi reddidisti Deo. Gratias ago Deo pro te, ac tecum, pro infinitè infinito illo amore, quo te dilexit usque in finem. Gratulor tibi! fruere æternitate amoris multùm diligens, multùm dilecta! Doce me quoque, qui haçtenuis tam parùm dilexi, doce me deinceps multùm diligere; ac peccata omnia, dilectionis magnitudine superare. Fac, ut & bona, quæ accepi, & mala, quæ reddidi, doceant me amorem solidum, ut è nigris peccatorum carbonibus fiant totidem prunæ Seraphicæ amoris Dei, carbones illos inflammantes.

S. Ma-

S. Maria Magdalena, ad cujus corpus, post mortem, reperta est ampulla pretiosi Sangvinis, à te sub Christi Crucie, collecti; quem aliquando, die Paracceves, perfectâ Christi morientis historiâ, colliquefactum ajunt; ex ore autem tuo, in sepulchro, crevile palmitem vitis, cum foliis viridibus producentem. Quæ ad te peregrinabundos, vel alias tibi supplices, novis atque antiquis exemplis id loquentibus, à morte jam imminente, à desperatis cogitationibus, à variis corporis animique morbis, persæpè etiam conspecta, liberâsti: fœminam, per annos triginta deliram, hominem suspensum, alium ab equis obtritum, alium luscum, aliam mutam, surdos duos, personâsti: cuius reliquiis admotum annulum non potuit digito suo prius imponere quidam turpi scelere maculatus, quām pœnitentiæ Sacramento conscientiam perpurgaret, exin potuit. Quæ in carcere nobilem & innocentem quendam visens, eum libertati repente reddidisti. Eliæ cuidam, clienti tuo, sed tepido, ac in benè inchoatis vacillanti, apparuisti, pedes floribus redimita; cum accendisti, constabilivisti, animâsti, cùm ei amanter dixisti: *Inconstans, crudu, propter te ego adsum; Et per me, modo velus, anima tua in aeternam vitam dirigetur, Tu hinc à meo servitio discedere cogitâsti. Accende me quoque; ne unquam elanguescat in me optimus ille ignis.*

S. Maria Magdalena, quæ hoc tuo die, à S. Mechtilde conspecta es cum Christo dicente; secundum magnitudinem amoris tibi præmia in caelo esse decreta, simulque illa tuę didicit ab eodem, laudare Deum in vulneribus, quæ tibi amor in Christi Passione

one impressit, corie tuō, veluti sagittā, transfixō.
Imple cor meum illo amore; imple os meum illā
laude.

O cordis felicissimi Maria Magdalena, cujus cor
igneum totum toti corpori tuo lucem assundens hoc
tuo die vidi eadem S. Mechtildis; qui tui cordis
ignis à Christo, peccata tibi remissa dicente, inflam-
matus, adeò postea in te convalluit, ut omnia, quæ post-
modum ageres, seu cogitares, in ignem illum verteren-
tur, simulque, tunc divinitus edoceta es, animam
fieri totam igneam ab amore divino; adeò, ut homini-
nis, illo amore succensi, omnes actiones sint velut
ligna, igni injecta; quæ, in amoris ignem commutata,
alunt & augent ignem in corde illius. Unde &, si
quod leve peccatum committat, totum hoc igne ab-
sumi. Vedit & è pedibus Christi, quos tu lachrymis
rigaveras, excreuisse arbores, plenas fructu poenit-
tentiae pulcherrimo, quem tu carpens, iis præbebas,
qui ad te veniebant, didicique; te omnibus, te invoca-
cibus, vera poenitentie gratiam impetrari: te quo-
que posterius disertè id promittente, eum, qui
Deo gratias agit pro lachrymis tuis, & pro amore,
quem dilectus tuus Jesus tibi, suos pedes lavanti,
tergenti, osculant, infudit, teque amore totum im-
pletus, petens veræ poenitentia donum, & divinum
amorem; impetraturum, ut expiatus in divino a-
more proficiat. Gratias ago Deo meo, ac tuo, pro
benignis oculis, quibus te aspergit; pro igne, quo te
in lacrymas solvit; pro gratia omni & gloriâ, quâ
ditavit; pro omnibus ac singulis actibus amoris,
quibus ei placuisti, gratias illi ago, & per illum
amorem peto, ut in sui amoris horto plantet ar-
borem

borem pœnitentiæ meæ, ut dignos fructus pœnitentiæ feram, & quotidie *in divino amore proficiam.*

S. MARIA, Magdalena, cuius hoc die, S. Franciſca Romana vidiſ SS. Eucharistiam, iñſtar flocci nivis pulcherrimæ; andivitque rhythnum de divino amore suavissimum; & quòd ii, qui *divinum amorem* volunt possidere, debeant ſe voluntate ſuâ exuere, obedire, ac pati, cumque festum tuum in cælo celebraretur, Sancti gratias agebant Deo pro amore, quo te *veſtīvit*, & in ſuo amore ſuſtinuit. Tu verò Sanctos omnes, ad gratias Deo, pro beneficiis in te effuſis, agendis invitans, & Francifcam ad dulcem Dei amorem cohortata, dicebas Deo: *Lauſ tibi, Amor diuine, qui me poſuisti in tali iuincere! Lauſ demus amorenu.* Laudo Amorem, te amantem, & à te amatum: ago illi gratias pro utroque: ac pe-
to, ut cor meum ingressus poſſideat, & ibi fundet Academiam pœnitentiæ, ac amoris. Amen.

Sancta Syntiche, è primitivæ Ecclesiæ Sanctis una.

S. Plato uncis ferreis, igne, grabato æneo, & aliis immanibus tormentis, diu, ac plūrimum truciate; qui te extremo die vocem illam expeſtare, ajebas: *Venite benedicti!* qui denique, ubi generofſiſſimum caput gladio ſubjeciſti, ſingula-
rem, te, in ſubveniendo captiuis, poſt mortem e-
iam oſtendiſti.

S. Theophile Praetor, gladio cæſe.

S. Cyrille, docte, & sancte Ep.

Sancte Hieronyme, in Episcopum cæle-
ſti calculo electe: qui veste tuâ tegens nu-
dum pauperem, illum à febribus liberāſti;
pal-

pallium verò, apud Regem, Solis radio, veluti, tra
bi, imposuisti.

S. Menelée Abba.

S. Wandregisile regii palatii Comes, Spons
Virgo, qui Sponsâ Christo velatâ, ipse cœnobita e
factus: cuius vestes, in pauperis obsequio, infesta
mundavit Angelus, & promisit se benè à te facto
rum testem, & in cœlis laudatorem fore: qui ulti
mum æger, vietis dæmonibus, Cælites tibi gratu
lantes audivisti.

S. Joseph Comes, mirabiliter converse, & fi
dei Catholicæ, contra hæreticos, fortissime de
fensor.

OMNES SANCTI, &c. pag. 4.

S. MARIA, de succursu, quæ paralytica Panorm
hodie apparuisti, ḡ argenteo illam cingulo cingens, con
festim sanâisti; cingulum verò tua imaginî effterri jussist
Cinge me cingulo tuo puro, sancto; ut, lumbis præc
ēt, sim expeditus ad itinera eternitatis!

S. MARIA, quam quod S. Maria Magdalena, Chri
sti Filii tui causâ, valdè dilexerit: à Christo S. Mech
tildi laudata est. Fac, ut te valdè diligam, tui Christi
amore, ille amor doceat me odisse me, amare te!

23. Julij. 10. Kal. Aug.

Sancti tres sapientes Reges, Caspar, Melchior
Balthasar, auro, thure, myrrâ JESUM, Deum, &
hominem, ac Regem adorantes; quorum corpo
ra, solenni pompa, hodie Coloniam Agrippinan
delata sunt, nobilissimæ Urbis perpetuum decus &

præ

præsidium. O JESU, Rex meus, & Deus meus,
 qui S. Gertrudi, nomine omnium cælestium, terre-
 strium & infernorum, te cum tribus Regibus ado-
 ranti, & quicquid boni vel mali factum ab illo est,
 in camino tui amoris, exurendum offerenti, dixisti;
 te omnia æterno Patri offerre, universâ cæli curiâ
 exultante, ac te illo munere jucundissimè delectari;
 ostendens illi ea omnia, instar gemmarum, in gloriæ
 tuæ coronâ splendentium. Indè pro salute cujus-
 piam orantem monuisti: Offer mihi eius pedes, ma-
 nus, & cor; seu desideria, actiones, & voluntatem
 divinæ voluntatis ancillam, per consilium, ab alio
 obdienter acceptum: hanc enim tibi fore gratissimam, instar electri, seu argenti, auro conjuncti.
 Sanctæ verò Mechtildi conspectus, dixisti; Ecce do
 tibi aurum, hoc est, divinum amorem meum; ihus,
 sanctitatem & devotionem; myrram, amaritudinem
 Passionis meæ. Offero tibi omnia bona, &
 mala mea, in amoris tui camino exurenda, perpur-
 ganda, & igne tuo alenda. Ille tuus amor alat cor-
 pus meum myrrâ mortificationis, animam verò
 thure orationis, & sancti fervoris auro ignito.
 Amen.

S. Apollinaris Ep. S. Petri discipule, qui loquax
 dæmonis oraculum obmutescere, mutos loqui,
 mortuos vivere, orando fecisti; qui virgis cæstis, ar-
 dentes carbones nudipes illæsus calcâsti, eqvuleo,
 infusâ in vulnera serventi aquâ, cruciatus, ore lapi-
 dib⁹ contuso, in ferreis vinculis Româ procul exul,
 tandem Ravennæ migrâsti gloriosus; & Henr-
 cum, de æternitate in morte periclitantem clientem
 tuum, coram tribunali Christi, cùm Beatissimâ

Virg. & S. Andreâ defendisti. Defende & me, ut vin-
cam securus, in amaro illo, & periculoso meo ago-
ne, agone ultimo, agone æternitatis meæ.

S. Rasyphe M.

S. Primitiva V. M.

Sancti Apolloni & Eugeni, MM.

Sancti Trophime & Theophile, lapidati, igne
incensi; gladio cæsi.

Omnes Sancti in Bulgaria MM.

S. Libori Episc. quem in extremis positum, S.
Martinus divino monitu visitavit: qui ægris, con-
tra dolores calculi, singularis à Deo patronus es-
datus.

S. Birgitta Vid. hodie defuncta, quam, tunc adhuc
parvulam, Christus ad se vocavit & coronâ pretio-
sâ coronavit: cui primum crucifixus Jesus, postea
teterimus demon apparuit, sed dixit. *Nihil possum,*
nisi permittas Crucifixus, cui S. Joannes Baptista a-
liquando conspectus, dixit: *Quandoquidem plo-
rasti, quod filius tuus offenderit me, non je-
nans in vigilia festi mei, mallesque eum servire mi-
hi, quam regia dignitate excellere;* idcirco ego
illum adjuvabo & armis meis communiam: cui par-
turiensi Beatissima Virgo apparuit, teque juvit: cui
S. Dionysius, tibi se coram sistens, dixit; te, tanquam
quæ illum peculiari studiô coleres, à Deo esse suæ
curæ commissam: cui Deus imperavit, ut visa tua
cælestia, cum Mathia, spirituali tuo Patre, con-
ferres: in quam visus è cœlo ignis descendere, vi-
debaturque idem ex ore tuo predire, ac omnes
inflammare: quam Beatissima Virgo, ac Sancti
varii, è cœlo, documentis cælestibus erudierunt:

quam

quam quinto ante mortem die visens Christus, dixit placere Deo, ut parcas laboribus: accipere illum, voluntatem tuam, operis loco; quinto post die, te ad monasterium tuum, id est, ad Christi gaudium, abituram: quae è superbo religiosi cujusdam Ordinis Theologo factorem magnum erumpere sentiebas. Doce me bene uti scientiâ Sanctorum: fac me bonum JESU, MARIAE, Angelorum, Sanctorumque discipulum.

S. Romula Virgo, quæ paralysi diu afflita, ante mortem, cælesti lumine perfusa, à Sanctis visitata, inter odores cælestes, & psallentium Cælitum chorus, migrâsti.

Sanctæ Redempta & Herundo, Virgines.

OMNES SANCTI, &c. pag. 4.

S. MARIA, S. Birgittæ magistra, consultrix, quæ illam coronâsti, mira ei revelâsti, & filium ejus, in agone defendîsti. Doce me nunc, defende tunc, & corona!

24. Julij 9. Kal. Aug.

Sancta Christina V. prophetiis, miraculis, & horrendis, quæ pro animabus in purgatorio gementibus perpessa es, mirabilis: quæ Ludovicum Conitem, & morientem, & mortuum, juvisti; ac poste à gratias agentem, atque in splendore cælum intrarem conspexisti; quæ post aquas glaciales, ignes, vapores, rotas, & alias ultrò pro animabus illis suscepsta supplicia, ante mortem, vivi Angeli instar, cantus, quos cælitus didiceras, de cælesti gloria modulata, Angelis accidentibus, animam exprâsti. Impera cordi meo generosos illos erga illas animas affe-

affectus; ut ita pro illis orem, & patiar, ut & tu, & illæ mihi morienti adsint; ut post mortem sanctam, unâ tecum, & cum illis, fruar æternitate, ac beatitatem. Amen.

S. Christina V. quæ Catechismum ab Angelo edocta, comminutis, & in pauperes erogatis aureis & argenteis patris idolis, dirissimè cruciata, & cum saxo in lacum projecta, indè ab Angelis liberata; deinde in fornace ardente, per quinque dies, illæsa, serpentes superasti, & abscessâ lingvâ, sagittis confixa es.

S. Vincenti, Martyr.

Sancti ostoginta tres martyres milites.

S. Victor miles, cum duobus fratribus, per diversa supplicia Martyr.

Sanctæ Niceta & Aquilina, capite obtruncatae.

Sancti Cleonice, Stratonice, & socii Martyres, qui inter tormenta orabatis: *Dimite, Domine, peccata nostra; nosque sanctis Martyribus, dira supplicia percessis, adnumera!*

S. Julianæ M. cujus oratione se cruciari dæmones fatebantur.

Sancti Menee & Capito, MM.

S. Ursicini Episc.

OMNES SANCTI, &c. pag. 4.

S. MARIA, qui Hispanos, in spelunca tua te invocantes, contra Mauros defendisti; Maurorum jacula, & lapides in ipsos Mauros retoristi, tuos, victores fecisti. Ecce, ut hostem, me tentantem, tua vincam, ut ex tentatione ille damnum, ego proveniunt reporem semper!

25. Julij. 8. Kal. Aug.

SAUCTE JACOBE major', APOSTOLE, JOANNIS frater,
morientium advocate, qui innocentem, suspen-
sum in patibulo, mori non permisisti: qui CAROLO
MAGNO, aliisque clientibus tuis, in agone supremo
certantibus adfuisti: qui BEATISSIMAM DEI MATREM,
tum adhuc vivam, in Hispaniâ, te super columnam
invisentem, vidisti, eique templum condidisti: qui
denique patratis miraculis, APOSTOLORUM primus,
Martyr cecidisti, capite pro Christo plexus. S. JA-
COBE, adscribe & me in eorum clientum numerum,
quos morientes juvisti, juvas, vel adjuturus es. JE-
SU, MARIÆ, & tibi, ac Joanni fratri tuo, com-
mendo agonem meum. Vos me mori ne finite im-
paratum. S. JACOBE, de quo S. GERTRUDI loquens
CHRISTUS, dixit; te à se amari, ac honorari, ob zelum,
quo, amore Dei, incitabar is ad salutem animarum:
licet non tantum potueris, quantum voluisses. Fac,
ut velim, amore Dei, quicquid possum; & desiderem
posse plus, quam possum. S. JACOBE, qui EMERICUM
UNGARUM, nobilem peregrinum, ad S. ANNÆ hono-
rem & cultum ubique dilatandum, & ad certas, ter-
tiâ quavis feriâ, preces, coram ejus imagine, arden-
te cereo, constanter recitandas, hortatus es, & ille
tuis consiliis obsecut⁹, procurata suis expensis insi-
gni S. ANNÆ imagine, JESU, MARIÆ, ANNÆ,
amore, omnes, quos poterat, accendebat. Deinde in
præsentissimo naufragii periculo exclamavit: S. AN-
NA, succurre nobis! & mare illicet à tempestate con-
quievit; EMERICUS verò S. ANNÆ imagini verba illa:

Pars II.

C

S. An-

S. Anna, succurre nobis! aureo charætere inscripsit. Cum autem imaginem publicæ pietati propositurus, eam in altiore muro collocaret; scalis sub pede collapsis, S. Annæ opem implorans, manu ad pectam vestis S. Annæ laciniam admota, illam tenere videretur; ipse à S. Anna in aëre tenebatur divinitus, attonito populo universo, usque dum scalæ afferrentur, per quas descenderet. Demum in Ungariam redux, & pristinis, quibus exciderat fortunis, restitutus, honoribus à Rege auctus, ita vixit, manu consilii tui, ac S. Annæ ope adjutus, ut moriens, à JESU, MARIA, ANNA visitatus, ad patriam demum cælestem, aeternum felix appulerit. Dirige me quoque tuis consiliis; & fac, ut in morte, JESU, MARIAE, ANNÆ, ac tuam opem felix experiar, Amen.

S. Anna, quæ hoc die Vindanæ in Gallia, pio tuo clienti conspecta es in ueste candida, nubeculam calcans, cum accensa face in manibus: ad Ædem, jam alias tibi erectam, sed destruetam, instaurari jussisti. Accende cor meum face tuâ: fac, ut accensam divini amoris facem, non corde tantum & ore sed manu quoque, id est, a tuoso exemplo circumferam: & bona, quæ in me ac aliis male diruta sunt, restaurem.

S. Christophore, qui in Lycia, pluribus hominum millibus conversis, virgis ferreis, ignitâ galeâ, scamno ferreo, ferventi oleo, sagittarum jactibus exercitus es; & sagitta una, te illæso, admittentis oculum reversa, illum exhausti; qui tamen, tuo sanguine adhibito, est iterum restitutus, prius autem, quam capite minuereris, à Deo impetrâsti, ut locus ille, ubi humandus eras, à peste, igne, fame, grandine, permaneret immunis.

S. Cu-

S. Cucuphra, gladio Martyr.

S. Paule qui pro variorum conversione ac de-mum pro judice, & carnifice precatus, caput de-disti Martyr.

S. Valentina Virgo, & socia V. quæ dirissimè cru-ciatae, in ignem estis conjectæ.

Sancti Florenti & Felix, MM.

S. Joannes Agne, quem, ex Agricola, Tungensem Episcopum fore prædictit Angelus: qui defixo hu-mi baculo, & radices agente, ac frondes, fructusque, atque ea, quæ S. Ioannis poma dicuntur, proferente, insulam accipere debere didicisti.

S. Theodemire M.

S. Magnerice Ep.

S. Glodesindis Princeps Virgo, zelo puritatis, & Angelorum familiaritate, felicissima: cui Spon-sum fugienti, velum pro capite per Angelum misit Deus, quo velata religiosis Virginibus præ-fuisti.

OMNES SANCTI, &c. pag. 4.

S. MARIA, quæ hodie mortuo tuo Thomæ à Kem-pis conspecta olim amplexum negasti, & inconstantia in precibus arguisti. Fac me solide, perseveranterque ad obsequia tua intentum, usque ad finem; ita aeternum complexum sperabo à Deo per te!

26. Julij. 7. Kal. Aug.

Sancta Anna MARIÆ Dei Matris mater, avia
mei JESU! Gratulabantur postea Elisabethæ,
de Joanne nato, vicini; ego tibi gratulor de MARIA.
Depone illam in corde meo, commenda me illi; ut
me

me suis, ac sui JESU obsequiis dignum reddat. Per illum quo te Deus JESUS, & MARIA filia tua dulcissima, honoravit, amorem & honorem, ore te, ora pro me, ut ita te colam, ita morti me parem; ut experiar id, quod moriens quidam cliens tuus, à MARIA filiâ tuâ, audivit: *Ego soror tua sum: nos infernum, ne illum intres, ocludemus; quia matrem meam honorasti semper.* Fac, ut ita te honorem, ut tu digna es, ô Mater honorificata; ut sim dignus amore tuo, & albo clientum tuorum; quorum uni aliquando conspecta, dixisti: *Nescis, quod in manus mea sint omnes thesauri paradisi?* Ex omnibus paradisi thesauris peto, ut pro me impetres aurum illud ignitum amoris Dei; ut sim in Deum dives auro illo, amore illo, qui ei maximè placet. Antiquo, & recepto, ac experimentis probato, tuorum sensu, flagrans erga te amor & cultus, addictos tibi clientes, tepidos esse non sinit in amore Dei, ac Matris Dei & crebra exempla loquuntur, à te *multos tepidos igne divini amoris inflammatis.* Quæ S. Brigidæ, tuas reliquias piè colenti, adstitisti, & dixisti; eas diligenter fore solatio. Fac me diligentem: ut amore Dei mei, ope tuâ, sim in omnibus accuratus. Quæ templum tuum in Ungaria, ne à Turcis, id impense conatis comburi posset, defendisti; Turcâ quoque, rei admirabilitate attonito, & converso; ac deinde, in tempestate, à te servato, & ejus conjugе, in magno vitæ periculo, adjutâ, domoque illâ totâ ad Christum conversâ. Per quam plures, in rei familiaris angustiis, magnum se adjumentum expertos, grati testati sunt, quos inter fuere in Sicilia pescatores, qui, cùm nihil piscium capere possent, & magna

gnâ egestate premerentur; tuo nomine implorato,
 ingressa est rete permagna copia piscium, eò ma-
 jore piscatorum gaudio & admiratione, quòd tuum,
Sanctâ Anna, nomen in dorsis piscium legeretur,
 contestatis id plurimis testibus oculatis. Quæ plu-
 res à peste, à periculis carnis, dæmonisque tenta-
 tionibus, à cæcitate cordis & oculorum, à vinculis, à
 variis corporis & animi morbis, liberâsti: multis in
 extremo agone adfuisti; nonnullis à morte ad vi-
 tam revocatis. Quæ cuidam, in gravi temptatione
 posito, te imploranti, & dicenti: *S. Anna, ego ani-
 mam meam depono ad pedes tuos!* *S. Anna mea;* libera
 me ab hac temptatione! victoriam proclamâsti, alias
 semper victo. Quæ quosdam ad fidem, non paucos
 ad bonam frugem convertisti; viduam, tibi addi-
 etam, eoq; pudicam, implorata, contra petulantes
 juvenes defendisti; quando illis, cælesti majestate
 spectabilis, & armatis cincta, conspecta es, eosque
 fugâsti, & viduæ per quietem visa, dixisti: Ego
 sum Anna, quæ te ab illis liberavi, & illos jam in
 carcere esse dicens, vetuisti, ne malum pro malo
 redderet, illos servos tuos fore, quare dici Judici
 voluisti, ut eos liberos è carcere dimitteret; illi verò
 dimissi se religioso Ordini addixerunt. Quæ S. Co-
 letæ Virgini, tibi addictissimæ, visa es cum *aureo*
vâse, in quo reponebas preces omnes, quas in facel-
 lo tuo Coleta fundebat, quas tu exin Deo, cum
 omnibus cæli civibus, offerebas pro Coleta. Ac-
 cende & meas preces: fac, ut sint dignæ, quæ in *au-*
reo divini amoris vale offerantur Deo. Quæ, una
 cum Filia tua MARIA, & Mariâ Magdalénâ, labo-
 rantibus in agro religiosis clientibus tuis, adfuisti,

& sudorem illorum amanter abstergere es conspecta. Doce me ita omnia facere, quæ facio; ut omnis meus labor ac sudor placeat Deo, Dei Matri, tibi Magdalena, ac omnibus, qui in cælo requiescunt à laboribus suis. Quæ Anachoretæ, afflito clienti tuo, in Ungaria, teoranti, per quietem visa es, in specie arboris eum à crebrescentibus tonantis ac fulminantis cœli injuriis defendantis, & esurientem fructu suavissimo recreantis: cumq; deinde ab iis, quibus premebatur, ærumnis liberasti. Quæ juveni, ad vomitum reverso, & in pio quodam colloquio, de tua ad flectendas rebelles obstinatorum voluntates efficacitate, audienti, eoque ad quædam erga te pietatis officia frequentanda, permoto, per quietem conspecta, dixisti: *Vade: eras confitere.* Esto efficax in fletienda ad id, quod Deo placet, rebelli mea voluntate, fac, ut sæpè, ac semper sanctè confitear. S. Anna, quam laudandi modum docentes nos Angeli, in Villanovano tuo apud Hispanos, templo canere sunt audit: *Beata Anna, qua semper regnas cum Angelis, illie nostri sic memor esto, ut tuo mereamur sociari collegio!* cuius imago, cum JESU nepote tuo, ac filiâ tuâ MARIA, olim apud Ungaros nummis aureis ac argenteis imprimebatur, cuius reliquias in Gallia apud Altam Juliam, primus detexit Joannes mutus, tûm primum locutus, &, è cæco ac surdo, factus videns ac audiens. Illumina sensus meos; ut iis honorem te, & gratias agam tibi pro omnibus maternis obsequiis, filiæ tuæ, Dei Matri, Dominæ meæ, tenerâ charitate impensis. O JESU, ô MARIA, audite deprecantem pro me sanctam Matrem Annam, nunc, & in hora mortis meæ. Amen.

S. Era-

S. Eraste Ep. M.

Sancti Symphroni, Olympi, Theodole, & Exuperia, per ignem Martyres.

S. Hyacinthe, qui Luxurium, persecutorem tuum, verè prædixisti à serpentibus devorandum: cui cùm ignis nihil nocuisset & aquæ injectus illæsus inde evasisset; auditus, & visus es, ab impio quodam ad aquam inambulans, & psallens jucundè: *Transivimus per ignem, & aquam, & eduximus nos in frigerium;* tandem capite plexus es, Martyr.

S. Pastor Presb.

S. Valens Episc.

S. Simeon Eremita, dæmonum triumphator, Marian honoris, per miraculum vindex, miraculis magne.

S. Christiana V. Regis filia, à misso è cælis, sub specie pauperis, Angelo instructa, & baptizari jussa.

OMNES SANCTI &c., pag. 4.

S. MARIA, quam flagranter in adversis rebus invocantes, à se singulari amore foveri dixit S. Birgittæ & S. Anna, Mater tua. Fac, ut ita te invocem in profferis, & adversis; ut sim tua, & illius, perpetua ope dignus!

S. MARIA, qua S. Annam Matrem tuam à cliente tibi addicto coli jussisti, & modum in hac verba docuisti: Benedicta sit S. Anna Mater tua, ex qua sine macula caro tua processit virginea! alii conspecta, eos laudâsti, qui te amore Filii tui amant; & hortata es, ut ipse etiam S. Annam matrem tuam honoraret, ac magna cum pietate coleret ejus festum. Quæ S. Anna statuam religioso filiarum tuarum cœnobio de disti, & cuidam dixisti: quicquid Annæ matri

meæ reverentiaæ impenderis, mihi dupliciter gratum erit. Alii, Rosarii tui, ab eo recitati, pietatem laudans, consilium dedisti, ut Rosario recitato, eiam in honorem S. Annæ, matris tuae, semel orationem Dominicam, & salutationem Angelicam adjungere; id enim tibi placuerum, & adjunxisti: Scias velim, eos, qui ei impensiūs honorandæ sunt addicti, magnum levamentum in omni necessitate, ac potissimum in extremi agonis angustiis, habituros. Ecce, Domina, ut ita honorem, & colam sanctissimam tuam Matrem, prout maximè tibi placet: ut sim dignus amore Filii tui, ac tuo; quod illius aviam, tuam matrem, amore illius, ac tui, honorarim!

27. Julij. 9. Kal. Aug.

Sancte Pantaleon Medice, qui tuum etiam patrem convertisti; & post ægros, miraculis sanatos, ignes, oleum, laminas, aquas, rotas perpessus, à Christo visitatus, capite plexus, lac dedisti pro sanguine, Sancte Medice, curam mei habe pro æternâ vita, in morbo ultimo; ut ad æternam æternæ sanitatis patriam perveniam, ubi morbus nullus, omnis vero sanitas est. Amen.

S. Hermolae Presbyt. qui S. Pantaleonem convertisti.

Sancti Hermippe & Hermocrates, fratres MM.
Sancti Felix, Julia, & Jucunda, Martyres.

Sancti Maure Ep. Pantaleemon, & Sergi, M.

Sancti Martyres, hodie pro Christo combusti.

Sancti Georgi, Felix, Aureli, Natalia, & Lilia-
sa, Martyres.

San-

Sancti septem fratres, Maximiane, Malche, Martiniane, Dionysi, Joannes, Serapion, & Constantine; qui divinitus admirabili duorum, & amplius saeculorum somno correpti, divinâ quadam specie fulgentes reperti, post mortem apparuistis.

B. Ætheri Episc.

B. Anthusa Virgo, mira passa.

OMNES SANCTI, &c. pag. 4.

S. MARIA, que hodie mortuum, Jacobum I. Aragonie Regem, contra Mauros, trigesies vietorem fecisti, oranti conspecta, eum de zelo fidei laudasti. Adesto mihi pugnanti cum demone, Mauris pejore hoste, ut semper vincam!

28. Julij. 5. Kal. Aug.

Sancti Nazari magister, & Celse puer discipule, qui in mare dejecti pro Christo, inde mirabiliter evasistis; quorum capite plexorum corpora diu post, Dei monitu, à S. Ambrosio reperta, recenti sangvine aspersa visa sunt. Suscipe curam animæ meæ, ne, quando ex hoc mari mortuo eluctabitur, in ipso portu æternitatis bonæ, naufragium æternum misera patiatur. Amen.

S. Victor Papa, Martyr.

S. Innocenti Papa.

Omnis sancti Martyres, tardis pro Christo suppliciis, lentâ morte, crudelissimè occisi.

Sancte Martyr, post eqvuleos, laminas, ac sartagines, melle peruncte, ligatis manibus, sub ardentissimo sole, fucorum ac muscarum aculeis expolite.

Sanete Martyr, qui inter flores vinclitus, in impudicissimi scorti faciem, generoso morsu, præcisam lingvam tuam expuisti.

S. Eustathi M. post varia tormenta, in flumen merse, inde ab Angelo erexit, denique à columba, è callo adveniente, ad præmia aeterna vocate.

S. Acuti M. qui, post poenas diversas in fornacem injectus, ac illæsus, capite plexus demum es.

S. Sampson Episc. qui, spectante Galliæ Rege, immanem mole, formidandumq; serpentem, obedientem habuisti: è cuius, divina celebrantis, ore ignis erumpere est conspectus: qui ad aras Angelos tibi semper ministrantes vidisti: qui, anno ætatis centesimo vigesimo, moriens, inter extrema verba tuis dixisti: *Laborate, quantum potestis; quia non potestis, quantum debetis:* in cuius exequiis chori Sanctorum Angelorum, Archangelorum, Prophetarum, Apostolorum, & Martyrum, canere sunt audit. Invita illos omnes, ut me ad laborem accendant, & morientem juvent.

S. Peregrine miraculis illustris.

S. Botuide, Regni Sueciæ Patrone; cuius cadaver, ductu avis candidæ, à Deo missæ reperatum est.

OMNES SANCTI, &c. pag. 4.

S. MARIA, Silvaducensis, qua hodie, ob naufragos erepos; Foyensis, que ob infantem vita redditam, celebraru: eripe me; redde me vita, ac portui aeterno, ubi nec mortis, nec naufragij periculum es!

29. Julij. 4. Kal. Aug.

Sancta Martha Virgo, solicita propter Christum circa plurima; cui morienti apparens unā cum splendore tuā Mariā Magdalenā, Christus, dixit:
Veni, hospita mea dilectissima! quemadmodū tu quondam tuā me dono receperisti; sic ego te recipiam in cœlestem domum meam: esto etiam de me solicita pro illo uno necessario! In tui, & sororis tuæ Mariæ, gratiam, fratrem tuum Lazarum fuscitavit à morte hospes tuus Christus: in tui etiam, & sororis tuæ gratiam, memorientem fuscitet ad æternitatem vitæ idem JESUS; ut ita, pro illo, hīc circa plura sim sollicitus, ut moriens illud unum necessarium acquiram Amen.

S. Felix Papa, gladio Martyr.

Sancti Simplici, Faustine, & Beatrix eorum soror, Martyres.

Sanctæ Lucilla & Flora, Virgines; Eugeni, Antonine, Theodore, & socii decem & octo MM.

S. Callinice, post virgas ferreas, in fornacem injecte, M.

S. Athanasi Episc. sinè querelâ *vehementissimo Christi amore amabilis*, qui dynastas etiam ausus est objurgare, nullo humano respectu perterritus.

S. Olave Rex, qui noctu apparentem tibi JESUM conspexisti dicentem: *Veni, dilecte m!: accipe coronam, quam tibi preparavi in aeternum:* qui scalam, in cælum usque protensam, per quietem vidi; legum Ecclesiæ exactissimus observator, postea Martyr.

S. Lupe Episc. eiliciis, jejuniis, oratione mirabilis; qui Attilam, flagellum Dei, tuâ præsentia domuisti.

Sancti Guilielme & Prosper Episc.

S. Faustine.

Sancta Seraphina.

B. Beatrix, cuius Missæ sacrificio intentæ, cor latè sese aperuit, & iterum illicò sese conclusit: cuius cor alias, in Sacro, Christus, velut igneo jaculo transfixit, teque sibi dilectam, dixit: quæ aliquando mundum universum, quasi rotam, pedibus tuis subiectam vidiisti: cuius cor quandoque, ad guttur usque, cum orares, ascendere videbatur. Doce & cor meum attentè, flagranterque orare, ac amare, ut non lingvâ tantum orem, sed & corde, ascendeante usque ad cor Dei.

OMNES SANCTI, &c. pag. 4.

S. MARIA, cui devotus Urbanus II. Pontifex, hodie mortuus, Officium instituit pro victoria, quæ contra Saracenos, in Asia, obtenta est. | Fac, ut ita orem, ut mea preces me, ope tua paratum sistant periculose contra demones pugna, & vincam per te!

30. Julij. 3. Kal. Aug.

S. Ancti Abdon & Sennen, Persæ nobiles, ob humata Christianorum corpora, comprehensi; qui, ubi simulacula conspuistis, ursis, ac leonibus objecti, & illæsi, gladiis cecidistis, victima nobilis Deo. Habiuitis vos mortuorum curam; habete & mei moribundi: non neglexistis corpora; non negligite hanc animam. Si enim in cælo animam hanc

me-

meam collocaveritis, illic posteà erit etiam corpus, unà cum anima, vobiscum, in illa glorificatorum & corporum & animarum æternitate. Amen.

Sanctæ Maxima & Donatilla, sorores Virgines, aceto, & felle diu potatae; virgis, & calce vivâ cruciatæ; in eqvuleo, & deinde in craticula, ad torrendum, extensæ: quarum plantas lambens ursus ferox, eas non momordit; quæ demum gladiô cæsæ estis.

S. Secunda, duodennis parvula, quæ duarum illarum Virginum exemplo accensa, unà cum illis, bestiis ferocibus objecta es; ubi cùm omnes tres jam in preces fusæ, jam inter mutua oscula, vale vobis ac mundo dicentes, jucundo & miserando spectaculo feras expectastis, ab illis nihil tactæ, mortem desideratam gladio exceperistis.

S. Rufine M. in cuius mortui ore florens lilyum est repertum, in quo ter impressa *Veritas* legebatur.

S. Julitta, per ignem Martyr.

S. Urse Episkepe.

OMNES SANCTI, &c. pag. 4.

S. MARIA, cui hodie S. Joseph Confessor, cum Ecclesia Græca: sic loquitur, Prodigiorum omnium fines excedit prodigium, in te solâ patratum. Tu nunc intaminatas manus tuas expande; ut protegas munimire tuo confisos. *Doce me benè in te confidere; ut sim dignus, pro quo manus expandas!*

S. MARIA, quæ, ad B. Arnaldi Archiepiscopi preces, visa es è cœlo descendere, & hostium hereticorum stragem ingentem edere, globis igneis in eos è cœlo iactatis, defende me contra hostes, & contra me ipsum!

31. Julij. Prid. Kal. Aug.

Sancte Ignati, divine vir, cui oranti Crucis bal-
julus JESUS dixit: *Ego vobis Romæ propitius ero.* Inter-
cede pro me apud tuum JESUM, ut mihi sit
propitius in vita, in morte, in æternitate. S. Ignati,
qui in Regulis, & Exercitiis condendis, & aliás, ma-
gistrâ MARIA es usus; à qua etiam artem peculia-
ris examinis didicisti, & ad mortem usque exercui-
sti, ac tuos docuisti: ora, ut sim bonus MARIAE ser-
vus, docilisque discipulus, qui cādem, quā Romæ
expirāsti, horā, ab Angelis in cælum visus es inferri:
in cuius tumulo stellæ conspectæ, & inter odores
auditi concentus Angelici: à quo fundata JESU
Societas, sub Beatissimæ Virginis pallio conspecta
est, & visa à S. Teresia, in cælo mirabili gloriâ tri-
umphare: cuius filii, S. Xaverius; Sancti Paulus,
Joannes, & Jacobus, Martyres, ac Beati Franciscus
Borgia, Aloysius Gonzaga, & Stanislaus Kostka,
tantis sanctimoniacæ documentis & miraculis lucent:
cui tot gloriose templa surrexerunt, tuo nomine,
Deo dedicata, Romæ, Viennæ, Jaurini, Antverpiæ,
& per alias Orbis partes: qui conspectus es igneo
flagello cædens dæmonem, qui per os energumenæ
Christum blasphemabat: qui de cælo tuis toties
gloriosus variè apparuisti, eosq; defendisti, sanasti,
in divinis erudivisti: cuius Exercitiorum divinus
liber S. Carolo Borromæo in reverentia & usu fuit,
à summo Pontifice approbatus, & tanto Orbis ter-
rarum fructu laudatus: qui à S. Petro, tibi, conspe-
cto, sanatus, à JESU & MARIA frequenter visita-
tus

tus, frequenter cælesti lumine collucere visus, JESUM parvulum in Eucharistia vidisti, in admirabili octo dierum ecstasi jacuisti; sublimis à terra, in aëre, inter orandum splendidus pependisti; auditus tunc dicere: O Deus, ô Domine, si te homines nesciunt? Deus, amor cordis mei! qui sæpenumero, non sine singultu, inculcabas: *In solo Christo, & in Christi Crucis reperitur vera latitudo*, cuius nomen, qui ignorabant, ajebant: *Ille Pater, qui sèpè in celum suscivit, & de Deo solet loqui*, cui Spiritus Sanctus, specie ignis apparuit: cui ostensum est divinitus, quanti thesauri laterent in hoc vocabulo, DEUS! & quanto cum amore ac reverentia debeat nominari; qui missis è cælo per Angelum in literis, Congregationem sub divini amoris titulo erectam laudâstii; & tuam ei opem promisisti: fac, ut cor meum sit sacrarium Congregationis omnium cordium, divini amori igne ardentium, S. Ignati, qui stupendâ in dæmones potestate; ad corda mollienda efficacitate; in Deum amore; ac novâ mirabilique beneficentiâ nascentibus, ægris, scrupulosis, à dæmone tentatis, ac morientibus adesse soles clientibus tuis, fidelis. Adesto & mihi semper, præcipue morienti: ut omnia vitæ meæ momenta, ita Dei gloriae decurrant, ut & ipsum ultimum vitæ meæ in morte punctum, & omnis, quæ ibi incipit, æternitas mea, sit *ad majorem gloriam* maximi, & glorioissimi Dei mei. Amen.

S. Joannes Presb. & S. Benigne Diacone, fratres gemelli.

S. Fabi, capite plexi M. cuius rescißum caput iterum cadaveri conjunctum divinitus est reperatum.

S. Ca-

S. Calimeri Episc. vulneribus confoſſe, gladio per cervicem transverberate, in puteum dejecte: Martyr.

Sancti Democrite, Secunde, & Dionysi, Martyres.

Sancti trecenti quinquaginta monachi, ab hæreticis cæſi.

S. Germane Ep. doctrinâ, honoribus, vitæ austerritate, munificentia, orationis vi, prophetiis, miraculis, zelo Apostolico, morte beatissimâ pretioſe.

S. Firme Episc.


Beate Joannes Columbine, quem, opibus cumulandis intentum, lectio Vitæ S. Mariæ Ægyptiacæ, ad quærendos theſauros æternos, convertit. Qui leproſum, in humeros ſublatum, in lectulo tuo depoſuisti, ſed ille, reliquo iſtic florū odore ſuavifſimo, evanuit, & ſe florū Regem J E S U M Nazarenum fuiffe oſtendit, ac tanto ſui Nominis anore tuum pectus implevit, ut poſtmodum religiōſum Jesuatorum Ordinem, ſub nomine J E S U, conderiſ, corde diuini amoris flammis adeo inflammat, ut hieme quoque, aperto pectori, nihil frigeres, etiam radiis de pectori, in oculos & animos te videntium, per ſæpè vibratis, cum verbis præterea non niſi beata incendia loquereris. Cujuſ laudes ex ore Viterbiensium infantium perfecit Deus, quando te Viterbii, cum ſociis tuis hospite, infantes exclamare diſertè auditи ſunt: En Iefuatæ, ſubvenite cives; benefacite Iefuatis. Doce me libros sanctos oculis tuis legere, & corde haurire; doce ſequi iuſticię, mihi loquentis in libris Dei. Imple cor meum radiis tui pectoris, ac igne illo,

illo, qui omne frigus, teporem omnem à me arceat,
& comburat in me, quicquid verò Dei amori dis-
plicere, aut impedimento esse potest in me.


S. Hathebrande, qui vestem è Solis radio sus-
pendisti, ut eam exsiccares: cuius corpus perpetuo
miraculo celebre, imminentem cœnobio tuo cala-
mitatem solet Religiosis, mirâ à se diffusa fragran-
tiâ, nuntiare. Juva me in extremo, maximoque æ-
ternæ vitæ meæ periculo.

OMNES SANCTI, &c. pag. 4.

S. MARIA, qua S. Ignatio Loyolæ, tuo poeniten-
ti, confœcta, cor mundum impetrâsti, eum divina mc-
ditari, & examinis particularis, ac calestem legum
condendarum artem docuisti: qua cum illo sapiens
confessa es; eum ad Beatam Magdalenam de Paz-
zis, ad exhortationem de humilitate, coram illa ha-
bendam misisti, Societati, ab illo condita B. Aloysium,
B. Stanislaum, aliosque dedisti, deliberanti consulirix
optima frequenter adsuisti: cuius ille imaginem in pe-
ctore gestabat ad cor. Ducas me in itineribus æterni-
tatis viâ lucidâ, rectâ, solidâ, ut non errem; ut ali-
is quoque, ad æterna per te ducendis, praluceam;
tique, cum Ignatio, me dedicem hodie, cum etiam
hodie tua in Blachernis dedicatio
celebretur!



ANNI



ANNI CÆLESTIS AUGUSTUS.

i. Augusti. Kalend. Augusti.

Sancta Sophia, gloria Fidei, Spei, Charitatis, Virginum mater. S. Fides V. flagris cæsa, ardentis farragine cruciata, pectori lacerato, capite truncata. S. Spes Virgo, nervos, ignes in hostem conversos, bitumen, picem experta, capite plexa. S. Charitas Virgo, quæ post eqvuleum, & flagra, per ignem in cælum penetrâsti. Sancta mater, sanctæ tres filiæ! quicquid ad petendum à JESU inter vos conveneritis, impetrabitis. Orate ergo pro me; ut vestris, vestrorumque nominum virtutibus instructus ita vivam, & moriar, ut tandem in regnum charitatis inductus, æternâ charitate amem illum, qui charitate perpetuâ dilexit me. Amen.

S. Petre Apostole, cuius geminæ diversæ catenæ, Romana, & Hierosolymitana, ita inter se divinâ vi connexæ sunt, ut una, & ab eodem artifice facta catena videretur; cuius catenis, & morbos, & dæmones profligabat Deus.

Sancti Bone, Fauste, Maure, & alii novem, omnes è primitivæ Ecclesiæ filiis fideles.

Sancti Cyrille, Aquila, Petre, Domitiane, Rufe, Menander, Martyres.

Sancti Leopti, Atti, Alexander, & alii sex agricultæ, Martyres decollati.

S. Fe-

S. Felix, Hispaniæ Apostole, fustibus, longo carcere, fame, siti vexate; per Urbis compita mulis tracte, fruslatim ferè discerpte, ab Angelis visitate, & in integrum restitute; iterum ungulis excoriatae; inverso capite suspense, nocte deinde totâ, & lumine copioso, & Angelorum concentu, mirificè recreate; in mare projecte, sed vinculis disruptis, Angelico comitante obsequio, aquis inambulans, litatori reddite: tandem cute ungulis detractâ, ad ossa, ad mortem usque laniate M.

S. Eusebi Ep. qui tuæ pudicitiæ conservandæ adjutores, etiam Angelos habuisti; ad cuius preces Marianæ templi porta ultrò aperta est, qui ab hæreticis atrociter tortus, postmodum pro fide extorris; iterum redux, etiam post mortem felicem fortem te contra dæmones ostendisti.

S. Justine M.

S. Vere Episc.

S. Ethelwolde Ep. ab hausto veneno illæse, magna asceticæ disciplinæ instaurator: qui matri, antequam nascereris vexilli è cælo ad illam demissi, cælosque denuò repetentis, & magnæ aureæq; aquilæ ex ore illius evolantis, ac Urbem alis aureis contegentis, & in cælum abeuntis specie ostensus es. Protege me aureis tuis alis.

S. Theodorice, cui contra frigus Angeli vestem confectam è pellibus attulere.

S. Nemesi Conf.

S. Friarde, qui frontem, oculos, pectus sanctissimo Crucis signo sæpè signans, mira patrâsti, arborum aridam restituisti, & cælestes in cella odores, post te, moriens reliquisti.

OMNES SANCTI, &c. pag. 4.

S. MARIA, cuius honori à Græcis hodie celebratur initium sacratissimi jejunii, per quod ad solennitatem dormitionis tuae preparantur: fac me vigilem, ut operiam jejunio animam meam; O ope tua, Christum induitus pro ueste nuptiali, paratus inveniar pro die assumptionis, seu mortis meæ!

S. MARIA, Hallensis, qua hodie ab aquis diluviadum undequaque impletibus, omnesque mergentibus, unum, te invocantem, in vita servasti. Servame nunc, O tunc, cum ero in aliquo æterna vita periculo!

S. MARIA, qua Geroni, nocte Christi nati, Christum crucifixum (qui suo sanguine, de Vulneribus manante, calicem totum implebat) videnti, & pre reverentia, divine mensa accumbere non audenti, animos addidisti, cum dixisti: Tu te indignum cogitas; & quis, putas, tantâ re dignus esse potest? Dispone me, Domina, prepara me, ut ne indignus adest ad tremendum illud æternitatis illud mysterium!

2. Augusti. 4. Nonas Aug.

S. Ancte Frasice Seraphice, inter homines Angeli, cuius cor sanctum in Angelica MARIÆ de Portiuncula Æde, Angelicis, Marianis, divinis gaudiis delibutum, mille gratiis cumulavit Deus. Ibi tu, inter musicos Angelos, & MARIAM Reginam, & Regem JESUM, quasi in cælo eras. Ibi cor tuum sepultum ab Angelis. O! commenda hanc, & ultimam vitæ meæ horam, MARIÆ de Portiuncula, & Angelis tuis, MARIA Virgo, in tuo sinu depono nunc pro æternitate, cor meum totū. Impetra mihi

ple-

plenariam à tuo JESU Indulgentiam. Doce illud tu, ut sit ad tuum, tuique Filii JESU nutum, & cor. Cor est primum vivens, & ultimum moriens. Vivat in sinu tuo; moriatur ibi, ut ibi vivat in æternum iterum tibi. Amen.

S. Stephane Papa, qui in exhortatione, & exemplo, plurimiis ad Christum conversis, & præmissis, patratisque miraculis, ante altare, inter sancta mysteria, in sede tua decollatus es.

S. Theodota M. à qua Lenonem impurum, impacto illi forti colapho, prohibuit Angelus, quæcum Evodio, primogenito tuo, & aliis duobus filiis, igne consumpta es.

S. Rutili, tormentis plurimis exercite, & quam hactenùs, seu timidè, seu cautè latitando, fugitabas martyrii gloriam, hodie per ignem adeptæ.

S. Emygdi Ep. M. qui amputatum pro Christo tuum caput, ad passus trecentos, portasti ad monte.

S. Maxime Ep. sanctitate ac miraculis clare.

OMNES SANCTI, &c. pag. 4.

S. MARIA, de Angelis quæ tuum templum hodie visentibus benedicere es visa, Indulgentiis quoque plenariis impetratis. Benedic mihi pro felici morte, & impera mihi plenariam Indulgentiam; ut in templo gloria apud te sim in æternum!

3. Augusti. 3. Non. Aug.

S. Ancte Stephane Protomartyr: cuius pretiosum corpus divinitus repertum, prodigiis plurimis illustravit Deus; cuius corpori admotos prius flores, ubi cæcis oculis admovit cæca foemina, vidit:

cujus corpori, Romæ hospiti, in suo loculo cessisse locum dicitur S. Laurentii corpus; & jam simul juncti corporibus estis Romæ in sepulchro, animabus in cælo. Angelice, doctissime Diacone! adesto mihi ope tuâ, usque ad tumbam. Preciosius mihi erit unum illud præ aliis miraculis, de te scriptis, si me non in tuæ tumbæ, sed in cæli societatem æternam deducas morientem. Amen.

Sancti Gamaliel, Nicodeme, & Abidon, hodie translati.

S. Hermelle M.

Sancti omnes Martyres, quos Abenner occidit.

S. Aspren Ep. à S. Petro à morbo curate, qui juxta illum, quem à S. Petro didiceras, videndi modum sanctè vixisti.

S. Euphroni Episc.

S. Petre, Monachorum & Episcoporum exemplar.

S. Lydia purpuraria, à S. Paulo conversa.

Sanctæ Marana, & Cyra.

OMNES SANCTI, &c. pag. 4.

S. MARIA, cuius annulus Berusia, hoc die, ostenditur. Desponsa cor meum tibi: fac me fidelem, devotum sancto tuo Sponso Iosepho, & tibi, usque in finem!

S. MARIA, coram cuius imagine in muro picta per duos annos Neapolì Maurus quotidie lampadem accendebat, & idcirco tu illum hoc die amanter una cum S. Iosepho invisere dignata, hortata es, ut baptis-
mum, & Iosephi nomen susiperet, cumque obstinatus ille abnueret, tu illius humerum blandè tangens dixisti: Eja, ne ultrà relucteris. Inde illo repente muta-

tus exclamavit: Domina, posuisti ignem in corde meo: & à te instructus, ac de Societate IESV Patrem adire jussus, in baptismo Iosephi nomen accepit. Postea virò eidem (ita ut promiseras) cùm affigeretur, præseniem te sistens dixisti: Josephe patientiam habe; quibus ille verbis adeo recreatum sensit, ut dixerit, paradisum in cor suum immigrasse. Domina inflamma cor meum, ut paream iis, que mones, trabe vires affecto; ut paradiſus meus sit ardere amore Dei, & pati amore Dei ac tui!

4. Augusti. Prid. Non. Aug.

Sancte Dominice, quem, unà cum S. Francisco, pro mundi emendatione se habere MARIA, apud Filium dixit, ne mundus fulminaretur à Christo. In cuius fronte radians stella, cælestem te virum ostendebat; qui MARIÆ honorem sancto Rosario, quam maxime promovisti: qui te singulis noctibus ter; primò, pro tua ipsius salute; secundò, pro existentibus in mortali peccato; tertio, pro animabus purgatorii, flagellasti. Ora pro me, ut JESUM & MARIAM ita mihi sanctis artibus deviciam, ut sicut tu; cùm recitarentur illa verba. Subvenite Sancti Dei, occurrite Angeli! expirasti, JESU, MARIA, & Angelis te, cùm cantu in cœlum secum abducentibus; ita mihi tu singulariter cum Dei Sanctis & Angelis, & Sancta Sanctorum MARIA, subvenias expiranti. Amen,

B. Aristarche, S. Pauli concaptive, M.

S. Tertulline Presb. fustibus, ignis ad latera exstitione, oris quassatione, equulco, nervis, capitis amputatione, Martyr.

S. Eleu-

S. Eleutheri Senator, gladio cæse.

S. Ia, & sociæ cum novem millibus captivorum Christianorum, MM.

S. Protasi M.

S. Agapi Episc.

S. Euphroni Episc.

S. Perpetua, à S. Petro baptizata, quæ Africænum, virum tuum, & Nazarium filium, ad Christum convertisti.

OMNES SANCTI, &c. pag. 4.

S. MARIA, quæ S. Dominicum visa es, unà cum Filio tuo, alis candidis elevatum, in glorio throno ostendere. Protege me, subvehe me candidis alis tuis.

S. Augusti. Non. Aug.

SAncta MARIA Major ad Nives, quæ aspersa per noctem prodigiosis nivibus colle, hodie templi tui locum, à Joanne Patritio Romano tibi ponendi ostendisti: ad quod supplici genu adrepunt pii, ad tuam à S. Luca pictam imaginem, ad S. Matthiae Apostoli corpus, ad cunas JESU. Per omnes tibi illic, & ubivis, in cælo, & in terra, oblatos, & offrendos honores, oro te, Domina, ut sis mihi in mea morte MARIA, Domina, Patrona, Mater, Advocata. Nec ulla major mihi est pro æternitate necessitas, quam illi; nec ego, post JESUM, majorem habeo, cui necessitatem hanc commendem. Commendo ergo tibi mortem meam, & cum hac æternitatem meam, ut tecum sim semper, ô sancta MARIA, creaturis omnibus, post Deum major. Amen.

Sancti viginti tres Martyres, capite truncati.

S. Afra, S. Narcissi Episcopi, ante sumptum

ci-

cibum orantis, exemplo, ab impuritate ad Christum
& pudicitiam conversa; ideoque palo alligata, ma-
nente inter ignes in' negro tuo cadavere, viva per
ignem Martyr facta: quam aliae tuæ turpitudinis
olim, nunc martyrii sociæ sunt secutæ, dæmone, te
sibi erectam, quæsto, & negante, se ibi esse posse, ubi
caui as regnaret. atque attenua oratio.

S. Emygdi Episc. M.

S. Eusigni miles, centesimo decimo ætatis anno,
pro Christo, capite plexe.

S. Cantidi, Cantidiane, & Sobel, Martyres.

S. Memmi Ep. à S. Petro consecrate, qui fimbriâ
vestimenti S. Petri, mortuo itineris tui comiti ad-
motâ, illum ad vitam revocâsti.

B. Cassiane Episc. qui B. Germano, tuum tumu-
lum invisenti, & quid ageres? interroganti, sic re-
spondisti: Vivens in Christo, lequens de tumulo, dul-
ci pace, & quiete poror; & adventum Redemptoris ex-
pecto.

S. Paris Episc.

S. Oswalde Rex, Crucis virtute, de hoste victor,
qui sæpè aulæ tuæ ipse sacri Ecclesiastæ instar fui-
sti; submissione magnâ, & liberalitate in pauperes,
ac orandi assiduitate magnus; ad cuius sepulti ossa
columna lucis apparuit.

S. Joni M. præciso tuo capite, in manibus, ad
tria milliaria deportato, splendore, odoribusque
cælestibus gloriose.

S. Nonna, B. Gregorii Nazianzeni mater.

OMNES SANCTI, &c. pag. 4.

S. MARIA Major, nivibus mirabilis; ac tuâ à S.
Luca pictâ, imagine, Christique præsepio, amabilis: in
Pars II.

enius templo, S. Gregorio, Pax Domini sit semper vobiscum! in Missa ducenti, Angeli, Et cum spiritu tuo, respondere. O solo DEO minor, Domina, dealba me super nivem; fac, ut te infra solam DEum astinem, Namem super alia omnia, ita, ut mereri!

S. MARIA, cuius festum descensionis in Cisterciense cœnobium, hoc die, celebratur, descendere in cor meum, & dispone ascensiones in corde meo usque ad celum!

6. Augusti. 8. Idus Aug.

Transfigurate JESU, æternitatis gloriose Rex, Fili, in quo sibi behè complacuit DEus Pater. Pulcherrime JESU, facie, ut Sol; vestimentis, ut candida nix. Miserere mei, vivorum, & mortuorum, salvandorum, & damnandorum sancte Judex ut, depositâ veteri figurâ, resurgens hoc corpori configuretur corpori claritatis tuæ, videamque unâ cum Petro, Joanne, Jacobo, gloriam æternam transfigurationis tuæ, & experiar, quâm sit mihi bonum, me ibi esse, ubi tu es. Amen.

B. Sixte secunde, Papa M.

SS. Felicissime, Agapite, Januari, Magne, Vincenti, Stephane, & Quarte, decollati.

Sancti Juste, & Pastor, pueri, fratres, qui scholis ultrò ad martyrium convolâstis, qui fustibus cæsi, cum vos mutuò, ad operandam generosè pro æterno Christo mortem, exhortareminis jugulati estis.

S. Hormisda Papa.

S. Jacobus Eremita, miraculis clare.

S. Chremes, qui ut Rogerio in Sicilia comi-

Sar-

Saracenos persecuto, manus offerres, feras, è silvis evocatas, ad eum, pro annonā militum esurientium, duxisti: qui à tepidis, eoq; refractariolis, quibusdam tuis discipulis, disciplinæ tædio ac odio, de rupi dejectus, tuum velligium illic saxo divinitus impressisti, atque ab Angelis, ad montis radicem, incolumis es collocatus. Inde ad tuos, admiratione attonitos, fasce lignorum onustus, tranquillō erga omnes animō rediissi. Post mortem verò, è loco, in quo conditus es, scons aquæ, febri quartanæ tollendæ, plurimis salutaris erupit. Arce à me tædum, naufragia, seu tempestris, in rebus DEI.

OMNES SANCTI, &c. pag. 4.

S. MARIA Schemienfis, que hodie Religiosam Carthusianam, tum ab alijs, tum à paralysi, repente curasti. Fac me agitem, expeditum, promptum corpore, & animo ad obsequia tua!

7. Augusti. 7. Idus Aug.

S Ancte Alberte, MARIE sacer ex utero, quem nascientem lux prævit; qui civibus, & fame, & obsidione pressis, tres triremes, cælestibus remigibus instructas, impetrâsti; aquas calcâssi siccus; dæmonem fugâsti: qui è tuis quendam, in DEiparæ cultu tepidum, & jam in turpe scelus præcipite, à fredo illo dæmone, ac scelere cõercuisti: cuius mors campanarū sono spontaneo mirabilis; At Angelorum cantu mirabilior, qui Sacrum: Os justi, &c. tanquam sancto Confessori, tibi, loco Requiem, &c. canere incepere. S. Alberte, accende me; ne pataris me esse tepidum in amore DEI, ac Matris DEI:

ora ut sicut te, post nativitatem tuam, ad MARIA
aram stitere, quasi sacram victimam, parentes tui;
ita tu, cum MARIA, & Angelis, tuis musicis, ani-
mam meam, post mortem meam, listas ad æternum
altare Dei, hostiam æternitati sanctæ æternæ. Amen.
S. Donat Episc. Martyrum fili, gladio per-
cussæ M.

S. Juvenalis Ep. M. qui, tūm adhuc vivus, iis,
qui in mari periclitabantur, apparuisti orans, ac
tempestatem tranquillans, dicensque: Ego sum Ju-
venalis Episcopus Nariensis; reddite Deo graias.

S. Euphemia V. M. cuius sepulchrum hæ voceſ,
è cælo auditæ indicarunt: *Hic jaceſ corpus S. Eu-
phemie V. M.* cuius aurei annuli tactu febres fu-
gantur.

B. Joannes Sahaguntine, ad eujus sepulchrum
ægri sanabantur, cùm terram, ubi jaces, contin-
gerent: cuius tumulus odore mirabili fragravit:
cuius sepulchrum ingressus surdus & mutus, in-
geito auribus ori pulvere, audire ac loqui cœpit;
puer, à rota illum supergressa confractus, confe-
stum convaluit; aliis cæcus ibidem visum recepit,
cumque illum peteret amittere (si oculorum usus
illi damnationis causa futurus esset) illicò iterum
cæcus est factus. Impetra mihi cæcitatem san-
ctam & verum lumen.

S. Hilarine M.

S. Fauste miles, M.

Sancti Petre & Julianæ, cum aliis octodecim,
MM.

SS. Carpophore, Exanthe, Cassi, Severine, Se-
cunde, & Licini, capite truncati, Martyres.

S. Do

S. Dometi, cum duobus discipulis, lapidate M.

S. Victrici miles, quem, post alia tormenta, ferire volens carnifex, excæcatus est; cuius ultrò disceptæ catenæ omnes; qui postea Episcopus, Christo gentes indomitas domuisti.

S. Domitiane Episc.

B. Cajetane Thienæe, Clericorum Regularium Fundator.

OMNES SANCTI, &c. pag. 4.

S. MARIA, quam bis oratione Angelica salutans
 S. Albertus, mortuus est, ab Angelis auro fulgentibus, atque canentibus, honoratus. Doce me, ita nunc
 salutare te verbis illis Angelis, prout tunc facerem,
 si scirem, me, illus expletus, illico moriturum!

8. Augusti. 6. Idus Aug.

S. Ancte Cyriace, dæmonum triumphator; qui filiâ Regis Persarum à dæmone liberatâ, Regem, & quadringentos ac triginta alios, baptizâsti: qui Romæ postmodùm pice liquatâ perfusus, & in casta extensus, demum cum Largo, & Smaragdo, aiiisque viginti, securi percussus es. Orate pro me! Clamet sudor & sanguis vester pro me; ut in hora mortis meæ non moriar, sed vivam. Separetur anima à corpore in tempore, quæ mors est; sed conjugatur cum DEO in æternitate, quæ vita æterna est. Amen.

S. Sisinni, S. Cyriaci socie, feris objecte, M. quem Apronianus cælesti splendore circumdatum vidit, & cælestem vocem audiit: Venite Benedicti Patris mei, percipite regnum; quod vobis paratum est ab origine

mundi! & conversus, capite plexus est, Martyr.

S. Marine M.

Sancti Eleutheri & Leonides, per ignem Martires.

S. Hormisda, Martyr.

S. Æmiliane Ep. exul.

S. Miro Episc. qui draconem orando ejecisti;
aquaſ fluminis obedientes habuisti; ac eò ſemper
plus habens, quò plus dabas pauperibus, anno
ætatis propè centesimo, beatè decessisti.

S. Severe, magne animarum Apostole.

OMNES SANCTI, &c. pag. 4.

S. MARIA, cuius, inter quindecim auxiliatores
prima, festum hodie celebratur. Auxiliare mihi, cum
Sanctis tuis, eo modo, & tunc, quando, & quomodo
mox indigabo; & fac, ne me auxilio tuo reddam indi-
gnum!

9. Auguſti. 5. Idus Aug.

Sancti Firme & Rustice, in carcere ab Angelis
cibati; & post flagella, testarumq; cruciatum,
gladio cæsi, & ab Angelis sepulti. Orate pro me,
Sancti mei, non de sepultura mea, ſed de morte mea
ſolicito. Orate, ut mortis meæ curam, unā vobif-
cum, ſuſcipiant Angeli lucis, contra Angelos tene-
brarum æternarum. Pafcant me boni Angeli, in
hoc carcere, cibo, qui non perit, ne peream, pro-
jectus in carcerem tenebrarum, famis, & ſitis, ac
ſtridoris dentium, ſed ad æternitatem lucis, & fa-
tietatis, ac beatitatis hinc educar ad DEum, qui
unus, & lux, & libertas, & fatietas, & bonorum o-
mnium ſummuſ, unum, verum bonum eſt. Amen.

S. Re-

S. Romane miles, qui, viso palcherrimo Ange-
lo, S. Laurentii sanguinem, è vulneribus defluen-
tem, abstergente, imploratà S. Laurentii ope, ab
eodem baptizatus, & Christianum te clamans, fu-
stibus cæsus, & capite truncatus es.

S. Secundiane, qui per sancta cum S. Marcelli-
no colloquia, & per Martyrum exempla, conver-
sus; accedente ad id vobiscum quærendum, quod
æternum est, Veriano amico, omnes tres baptiza-
ti, fustibus cæsi, contrito divinâ vi idolo, in equi-
leum sublati, unguis rasi, flammis tosti, carnifice
uno, morte repentinâ concidente, aliis à dæmoni-
correptis, vosque sanctos clamantibus, capite cæ-
si estis.

Omnes sancti Martyres, qui, hortante vos S.
Numidico, in ignem pro Christo coniecti estis.

S. Numidice, quem rogo licet injectum, & la-
pidatum, effossum tamen filia reperit semivivum,
& curavit.

Sancti Julianæ, Marciane, & alii octo, propter
Salvatoris imaginem, post multa tormenta, gla-
dio necati.

S. Domitiane Episc.

S. Maurili Episc. qui, cùm sepelireris, à mortuis
resurrexisti, atque dixisti; Attenti animi estote, ul-
tima pastoris vestri verba excipientes, & mira de
cælo visa narrâsti, simul fassus; te peccata quædam,
quæ minima esse opinabar, expiare horrendo aspe-
ctu dæmonum debuisse, iterumque in pace obdor-
mivisti. Excita me, ut vigil attendam ad fugienda
etiam minima, quæ displicant DEO meo.

OMNES SANCTI, &c., pag. 4.

S. MARIA, cuius imago fide supplicem Anatolium
est aversata; illis, qui illam iratam videant, stupen-
tibus. Fac me dignum misericordia tua; ne me ab-
sicias!

10. Augusti. 4. Idus Aug.

Sancte Laurenti, qui dispersis in thesauros cæle-
stes, id est, in pauperes, Ecclesiæ facultatibus,
scorpionibus, & plumbatis cæsus, cælesti voce ad
majora animatus; craticulæ impositus, cum assa-
reris, *Gratias tibi, ajebas, Domine; quia janua tuas*
n̄gredi merui! ac tandem in ferreo & igneo illo le-
ctulo, generosissimum spiritum exhalasti: qui S.
Stephani Protomartyris, tuo sepulchro inferendi,
corpori, locum in tumulo, te removens, vacuum
præparasti: *Urbani Hispani Laurentij nomine id-*
circò donatus, & jam in eodem loculo, unà cum
Stephano, felicem æternitatis tubam expectas. Para
in cælo miseræ huie meæ animæ locum nunc; po-
stea verò etiam corpori. Accende me tuo illo igne!
Jacebo & ego in lecto ultimo, qui me valdè uret, de
æternitate sollicitum. Tu ora, gloriose Juvenis, ne
me degenerem reperiat DEus Pater, ut ita in le-
ctulō illo obdormiam, ut mortem meam non se-
quatur æterna mors, & nox; ut mea rex, sicut & tua,
obscurum non habeat, sed omnia æternitatis luce clare-
scat mihi, januas DEi ingresso. Amen.

Sancti centum sexaginta quinque milites, Mar-
tyres.

S. Asteria V. Martyr.

Omnes sancti Martyres Alexandrini.

San-

Sanctæ Bassæ, Paula, & Agathonica Virgines,
Martyres.

S. Deusdedit, qui, quod in hebdomada manibus
tuis operando lucrabaris, die Sabbati pauperibus
erogabas; ideoque cælestè quoddam palatum ti-
bi diebus Sabbati ædificari ostensum est.

S. Polychroni, qui, dum os tuum lapidibus con-
tunderetur, expirâsti.

S. Parmeni, præcisa lingua locute, &, nna cum
aliis S. Polychroni sociis, decollate Martyr.

S. Hugo Episc. qui cùm aliàs, tum verò vel ma-
ximè attentè divinum Officium recitâsti, cum tuis
dixisti: *Horas, qua supersunt, quas debemus Domino,*
persolvamus; quoniam finitis Horis, statim requiescam;
& finitis illis requievisti in pace.

OMNES SANCTI, &c. pag. 4.

S. MARIA, *qua hodie cum S. Michaële Archan-*
gel, & S. Bernardo, apparuisti, ac templum, tuulo
Nostræ Dominæ de Gratia, ædificari præcepisti. Da
miki Michælem & Bernardum protectores, & ipsa
me protege; ut in me gratia DEI vacua non sit.

11. Augusti. 3. Idus Aug.

CHRISTE spinis coronate, eujus coronæ spineæ
festum, hoc die, apud Cistercienses celebra-
tur: corona me in misericordia, & miserationi-
bus æternis!

S. Tiburti, qui, cùm per stratum prunis arden-
tibus pavimentum, signo Crucis munitus, nu-
dipes inambulares, ajebas: *Pruna miki floris viden-*
tur; ac tandem gladio percussus es. Ora pro me,

ut ita flores mihi omnia, quæ patior, videantur; ut per singularem, ac DEI voluntati, & cordi, omni ex parte concordem patientiam, mihi ultimum vitæ lectulum sternam: & mors mea verè floridam, non spineam, vel igneam, mihi paret æternitatem. Amen.

S. Susanna V. prosapiâ, plurimum conversione, gloria Martyr.

S. Alexander, è disertissimo Philosopho Episcope, per ignem Martyr.

SS. Rufine Episc. & socii MM.

S. Taurine Episc. laboribus, & miraculis illustris.

S. Gaugerice Episc. qui precibus tuis effecisti, ut vinceti in carcere ab Angelo liberarentur; magna alias crebrò captivorum in libertatem, per miracula, assertor, ægrorum curator.

S. Equiti Abba.

S. Digna Virgo.

OMNES SANCTI, &c. pag. 4.

S. MARIA, quæ apud Senonas cum Angelis conspiciebas, & noxiō igne grassante audita est vox: Qui non vult mori, properet ad templum Matris DEi. Extingue in me omnem ignem noxiū: protege me ab eterno!

12. Augsti. Pridie Idus Aug.

S. Ancta Clara, quæ, civitate ab hoste oppressâ, orans, à Christo, è sanctissimo Sacramento, audiisti: Ego vos semper custodiam; ita hostem tunc, alias verò & morbos, & dæmones, fugâsti orando: quæ Chri-

Christum, nunc nascentem, . nunc morientem, amantissimis oculis spectasti: quæ moriens à Pontifice, imo à Christo ipso; & Christi Matre, cum choro Virginum, veniente visitata, abiisti ad æternitatem. Ora JESUM & MARIAM; ut me semper, sed in morte maximè, custodian. Tunc precibus tuis dæmonem à me fuga; & omnibus, quas tecum in cælo habes, filiabus tuis abiturientem hinc animam meam commenda; ut habeat hinc illuc ad vos felix iter. Amen.

S. Eupli Diacone, qui sæpius dirè tortus, Christianum te esse clamasti, semper orans, & appenso ad collū Evangelio, illud ingeminans *Gratias Christo Deo!* post prolixam orationem, jugulum præbuisti.

S. Hilaria, beatæ Afræ mater, ad filiæ sepulchrum excubans, cum Digna, Euprepia, & Eunomiā ancillis tuis, combusta, M.

Sancti Quiriace, Largio, Crescentiane, Nimmia & Julianæ, cum aliis viginti, Martyres.

SS. Macari & Julianæ, MM.

SS. Anicete Comes, & Photine, fratres, cum aliis pluribus, MM.

S. Graciliane M. qui lecto Evangelii libro conversus, præter alios, etiam S. Felicissimæ V. corporis & animi oculos illuminasti; & post mortem gladio acceptam, unâ cum illa, & duobus juvenibus, niveo candore conspicuis, apparens, mæstos parentes blandè solatus, eos Christo adjunxisti, illumina & me, ac da totum DEO.

S. Felicissima V. Martyr.

S. Porcari Abbâ, & quingenti monachi, profide, à barbaris cæsi, voce de cælo auditâ: *Venite benedicti,*

dicti, percipite regnum, vobis ab initio preparatum! quorum animæ, stellarum instar splendidæ, conspectæ sunt in cælum cum Angelis evolare à S. Columbo, qui sic accensus, & ipse factus est Martyr.

S. Herculane Episc. in cuius sinu, cùm puer pauperibus eleemosynas ferres, pater vidit panem in pretiosos lapillos esse conversum.

S. Eusebi Episc. qui fractum calicem crystallinum oratione refecisti.

OMNES SANCTI, &c. pag. 4.

S. MARIA, quæ S. Claræ morienti, auguste coronata, conspecta es cum choro Virginum, stolis & coronis fulgentium, & ejus lectulum pretioso palio tegentium; Vise me, iurava me, tege me morientem, ut tecum vivam!

13. Augusti. Idibus Aug.

Sancta Radegundis, Regina monialis, ancilla pauperum, quæ tergeminam catenam ferream carni adeò applicuisti, ut adnaseeretur; quæ crucifixum Christū cordi, effigiem carni, inussisti; quam Christus, palam tibi visus, pretiosum tuæ coronæ unionem vocavit; cuius anima statim è corpore inferri visa est cælo; & cilicij tui contactu, infans à morte ad vitam est revocatus. Jam Regina verè regnans. Sim, quæso, & ego, si non unio in corona JESU, certè sub corona JESU, non delicatus miles: ut ne putrida hæc caro animæ obicem ponat in virtute, in æternitate; sed crucifixi JESU, & corpore, & animo amantissimus, moriens ad mortui prome crucifixi JESU regnum inducat. Amen.

S. Hip.

S. Hippolyte, qui pedibus ad colla indomitorum equorum alligatus, per spineta, tribulos tractus, è lacerrimo corpore animam integerrimam exhalasti.

S. Concordia, ejus nutrix, plumbatis cæsa usq; ad mortem.

Sancta S. Hippolyti familia, tota gladio Martyr.

S. Cassiane, qui à tyranno pueris, quos docueras, traditus laniandus, oculos, caput, & corpus omne stylis acutissimis confixus per minuta, sed crebra, vulnera felicem animam exhalasti, Martyr.

S. Cassiane Episc. M.

Sanctæ Centolla & Helena, MM.

S. Maxime, vir docto DEi zelo plene; qui præcisis, pro Catholica fide, manibus, ac lingua, exul, extinctus es; teque duo Anastasij, tui discipuli, ac plures sunt secuti.

S. Laudulphe Ep. qui concentus Angelicos sæpe audisti; & revelatum tibi S. Taurini corpus, columnæ splendide indicio, reperisti.

S. Wigberte.

OMNES SANCTI, &c. pag. 4.

S. MARIA, cui, hodie morienti, ferunt palmam à Sancto Gabriele Archangelo esse allatam. O pretiosissimæ morientæ DEI Mater! Tu in morte meæ sis palma supremæ victoria mea.

14. Augusti. 19. Kal. Sept.

Batissime Stanislæ Kostka, quem utero gerens pia mater, in pectore descriptum sibi habere videbatur splendens in radiis JESU nomen, qui

Viennæ, DEiparæ ac S. Barbaræ Sodalis parvulus, maximo studio nitebaris, ut DEo quam maximè plateres; visus aliquando inter orandum etiam corpore à terra sublimis, in quem ægrum dæmon, prægrandis molossi specie, insiliens, à te signo Crucis rejectus, ac vinctus est; postea præsente sanctâ tuâ Barbarâ, tibi panem Angelorum duo Angeli porrèxere: demum & MARIA Mater amabilis, DEum JESUM, Parvulum infinitè amabilem, in castissimo tuo lectulo collocavit, ac unâ tibi sanitatem, & Societatis JESU ineundæ consilium dedit: ad quam Roma à B. Francisco Borgia admissus, cùm aliquando à calore ignis, in corde absconditi, æstuares, interroganti te causam Magistro, in hæc verba respondisti: *Vror, uror totus ab igne divini amoris*, qui, inter sancta cum sociis colloquia, certamen iniisti, quis MARIAM, titulis magis magnificis, & teneris honoraret: cui ad DEum, ad Matrem MARIAM, filiali & Angelico ore oranti; ipsum etiam cum ore orans cor, temperandis frigida intus ignibus æstuabat: qui moriens morientis JESU, ac MARIÆ iconem complexus, inter sancta oscula, & duo illa nomina, tenerrimosq; altissimi amoris actus, æternitati sanctæ insertus es, nocte Assumptæ Virginis DEi Matris: & persæpè conspectus in gloria, cum eâdem DEi Matre, ac aliâs, tuis clientibus, à morbo, carne, bello, varia animi ægritudine, tentatis auxiliator præsentissimus adfueristi. Adesto & mihi: & communire dignare ultimum agonis mei lectulum tot illis tui lecti auxiliis. Adesto mihi cum JESU, MARIA, Barbara, morientium advocata, sanctis Angelis. Impossibile est me damari

nari sub tot auxiliis! Age ergò, ut in tuo & illorum sinu spiritum ponam felix. Amen.

S. Eusebi Presb. qui ob fidei Catholicæ defensionem, in quodam domū tuæ cubiculo, septem menses orando inclusus, obdormisti in Domino.

S. Ursici M. post varia tormenta, gladio cæse.

S. Demetri M.

S. Marcelle Episc. M.

S. Calliste Episc. M. cuius aspernum cilicium odore suavissimo, post mortem tuam redolens est repertum.

S. Laurenti M. qui cœnobium tibi dedicatum perambulare, & quosdam, parùm religiosè viventes, virgâ percutere visus es; lacrymatâ deinde ibidem imagine Crucifixi: rogatus verò à quodam Religioso, ad quid venisses? respondisti: O Frater! venio iterum assari.

S. Athanasia, quæ marito cœnobium persuasi-
fli; & ipsa Christo velata, facta es magistra virtutis, verbo & patientia, abstinentia, aliarumq; virtutum exemplō; postea dæmoniacorum, hydropicorum, & aliorum miserorum curationibus celebra-ta.

S. Werenfride, Apostolici spiritus vir, ægrorum medice, divinitus date.

S. Athanasia Vidua, in cuius tunc parvulæ, ac telam extendentis, pectus, visa est splendida è cælo stella descendere: illumina labores meos.

OMNES SANCTI, &c. pag. 4.

S. MARIA, quæ ei, qui hac tuæ mortis nocte Roma-vitā finivit, B. Stanislao tuo, jam olim Vienna Austria] E-SUM

SUM parvulum in sinum, sanitatem, & simul consilium de ineunda Filij tui societate dedisti. Da mihi JESUM nunc, & in hora mortis meæ, qui me faciat tuus consilijs obedire!

S. MARIA, que hoc die, oranti S. Mechtildi apparuisti, & dixisti; te, cum orares, inestimabili desiderio laudandi DEum, & gratias agendi accensum, supervenisse novum ardorem amoris Divini, excitantem in te ineffabile desiderium videndi ipsum, in mortuali letulo decumbenti, Seraphimi ibi amorem ministrabant, ignem illum divinum in te magis ac magis accendentes, & ibi deambulare visi. Eifice, ut mihi quoque seraphini ministrent, nunc, & in hora mortis meæ, ignem illum, qui vehementissimum DEI amore, ac desiderium in me accendat!

S. MARIA, ad cujus primas Vesperas de Assumptione tua canendas hoc die à mortuis surrexerunt quadraginta Cistercienses in Magensi Hibernie monasterio, quos in fidei Catholica odium trucidarant heretici: & repositis in locum suum (qua amputata erant) capitibus, palmis aureisque coronis illustres, totas tuas Vesperas voce, ac pietate Angelicâ cecinerunt; ac post illas, iterum requieverunt in pace. Doce me, Domina, ita orare, quemadmodum orarem si à morte ad vitam redux, huc tantisper è calo reverterer ad ordinum; & si scirem, me cum oratione vitam finitum, atq; ad videndum, amandumq; DEum, in celum illico rediurum.

15. Augusti. 18. Kal. Sept.

Gloriosissima cælorum, ac terrarum, Sanctorum & Sanctarum omnium, hodie in cælum sum-

sumpta Imperatrix MARIA, DEi Patris Filia, DEi
Fili Mater, DEi Spiritus sancti Sponsa, hodie cor-
ronata. Gratulor totus gratiae tuæ tantæ, gloriæ
tantæ: & sacrosanctæ Trinitati gratias omnes,
quas possum, ago pro amore, pro honore, quo te or-
navit, fecitq; te gloriam æternitatis nostræ, æternū
splendorem gloriæ nostræ, magnetem, per quem ad
se corda traheret, quæ creavit. Per sacrosanctam, &
divinissimi amoris plenissimam mortem tuam, glo-
riam tuam, per majestatem divinæ maternitatis
tuæ, per amorem, quo Dei, Deoque amantissima
fueristi, crisque in sempiternum, sit tibi cordi vita,
mors, æternitas mea! Assume misellam hanc ancil-
lam tuam, & ad æternitatis nomen trepidam, ani-
mam meam; ut in morte à corde meo abeat ad te,
itinere sancto! Quicquid ad Dei, vel tuum, cultum
pertinens, ulli uspiam libri continent sanctum, quic-
quid unquam in cælo, & in terra, pro Dei, pro tua
gloria gestum est, geritur, ac gerefur; affectus, &
amores, ac honores omnes approbo, de illis gaudeo,
illosque per te offero DEo meo, desiderans te eo-
dem, & omni alio meliore modo colere, quicquid
uspiam factum est mali doleo. Cupio Deum, & te.
modis omnibus amare, colere, quicunque vel cogi-
tatione ulla, vel ullo libro expressi sunt. Utinam &
nunc, & in æternum, omnibus omnium creatura-
rum optiniis, & maximis honoribus, & amoribus
Deum meum amem tecum, omnes illos actus Deo,
per te, perfectissime offeram; & in pretiosissimo
altissimi erga Deum amoris actu, corde humillimo,
emoriar, & postea æternem tecum. O Virginum
opti-

optima, ô Matrum maxima, sis mihi Mater pulchræ dilectionis, ac dulcissima tessera felicissimæ prædestinationis. Amen.

S. Stephane Rex, Ungariæ Apostole, hodie novo tuo Ungariæ regno mortue, regno cælorum nate.

S. Tharsici, fustibus, & lapidibus occise Martyr, sanctissimo Sacramento, quod ad ægrum ferebas, disprente, ne contaminaretur.

S. Arduine, inter urticas castissimè volutate; ut turpes carnis calores extingveres.

S. Limbiana V. quæ carnem ferreo pectine lacerabas; & in cubiculo, divinâ luce splendido, flexis genibus, erectâ cervice, porrectis in altum manibus, exanimis es reperta.

S. Alippi Episc. charissime S. Augustini discipule.

S. Arnulphe Episc. beneficentiâ, oratione, apparitionibus, miraculis clare; cui ante mortem apparenſ S. Petrus, S. Michaël, denique Beatissima Virgo, de peccatis veniam, felix ad cælum iter, & cœmeatum promiserunt.

OMNES SANCTI, &c. pag. 4.

S. MARIA, cui hodie in celos assumptæ, hodie moriens S. Stephanus Rex Vngariam suam testamento dedit, ut illa esset familia tua, aula, cliens, filia, tuilli Materfamilias. Regina, Patrona, Mater! Ecce me do totum tibi! dignare me accipere; posside me in aeternum: assume me ad te!

S. MARIA, qua, hoc die, te S. Gertrudi ostendisti: in veste aureis floribui per insigni; quorum florum aliis pra alio eo magis minusve oculos recrebat, quò major vel minor fuit orantium eo die amer atque atten-

attentio, Angeli autem ad te adducebant animas, que se ad hoc tuum festum accuratiūs prepararunt, sub pallium verò tuum quadam varij generis bestiola accurrebant, symbola, sub tuum præsidium confugientium peccatorum: de qua hoc die canere auditus in calo est ipse IESVS: Ista est speciosa; Spiritu Sancto cor ejus permovente. Visi etiam sunt in prato flores, amoenissimo splendore, tanquam hilares, tua gloria gratulari; te interea canente, Gaudens gaudebo in Domino! discentibus celi civibus: Beata es, Virgo MARIA! ecce exaltata es: **G**audia tecum, Te DEum laudamus, canentibus. Qua hoc die animas ad sacram synaxim accedentes visa es florido tuo pallio tegere, ac Filio tuo dicere: Respic hanc dulcissime Fili! Christo tuis preciōs amantissimè annuente. Qua ad imitationem tui omnes, festo huic tuo celebrando, praesentes invitans, omnes lilio candidissimo, veluti sceptro grata, tetigisti; **G**audia super omnes dilecti Fili tui dextera, visa es benedicere cœtui universo. Benedic cordi meo, ut tecum ascendat!

S. MARIA, in cuius morte Joannes tuus dolenter videns, se n̄ te avelli, te instar charissimi ac pretiosissimi muneris, obtulit DEO. Vnde S. Mechtildis illum orabat, sibi per eum à DEO gratiam impetrari, ut vellet omnia pro Christi amore respuere, ut DEum posset toto corde diligere: Ille verò quantum thesaurum in te perderet, innuens dixit: Ego ex verbis Matris Domini mei tantum habui consolationis, ut nunquam verbum ex illa audiverim, unde speciale gaudium non sentirem. Loquere Dominā, loquere cordi meo; ut audiat ignitum eloquium tuum vehementer!

S. MA-

S. MARIA, cuius morientis & assumptæ delicias, Mechtildi ostendit DEus, quando illa vidit, quomodo humillimum cor tuum idem DEus torrente divinitatis sua impletuerit, quomodo anima tua evolans, super cor Filij tui quieverit, ab ipso aeterni Patris corde suscepta: & Seraphici spiritus, à calore charitatis tuæ, amplius in charitates sunt accessi, DEus verò in corde tuo delectari videbatur. Fac, ut sciam; fac, ut velim DEum totis viribus dilectare!

Cui hoc eodem die, cum Salve Regina caneretur, dixit S. Mechtildis: Utinam omnium creaturarum corda in potestate haberem, ut ex affectu, & viribus omnium, te, dulcissima, salutarem! & iusta est à te, super cor IESV quiescere, ac te, per cor JESU diligentissime salutare. Dignare me laudare te, amare te, salutare te cordibus omnium te summè amantium!

Quæ cuidam, pro cuius felici agone te orabat S. Mechtildis, nun iasit: Orabit me per fervorem, quo anima mea in DEum, velut scintillula in ignem suum, revolabit ejusq; divino cordi, velut pennula attracta, adhæsit; ut anima ejus ferventi amore succendatur: ut in hora mortis, ab omni impedimento libera, feliciter in DEum valeat evolare. Ego enim illi, & omnibus, qui mihi deserviunt, in extremis volo adstare. Oro te, Domina, oro te per illum fervorem, per illum amorem animæ tuae, velut scintillula, in DEum ignem suum, infinitè infinitum, evolantis: ut animam meam nunc. & in hora mortis meæ, summo illo DEL amore accendas; & illi ad sis migranti ad eternitatem!

Quæ, spectante id Mechtilde, cuidam tuis gaudij gra-

gratulanti monile utque consilium dedisti, ut tibi gratularetur de gaudio, quod habebas in amore SSS. Trinitatis, te diligentis, diligentis & sibi in omni obsequio, Christo in terris exhibito, comolacentis: item de gaudio, quod habuisti in immensitate delicati amoris, quo te Filius tuus accepit, decantans mihi (ut aiebas) altissimum & suavissimum amoris canticum præsuavissimæ vocis suæ; de gaudio, quod in DEi osculo in celo habuisti, quando melliflui facti sunt cæli, (ut aiebas) ita ut nullus in terris tam miser, aut malus sit; quin ei ex mea plenitudine, si tamen desideret, valeam impartire. Desidero, Domina, & desidero magis desiderare, quam desiderem, ut me iuves, ut concupiscam desiderare DEum, & quicquid vult, ut desiderem, DEus meus!

Qua, hoc die, in celo, mensa a sidere conspecta es, cum omnibus, hoc die SS. Eucharistia Sacramento refestis: ac visa es cum Christo, S. Ioanne Baptista, & Evangelista, supplicationem hoc die celebrare, omnibus Sanctis DEO Sanctus, sanctus, sanctus, canentibus, ac voce tua voces omnium supergressa. Doce me bene vesti esca illa celesti, & me rotum, unam tecum, lardando ac amando DEo impendere!

S. MARIA Zyrovicensis, cuius festum in Lituania hoc die celebratur, quam in silva, in arbore pyro, sine fulcro pendentem, lux prodidit, qua inde oblata, eodem sponte tua rediisti; postea, igne omnia circumdeposito, illata. Qua quibus tam, heresi, alijs gravi quopiam peccato, infectis, visa es velasti tenebroso quopiam velo obducta, cum tamen iisdem, dum post rite obita penitentia ac Eucharistia Sacramenta, te aspicerent, pulchra & amœna esses. Dele, Domina, dele quicquid
in

in me displicet oculis tuis; quicquid potest tenebras effundere oculis cordis mei!

16. Augusti. 17. Kal. Sept.

Sancte Roche, qui lue afflitorum factus pro Christo servus, eorum plures Crucem sanasti, & ipse, a sagittæ vulnere, in coxa curatus ab Angelo es; cui canis in dies singulos panem pro annona dedit; quinque annis detentus in carcere, epidemicâ luci infectus postea decessisti felix: ad cuius mortui latuta tabella repertâ est, in qua hæc: *Peste laborantes, ad Rochi patrocinium confugientes, contagionem illam atrocissimam evasuros significo.* S. Roche, animi, vel maximè, peste me libera. Adesto mihi morienti tu, & Angelus tuus; ut illo morbo, morte illâ, tunc, & ibi moriar, ubi, & quando gloria suæ, ac æternitati meæ, quam optimum fore sci Deus meus. Amen.

S. Hyacinthe, maxime MARIAE fili, virginitate, abstinentiâ, longâ, ferventiq, oratione, charitate, corporis afflictione, zelo DEi spectatissime verbis tandem illis immortue: *In manus tuas, Domine, commendabo spiritus meum!*

S. Tite Martyr.

S. Diomedes medice, gladio tæse, Martyr.
Sancti triginta tres Martyres.

S. Ambrosi centurio, per ignem illæse, per aquam Martyr.

S. Simpliciane Ep.

S. Eleutheri Ep.

S. Arsaci, qui virtutibus, ac prophetâ claru-
ingens

ingentem draconem interemisti orando, ac etiam
inter orandum spiritum exhalasti.

S. Serena, Diocletiani Augusti uxor.

OMNES SANCTI, &c. pag. 4.

S. MARIA, quæ à S. Hyacintho tuo visa, dixisti:
Quicquid à Filio meo per me petieris, impetrabis.
Per te à filio tuo peto aeternum & constantem amorem
DEI, peto felicem mortem. Doce me ut petere, ut
impetrem!

17. Augusti. 16. Kal. Sept.

SANCTE Joannes, (postea Eliæ junioris nomine
appellate) qui nobilitatem tuam ingenti virtute
nobilitasti. Qui divinis legendis addictus, quædam
exercebas, & assidue animo volvebas, cui divini-
tus dictum est per quietem: Oportet, Joannes, te
captivum in Africam abduci; ut multos ibi in vir-
tutis viam dirigas: id, quod ubi factum est, magna
ibi pro DEi amore patrasti. Tum invisus, à S. Ana-
nia, Christi discipulo, animatus, scemnam impudi-
cam, tibi flagitium offerentem, castissimâ victoriâ
superasti, Hierosolymis deinde peregrinus, ab Elia
Patriarcha, in cœnobia, ad cœlestia eruditus, vatici-
niis clarus, & magnus virtutis magister factus, Da-
nieli discipulo tuo, qui jussu tuo elegantem psalterii
librum in lacum projecerat, ac ab aquis nil omnino
passum receperat, dixisti: Obedientia codicem ser-
vavit immunem. Inculcavas tuis: paupertatem sum-
mo studio complecti eos debere; ne forte eos rideat
cœlestes illæ mentes. Qui à SS. Petro & Paulo Apo-
stolis Romam proficiisci, cum Daniele discipulo
tuo,

tuo, jussus, ab iisdem Romæ splendidis vestibus indui, unà cum discipulo tuo, es visus. Qui absens matris tuæ mortem, & gloriam cælitùs didicisti, qui Constantino cuidam arthritico dixisti: Fieri non potest, ut ab eo malo aliquando emergas, nisi prius e flagitorum cæno emerseris, & de gulâ, gulæque ancillâ luxuriâ monitari, ab articulorum cruciatis personâsti. Pro Basilio quodam in Africâ captivo, orâsti, ei apparuisti, & in patriam redire jussum liberâsti; clausum per quinque menses cælum, oratione, in pluvias effudisti: fluvium sicco pede transisti; fontem precibus eliciuisti: orans conspectus es igne, ac lumine circumfundi. Cujus corpus post decem menses effossum, integrum & fragrans repertum est; & energumenus adolescens liberatus ibi est à dæmone, qui eum cogebat sordes proprias devorare. Talibus deliciis pascit suos dæmon. Ora tu pro me, ut omnia arbitrer ut stercore, ut Christum lucri faciam, indue me splendida & cælesti veste divini amoris, qui mihi nuptialem vestem paret, pro cænâ nuptiarum Agni, in convivio beatorum. Amen.

B. Clara de monte Falcone, cui è MARIAE Matris sinu dulce osculum dedit Parvulus JESUS; à quâ locum in corde sancto petebat Cruce & Sponsi habitu splendide vestitus JEsus; cui agnelli specie colludebat JEsus; quæ moriens apparenti tibi Angelo, dixisti: *Angele Dei, nuntia sanctissima Virginis, ut me in celestes sedes recipiat: cujus cordi suæ mortis mysteria, & instrumenta sanctè impres- sit JEsus;* in cujus felle tres globuli sunt reperti, quorum unus ejusdem omnino & coloris fuit: & pon-

ponderis, cuius duo; nec duo plus ponderis habebant, vel minus quam unus; nec omnes tres plus, aut minus ponderabant, quam unus vel duo; pulchrum sanctissimae, quae tibi cordi semper fuit, Trinitatis symbolum. Dilecta Trinitati sanctae Crucifixio IESU, & MARIAE, Virgo; dic Divinæ Trinitati, dicitur DEO IESU, dic MARIAE, ut cor meum ita sculpant, ita præparent sibi, *ut me morientem in caelos sedes recipient*.

SS. Libertate, Bonifaci, Serve, Rustice, Rogate.

Septime, & Maxime puer, suppliciis inauditis exagitati, super ligna, quibus concremandi eratis, clavis affixi, igne divinitus semper extincto; capite ac cerebro comminuto, Martyres.

S. Mamans, in carcere nate, Angelorum sèpè operâ felix, pro Christo unguis laniate; qui in fornace ardenti, velut inter flores, psallebas DEO; cui blanditiae feræ; quem, tridente percussum, tandem occupavit beata mors.

S. Myron Presb. Martyr.

Sancti Stratoni, Philippe, & Eutychiane, à bestiis illæsi, igne consumpti, MM.

S. Paulus, & Juliana soror, miris, variis, ac horrendis suppliciis torti, conversis aliquot, ab Angelis visitati, à bestiis nil læsi, post plura miracula, in igne Christum laudantes, & Angeli operâ nihil passi, post lampades, aliasq; adustiones superatas, cælo capite Martyres glorioosi.

S. Anastasi Episc.

S. Hiero M. Apostole Frisorum, cuius implorato nomine, res furto ablatæ, vel alias amissæ, misericordie reperiuntur.

S. Nicolae Eremita, qui, DEi amore, fugisti pa-
rentes, tibi nuptias obtrudentes, quando vocen-
tē cælo audisti: *Nicolae surge: sequere me; verè me-
cum: Et ostendam tibi salutarem paenitentia locum;*
in quo, si volueris servare animam tuam, poteris. &
obsecutus es invitanti. Cui sitienti, & oranti, di-
ctum ē cælo: *Exsurge, Nicolae, & saxum, quod
vides, baculo percute in nomine Patris, & Filij, &
Spiritū Sancti; illud, quod petis, tibi præstabis; id
quod ubi fecisti, aqua ē saxo scaturit.* Qui sub saxo
orans, quotidie septies illacrymabarī Christi Vulne-
ribus, nonnisi semel sollicitus vesci quotidie. Qui
cūm eleemosynam peterēs à duabus fœminis, po-
ma portantibus, & earum altera nil tibi dare vellet,
illi, quæ dedit benè precatus es, & pomis illius ad
multos dies integris, alterius brevi poma omnia
putruerunt. Qui denique fixis humi genibus, &
oculis in cælum intentis, mortuus es repertus,
campanis ubique sponte suā sonum edentibus. Im-
petra mihi id, quod pro te petebas familiari illâ
oratione tuâ, cūm dices: *O Pater, o Fili, o sancte
Spiritū, in prectionem meam intende: in te dunitaxat
spes meas collocatas habeo, cūm ē vita discessero, obseuro,
animam meam recipias, Amen.*

OMNES SANCTI, &c. pag. 4.

S. MARIA, à Beata Clara moriente, visa aperto
cælo ipsius animam expectare. *Suscipe migrantem hinc
animam meam, in amplexus tuos; Et ut merear, me
præpara aeternitati!*

S. MARIA, ad cuius templum deportari divinitus
iussum est corpus S. Nicolai Eremitæ, hoc die vita
functi; cūm enim ferente iter substitisset, neque moveri
ultra

ultrà posset, infans è sinu matris locutus, dixit; deferrent illud ad diva Virginis MARIE templum, cui à Rogato, est nomen: id quod est factum. Domina fat, ut ē corpus, ē anima mea, laborent amori tuo. ē honorí, ac in te postea requiescant!

18. Augusti. 15. Kal. Sept.

Sancte Agapite, quindecim annorum adolescens-tule, qui Præsidi dixisti: Sapientia tua, & vanitas in fumo laborat; qui nervos & quatuor dierum inediām perpessus, ardentibus posteā carbonibus coronatus, Deo semper gratias agens, ab eqvuleo in sumum è pedibus pependisti; qui aquā bulliente in ventrem infusā, maxillisque confractis, postquam & Judicem expirasse, & bestias ad pedes tuos supplices vidisti, caput inter duas columnas dedisti ferro. O extatē virtute supergresse Martyr! tuæ fortitudini commendo ultimam illam infirmitatem & fragilitatem meam, ut unā cum corpore ne langeat apima mea, sed fidelis Deo semper, & chāra, æmuletur charismata optima; æmuletur tenerum tuum, & aliorum exemplum, & eādem tecum æternitate recipi mereatur. Amen.

SS. Joannes, & Crispus, quorum sancta in sepelie-
endis Martyribus officia martyrio coronavit Deus.

Sancti Herma, Serapion, & Polyæne, qui per an-gusta, saxosa, & aspera loca raptati, Deo animas reddidistis.

Sancti Flore & Laure, lapicidæ, magistros ve-stros, Proculum & Maximum Martyres, in marty-rio, dum in puteum demergeremini, subsecuti.

SS. Leo & Juliana, Martyres.

S. Firmine Episc.

S. Helena, Constantini Magni mater, extructis templis, Cruce inventâ; & magnis constantissimæ pietatis operibus, heroinarum exemplar.

OMNES SANCTI, &c. pag. 4.

S. MARIA, cuius Christum parientis praeseppe S. Helena templo & ornamenti varijs destructo Adonide, exornavit: destrue in me, quicquid alienum est à te: & fac, ut optunis & maximus, quibus possum, modis amem & honorem IESVM tuum, ac te!

S. MARIA, quæ Beato Jacobo tuo, divinis operanti, cum Sanctorum multitudine, adfueristi, ei corollam è floribus cælestibus texuisti, eaque ilum coronasti, corona me in miserationibus aeternis!

S. MARIA, de catena dicta, cuius festum Panormi quotannis hoc die celebratur, ob tres, qui ad furcam damnati fuerant, innocentes, per te absolutos, & liberatos; ad has voces è tua imagine auditas: Abite jam liberi! etenim annuit meis precibus Filius, quem in ulnis gesto, & vos è vinculis exemit. Et simul illis catena sponte sua cecidere. Solve vincula rei sensibus meis internis & externis. Disrumpere vincula mea; ut Filio tuo, in honorem tuum, sacrificem hostiam laudis. Ne patere, ut sim captivus damenis, vel amori proprij: fac, ut sim captivus amoris DEI, vinculis aureis oculos, cor, linguam, pedes, manus meas ligantibus!

19. Augusti. 14. Kal. Sept.

Sancte Ludovice, ex Maria Hungarica, Caroli II.
Siciliæ Regis fili, qui dæmonem sub felis forma
latentem Cruce fugâsti; eleemosynam daturus, il-
lam in rosas vertisti; quem ita, ut fore prædixerat,
juvit in morte MARIA, à te sæpè ac tenerè implo-
rata. Nam moriens, inter manus Angelorum, sub-
volare in cælum es visus, & hæ de cælo voces au-
ditæ: *Sic fit servienti DEO in munditie, & puritate!*
Ora pro me, & vivente, & moriente, o sancte mi-
Mariane! Pro vivente, ut *serviam DEo in munditie,*
& puritate; pro moriente, ut *morientem MARIA*
juvet me. Amen.

S. Magne Episc. cui, cum parvulus, ob necessa-
riorum inopiam, affligereris, Angelus apparuit, &
dixit: *Cur, Magne, tristaris? Ego, ad depellendos*
abs te mærorem, veni; & decem librarum auri
massam repetiisti; postea Episcopus, à tyrannis
orandi spatio impetrato, expirasti.

S. Iuli senator M. tamdiu sustibus cæse, donec
traheres spiritum.

S. Andreatribune, cum sociis militibus, qui parvā
manu hostes plurimos, Christo invocato, fugâsti;
dæmones e corporibus ejecisti, qui in ferreo, can-
dentique lectulo assatus, hymnos, & cantica DEo
pro gratiarum actione, cecinisti; cuius socii, in Cru-
cis modum suffixi, jucundissimè exultarunt, ac tan-
dem liberi, deniq; pro Christo trucidati sunt MM.

S. Timothee M. post multa superata supplicia,
lento igne combuste.

S. Thecla, ferarum dentibus laniata, M.

B. Donate Presb. devotissime.

S. Mariane Eremita, qui sub arbore inventus exanimis, magnâ populi devotione, compluribusque miraculis coruscasti.

S. Rufine Conf.

S. Bertulphie, Ecclesiastes sancte, à S. Petro Apostolo, tibi apparente, sanate.

S. Sebalde, sanguinis regius, sponse Virgo, qui Beatissimam Virginem, cum S. Josepho Sponso, ipsa nuptiali nocte, vidisti: cui peregrino cibum Angeli dedere; qui glaciem, alendo foco, ut ligni vices subiret, orando effecisti, ante, ac post mortem mirabilis.

S. Bernarde, qui pridie ante tuum festum, S. Gertrudi, in ueste innocentiae, religionis, ac ferventissimi amoris tui indice, conspectus es coronatus: et laminis aureis in pectore collo, manibus cooperitus, aurea eorum, quæ de divino potissimum amore corde cogitaveras, voce dixeras, manu scripseras, premia ostendisti; gemmis etiam (quæ radiis, ad Dei corpusq; porrectis, Deum delectabant) illa vel maximè tua dicta & scripta indicantibus, quæ divinum amorem maxinem redolebant. Occupa cor meum totum, lingvam totam, totum calatum, totas manus illo amore; ut omnia mea illum redoleant, & serviant illi alendo ac magis inflammando.

S. Bartholomæ, qui nudis pedibus, pellicè zonâ præcinctus, baculum, olim ab Apostolorum Principe Cruce insignitum, manu gestans peregrinus, in eremo dæmonem superasti. Qui calumniis appetitus, & ob illas à Rege ad rogam damnatus, cùm

cum divino sacrificio operareris, Rex penes te igneam columnam, ad cælum usque porrectam, ac Angelos tibi ministrantes aspergit, & calumniatores tuos igni addixit. Impetra igneam divini amoris columnam cordi meo, quæ totam spiritus mei fabricam fulciat, converte & illos, si qui sunt, qui calumniantur me.

OMNES SANCTI, &c. pag. 4.

S. MARIA, quam cur adèò coleret, rogatus S. Ludovicus hodiernus, respondit: Morientem illa juabit me. Iuva me ita viventem; ut ne te impediatur, quò minus me juves morientem!

S. MARIA, que hodierno S. Bartholomæo Abbat JESUM parvulum in sinu gestans, & locum certum assignans, dixisti: Hic te manere oportet; mihique animarum scholam, hoc ipso in loco constituere, in quo multi, per te, salutem consequentur. Etsi magistra anima mea in illa schola animarum, in qua discitur amor Dei; ut sim docilis, & doctus discipulus!

20. Augusti. 13. Kal. Sept.

S. Ancte Stephane, Rex Apostole, quem nascitum S. Stephanus Protomartyr, Angelus, & Beatisima Deipara prædictit; cui coronam regni, Angeli monitu, summus Christi Vicarius misit, pugnatur, ac pugnanti Angelus adfuit, & MARIA: qui moriens Ungariam tuam Marianam olim aulam, familiam, peculium, hæreditatem, MARIÆ, ut Reginæ, legâsti. Ora pro me, & pro regno illo olim tuo, & pro Orbe universo; ut omnes si-

mus hæreditas tua, aulici tui. Parcat te intercedente, JESUS, & MARIA, quod adeò inurbanus, adeò parùm ad officiosa obsequia promptus JESU, & MARIAE aulicus fuerim; faciatque, ut posthac ad omnes illorum nutus expeditè atque acuratissimè diligens; hoc ad mortualem lectulum solatium mecum feram, me omnia omnium aulicorum erga suos Principes obsequia, meo JESU, ac MARIAE obsequendi studio, superare conatum: atque ita in illam in qua tu es, æternitatis aulam, æternus DEI aulicus palatinus futurus, beatâ morte, recipiar, Amen.

S. Bernarde, melliflua JESU & MARIAE, ac cordium devotorum apis; qui puer vidisti natali DEI nocte nascentem JESUM! cui fratres tuos ad religionem pelliçienti, visa est adesse non semel, olim extincta mater tua, quæ tibi arridens gratulabatur de consilio tam felici; alias quoq; à te conspecta in gloria, qui turpes ignes aquâ gelidâ extinxisti, & nocte latronem pudicitiam tuæ fugasti viator: qui ad vale mundo, & salve cælo dicendum, triginta socios, unâ tecum, traxisti; cordium deinde dulcis magnes, animas ad DEum voce, calamo, exemplo, oratione rapiens: aliquando ad DEI tribunal abrepitus expavisti, & Christi Sanguinem ad tua merita addidisti: qui singulis tuis orantibus singulos Angelos adesse, ac nullâ omissâ syllabâ, quicquid orando dicebant, auro, argento, atramento, vel aquâ (prout quisq; flagrans erat, vel tepidus orando) adnotare vidisti; è cujus orantis ore visus est ignis erumpere: quem è Cruce amplexus est JESUS: qui Angelos, Salve Regina canentes, audisti: qui cum

cum domi ad tuos dices, visus es in altum, unā cum cathedra elevari: qui moriens cuidam apparuisti, dicens, te velle in monte ascendere ad disceendum; hīc enim nullam, ibi omnem, veri scientiam reperiri: qui denique à MARIA, sanatus, illam spei tuæ fiduciam, & ad cælum scalam, esse dixisti, & cælum, per illam, moriens, ascendisti, ora illam pro me, S. Bernarde, ad cuius latus, hoc die, *divinus amor* stare conspectus est à dextris tuis comes tuus, quoçunque ires; in signum meriti specialis, quòd tam multos in *DEi amore* accenderis. Accende & me, fac, ut *amor DEi* semper à dextris mihi sit, ne commovear: sit comes meus ubique locorum: sit instructor, suasor, impulsor, adjutor eorum, quæ cogito, quæ loquor, scribo, ago: ut omnia, ex ejus magisteriis ac institutione profecta, placeant amabili DEo meo: quem adeò amasti, & à quo adeò amatus es. S. Bernarde, quem, hoc tuo die, gloriosum vedit S. Gertrudis, mirifico quodam splendore de tuo pectore, ad omnia eorum pectora erumpente, qui per tua merita, *ferventem DEi amorem* obtainere desiderant: splendidibus in cuiuslibet ita desiderantis pectore monilibus, omni, qua tu olim excellebas, *divini amoris* exercitatione illustribus; eò magis, quò anima quælibet magis desiderabat & labrabat *amorem DEi* obtinere. Ecce me unum ex illis desiderantibus, & si non desidero ita, ut par est, desidero desiderare amorem illum, quo cor tuum, os tuum, tuus calamus abundavit. Fac, oro, fac, ut desiderem, & laborem. Nam potes: quidni velis?

S. Samuel Propheta.

S. Luci senator, qui S. Theodori Ep. M. exemplo
Es pe r-

permotus, una tecum Dignianum Præsidem ad Christum, & ad martyrium gladii pertraxisti.

Sancti Severe, & Memnon centurio, & alii triginta septem sancti Martyres, manibus pedibusque præcisis, in caminum ardentem injecti.

Sancti Leovigilde & Christophore, cervicibus abscissis, igni traditi, MM.

S. Porphyri, qui S. Agapitum in fide erudivisti.

S. Philiberte, aulice sancte, posteà cœnobita, qui dæmonis, hominumque insidias divinâ vi compescuisti, & tua, ac aliorum peccata fletu, ac eleemosynis redimens quotidie, moribundo cuidam desperanti, & muto, fusis in æde MARIE lacryniis, loquelam, & veram pœnitentiam impetrâsti.

S. Maxime Episc.

OMNES SANCTI, &c. pag. 4.

S. MARIA, que hodiernum tuum S. Bernardum tuo lacte dignata es; & dicenii, Salve Maria! ex tua imagine dixisti, Salve Bernarde! Esto nutrix anima mea ad vitam æternam!

21. Augusti. 12. Kal. Sept.

Sancta Bassa, quæ ab Angelis pasta in carcere, ignem, aquas, lapides sustinuisti, feras cicurâsti, idola stravisti, quam in fluctus abjectam, tres filii Martyres, è cœlo hospites, naviculâ deduxere in portum; tu vero, fractis cruribus, capite truncata abiisti ad portū, æternū coronanda. Sancta Mater, diligi filios tuos, ut unâ tecum, unâ cum JESU & MARIA, me adjuvent morientem: ero sub his præsidiis, prope portum æternitatis, à naufragio tutus. Amen.

S. Cy-

S. Cyriace Vidua, quæ te, tuaque omnia Christo,
in Sanctorum ministeria, deinde vitam quoque
martyrio impendisti.

S. Anastasi, Sancti Agapiti adolescentuli Mar-
tyris exemplō converse, Martyr.

Sancti Luxori, Ciselle, & Camerine, Martyres,
gladio cæsi.

S. Private Episc. pro Christo & grege tuo, & fla-
gris, flammis, aliisque tormentis atrocissimè cru-
ciate; postea inter tuorum, ad tua genua provolu-
torum, vulneraque tua, præ amoris teneritudine,
lambentium, lacrymas, extinete.

Sancti Bonose & Maximiane, MM.

S. Paterne, qui inter sepeliendum Sanctorum
corpora captus, denique in vinculis expirasti.

S. Humbelina, quæ, post lætam mortem, fratri
tuo S. Bernardo, à quo à vanitate conversa fueras
ad sanctitatem, in magno luninis, ac vestium splen-
dore apparuisti.

S. Thæodorice, qui dæmonem, cervæ specie se
ostentantem, Cruce fugasti.

S. Euprepī Episc.

S. Quadrate Episc.

OMNES SANCTI, &c. pag. 4.

S. MARIA, cuius gloria Alphonsus, Castella Rex,
hoc die mortuus, templa erexit, ornavit, Cistercienitus
tuū cœnobia fundavit: ego autem moriens quid invē-
niām me fecisse in honorem tuum? Eac, ut faciam,
quicquid possum. Vellem omnes Orbū totius opes in ob-
sequium tuum expendere!

22. Augsti. 11. Kal. Aug.

Sancte Symphoriane adolescens, quem inter martyrii cruciatus morientem, animans mater, clamabat: *Nate, nate, memento æterna vita; celum suspice, & ibi regnante intuerè!* tibi enim vita non eripitur sed mutatur in melius. Ita æternitatem illam iniisti lætus Martyr. Scio mearum horarum omnium negotium esse æternitatem meam; sed præcipue horæ unius ultimæ. In illo tanto unius horæ negotio juva me, Symphoriane! etiam è cælo ad me morientem huc, unâ cum matre sancta, respice! atq; ut illud negotium negotiorum, in hora illa, mihi ex animi sententia sancte cedat, effice. Amen

S. MARIA, cæli Augusta, à cuius triumphali dies hodie octauis est; gratulor gloriae tuæ!

S. Timothee M. decollate.

S. Hippolyte Episc. cruditissime, in aquæ sive am præcipitate M.

S. Antonine M.

S. Athanasi Episc. M.

Sancti Martialis, Saturnine, Epietete, Maprilis & Felix, sociiq; Martyres.

Sancti Agathonice, Zotice, & socii, MM.

S. Anthusa, Angelorum obsequiis nobilis foemina, tentantium dæmonum triumphatrix, cilicii, crucisq; amantissima.

Sancti duo Sanctæ Anthusa servi, pro Christo passi.

S. Maure, cuius vulnera ungentes, teque cohorantes, Angeli conspecti sunt; unde tibi accesserunt quinquaginta socii MM.

San-

SS. Fabriciane & Philiberte, MM.

S. Guniforte Martyr.

B. Joannes Bernarde Senensis, qui oculos Beataissimæ V. ope recepisti; candidatos multos, per scalas, ad JESUM & MARIAM, in cælum deduci vidisti; Ordinem tuum S. MARIE de monte Oliveti dedicâsti; in sociorum, peste laborantium, servitio extinctus es.

OMNES SANCTI, &c. pag. 4.

S. MARIA, cuius assumptæ Octava solennis est in-
staurata, ob basilicum alijs noxiūm, hodie expulsum.
Expelle à me, quicquid aliis, vel mibi noxiūm potest
esse in me!

S. M A R I A, ad quam, unā cum Filio tuo, in alto
conspiciam, per scalam, ad cælum usque porreclam,
candidos tuos filios ab Angelis duci vidi! B. Bernardus
Tolomæus. Itube me duci ad te!

23. Augusti. 10. Kal. Sept.

B Eate Philippe, serve MARIE, qui, cùm tibi in
deserto inter spinas & serpentes esse videreris,
MARIAM in currū aureo, à leone & avicula ve-
ctam, cum columba radiis circumfusa, & Angelis
MARIE, laudes cānentibus, vidisti, eandemque
religiosâ veste tibi ostensâ dicentem audisti: Phi-
lippe, accede, & adjunge te ad currum istum, ab eā-
dem duas candidissimi panis sportas, tempore fa-
mis, impetrâsti: ad ejusdem aram in templo abje-
ctus in genua, dixisti: Hac requies mea: Postea nec
Florentino Episcopatu admisso; summum quoque
Pontificatum, ad quem evocabaris, timens, per

tres menses elongâsti fugiens & mansisti in solitudine pane precario, herbis, & aquâ contentus, Morturus, post viaticum, & septem Psalmos pœnitiales, ac Sanctorum omnium Litanias, trium horarum spatio in mœsto silentio jacuisti; & deinde te pro tremendo Dei tribunali; à dæmone accusatum, sed fugato illo à JESU & MARIA, coronam æternam tibi ostendentibus, defensum fuisse dixisti; ac post ecclasiim repetitam, *Date, ajebas crebrius, date mihi meum librum; o meum librum mihi date!* ac porrectum tibi Crucifixum tenero amplexu strin gens, ignito eloquio vehementer suspirabas, ac dicebas: *Hic est meus liber: liber, in quo ego lego Dei beneficia infinita.* Ita inter oscula Crucifixi te mortuo, audita vox est divinitus, quæ dicebat: *O serve fidelis, quem Virgo præfecit suæ familiæ, veni in gaudium Domini tui!* & gloriam tuam; mortuis ad vitam revocatis, ac aliis admirandis celebrem fecit Deus. O serve bone, & fidelis! fac me verum MARIAE servum, & discipulum doctissimum Crucifixi: ut in libro Crucifixi discam Deum amare, ita uti tu amâsti; Dei Matri servire, ita uti tu servivisti; alta fugere, uti tu fugisti; in agone vincere, uti tu vicisti; denique æternam requiem, in gaudio Domini invenire, uti tu invenisti. Amen.

Sancti Restitute, Donate, Valeriane, & Fructuosa, cum aliis duodecim MM.

S. Quiriace Episc. Maxime, Archelac, & socii Martyres.

Sancti Claudi, Asteri, & Neon, fratres tres pueri, post exquisitæ crudelitatis tormenta, crucifixi,

San-

XXIV. AUGUSTI.

III.

Sancta Donuina, virginis usque ad mortem con-
cisa.

S. Theonilla, facie contusa, virginis cæsa, è capil-
lis suspensa, capite novaculâ raso, deinde rubo cin-
cta campestri, ad quatuor palos extensa, loro pro-
scissa; post ardentes prunas, & alia supplicia, Mar-
tyr gloria.

Sancti Timothee & Apollinaris Martyres.

Sancti Minervi, & Eleazare cum filiis octo Mar-
tyres, ac alii decies novies mille Martyres Lugdu-
nenses.

S. Luppe è servo Martyr.

S. Zacchæ Ep.

S. Theona Ep.

S. Victor Ep.

S. Flaviane Ep.

S. Sinodi Ep. genere, eloquentiâ, liberalitate in-
signis; cuius persecutores duos subitaneâ, & hor-
rendâ morte punivit vindicta Deus.

OMNES SANCTI, &c. pag. 4.

S. MARIA, -qua seruo tuo B. Philippo, ad currum
tuum invitato, posteà vestem, alias vero candidos pa-
nes dedisti. Fac me servum tuum dignum, quem eò e-
vehas, quo ego, nisi tuis precibus adjutor, ire non pos-
sum!

24. Augusti. 9. Kal. Sept.

S. Anete Bartholomæ, Indorum, & majoris Ar-
meniæ Apostole, ad cuius adventum idolum A-
staroth obmutuit, Regis filia à dæmone liberata est,
conversæ civitates, & ipse, cum omni suâ regiâ, Rex
Polimius; à cuius posteà fratre vivus excoriatus,
&

& capite plexus es. Sancte Apostole, qui centies interdiu, centies noctu, flectens genua orare consuevisti. O quām angusta est cæli porta! Per illos mortis sanctæ dolores te rogo, adesto mihi in doloribus, in gemitibus mortis meæ; ne me circumdendent dolores inferni. Obmutescat tunc Astaroth; ut quando rursum circumdabor pelle meâ, per mortem exutâ, in carne hac æternum beatus videam Salvatorem meum. S. Bartholomæe, à S. Mechtilde, in gloria, cum aurea Cruce, vise, & Christi ore, à Crucifixi sanctè portatâ, laudate. Fac, ut ex amore DEi bajulem crucem meam; ac me vincam, & ita divinus amor faciat auream crucem meam. Amen.

Sancti trecenti Martyres, in fornace calcaria, pro Christo, gloriosè consumpti.

S. Aurea Virgo, saxo ad collum ligato, in mare demersa; cuius corpus ad littus ejectum B. Nonnus sepelivit.

S. Tatio M. gladio cæse.

S. Eutychi, sancte, & multa passe S. Joannis Evangelistæ discipule.

S. Georgi, pro Martyrum, & imaginum honore, manibus abscessis, & capite incenso, Martyr.

S. Audoene Episc. prophetiis, oratione, vitæ austerritate, prodigiis maximè: qui tuis precibus septem annorum sterilitatem avertisti; & de accipiendo Sanctorum reliquiis epistolam è cælis accepisti,

S. Patrici Abba.

OMNES SANCTI, &c. pag. 4.

S. MARIA, cuius, hoc die, anno 1625. Foyensis

ima-

imago mirabilis, atque amabilis, in templo Societatis IESV, est Insulis collocata. Pone te in me, tanquam in ara gloria tua, ita ut nihil te possit auferre à me!

25. Augusti. 8. Kal. Sept.

Sancte Ludovice Rex, ab omni mortali peccato semper innocentissime; cui Blanca mater, e- quidem, ajebat, *malum, charissime fili,* te extinxit, quam tu huius peccato obnoxium videre: qui innocentiam tuam jejunis, lacrymis, eleemosynis, grandi studio alebas, cilicio vestiebas: qui quo die cili- cium induere non permittebaris à Confessario, illud compensasti auro liberaliter in pauperes e- rogato: qui toto anno, sextâ quâvis feriâ, jejunâsti: ne piscibus quidem, aut fructibus, in cibum admis- sis: Sabbato quovis pauperum aliquot manus, & pedes lavisti, osculatus es, eosque siipe insigni do- nâsti; visus aliquando pauperibus, etiam flexis ge- nibus, ministrare, & quotidie, dum mensæ accum- beres, tres senes pauperes propè te habere, atque illis regios cibos porrigere, verè humilis, & libera- lis pauperum servus, & pater. Demum in bello san- cto, milite tuo peste afflito, ipse victus, & capti- vus, iterum liber, & ad bellum sacrum redux, peste extinctus es, cum dices: *Introibo in domum tuam;* *adorabo ad templum sanctum tuum,* & confiebor nomi- ni tuo. Ora pro me, sancte Rex, ut in omnibus e- ventibus adorem submissè providentiam DEi; ac ita me morti parem, ut semper, & ubique, morti malim, quam peccato, quam iræ DEi, quam ge- hennali æternitati, esse obnoxius. Amen.

S. Eu-

S. Eusebi, qui inter tormenta, lingvâ præcisâ, Christi laudes gloriösè loquebaris.

SS. Pontiane, Vincenti, & Peregrine, S. Eusebii in tormentis socii, qui cum eodem in eqvuleo suspensi exultâstis, flammis latera exusti laudes Christo cantâstis, & ab Angelo, corusco juvene, exterrisis spongiâ lateribus, ideoq; converso carnifice deinde Martyre, recreati estis; conversis tandem pluribus, patratisque miraculis, plumbatis cæsi, estis usque ad mortem.

S. Aredi Abba, qui matri petenti aquam in loco sicco, aquam eliciuisti virgâ humi defixâ, qui per imbrex hinc atque indè ruentem siccus ivissi; dolorem dentium à quodam orando dispulisti, quo moriente foemina energumena, *Currere, ajebas, cives, exilie populi, exire obviam Martyribus, Confessoribusque, qui ad excessum B. Aredii conveniunt: in ejus exequiis illa liberata à dæmone est.*

S. Genesî, è mimo Christiane, qui post fustes, eqvuleum, virgas lampades; *Non est Rex, ajebas, propter Christum, pro quo si millies occidar, ipsum mihi de ore, ipsum mihi de corde auferre non poteritis, & capite truncatus es.*

S. Gerunti Ep.

Sancte alter Genesî M.

Sancti Julianæ & Magne, MM.

S. Menna Episc.

S. Gregori Episc.

S. Patritia Virgo.

S. Hunegundis V. cilicio, & cineri, inter exentes odores, & lumen, immortua.

OMNES SANCTI, &c. pag. 4.

S. MA-

S. MARIA, quæ S. Ludovico Regi, in tempestate spectabilis, dixisti: Ne timeas; ego enim tuum ero auxilium. Fac, ut in morte ne timeam; ideoque in meum esto auxilium!

26. Augusti. 7. Kal. Sept.

SANCTE Alexander miles, qui, cùm Christi gratiâ in admirabile lumen vocatus, nolle te reverti ad tenebras dices, mensam idololatricam calce evertisti; & contremiscente, neq; te ferire volente carnifice, ultrò te ad mortem sanctam componens, iustum excepisti; præcisis brachiis, lingua & capite felix Martyr: ad cuius corpus Deus quatuor faces accedit. Viciſſi, sancte miles! Ora, ut vincam semper; ut in admirabile DEi lumen vocatus, in illo ita verter, ut semper utar lucidis DEi, me illuminantis, inspirationibus, usque ad mortem, post mortem inducar in admirabile, ac æternum lumen videntium DEum. Amen.

S. Zephyrine Papa M.

S. Victor M.

SS. Irenæe & Abundi, ob elevatum è cloaca S. Concordiæ corpus, vivi cloacâ mersi.

S. Secunde M. è legione Thebæorum Dux.

S. Simplici, unâ cum filiis tuis, Constantino & Victoriano, securi percusse.

S. Hadriane, Probi Cæsarisi fili, Martyr.

S. Rufine Ep.

S. Felix Presb.

OMNES SANCTI, &c. pag. 4.

S. MA-

S. MARIA, cuius hodie est festum festorum, quo
festa tua omnia, sub uno titulo celebrantur. Doce me
ita omnia, ita singula celebrare, ut tecum sim in ater-
no festo festorum!

27. Auguſti. 6. Kal. Sept.

Sancti Aureli & Natalia, conjuges; quibus præ-
ſens domi cum B. V. MARIA, & Angelis JESUS
benedixit; quibus apparentes ē cælo Sanctæ Flora
& Maja Virgines Martyres, martyrium & gloriam
prædixere; qui ubi filiolas duas cœnobio, & opes
pauperibus dedistis, per tormenta & mortem eò
abiiſſis, quò JESUS dixit, cùm tibi, S. Aurelii, sca-
las in cælum usq; exorreſtas ostendit. Benedic
& mihi cum MARIA & Angelis, ô JESU, ultimum
decumbenti! ut me, horum Sanctorum precibus,
per scalas tuas sursum deductum, sursum collo-
ces, non deorsum præcipites. Amen.

S. Rufe Episc. M.

S. Syagri Episc.

SS. Rufe & Carpophore, MM.

Sancti Marcelline, & Mannea coniux, Joannes,
Serapion, & Petre, filii, MM.

S. Euthalia V. pro Christo, à fratre tuo, gladio
cæſa, M.

S. Anthusa junior, in puteum mersa, M.

S. Narme Ep. à S. Barnaba baptizate, ordinate.

S. Cæſari Episc. - qui etiam in ſomno clamare
auditus es: *Duo ſunt; nihil eſt medium: duo ſunt, aut
in cælum aſcenditur, aut in infernum dēſcenditur!* qui pro tribus panibus, quos domi ſolos habebas,

in

in pauperes erogatis, tres naves, plenas tritico,
aceperisti; baculo tuo dæmones tempestatesq; fu-
gasti: qui, post stupenda miracula, visiones, vir-
tutes, biennio ante mortem, coronam gloriæ, in
cælo tibi repositam, vidisti, & vocem audisti: *Læ-
tare in Domino! Ecce quæ percipies pro tuo servitio.
Doce me æternæ sapere.*

S. Gebharde Ep. qui, à morte, Abbati cuidam,
noctu oranti, apparuisti, ac dixisti; te à DEo impe-
trasse, ut nemo eorum Religiosorum, qui istic de-
gerent, pereat in æternum, Ora, ne peream in
æternum.

S. Joannes Ep.

S. Liceti Ep.

S. Poemon Anachoreta.

S. Margarita vidua, cilicii tenacissima, quæ
Christum in paupere, unico, quem habebas pane,
donasti; deinde mendica pro mendicis facta.

S. Georgi & socii Martyres.

OMNES SANCTI, &c. pag. 4.

S. MARIA, quæ S. Gebhardo visa, porrecto Epis-
copali pedo, dixisti, ut oves suas optimis æterna vita
pascuis pasceret. Fac me bonam evem; ut sim à dex-
tris Pastoris nunc mei, olim Iudicis, Filij tui IESV.

28. Augusti. 5. Kal. Sept.

Sancte Augustine, qui auditâ è cælo, voce, *Tolle,*
lege, Tolle, lege! tulisti, legisti e Paulo, quales re-
gnum DEi possessuri non sint. Indè Pœnitentium
Doctorum, Episcoporum, ac Religiosorum exem-
plar, ut ultimo vitæ lectulo, septem Psalmos pœ-
nitent-

nitentiales, in conspectu semper positos, profusis lacrymis legebas, ajebasq; neminem, quantumvis nullius sceleris sibi conscientia esset, committere debere, ut sine pœnitentia migraret vita, cuius cor, dum viveret, dilectionis divino jaculo transfixum; post mortem, in ara collocatum, mirè exultare conspectum est, dum *Te DEum laudamus* caneretur, aut coram eo SSS. Trinitas celebraretur, aut liber à te de illa scriptus legeretur: atque in illius templi limine cadebant hæretici, divinâ virtute prostrati. Prosterne in me, quicquid Deo non placet in me; doce cor meum amare, ac legere libros, qui ad amorem Dei accendunt: doce de Deo scitè colloqui, doce amare, doce orare. O felicissimi, ô flammei cordis, & in altissimo gloriæ throno à Deo collocate vir; Veris pœnitentiæ ac amoris lacrymis puro Dei calore, cor meum imbue; ut sanctâ verè pœnitentium, ac verè amantium morte moriar. S. Augustine, quem S. Gertrudis, gratias Deo, pro beneficiis ab illo in te collatis agens, vidit, cum S. Bernardo, pulchritudinis gloriâ decorum, & de corde ad cor Dei splendores igneos emittentem, ac radios ab ore spargentem, pœnitentiâ tuâ, quam olim egisti; cum igniti amoris DEI fervore, concentum suavissimum edente in corde tuo; & edocta est divinitus, ea esse signa ignea ignis eloquentia, quâ corda hominum ad amorem DEI inflammabas. Sim & ego unus ex iis, inflamma & me. Impetra mihi quoq; ignem illum sanctum, qui omnem alium amoris ignem in te extinxit; ut cor meum sit aurum hoc igne ignitum à te. S. Augustine, qui tuo festo die, eidem Sanctæ apparuisti, quasi ambabus manibus cor tuum,

amo-

amore Dei vulneratum, offerens Deo in modum
rosæ pulcherrimæ, odore suo omnes cælites miri-
ficiè delectantis & ab eâdem visus es orare DEum
pro cordibus illorum omnium, qui per tua merita
aivinum amorem desiderant adipisci. Desidero &
ego: & si non desidero, fac ut desiderem: cupio de-
siderare flagrantissimè. Impetra cordi meo à DEo,
ut accendat magis & exaudiat desiderium verè
pauperis, & desiderare id, quod optimum est, ne-
scientis cordis mei. Amen.

S. Hermes, vir illustris, gladio cæse, Martyr.

S. Julianæ miles, in cuius templo feroce besliæ
sunt mansuetæ, qui cum te Christum totâ avi-
ditate fitire diceres, dissesto gutture, morte horri-
bili necatus es; fons in quo caput lotum est, ægris
medicina fuit, senes, qui te sepeliebant, in juveni-
le robur sunt renovati; & ad tumulum tuum,
mense Novembri, magnæ, rutilantes, mirabili
odore fragrantes, ægrisque salutares rosæ, re-
pertæ sunt.

S. Pelagi M.

S. Viviane Ep.

Sancti Fortunate, Cai, & Anthes, decollati.

S. Alexander Episc. senex, contra hæreticos
gloriose, ac potens.

S. Moyses, qui ex insigni latrone sanctus, mul-
tos latrones tecum ad cœnobium adduxisti.

OMNES SANCTI, &c. pag. 4.

S. MARIA, quam, unâ cum Christi Vulneribus,
S. Augustinus unicè, tenereque colebat. Fac nse ser-
vum fidelem Crucifixi tui IESV, & tuum!

29. Augusti. 4. Kal. Sept.

Sancte Joannes Baptista, in deserto Eremita, & clamantis pœnitentiam DEi vox; in aquis, Baptista JESU; in aula, concionator, &, ob reprehensam Herodis impuritatem, dicendo: *Non licet tibi; Martyr.* Persuade & cordi meo pœnitentiam sanctam; ut per mortem sanctam appropinquem regno cælorum; & illud mihi, non vero regnum diaboli, appropinquet. Ora, ut quicquid mihi non licet, procul sit à me; ut ego propè DEum esse possim. Solare, imple spe sanctâ cor meum, in mortis angustiis, & JESUM, fundamentum veniae ac spei meæ, mihi ostendens, dñe: *Ecce Agnus DEI, ecce qui tollit peccata mundi!* ut JESUS mea primùm peccata tollat à me, deinde ad se tollat me, Amen.

S. Sabina, matrona illustrissima, à S. Scapula Virgine Martyre conversa, gladio percussa.

S. Candida V. Martyr.

SS. Nicæa & Paule MM.

Sancti Hypati Episc. & Andrea Presb. ob cultum sacrarum imaginum, barbâ pice illitâ, atque incensâ & cute capitis detractâ, jugulati.

S. Euthymii, pro Christo sponte exul.

S. Adelphe Episc.

S. Mederice, qui quendam tunicâ tuâ induens ab impuris carnis æstibus liberâsti.

S. Sebbe Rex.

S. Basilla.

S. Sabina Virgo, virtutibus & miraculis felix
Sancti Joannes & Petre, MM. qui ex Italia Va-
len-

lentiam à S. Francisco missi, & contra Mahometum pro Christo locuti, capite truncati cestis, miraculis à morte illustres.

OMNES SANCTI, &c. pag. 4.

S. MARIA Major, ad quam, hoc die, in Romana peste populum, in septem ordines, & templis, divisum, supplicatione ductâ, ire jussit S. Gregorius Magnus, ad opem tuam implorandum. Dece me ita tibi supplicem fieri, ut ne peream, à te adjutus!

30. Augusti. 3. Kal. Sept.

S Ancte Bononi adolescens, quem mortuorum attentus aspectus, & mortis profundè in cor demissa cogitatio, sanctum fecit; qui hominum iudicijs opponebas illud Pauli: si adhuc hominibus placarem, Christi servus non essem, adeoque nihil pensi habens, quid homines vel loquerentur vel sentirent, Bononiæ totus mundo mortuus vixisti: postea precibus tempestatem sedâsti; cumq; ne ipso quidem Paschatis die vinum bibere velles, aquam tertio in vinum conversam reperiisti: cuius cubiculū visum est sæpius divinitus cælesti lumine circumfundi, qui pro lecti apparatu, terram, lapidem, cilicium habuisti; qui magnus virtutis magister, post plura miracula, expirâsti; & peccatori, ad sepulchrum tuum supplici, catenas disrupti, pacem conscientiæ impetrâsti; Religioso autem cuidam, acri dentium dolore vexato, post mortem conspectus, ejus mentum tetigisti, & dolorem dispulisti. Imprime & mihi sanctas illas bonæ, & malæ mortis cogitationes & omnium humanorum respectuum despectum; non

Pars II.

F

enim

enim ab humano, sed à Domini die judicabor. Sic erò servus Christi; sic placebo Domino, in regione vivorum, quando respectum humatorum servi displicebunt æternum Domino, in regione æternum mortuorum. Amen.

S. Felix Presb. qui simulacris comminutis, dum ad mortem ducereris, obvium habuisti Christianum quendam, qui tibi additus, unà tecum decollatus, & Adactus est dictus.

S. Gaudentia V. cum aliis tribus, Martyres.

S. Pammachi Presb. doctissime atque sanctissime.

SS. sexaginta Martyres Africani.

SS. Bonifaci & Thecla, conjuges, felicissimi Beatorum duodecim filiorum Martyrum parentes, Martyres.

S. Fantine, zelo animarum, & multis percessis, ac abstinentiâ, singularis.

S. Fiacri, munificentia sanctâ, miraculisque magne.

OMNES SANCTI, &c. pag. 4.

S. MARIA, cuius festum glorificationis hoc die celebratur. Fac, ut sim ego is, in quo gloria misericordia tua splendeat in eternum!

31. Augusti. Pridie Kal. Sept.

Sancte Aidane Episc. qui cùm obvio tibi pauperi stipem, quam dares, non haberet, donatum tibi à Rege Oswino equum, unà cum regiis phaleris, omniq; apparatu, illi donasti, ex equo descendens; & Regi, tui amantissimo, felicem mortem prædisti,

xisti, oratione, prophetiis morte pulchrâ clarus. Felicissime Sancte, cuius animam S. Gutbertus ab Angelis in cælum deferri vidit. Ne nega & mihi, unam à te eleemosynam obnixè flagitanti. En mensem hunc hodie hic finio; nescio ubi, & quomodo, finiam vitam. Tu ora, ut feliciter & menses meos omnes per ultimum vitæ momentum finiam, & nunquam finiendam Sanctorum omnium æternitatem ingrediar. Amen.

S. Pauline Episc. multis pro Christo, ad mortem usque, exiliis fatigata.

Sancti Robustiane & Marce, MM.

Sancti Cæsidi Presb. & socii MM.

Sancti Theodore & Rufina, S. Mamantis Martyris parentes, S. Ammia ejusdem nutrix.

S. Aristides, fide, sapientiâ, eloquentiâ, clarissime.

Sancti Optate & Amate, Episcopi.

S. Dominice infans M. à Judæis in Hispania crucifixe: super cuius corpus lumen cælestis apparuit: impetra mihi lumen gratiæ & gloriæ; ut DEum videam ac amem in æternum.

OMNES SANCTI, &c. pag. 4.

S. MARIA, cuius titulo, MARIE de Anima, templum Roma posuit Adrianus Pontifex, hoc die coronatus. Sit tibi anima mea templum, quod dæmon non destruat. Tu sis mihi S. MARIA, de anima mea æternitati servanda solicita!



ANNI CÆLESTIS SEPTEMBER.

I. Septembris. Kalend. Septemb.

Sancte Ægidi, regiâ stirpe nate; qui cùm ægrum pauperem tunicâ tuâ tegeres eum illicò persanâsti: quem postea, in eremi specu, per cœravam, statis horis ad te lactandum venientem, pavit DEus; qui divinis incensus, occultum Regis scelus, notatum in scheda, divinitùs accepisti, non delendum, nisi illud Rex emendâasset. Ora & pro me, ut ab occultis meis ita me mundet DEus, ut ne quid apertum, vel occultum, in me sit; quod illius displiceat majestati, vel quod me morientem cruciare possit; sed ut corde planè puro migrem ad mundorum cordium centrum DEum. Amen.

Sancti duodecim fratres, Donate, Aronti, Honorate, Fortunatae, Sabiniane, Septimini, Felices duo, Vitalis, Satyre, Januari, & Reposite, sanctè educati literis, & virtute; multis patratis miraculis, multis Christo adjunctis, sustibus pro Christo cæsi, à carcere per Angelum liberati, athletæ magni, per varia tormenta Martyres.

SS. Josue & Gedeon, sancti, vetustique exempli militum antesignani.

B. Anna Prophetissa, ab Evangelio laudata.

S. Lazare, à Christo resuscitate.

S. Prisce M. Christi discipule.

S. Xiste Episcope, & S. Petro ordinate, Martyr.

S. Terentiane Episc. post equuleum, & scorpiones, abscissâ linguâ, decollate.

S. Ammon, & sanctæ quadraginta Virgines, ab illo ad fidem eruditæ, ad martyrium animatæ, Martyres.

Sancti Vincenti & Læte, Martyres, fratres gemelli, pro Christo combusti, qui post mortem coronati apparuerunt.

S. Regule Martyr, qui amputatum tuum capit ad duo stadia detulisti; & ab iis, qui ad te ab Angelo ducti fuerant, sedens, quasi vivus, repertus es: atque ab iis vocatus, caput iterum ad jactum lapidis deportasti.

S. Lupe Episc. in cuius celebrantibus calicem gemma cælitus delapsa est; apertæ divinitus templi portæ; qui obtrectatorum, & invidorum conatus latus elusisti, hostes oratione vertisti in fugam, morbos curasti, captivos liberasti, incendium extinxisti, prostratum ad pedes tuos Regem supplicandum pro venia vidisti, secundum libidinis ardorem in aliis, orando extinxisti.

Sancti Prisce Episc. & socii multa pro Christo passi.

S. Constanti Episc.

S. Victori Episc.

S. Verena V.

OMNES SANCTI, &c. pag. 4.

S. MARIA, cuius miraculorum festum hodie Monasterij celebratur, & cuius hodie festum est, ob cereum, miraculis clarum, tibi dedicatum. Sim ego cereus tuus: ardeam, luceam, liquefiam tuo igne, usque

dum consumar feliciter. Hoc puto miraculum per te!

2. Septembris. 4. Nonas Septemb.

Sancte Antonine, martyrii sicutientissime Sacerdos, & Virgo; cuius caput aquilarum specie induit Angelini naviculâ deduxere. Ora Regem Angelorum JESUM, & MARIAM Reginam, & ipsos Angelos, ut miserum hoc meum, & nisi Deus illud protegerit, damnandum, caput custodiant; ut in morte, in horrendo illo capitis periculo, ad æternam securitatem, sub illorum ac tuo patrocinio, evadam securus. Amen.

S. Maxima Martyr, quæ, dum fustibus cædere-
ris, spiritum reddidisti.

Sancti Diomedes, Julianæ, Philippe, Eutychia-
ne, Hesychi, Leonides, Philadelphe, Menalippe, &
Pantagapa, igne, aquâ, ense, cruce, Martyres.

S. Zenon, & Sancti Concordi ac Theodore, il-
lius filii, tres Martyres.

Sancti Evodi, Hermogenes, & Calista, fratres,
MM.

S. Juste, qui alieni etiam peccati culpam time-
bas; oratione, prophetiâ, & Episcopatu relictio
magne.

S. Viator, S. Justi minister.

S. Elpidi Ep.

S. Elpidi Abba, septem totos annos sepulchro
inclusæ.

S. Octaviane, qui in arboris concavo, ignotus
omnibus, per annos plures, mirabiliter latuisti.

S. Non-

III. SEPTEMBRIS.

127

S. Nonnosī Abba, oratione potentissimē.

S. Anicete Comes, M. qui etiam lingvā evulsā locutus, Deum laudāsti; & nec à leone, cui objec̄tus es, nec à plumbō liquefacto, l̄esus es quicquam, viso Angelo tecum in ollam plumbi descendere. Demum, unā cum fratre tuo, S. Photino, equis indomitis raptatus, tandem in camino ignis, cum plurimis aliis Martyribus, extinx̄tus es. Doce me laudare Deum: doce gratias agere semper, atque ubique.

MNES SANCTI, &c. pag. 4.

S. MARIA, cuius amori, corde, oculis, ore, calamo, totus mancipatus Franciscus Borgia, hoc die, anno 1625. inter Beatos rite adscriptus est. Vendica me quoque tibi totum; & fac, ut eximia erga te pietas mea semper ad maiorem sanctimoniam traharet, illuminet, & accendat!

3. Septembris. 3. Non. Sept.

S. Ancti Aigulphe, & socii Martyres, quibus in ergastulo S. Michaël apparuit, & dixit: Confortamini, pusillus grex; complacuit enim Patri vestro dare vobis per martyrii palmam regnum Dei: qui sīnē lingua in Dei laudes facundi, oculis erutis ad videntum Deum abiistis, & postea, in tyranni corpore, sanguinis guttā circulum, pro mortis omniē descripsistis. Describat in corde meo JESUS meus Sanguine suo circulum æternitatis beatæ, omen æternæ vitæ, non mortis. Erudite cor & lingvam meam, ad sanctè loquendum cum Deo, & de Deo; ut, ubi morte obmutuero, ad æternas suas laudes labia mea aperiat Deus. Amen.

F 4

S. Se-

S. Seraphia, prudentissima Virgo, cuius virginitatem splendidissimus Angelus tutatus est, cui ad motæ ardentes lampades, extinctæ sunt, quæ sustibus deinde cæsa, post miracula, capite tandem plexa es.

S. Remacle Episc. in aula regia, maximo divinæ gloriæ emolumento, versate.

Sancta Phebe, primitivæ Ecclesiae fidelis filia.

Sanctæ Euphemia, Dorothea, Thecla, & Erasma, Virgines, post multa tormenta Martyres.

Sancti Aristæ Ep. & Antonine puer, Martyres.

S. Basilissa Virgo, quæ novem tantum annos nata, verbera, ignes, bestias, divinâ virtute superasti, in oratione purum DEo spiritum reddidisti.

Sancti Zenon, & Chariton, alter in liquati plumbi lebetem, alter in fornacem ignis, immisæ, Martyres.

S. Sandale M.

S. Mansuete Episc.

S. Auxane Ep.

S. Simeon Stylita junior.

S. Gregori Magne, hodie in Christi Vicarium ordinare.

B. Theresia Lusitana, quæ pro pallio pauperi dato, aliud illi simillimum ab Angelo accepisti; in cuius calatho panes, pauperibus porrigendi, in rolas sunt conversi: cuius in orando occupatæ loco, panem Angeli pinsuerunt; cuius nomine implorato plures ab hemicranii dolore sunt liberati.

B. Alberte, ex usurario Eremita, qui gravissimas dæmonum insidias, ab Angelis confortatus, & nutritus superasti, cuius tugurium Sanctorum splendori-

doribus illustravit Deus, qui luem S. Catharinæ, quam supplex orabas, ope cessaturam, ab Angelo didicisti.

OMNES SANCTI, &c. pag. 4.

S. MARIA, cuius Angelicam salutationem pronuntiatus hodierna tua Euphemia, demonem, à quo precipitanda erat, fugavit. *Doce me, ut sic te salutem, quo illum pellam; ne me unquam præcipue!*

4. Septembris. Prid. Non. Sept.

Sancta Rosa Viterbiensis V. in cuius parvulae simum aves advolabant, & ibi pascebantur: quæ matris tuæ sororem, cùm ad tumulum afferretur, vitæ reddidisti triennis: in cuius sinu panis frusta, quæ pro eleemosyna pauperibus danda portabas, in rosas conversa vidit in hieme pater tuus, quæ deinde longissimis jejuniis, ac patientiâ solidâ mirabilis, ostensa tibi cæli gaudia, & inferni tormenta, vidisti. Quæ à Beatissima Virgine visitata, monita es, ut ciliicio induita, ad populum de rebus divinis loqueres, verbo & exemplo futura utilis toti Viterbio. Quæ conspecto Christo crucifixo, & Sangvine coeperto, cùm interrogares, faxo pectus percutiens, Domine, quis te sic flagellavit? responsum ab illo audisti: *Ardens Amor.* Quis Cruci affixit? illi dixit: *Fecata mortalium.* Postea verò te vitens Christus in gloria, tuum pectus, & angustum, in quo latebas, cubiculum benedixit. Quæ cùm in plateis ad populu de divinis divinè loquereris, iussu Cipara lapis sub tuis pedibus divinitus in altum elevatus est superius; ut videreris in turba ab iis, à quibus audiobas.

ris. Quæ tūm adhuc decennis tantūm, jam discipulas habuisti, easque docebas inter alia, ut oculos dēmitterent, ac parum loquerentur. Cui ignem ingressæ, ut sagam quandam vinceres, ille pepercit innoxius. Quæ VI. Martii, anno MCCLVIII. ætatis XVII. mortua, Alexandro IV. Pontifici Max. apparuisti, & dixisti: *Ego sum Rosa Viterbiensis, serva JESU, & MARIAE;* & ille IV. Septembris corpus tuum, ante plures menses sepultum, ac incorruptum, rosæ super sepulchrum enatae indicio (ita, uti à te monitus fuerat) elevavit: ubi postmodum parvulus mortuus, ac plures alii vitâ functi, ad vitam rediēre; ægri alii sanitatem, cæci oculorum lumen, recuperavere. O Rosa felix, trahi cor meum in odorem exempli tui! Doce me benè introspicere cælum, infernum, Vulnera Crucifixi. Doce, ut MARIAE consultrici obediam; & migrans hinc anima mea mereatur tuum illud elogium: *Ego sum serva JESU & MARIAE.* Amen.

S. Rosalia Virgo, contra pestem advocata, quæ à JESU & MARIA missa, ab Angelis ducta, in anbris cælestem vitam duxisti; certum orandi modum ab Angelis quoq; edo&t;a, preces Deo, rosarum instar, in calathis misisti: Sponsi cælestis manu in sinu Matris sedentis coronata es, & ab eodem blandiente, modulantib⁹ Angelis, corollas ex auro & rosis contextas, assistentibus SS. Petro & Paulo, recepisti: ac tandem dormientis in modum emoriens Angelo duce, rosis redimita ad cælestes nuptias festinasti, & post mortem, inter quatuor Siciliæ Patronas Virgines, in calo media spectata es: & persæpè in urbes peste afflietas, atque addictos tibi clientes, mirè benefica,

nesica, jam animam agentem religiosum clientem tuum cum sacratissimâ Virgine Matre MARIA, & sanctis Ignatio, Xaverio, atque Angelo custode, invisiſti; ei votum Deo nuncupandum conceptis verbis dictâsti ac eum disertè ad magnum in virtute fervorem hortata; repente à morbo lethifero perſanâsti. Inſcribe ori, cordi, ac manibus meis illam antri tui epigraphen: *Amore Domini mei: ut omnia, quæ eloquor, quæ taceo, quæ cogito, quæ ago, siant amore Domini mei;* cujus ego sum, quicquid sum.

S. Moyses, mansuetissime, & zelo Dei plene Prophetæ, Dux, Legislator, Magister.

Sancti tres pueri Martyres, Rufine, Silvane, & Vitalice.

Sancti Magne, Caste, & Maxime, Martyres.

S. Marcellæ, qui palam in convivio idola execratus, ethnicoſque increpans, cingulo tenus defosſus in terram, triduo toto Deum laudans, extintus es.

S. Marcellæ Episc. Martyr.

S. Thamel, ex idolorum sacerdote, cum sociis, pro Christo M.

Sancti Theodore, Oceane, Ammiane, & Julianæ, disiectis pedibus, in ignem conjecti, MM.

S. Marine Diacone.

S. Candida, à S. Petro baptizata.

S. Candida junior, quæ & marito, & filio, vita ut prorogaretur à Deo, impetrâſti! cujus cadavere fluens sudor salutaris fuit multis.

S. Ida, Vidua maximorum natalium, quæ tumbam, quam tibi præparâras, eleemosynis quotidie bis impleviſti; easq; pro felici ad mortem sanctam

præparatione, in egenos è tumba distribuisti.

B. Apollinaris V. nobilis, sancta Hierosolymis peregrina, in sylva paludosâ, inter perpetuos culices, Eremita, & posteâ, sub Dorothei nomine, ac veste, anachoreta; quæ sororem à dæmone liberâsti.

S. Mathia Abba, perpetuo cilicio use, cui S. Johannes Apostolus ab initio ad finem usque Sacri adstitit præsens, à te aliisque duobus conspectus: fac, ut tremendo illi sacrificio sancte adsim.

OMNES SANCTI, &c. pag. 4.

S. MARIA, quæ sanctas Rosam, & Rosaliam, Virgines, ut mundum fugerent docuisti. Doce & me, ut fugiam, quæ ille fugit, amem, quæ amat, nec aliud astimem, quam quod estimat Deus. Defende me in tentationibus, Domina, quæ, hac die, anno 1260. super Senensis tua civitatis exercitum, expanso ballio confederata es; unde dicta est Sena, vetas civitas Virginis!

S. MARIA, quæ JESUM Parvulum hodierna tua Catharinæ Raconisiæ spensum dedisti, dicente illo, dum annulum ei daret. Ego te mihi desponso in fide, spe, & charitate. Desponsa animam meam Christo mitte ignem in ossibus meis, & erudi me eruditis, quibus libenter interes, cogitationibus. Tuus sum ego: da mihi intellectum, imbue illum subili, solidâ, divinâ virtutum Theologicarum Theologiâ. Fac me tuum Theologum in fide solida, qua per charitatem operetur; in spe, cuius anchora fixa sit in coelo, in charitate, quæ, assidua exercitatione, sit magistra omnis amoris, omnis sancti odii, ac omnium, quæ cogito, ago!

s. Septembris. Nonis Sept.

SAncte Eudoxi, qui exploratoribus tuis mensæ adhibitis, ipse te iis ultrò manifestâsti, quis es; & sublatis in cœlum oculis, cùm loris verberareris, cùm cervix tua globis ferreis concuteretur, stabas, orabasque, ut omnes, qui tuum apud Deum patrocinium implorarent; beneficiis abundè cumularet Deus. Ita cum Zenone, Macario, ac mille centum & quatuor militibus, exemplo tuo animatis, fudisti vitam. Pugna cum his, ora cùm his omnibus pro me, in ultimo agone militiae hujus meæ: ut ex hac vitâ, quæ est militia, descendenti mihi, mors sit victoria, & vita æterna sit triumphus. Amen.

S. Victorine Episc. zelotes animarum sanctissime, qui, unâ cum aliis, ad putentes, & sulphureas aquas relegatus; capite deorsum, pro Christo, per triduum orans pependisti, Martyr.

S. Herculane, Martyr.

Sancti Quinti, Arcontí, & Donate, Martyres.

S. Romule, aulæ Trajani Præfecte, virginis cæse, capite truncate.

Sancti Urbane, Theodore, Menedeme, & socii septuaginta septem Ecclesiastici Ordinis, Martyres, pro fide Catholicâ, navi impositi, in mari comburi jussi.

S. Bertine Abba, animos gubernandi gratiâ dexterime.

S. Obdula Virgo.

S. Genebalde Episc. cui vitæ lubricæ sordes pœnitentiâ, per septennium productâ, & severâ eluen-

eluenti, Angelus culpam omnem dimissam esse dixit.

OMNES SANCTI, &c. pag. 4.

S. MARIA, cuius parvula videnda desiderio accensam
hodiernam Benevenutam, S. Anna, te finu gestans solata est, à SS. Angelu, Gabriele & Raphaele, prius, quomodo vos (tales hospites) accipere deberet, instruam. Mitte Angelos, qui me doceant mores placentes tibi, tuo Filio, Matri tua!

6. Septembris. 8. Idus Septemb.

Sancte Eleutheri, sanctorum lacrymarum vir! qui S. Gregorio vires, ad jejunandum, impetrâsti à Deo; qui mortuum hominem vitæ reddidisti; & puerum obsessum à dæmone liberâsti quidem, sed cùm id abs te factum recenseret, reversus in puerum iterum dæmon, iterum à te pulsus est. Repelle à me & vanæ gloriæ spiritum nequam; & omnes dæmones, me in mortis articulo oppugnaturos, compesce, ne in vita, vel morte, inducar in tentationem ullam; & ut liberer ab horrendo & culpæ, & poenæ, malo. Amen.

S. Zacharia Propheta senex.

S. Onesiphore, Apostolorum discipule; qui, unà cum S. Porphyrio, acriter verberatus, & à ferocibus equis raptatus es, M.

Sancti Fauste Presb. Macari, & socii decem decollati, MM.

Sancti Cottide, Eugeni, & socii Martyres.

Sancti Donatiane, Præsidi, Mansuete, Germane, & Fuscule, Episcopi, sustibus, & exilio pro Christo multati,

S. Læ-

S. Læte Episc. cordatissime, post longos carceres, incendio concremate.

S. Petroni Episc.

S. Humberte, cuius sarcinas cruentus ursus obvius portavit, jussus, sub cuius pallium confugientem cervam, canes, sub sacro illo asylo, tutam & illæsam reliquere, cuius mortem & tibi, & S. Alde-gundi, revelavit Deus.

S. Magne Conf. cui aves capere jusso, illæ se ultrò capiendas permisere; cui ursus servivit; qui horrido dracone perempto, aërem, à peste, incolas à metu liberasti: cui, & sociis, Angelus, in charta circulum Orbis describens conspectus est, & dixit, Cernitus, quod totus Orbis maneat deseritus? cuius capitum imminentem è cælo coronam splendidam duo Sancti videre; qui quatuordecim Auxiliatoribus, ut vocant, Sanctis adjunctus, lituo tuo humi fixo, bestias agris noxias interficis. Occide in me, quicquid noxiū est, quicquid displicet Deo meo.

OMNES SANCTI, &c. pag. 4.

S. MARIA, quæ diu flentem, coram tua imagine, hodiernum Ægidium pœnitentem, redditâ, quam ille demoni dederat, syngraphâ, solata es. Docē me veram, & qua Deo per te grata sit, pœnitentiam!

7. Septembri. 7. Idus Septemb.

Sancte Stephane, Christi in cruce pendentis, & in Eucharistiâ, latentis, amantissime, Angelico spectaculo ad orandum excitate; qui ut aleas, aliosque festorum dierum ludos abrogares, dæmonem

nem coëgisti, ut se talem lusoribus discipulis suis corām spectabilem sisteret, qualis illos ad lusum duceret, ac doceret. Ostendit se ille formā horrendē abominabili, adeò, ut lusores discipulos, & sequaces, dæmonis magistri ac ducis paderet. Nolo dæmonis, volo Christi esse discipulus, qui me ē Cruce, & Eucharistiā & vivere docet, & morti. Tu desperatum quendam ad salutem reduxisti. Impetra mihi spem sanctām. Ora pro me, ut post mortem, non jam velatum, sed de facie ad faciem videam, non dæmonem, sed Magistrum ac Duxem meum Deum JESUM. Amen.

B. Joannes Martyr, qui, inter plurima, & diversissima, atrocissimāqne tormentorum genera, ne tristis quidem, sed vultu ac spiritu alacerrimus, es visus.

S. Eupychi, qui venditi patrimonii tui pretium partim pauperibus, partim tuis, quod Christianus es, accusatoribus dedisti; posteā dilaniatus, gladio Martyr factus es.

S. Sozon opilio, qui visione suavissimā animatus, pro Christo immanissimè laniatus unguis ad ossa usque carne nudatus, calceis, clavorum aculeo horridis calceatus; fluentibus inter nova & repetita supplicia visceribus, tormentis immortuus es juvenis gloriose; & noctu cœlestis lux corpus tuum comitata est usque ad sepulchrum. Impetra mihi lumen cordis.

S. Anastasi Martyr.

S. Regia Virgo, per eqvuleum, lampades, & gladium Martyr, cum inter tormenta clamares: Non conseruo; Christum I E S U M , qui me confortat,

ha-

babo, quæ cùm in carcere orares, Crucem ad cælum usque porrectam, & columbam in Cruce vidi, vocemque audisti: *Ave Regina! unguentum suave est oratio tua; parata est tibi corona gloria; apertus est tibi paradijs.* Iterumque tanquam cælestis illius columbæ, coronam tibi porrigentis, & hæc dicentis, verba percepisti: *Veni, Reginæ, in requiem Christi; benta es, quæ hanc coronam meruisti!* Ne cessâ condire oratione tuâ meam orationem; ut ascendat in odorem suavitatis: præpara cor meum coronis æternis per omnia ea, quæ ago, vel patior.

S. Nemori, & socii Martyres, ab Attilâ interfici.

S. Evorti, columbæ indicio electe Episcopi; precibus tuis contra morbos, dæmones, incendia, & pro animarum conversione, potentissime,

S. Augustalis Episc.

S. Pamphile Episc.

S. Clodoalde Presbyter.

OMNES SANCTI, &c. pag. 4.

S. MARIA, super cuius Lauretanam domum, habuisse, per annos plures, lati, ac caelestes quidam ignes vissunt, tuque ipsa descendens conjecta es. Descende in domum hanc tuam, in cor meum, & illud pura, illumina, & accende!

8. Septembris. 6. Idus Sept.

Æ Terna Virgo! cujus natalem diem quotannis effuso super Lauretanam tuam domum igne sancto, & auditis Angelorum choris, & revelationibus,

nibus accensisque, in tenerimum erga te amorem, devotis tibi cordibus, celebravit Deus! O sancta felicissimorum Joachim, & Annae filiola, cuius nativitas gaudium annuntiavit universo mundo, & cœlo, quæ nata es, ut ex te nasceretur Deus Jesus. Ad beatissimas cunas tuas, ad primum lectulum tuum provolvor supplex, ô Parvula beatissima; & rogo, ut me in ultimo lectulo meo morientem, id est, æternitati nascientem, ne deseras: Bonum ei erat, si natus non fuisset homo ille, quem tu deseris morientem. Illabatur & nunc, & tunc, beatum illud lumen, & ignis, & musica, & denique. Tu, in modestum hoc cor! ut in solidissimo exaggeratissimi erga te, tuumque Filium, amoris actu, animam in tuos amplexus expirem. Amen.

Sancti Hadriane, & alii viginti tres, post multa supplicia, crurifragio Martyres.

Sancti Ammon, Theophile, Neoteri, & alii viginti duo, MM.

Sancti Timothee & Fauste, MM.

Sancti Eusebi, Nestabe, & Zenon fratres, pro Christo discepti, & necati.

S. Nestor M. sævissimè cruciate.

S. Corbiniane Episc. spiritùs libertate, ac orandi vi, atque miraculis mirabilis; cuius exequias luce suâ honoravit cælum.

B. Bonfili, MARIE serve, cui gloriosis Angelorum chorus cincta Dei Mater, vestes religiosas ostendit; qui, senio sancto fessus, auditâ te ad gaudia vocantis voce, moriens odore, & splendore miro commendatus, Divos Cælites, subvenite Sancti Dei! canentes habuisti.

S. Tho

S. Thoma de Villanova, vir misericordiarum.

OMNES SANCTI, &c. pag. 4.

S. MARIA, hoc die nata, cuius nomine hodie tem-
plum de lætitia est inauguratum, in quo à te ipsa da-
ta imago tua conficitur. Nascere in me, imprime
tuam imaginem in corde meo: tunc dabis lætitiam in
corde meo. Libera me à loco tristitia aeterna, ô S. MA-
RIA de lætitia, seu exhilaratrix !

S. MARIA, cuius imago mirabilis, in Hispania apud
Rioxanenses, in valle, Angelo illam indicante, ropera
est; Et cœcæ puelle visum, ac multis alijs sanitatem re-
stituit. Impetra bonos oculos cordi meo !

S. MARIA, qua hec die Sancta tua Gertrudi, te
tot salutationibus Angelicis consulunti, quot dubius
delitusti in beato utero S. Anna, felicissima matris tue,
dixisti; eos, qui id faciunt, specialem jucunditatem in-
calo de tuis gaudijs habituros. Qua hoc die, in obla-
tionem summæ delectationis, bonam Gertrudis vo-
luntatem SS Trinitati obtulsti in specie rami, flori-
bus & fructibus per amoeni, & dixisti; te pro tuis loqui
corde ad cor dilecti tui IESU. Cuius honori centum
quinquaginta salutationes Angelicas recitans pro fe-
lici morte S. Gertrudis, vidit omnes illas, in specie
nummorum aureorum, pro articulo mortis, à te ser-
vatas. Fecit, ut salutem te preciosis exquisitis, aureis, id
est, è puro amore profectis, modis: Et hic meus erga te
amor sit amplissimus thesaurus mortis meæ !

S. MARIA, qua hoc die Nativitatis tue, Sancta
Mechtildi petenti, qua fuerit prima virtus, in qua te
in infantia exercuisti! respondisti: Humilitas, Obe-
dientia, Amor. Eadem hac nocte, videnti te, in specie
arboris altissima, aurea folia habentis, & in apice
flo-

florem, qui Orbem terrarum fragrantia suavitate recreabat, dixisti: Deus meus suimet ipsius laudator & laus est in me; & se ipsum miro modo pascit in me. Visa etiam es, hoc die, dilectas tibi animas tuo pallio tegere, ac illis, IESU cordi admotu, dicere; ut in illo fonte omnem amaritudinem suam dulcem redderent, ac omnia vincerent. Doce me virtutes infantiae tuae: fac, ut curram in odorem floris & fructus tui, o arbor pulcherrima: fac ut aurea sint etiam folia mea, id est, verba divini amoris auro sint pretiosa, admove me cordi IESU; & fac, ut in illo amoris gymnasio discam solidum amorem Dei, qui doceat me vincere omnia & dulcia, & amara!

S. MARIA, cujus natalem diem, hoc die orans in templo tuo, & in Deo absorpta S. Francisca Romana, in calo auguste celebrari, & Sanctos tuae gloria granulari vidit ac te tuâ, & Calixtum omnium, lingua gratias Deo agentem audivit. Qua alias, hoc die in sinum eidem dedisti amabilem Filium tuum infantem JESUM, in splendore lucis pulcherrima, qui Franciscam flagrantibus tenero amore oculus aspiciens, cor eius accendebat, quasi ad hora dimidie spatiuum illi a te relictus. Effice precibus tuis, ut vel semel sic me aspiciat tuus JESUS!

S. MARIA, de qua, eadem Francisca, hoc natali tuo die, duos Seraphinos de te canentes audivit, quod esses humilis Dei ancilla, & cella pulcherrima. Et monita est ab iisdem Seraphinis, dicentibus: O anima care, ne sis ingrata, nec de re, nec propter te, quicquam velis; addente S. Mariâ Magdalénâ: Gaudé semper in Domino, & noli aliud cogitare. Doce me ita gaudere accende me; ut cum Seraphinus amem Filium tuum, &

cum iisdem, cantem illi, ac tibi; pareamque consilio Fran-
eiscæ à Seraphinis d' uo!

S. MARIA de monte alto, Messana, hoc natali tuo
die, festis ignibus auguste celebrata: cuius ibi templum,
iterato tuo monitu & columba, spatium templi condens-
di circumvolantis, (iua uii tu predixeras) indicio adi-
ficiatum est. Reginâ ipsa Constantia primum lapidem
jacente, quando etiam una è puerus regius, qua fidem
tuo nuntio non adhibebat, ueroque brachio exarestante
respiuit, & personata est ope tuâ. Accende festos veri
amoris ignes in corde meo, quibus te colam. Sana ari-
da, seu torpore languida, brachia mea, fac, ut verus
Dei amor sit aureum & igneum sigillum, non tanum
super cor meum, sed etiam super utrumque brachium
meum; amemque non tanum lingua, ut feci hac tenus,
sed opere & veritate!

S. MARIA Zyro vicensis, quam sibi conspectam,
promisisse, futurum, ut ad tuam imaginem sanaretur,
dixit puella nobilis, quam morbus mirabilis in globum
constrinxerat, & que triduo jam vel mortua existimata,
vel vere mortua, jamque in tumba sepelienda, pulsu e-
ditu è tumba, ad imaginem tuam deportata, & in tem-
plo tuo aliquantisper relictâ, atque sana reperta, narra-
vit; te ab imagine tua egressam, omnia corporis agri
membra tuis manibus accommodâsse, addito consilio sive
imperio, ut sub S. Basili legibus viveret sanctimonialis,
id quod factum. Sana me, Domina: habe curam cor-
poris ac anima mea; & fac, ut paream consilii tuis!

9. Septembris. 5. Idus Septemb.

Sancte Audomare Episc. qui recepto, ad S. Vedasti tumulum, oculorum lumine, cæcūs iterūm fieri, si animo id prodesset tibi, impetrāsti: cui post plura data sanctitatis exempla, & miracula, morienti Angeli duces fuere in cælum! Effice id pro me, apud DEum, ut ita oculis, ita sensibus omnibus internis & externis, ita DEi donis omnibus, utar, ut Angelos duces in cælum habeam moriens, non dæmones ad infernum. Amen.

Sancti Dorothee & Gorgoni, contemptis honoribus, appensi, flagris toti laniati, visceribus pelle nudatis, aceto ac sale perfusi, in craticula assati, laqueo suffocati Martyres.

Sancti Hyacinthe, Alexander, & Tiburti, Martyres.

S. Severiane miles, qui cùm quadraginta Martyres in carcere frequens visitares, saxo ad pedes ligato suspensus, flagris laniatus, in tormentis spiritum reddidisti; cuius corpori impositum è floribus fertum aquila abstulit, & eo loco demisit, ubi DEus te voluit sepeliri: cuius corpori cùm obviam irent multi, etiam quidam è mortuis resurrexit, & obviam ivit; ac per quindecim annos deinde superstes, à tuo sepulchro non discessit. Doce me, te, ac Sanctos alios, & religioso reliquiarum cultu, & imitatione maximè venerari.

S. Straton, pro Christo, ad duas arbores alligate, atque discerpte.

Sancti Rufine & Ruffiniane, fratres, Martyres.

S. Ser-

S. Sergi Papa.

S. Querane Abba.

OMNES SANCTI, &c. pag. 4.

S. MARIA, cuius sanissimorum parentum Joachimi & Annæ, festum apud Græcos & Maronitas hodie celebratur. Fac, ut illos optimè colam, quia parentes tui sunt; te autem, quia es Mater DEI!

10. Septembris. 4. Idus Sept.

Sancte Nicolae Tolentine, qui tribus, per singulas hebdomadas, ab infantia jejunis constanter addictus, ad unum illud, in templo auditum: Nolite diligere mundum; DEo te dediki totum; satanæ insidiantis semper viator: cui anima è purgatorio conspecta, dixit: Respic in me. Oro, ut pro mortuis Missam celebres; ut eripiar ex his flammis: simulque magnam tibi supplicium turbam ostendit clamantem ad te: Miserere, Pater, miserere turba, tuum auxilium expectantis! & magnus animarum illarum adjutor factus es: qui sex ante obitum mensibus, singulis noctibus, concentum Angelicum audisti; & MARIE Matri, ac Sancto Augustino Patri, tibi hinc exeundi, obviantibus, animam dedisti, bonus filius utriusq;. Subveni & mihi, ut bonâ bonorum MARIE filiorum morte moriar; meq; etiam post mortem, mōderas meas negligentias, in purgatorii tormentis expiantem, pius & efficax intercessor juva. Amen.

Sancti Nemesiane, Felices duo, Luci, Littee, Polyanæ, Victor, Jader, Dative, & alii Episcopi, fustibus cæsi, & in compedibus ad fodienda metallâ damnati,

Sancti Sosthenes & Victor, qui post vincula, & superatas bestias, jussi incendi, vos invicem in osculo sancto salutantes, orationi immortui estis.

Sanctæ Menodora, Metrodora, & Nymphodora, sorores, Virgines, genarum & ossium confratetione, lampadum usione, ferreis vectibus, & ungulis cruciatæ, Martyres.

Sancti Apelli, Luca, & Clemens, Martyres.

S. Theodarde Episc. ad cuius, in frusta membratim secti, cadaver, Angeli luminaria posuere.

B. Hilari Papa.

S. Petre Episc.

S. Salvi Episc. qui à morte ad vitam redux, audiisti à DEO: *Vade in pace; ego enim sum custos tuus, donec reducam te in hunc locum:* & mira quædam, quæ utilia sunt ad mortem optimè obeundam, falariter docuisti.

S. Agapi Episc.

S. Pulcheria Augusta, Virgo, religione, pietate, prudentiâ, liberalitate, insignis.

S. Cosma Episc. cuius sepulchri pulvere febres depulsa sunt.

OMNES SANCTI, &c. pag. 4.

S. MARIA, quæ S. Nicolao Tolentino, qui tuum in honorem sabbato jejunabat, in morte apparuisti. *Doce me ita jejunare, ita reliqua agere, ut moriens, ea tibi placuisse, felix experiar!*

II. Septembris. 3. Idus Sept.

Sancte Euphrosyne, cœnobitarum in culina serve humillime, qui tantum in illis ministeriis hau-
fisti

sisti sanctitatis, ut à Sancto quodam, in ecstasi posito, sacerdote, in amoenitatis felicissimæ paradi-
so sis conspectus. Impera mihi veram illam, &
ad feliciter moriendum necessariam humilitatem;
ne superbo mihi resistat in æternum DÆus, sed
humili mihi morienti det gratiam, & gloriam po-
stea æternum viventi. Amen.

Sancti Prote & Hyacinthe, fratres, MM. ver-
berati, decollati.

S. Vincenti Abba, M.

Sancti Diodore, Diodemes, & Didyme, MM.

SS. Paphnuti Ep. & socii, dextro oculo effosso,
& sinistro poplite exciso, ad metalla damnati.

S. Patieus Episc. abstinentiâ & singulari, tem-
pore famis, liberalitate laudatissime.

S. Æmiliane Episc.

S. Theodora poenitens, quæ iniustam tibi in-
justissimam, foedissimamque contumeliam; ad
mortem usque forti silentio, sine ulla excusati-
one, admirabiliter tolerâli; & præparata tibi
gloria Abbatii ab Angelis est revelata; & ipsi o-
stensa es immortaliate vestita.

OMNES SANCTI, &c. pag. 4.

S. MARIA, sub cuius præsidium commendabat eas,
quas construebat, cellas, easque obedientias vocabat
tuus Almirus. Fac me obedientem DEO: habe me
tibi ex toto una cum loco, in quo habito, dedicatum æ-
ternum!

12. Septembris. Pridie Id. Sept.

Sancte Guido, orationis, jejunii, eleemosynæ dan-
dæ, studiosissime, qui minima quæque errata,
Pars II.

crebrâ, consideratâ, solidâ, & multis lacrymis plenâ confessione eluebas, MARIÆ in templi obsequiis fidelis, & diligens servus: quo moriente, spectantibus, qui aderant, omnibus, lumen à cælo fusum, columbae instar, super te descendit, & vox cælestis audita est: *Veniat dilectus noster, ad percipiendam aeterna jucunditatis coronam: quia fidem servavit.* De di fidem DEo in Baptismo, quâ daemoni, & ejus pompis renuntiavi, & adhæsi DEo. Ora, ut illam ne lædam, & in quocunque, vel minimum læsi, sanctè eluam, ac per ferventia MARIÆ oblata obsequia, inviter tecum ad *coronam jucunditatis aeterna.* Amen.

Sancti Gieronides, Leonti, Serapion, Selesi, Valeriane, & Straton, in mare demersi, Martyres.

S. Autonome Episc. DEi usque ad aras amice, & Martyr, Sacerdos, & victima.

Sancti Macedoni, Theodule, & Tatiane, qui super crates ferreas ignitas martyrium exultantes complevisti.

S. Curonote Ep. capite truncate.

S. Juventi Episc. cui, zeli, & pietatis operibus pleno, apparens S. Syrus, cum aliis è cælo Sanctis Juventi dilectissime, inquit, *scias te tertio post hunc anulum celestis patriæ percepturum.*

S. Sacerdos Ep.

S. Silvine Ep.

S. Amate, qui fontem è petra orando elicuisti saxum ruens Crucis signo stitisti: & post mortem tuis apparuisti, dicens: *Ne contristemini, certi me i peccatis absolutum,* *& comiter à Domino acceptum.* Ora, ut sic vivam, ut merear comiter accipi à Deo post mortem.

OMNES SANCTI, &c. pag. 4.

S. MARIA, qua Catholicos, hodie pugnantes, ju-
vare, & centum quinquaginta lapides (Rosarij tui
salutationum symbola) contra hereticos jacere, & eos
proficere, conspecta es. Iuva me pugnantem; ut vin-
cam hostes meos, tuos, DEI !

13. Septembbris. Idibus Septemb.

SAncte Maurili Episc. prodigiis magne, sed altâ
quadam tui abjectione, quam maximè! qui Re-
natum puerum, (tuum postea in Episcopatu suc-
cessorem) pridem jam mortuum, à mortuis suscitâ-
sti, qui inter triduana plerumque jejunia vegetus
ac rubicundus, ad deuetam omnino ætatem, nun-
quam dente, vel oculo, vel ullâ corporis parte, æger,
inter voces ultimas, hæc moribundus ajebas ad tu-
os; Valde ut perpenderent, animas suæ pretio magno,
pretioso DEI IESV sanguine embatas esse! O! impetra
mihi à charo JESU, ut pretiosam illam cogitati-
onem toto corde imbibam; ne in vita, & morte
perdam pretiosam animam meam: & ita portem,
& glorificem DEum in corpore meo, ut moriens
animam illi reddam, qui illam sibi emit, JESUS.
Amen.

S. Philippe, pater S. Eugenii Virginis, qui, de-
sertâ Ægypti præfecturâ, baptizatus, dum orares;
jugulatus pro Christo es.

SS. Macrobi & Julianæ, MM.

S. Ligori Eremita M.

S. Eulogi Episc.

S. Amate Episc. qui captivus, & exul, in quadam

Beatissimæ Virg. Æde oratus, vestem tuam ad Solis radium appendisti; post cujus mortem catena ferrea, quam gestaras semper, à cadavere tuo ultrò soluta, ægris profuit ad salutem.

S. Veneri, Eremita sancte.

S. Amate Presb. Abba, qui dæmonis, gulæ, somni victor fortissimus, oratione, signo Crucis, lacrymis potens; è moniali, quæ in pomo, sive Superioris permissione comestio, dæmonem conederat, hospitem pessimum ejecisti; qui mortis tuæ tempus, uno antè anno, prædixisti; & in cilicio ac cinere extinctus es.

S. Cornelii centurio, à S. Petro baptisate.

S. Luca Abba, qui solo tuo sudario ad ægros misso, eos persanabas. Qui contra Saracenos Christum orans, ab illo vocem audisti: *Non potuerunt stare à facie splendoris gratia spiritus, tibi concessa: invenisti enim gratiam apud me, & dum eques, unâ cum militibus, contra illos moveres, barbari eo igne, quo candidus tuus eqvus splendebat, conspecto, in fugam sunt versi. Impetra milii splendorem gratia spiritus amoris DEi; ut semper vincam hostes DEi ac meos, tentationes, respectus humanos, & quicquid in me potest impedire, ne in splendore gratiæ spiritus amoris DEi proficiam.*

OMNES SANCTI, &c. pag. 4.

S. MARIA, cuius felicissima mortis dies trigesimus apud multos hodie celebratur. Per IESV ac tuam, omniumque, quos in morte fuisti, mortem, te rogo, suscipe omnem, ac plenam curam mortis mea; ne moriar, sed vivam eternam tecum felix!

S. MARIA, ad cuius admirabile facillum in Helvetia,

veia, de eremo dictum consecrandum, hoc die appul-
sus S. Conradus Ep. vidit divinitus tui illius sanctua-
rii dedicationem à Christo ipso factam, te praesente ac
sanctis Angelis, S. Michæle chori caelestis prefecto-
canentibus; & omnia haec descripta in libello de secre-
tis secretorum: ubi ait: MARIA Virgo ante al-
tare stabat splendida sicut fulgur. Sim ego facellum
tuum, quod IESVS dedicat amori suo, gloria sua, in
honorem tuum: & si que tenebra mihi cor parente
occupare; tu illas fuga, tu mihi assisse splendida si-
cut fulgur!

14. Septembris. 16. Kal. Octob.

Crucifice DEUS JESU, qui sacrosanctam Cru-
cem tuam, ab Heraclio Imperatore, auro, gemitis
misque splendente, ad Calvariæ montem ferri non
permisisti; sed ut nudipes, in abjecto cultu illam eo
loco, ubi tecum steterat, exaltaret, voluisti. Digna-
re honorari à me! Da mihi humilitatem sanctam!
Video, quod à superbis honorari non digneris. Sic
mihi viventi, & morienti, pretiosa, & felicis æter-
nitatis tessera semper humilitas, qui se humiliat, per
Crucem tuam exaltabitur in cælum: qui se exaltat,
humiliabitur usque in infernum. Doce me humili-
tatem tuam, Domine Crucifice JESU, & salva
me tu, qui humiles spiritu salvabis. Crucifice
JESU, qui S. Gertrudi dixisti; te præ iis, quæ tibi ad
corporalia commoda servierunt instrumentis, ho-
norasse Crucem tuam, spinas, lanceam, clavos, id
est, cruciatuum tuorū instrumenta: & desiderare te,
ut speciales dilecti tui, te in hoc imitentur, in hono-

rem tuum, affectum dilectionis ostendant suis adversariis; quia incomparabiliter majorem profectionem ex hoc consequi possunt, quam si ament benefactores suos, laudabile, & acceptabile sacrificium tibi fore, si pro injuriis beneficia reddere satagant. Reliquias vero Crucis tuae desideranti eidem suasisti meditatam lectionem historiae Passioni tuae, ac verborum, quæ in illa majore affectu dixisti: has enim esse reliquias, quæ cor tuum efficacissime trahere poterunt ad habentem illas. Doce me, amore tui, amare illos, qui me amant, & illos, qui me non amant. Benedic millies illis, qui mihi male faciunt; & centies millies illis, qui bene. Insere cordi meo reliquias Crucis tuae. Doce me amanter ac dolenter legere ac expendere omnia, quæ pro me fecisti, quæ perpessus es, quæ dixisti: ut his omnibus me tibi magis accendas; & in eo præstem rem tibi summè gratam. Nam tu ipse S. Mechtildi, quid maximè in homine tibi placeret? interroganti, dixisti: ut cum magna gratitudine perpendat, & iungi memoriâ revolvat omnium virtuosorum operum meorum exercitia, quæ in terris operatus sum: & omnium pœnarum & injuriarum, quas sustinui triginta tribus annis, & tandem mortuus sum in Cruce, ob amorem hominis. Da mihi intellectum, ut hæc penetrem, & non nisi amore DEI vivam, ac moriar. Amen.

S. Joannes Baptista, cuius venerandam manum dicitur Episcopus apud Græcos, die sacrosanctæ Crucis exaltatæ spectante populo sublimem tollere, eamq; dum tollitur, subinde explicari, subinde contrahi per se: atque per explicatam quidem tuam

tuam manum, frugum ubertatem portendi; contractione verò, annonæ caritatem prænuntiari. Ex-plica manum tuam, eaque cor meum cape, Deo of-fer, ac fœcundum redde, ut sit fertilis ager Dei.

S. Cornelii Papa, qui, ore plumbatis contuso, unà cum aliis viginti & uno, promiscui sexûs, decolla-tus es.

Sancti Cærealis miles, & Sallustia, conjuges Martyres.

S. Cypriane Episc. disertissime, & in egenos be-nignissime, qui pro fide proscriptus, grassante po-sticâ lue horridâ, Christianorum, & gentilium illâ correptorum magister, pater, frater, minister factus es, tandemque post durum exilium, capite trun-catus.

SS. Crescentiane, Victor, Rosula, & Generalis MM.

S. Crescenti puer, S. Euthymii fili, gladio Martyr.

S. Materne Episc. quadragesimo post mortem die, S. Petri meritis, vitæ restitute; qui Tungris B. Virginis templum posuisti; qui, post labores Apo-stolicos, vidisti SS. Eucherium & Valerium, veste pontificiâ gloriosos, qui coronas gestabant in capite, rosis, liliis, gemmisque mirè contextas; ejusdemque decoris, & artis coronam aliam manibus ostentantes, te ad illam invitabant: tūm voci, te ad cælum invitanti, morte pretiosâ es obsecutus. Im-petra mihi, ut te sequar,

S. Joannes Chrysostome, aurei cordis, orisque Patriarcha, zelo divini honoris, absque ullo huma-no respectu, aut spe, vel timore, plene vir; exiliis ærumnis hodie confecte.

OMNES SANCTI, &c. pag. 4.

S. MARIA, qua Mariam Ægyptiacam, hodie, templo ut ingredi posset, ac verè converteretur, adjuvisti. Impetra mihi veram pœnitentiam, ex puro erga Deum amore profectam!

15. Septembris. 17. Kal. Octob.

SANCTE AICHARDE, qui opus obedientiæ dum votè exequereris cælestem vocem audisti: Ibunt Sancti de virtute in virtutem! cui Sancti per quietem visi dixerunt: Surge; Et officium, quod tibi imponitur, obedienter suscipe: tibique dederunt virgam, quam tuos in religiosa disciplina coërceres, & librum, quo eos recta doceres, & illâ voce animatus, non gentorum posteà monachorum in virtute magister, ab Angelo, dormientes tuos virgâ signante, quinam, & quando decessuri è vita essent, didicisti, eosque monitos ad stupenda pœnitentia amoris, devotionis opera, utpote morti vicinos, promovisti; illique qui à te moniti, fuerant, omnes, sumpto sacrosancto viatico, a iimas suas Deo, & sibi invicem commendantes, radiante vultu felices animas æternitati sanctæ dedere; & tu paulò post secutus illos es! Ora pro me miserabili unâ cum omnibus illis filiis tuis, ut ita vivam, ita orem, ita exactè ad leges æternas ad prima & summa æternæ Véritatis principia, agam omnia, ac si me jam hodie de vicina morte tu, vel meus Angelus monuisset: ut hîc de virtute in virtutem eam semper, usque dum hinc abeam de beata morte ad beatam vitam. Amen.

S. Nicomedes Presb. plûbatis diutissimè cæse M.
S. Valeriane, qui suspensus; & ungulis gravissimè lanci-

lancinatus, læto animo Christum laudans, ense percussus es.

S. Melitina, quæ, ad præsentiam tuam corruentibus semper idolis, suspensa, laniata, capite plexa es.

Sancti Maxime, Theodore, & Asclepiodore, Martyres.

S. Porphyri, è mimo nugatore repente mutate in virum alium, baptizate, securi percusse, Martyr.

S. Niceta, qui in ignem conjectus, hymnos Christo ad mortem usque lætus cecinisti; & corpus tuum ab igne non læsum stella cælestis Mariano ostendit.

Sancti Emila, & Hieremia, cervicibus abscissis Martyres.

S. Aper Ep.

S. Lobine Ep.

S. Albine Ep.

S. Eutropia Vidua.

OMNES SANCTI, &c. pag. 4.

S. MARIA, cuju[m] hodie colitur apud Cluniacum dedicatio capella in Sanctorum tuorum mysteriorum omnium recordationem. Doce me tui, ita ut par est, quam optimè meminisse.

16. Septembris. 16. Kal. Octob.

S. Ancta Editha, Virgo regia, quæ pauperum & ægrorum devota obsequiis, verum desolatorum solatium dicebaris; cilicum aspergium mundo muliebri splendide occulebas; & elegisti abjecta esse in domo Dei tui, quam in throno Patris tui (ad quem trahebaris) sedere Regina; de cuius morte S. Dunstanus cum lacrymis: *Hac inquietabat, di-*

lecta Deo anima, hec siderea gemma, ad patriam Sanctorum ab illuvie terrenâ rapietur: tertio, & quadragesimo ab hinc die occidet nobis hec stella luculenta. Ita postquam sanctè occidisti, matri tuæ apparet in gloria, dixisti, te sempiternæ gloriæ jam factam participem: totoque corpore integra reperta es, prater oculos, manus ac pedes, quibus te parvulam ad levitates abusam dixisti. O desolatorum solarium! Solare me desolatum in morte; doce me Dei voluntati accommodare inimicum animæ corpus. En oculos, manus, pedes, cor, corpus, ac animam, & omnia Deo per te offero; ne illis abutar unquam! O stella! ô gemma siderea, ô dilecta Deo anima, ora, ut ab hac terrarum illuvie ad patriam Sanctorum abripatur. Amen.

S. Euphemia V. Christianorum Dux, quæ, post atrocissima tormentorum genera, nec ab igne nec à ferris ferreis, nec à feris læsa, orans tandem, uno fætæ mortuæ abiisti, quò, voce è cælis resonante, ad coronarum datorem evocabaris.

S. Lucia, matrona nobilis, à filio accusata, quæ fustibus cæsa, in olla ænea, ferventi pice ac plumbo plenâ, psallens, triduo vixisti illæsa.

S. Geminiane, qui, è cælo veniente, ac tuo capiti insidente, columbâ niveâ, tunc, cum S. Lucia, ante domum tuam, ferro, & plumbo onusta, duceretur, cælum tibi patere vidisti, & unâ cum Luciâ, diu & gravissimè tortus, gladio percussus es.

Sancti septuaginta quinque, horum exemplo conversi, MM.

Sancti Abundi & Abundanti, qui rogati, quid essetis? & vos, & socios, Christianos esse, & nomina dedisse

*dedisse calo; dixistis: qui, dum in equuleo torquere-
mini, ajebatis lāti: Gloria tibi Domine IESV Christ-
e, Rex Angelorum! qui in ipsa ad mortem via,
mortuum Marciani ethnici filium Joannem susci-
tāstis, & cum illo, unā cum patre baptizato, ca-
pite plexi estis, Martyres.*

S. Sebastiana, S. Pauli Apostoli discipula, gladio
Martyr.

Sancti Rogelle & Servedei, manibus, pedibusque
abscissis, decollati.

S. Niniane Episc.

OMNES SANCTI, &c. pag. 4.

S. MARIA, cui ante novem dies nata hoc die, sa-
cro*sanc*tum MARIÆ nomen impositum esse ajunt. Illu-
mina, O posside me, ac sanctissimi hujus nominis the-
sauris me dignum redde usque ad mortem, quam o-
pto JESU & MARIÆ nominibus penitus dedicatam!

17. Septembris. 15 Kal. Octob.

O Vulnerate Francisce! cui biennio ante mortem
sanctam, inter Seraphica cordis accensi spiria,
sex fulgidis igneisq; alis instructus, de cælo descen-
dens Seraphinus crucifixus, quinque sacro*sanc*ta
stigmata in manibus, pedibus, & cordato latere im-
pressit. Sine me tibi, tametsi stigmata Domini no-
stri JESU Christi in corpore tuo portanti, molestum
esse, teque rogare, ut accendas & me. Vulnera
me; ut jam tandem serio serviam vulnerato Deo.
Meliora sunt mihi, & viventi, & morienti, vulnera
diligentis JESU, quam oscula blandientis mundi,
vel carnis, & dæmonis, Ergò, sub umbrâ Seraphi-

carum illarum alarum, contra illos me protege
morientem. Amen.

S. Justine Presb. Martyr.

Sancta Ariadna, Martyr.

Sancti Narcisse, & Crescentio, MM.

Sancti Socrates & Stephane, MM.

Sancti Valeriane, Macrine, & Gordiaue, Mart-
tyres.

S. Floccelle puer, pro fide multa passe, demum
à feris discerpte, M.

S. Rodinge Episc. qui defixo humi baculo aquam
elicuisti, in qua tantum auri reperisti, quantum ad
fundum, pro templo, coenobioq; contendendo emen-
dum, suscepit. quo Psalmum centesimum octa-
vum; *Deus, laudem meam ne tacueris, recitante, vox*
à pluribus auditæ est, è cælo descendens: *Petitio tua*
exaudita est, & hanc domum in tutelam accipiam, qui
à spectabili tibi Custode Angelo de iis, quæ tui
erant officii, docebaris, qui anno ætatis centesimo
decimo septimo, de morte ab Angelo tutelari ad-
monitus, migrâsti felix.

S. Joannes M. eujus capiti clavus infixus est.

S. Victor M. capite primùm excoriata, deinde
truncate.

S. Stephane, ferreis ungulis, præcisis manibus,
& capite disiecto M.

S. Lamberte Episc. ob reprehensam in aula im-
puritatem, occise; tui occisoris cadaver sub dio pa-
lām putrescere debuit, terrâ illud non admittente;
in toto autem eo loco, ubi sanguinem fudisti, cæ-
lestis lux resplenduit, & ad sacrum tuum cadaver
cælestis Angelorum harmonia audita est.

S. Aga-

S. Agathoclia ancilla, quæ ab infideli dominâ diu multis ærumnis cruciata, judicis jussu excissa lingvâ, in ignem projecta es.

S. Columba V. Martyr.

S. Satyre, S. Ambrosii frater, SS. Euecharistiaæ amantissime.

S. Theodora matrona, ministra Martyrum.

S. Hildegardis V. quæ cælestibus pasta deliciis, inter dolores, cælestis patientiæ, & revelationum continuarum dono illustrissima, sapientiæ fonte divinitùs potata; à dæmonibus, & hominibus multa, & mira, & diutissimè libentissimeque, cum gratiarum actione, passa, à Cherubino defensa, miraculis admiranda; morbos, insanos amores, in supremo agone jacentes, curâsti; quæ scriptis cælestibus relictis, octogesimo secundo ætatis anno, cælesti fragantiâ perfusa tota, apparentibus in cælo lucidissimis duobus arcibus, extincta es.

B. Petre de Arbués, è Cæsaraugustano Canonico Martyr, miraculis contra morbos & spiritus immundos illustris: qui cum orans in templo, pro fide confodereris, Vilillæ campana miraculosum, nullo eam impellente, sonum edidit: cuius sanguis; in templi pavimentum effusus, etiam post dies duodecim, effervescere ac ebullire conspectus est.

B. Gændolphe, qui socio tuo, ægro & muto, facultatem loquendi tantisper impetrâsti, dum peccata confiteri posset; dæmonibus, qui cum minaciter ac desperanter urgebant, per preces tuas pulsis. Quo mortuo duæ campanæ sponte sonum dedere, crebrescentibus ad corpus tuum miraculis. Doce me benè tacere, benè loqui, benè confiteri.

OMNES SANCTI, &c. pag. 4.

S. MARIA, cuius Nominis festum, hoc die, in Hispania celebratur: Et quo die, anno 1665. ex hac vita migravit Philippus IV. Hisp. Rex, qui festum patrocinii tui à Pontifice impetravit in Regnis Hispanie celebrandum. Fac, ut singuli dies mei, sint dies facti Nominiis & patrocinii tui; sed potissimum ultimus vita mea dies, cuius curam tibi commisso. Iter para tutum mihi tunc ad eternitatem!

18. Septembris. 14. Kal. Octob.

Sancte Ferreole tribune, qui tyranno ajebas, Deū servis suis per JESUM dare fiduciam moriendi, & resurgendi spem; qui fatigatis pluribus te cædendo tortoribus, posteā sponte solutis ferreis vinculis, Rhodanum, succollantibus Angelis, facile transthi, & iterum capto tibi objectum, ad terrorem incutiendum, S. Juliani M. caput, amplexu & osculo honorasti; tandemq; capite truncatus, multis post annis, unā cum illo S. Juliani capite integro, integer es repertus. Ora cum Angelis, & Juliano tuo, pro me; ut vincula hæc, quæ me hic adhuc tenent, felix exuam, & rapacem mortis fluvium, succollantibus Angelis transmittam in æterno portu futurus, absque ullo illius infelicitatis metu æternum felix. Amen.

S. Thoma de Villanova Archiep. cuius granarium, post farinam omnem in pauperes erogatam, divinitus plenum repertum est: à quo inchoatâ, inter divinum Officium recitandum, Antiphonam Angeli cecinere, te interea in aëre sublime, cuius pecunia

cunia cùm in pauperes erogaretur, sæpiùs augeri est deprehensa, qui furibus pecuniâ, à te in usus pauperum destinatam, furatis, vivus tunc adhuc, apparuisti, & minaciter imperâsti, ut redderent quicquid acceperant. cui, secundâ die Februarii, Crucifixus Christus dixit: *Æquo animo esto: in die Nativitatis Matri meæ venies ad me, qui à morte tuâ cùdum glriosus alii verò (qui res à te pauperibus dari jussas, iis dare morabatur) minax visus es, eumq; flagris etiam cædi jussisti. Fac, ut benè orem; & ut ita vivam mori paratus, sicut tu, à Februario usque ad Septembrem, vixisti, conscius eos menses tibi esse supremos.*

S. Methodi Episc. vitâ doctrinâ, eloquio, martyrio, clarissime.

Sanctæ Sophia & Irene, MM.

S. Eustrogi, laudatissime Episc.

S. Eumene Episc.

MNES SANCTI, &c. pag. 4.

S. MARIA, quam Sanctus hodiernus Methodius sic salutabat: Salve dilectionis Dei thesaure! O effunde in cor meum, è thesauro cordu tui, aliquid dilectionis Dei! Illam estimem, amem, quaram, inveniam, super omnia, in aeternum!

19. Septembris. 13. Kal. Octob.

Sancte Januari Ep. qui in fornacem ardente injectus, ibi latus, & illæsus cum Angelis cecinisti; ac tandem, blandientibus tibi bestiis, gladio percussus una cum sociis, post mortem crumpentes flammarum globos è Vesuvio extinxisti; cujus is, qui in-

ampullâ vitreâ concretus asservatur sangvis, cùm in conspectu capitîs tui ponitur, mirabiliter colliquefiens ebullit. O bulliat sangvis tuus apud Deum pro me tunc vel maximè, quando meus hic sangvis mortuali torpore torpescet in venis! Averte tunc igneum à me torrentem non Vesuvii, sed incendii æternitatis ignitæ. Amen.

Sancti Feste, Desideri, Sosi, Procule, Eutyches, & Acuti, cum S. Januario, MM.

S. Joannes Ep. Martyr, pauperum & Ecclesiærum pater; cuius corpus, lanceâ confossum, cælestes cantus, odores, columna ignea ostendere.

Sancti Felix & Constantia, MM.

Sancti Pelee, Nile, & Elia Episcopi, cum Clericis plurimis, igne consumpti.

S. Torphime, durissimè verberate; qui tormenta omnia, delicias oculorum, & pro Christo fusum sanguinem, divinum quoddam lavacrum esse ajebas: discerptis deinde ad ipsa viscera lateribus, inferreis clavatisque calceis incessisti; & iterum nervis, sale, aceto, lampadibus cruciatus, toto corpore ungvibus discerptus, eruto cudentib⁹ obeliscis, utroque oculo Deo velut sacrificii totius primitias, lætus obtulisti oculos, deinde & caput.

S. Dorymedon, dolorum, & coronæ sancti Trophimi socie Martyr.

S. Sabbati, flagris cæse usque ad mortem.

S. Pomposa V. Marryr.

S. Theodore Episc. pacifice, octogesimo octavo ætatis anno, ut à Deo didiceras fore, defuncte.

S. Eustochi Ep.

S. Sequane Presb.

S. Goe-

S. Goerice Ep. à cœcitate, Angeli monitu, ad S. Stephani reliquias, liberate.

OMNES SANCTI, &c. pag. 4.

S. MARIA, in cuius templo furtum tentanti cui-dam, tua, seu S. Ioannis Baptista, imago, quam spo-liare monili volebat, tergum vertit; alio idem moliente, campanæ omnes, sponte sonantes, furem prodidere. Quæ ita defendis tua, defende & me; ne quis predo depra-detur animam meam, ancillam tuam, imaginem Dei vivi!

20. Septembris. 12. Kal. Octob.

S Ancte Eustachi, genere, opibus, honoribus, militari gloriâ inclyte vir! qui dum venareris inter cervi prægrandis cornua, excelsam, atque fulgentem imaginem Crucifixi vidisti; ejusque voce ad immortalis vite prædam invitatus, audisti, quanta te oportet unâ cum tuis pro æternitate pati: id quòd per varios; mirabiles, tuos, tuorumque casus expertus abunde es, quando tandem unâ cum uxore, & liberis, in æneum, carentemque ab igne subiecto taurum injectus, ibi divinas inter laudes ad immortalem, ad quam invitatus à Christo fueras, vitam abiisti. S. Eustachi S. Theopista conjux, sancti duo parvuli filii, Agapite & Theopiste, avertite à me vestris precibus, morte vestrâ, horrendam præ omnibus Phalaridis tauris æternitatem! Doceat me obedire sibi Crucifixus Jesus: ut quemadmodum desiderat cervus ad fontes aquarum; ita desideret anima mea ad te Deus. Amen.

S. Fausta, gloriosissima V. quæ decalvata, sus-pen-

pensa, torta es, quam cùm secare medium vellent
carnifices, nec possent, Evilasius idolorum sacerdos
conversus, ideoque tortus est: tu vero capite tere-
brata, clavis toto corpore confixa, & ignitæ sarta-
gini imposita, unà cum Evilasio, voce de cælo ve-
niente vocata, ivisti ad beatitatem:

Sancti Dionysii & Private, MM.

S. Prisce, M. qui punctim pugionibus transver-
beratus, capite plexus es.

S. Theodore, S. Philippa ejus mater, & socii
Martyres.

S. Candida V. plagiis toto corpore dilacerata,
Martyr.

S. Susanna M. idolorum sacrificuli filia.

S. Agapite Papa.

S. Cliceri Episcope.

OMNES SANCTI, &c. pag. 4.

S. MARIA, cuius imaginem lardineti incendio eri-
puere Angeli, & in hortulo deposuere. Eripe me, cum
Angelis tuu, ab aeterno incendio, & colloca me in horto
illo, ubi tu es, cum I E S V, flos præcipuus Sanctissima
Trinitatis!

21. Septembris. II. Kal. Octob.

Sancte Matthæe, è divite publicano, ad unam
Christi vocantis vocem, JESU Apostole, posteà
Evangelista; qui apud Parthos, & Æthiopes draco-
nibus imperâsti, Regis filium à mortuis excitâsti,
Regem cum omni regia baptizâsti; ac tandem ob-
Christum, & persuasum Iphigeniæ Regis filiæ,
Christianæ virginitatis votum, securi percussus, &

ab

ab Iphigenia templo honoratus, post mortem eidem unà cum Angelo apparuisti gloriosus; eamq; solatus, ignem in illius domum missum, in regiam redire fecisti. Intercede pro me, Apostole sancte; ut & ego citò, ferventer & semper obediam loquenti mihi DEo JESU! non obdurem cor etiam hodie! Ora verò, ut ita mihi loquatur JESUS, ut simul det mihi gratiā iis, quæ loquitur, obediendi efficacem, & deinde morte Deo obedientium moriendi. Amē.

S. Jona Propheta.

S. Pamphile M.

S. Alexander Episc. pro fide per fusiles, equum, lampades, ungulas, bestias, fornaces ignes, & gladium M.

S. Eusebi M. qui ultrò præfectum adiisti Christianus, & post multa tormenta gladio cæsus es.

S. Isaci Ep. M.

S. Meleti Episcope.

S. Iphigenia V. ab hodierno Apostolo DEo dicata.

S. Maura V. quæ patrem tuum ad arctam cæli viam adduxisti à via spatiofa: quæ coram Crucifixo te humiliter quotidie prosternebas; & causam rogata, dixisti te frequenter audivisse in imagine Jesus puerum in Matris sinu vagientem; & juvenem in Cruce gementem; & Regem in solio imperantem, tibique virginem auream donantem; cuius piis ad aram fusis lacrymis oculos perungens Mauritius Levisa, lacrymarum donum impetravit, cuius morientis lectulo adstare visi sunt Sancti Petrus, Paulus, Gervasius, & Protasius, patroni tui, qui à te cruentas bestias repellebant: cuius cilicio faciei admoto

fœ-

fœmina maculam, cum qua nata erat, abstersit.
Doce me amare, colere, ac sequi JESUM in MA-
RIÆ sinu, in Cruce, in cælo.

OMNES SANCTI, &c. pag. 4.

S. MARIA monitis Serrati, quæ hodie puerum tri-
tui facio occisum, ad matris preces, coram imagine
tua fusas, statim excitasti, miserere mei: ne moriar
in aeternum. Plus, quam illa mater pro filio potuit, tu
potes apud filium pro servo; ut non moriar, sed vi-
vam tibi!

22. Septembris. 10. Kal. Octob.

SANCTE Mauriti, legionis Thebæorum Princeps
fortissime, miraculorum unà cum tuis patrator
magne: cuius virtute, ad infelicem impuri Udonis
mortem, usus est MARIÆ, & Sanctorum aliorum
precibus inclinatus DEus. S. Mauriti, & vos, sex
millia sexcenti sexaginta sex, pro Christo duce glo-
riosissimè purpurati, æternitate coronati, milites
DEI: Omnes ego vos, singulosque sanctè, demisse-
que obtestor. Adeste mihi, hanc super terram mi-
litiam moriendo finienti, ut finiam satiè victor!
Orate, clamate tune pro hoc uno, tune ad omnia
muto, omnes! Inclinabitur clamore, tanto vestri,
pro me clamantis sanguinis optimus DEus, & me,
licet meritis meis bonâ morte indignum, tamen
propter JESU, MARIÆ, ac vestra merita, sanctâ
morte, & æternâ vestrâ in cælo societate digna-
bitur. Amen.

Sanctæ Digna & Emerita, Virgines Martyres.

S. Jona, S. Dionysii discipule, qui pro Christo
capi-

capite plexus, tuum caput per tria millia iportasti
ad sepulchrum, ubi quievisti, luce, odoribusq; perfusus. Impetra capiti & cordi meo lucem DEi!

S. Emmerane Ep. ob DEi, & proximi charitatem per immanissima supplicia, M. miraculis admirabilis: cuius anima, quasi lux immensa, caelos visa est penetrare.

S. Iraides V. quae cum navim Christianis martyrii candidatis onustam vidisses, te illis adjungens, prima omnium post multa supplicia gladio cæsa es.

Omnes sancti Presbyteri, Diaconi, & Virgines cum S. Iraide, capite cæsi, Martyres.

B. Sanctine Episc. S. Dionysii Areopagitæ discipule.

S. Lauto Episc.

S. Florenti Presb.

S. Silviane.

S. Phoca, hospitalissime hortulane M. qui sæpè in navibus periclitantes gloriosus juvisti.

S. Joannes, Abba humillime, qui orando basilicum occidisti, dæmones fugasti, eleemosynam pro egenis cælitus accepisti, & centesimo vigesimo ætatis anno, nihil damni passis oculis, vel dentibus, aut memoriâ, felix obiisti diem sanctum.

S. Salaberga, Princeps vidua sanctimonialis; cui ad caelos totâ mente abrepta apparuit S. Ansericus Episcopus & dixit: Quia Sororibus adhuc necessaria es, B. MARIA Filium suum deprecata est, ut Superis citius revertaris: & tunc visa est avis candida velut haustum è caelo spiritum ori tuo infundere: cui morituræ adfuit Angelus, & dixit: O dulcissima filia,

filia, prepara te, ut bravium accipias, & exitum tuum præstolare; centesimo enim die laboris fructum recipies. Demum ante mortem ad excelsum, quod videbas, amœnumque palatum es invitata.

OMNES SANCTI, &c. pag. 4.

S. MARIA Silvaducensis, cui hodie gratia reddita, ob ihos captivos, in libertatem assertos. Solve vincula reis: & si quid est, quod me occulte vinculum teneat, libera me; ne sinas me rudentibus inferni alligari captivum!

23. Septembris. 9. Kal. Octob.

S. Ancta Thecla V. divinis cum S. Paulo vinclo colloquiis conversa, Pauli primogenita: quam feris objectam humanâ imagine Pauli vultum præferens quispiam animavit arenâ, defenditque, ac illæsam servavit; quæ tauris duobus illigata, illæsa mansisti; quæ sponte pyram inscendisti, sed ignem imber cælestis extinxit, teq; etiam in fossa serpentibus plenâ illæsam servavit DEus: tandem post multa virtutis exempla, plurimis Christo eruditis, quievisti. O fugiam ego perniciosa, quæram utilia æternitati meæ colloquia, & homines! Adsis mihi cum Sancto tuo magistro Apostolo Paulo in arena mortis. Vos me protegite; -ne me fera pessima devoret, ne me glutiat æternitas bestiarum! Amen.

S. Line, prime post B. Petrum Papa, dæmonibus ejectis, mortuis ad vitam revocatis, scriptis & sancitis sanctissimis celebratissime, ac tandem capite amputato Martyr.

Bea-

Beate Sofi M. è cuius capite flammarum in templo inter legendum Evangelium erumperé vidi S. Januarius Ep. & Martyrem fore, verè vaticinatus est.

Sancti Andrea, Joannes, Petre, & Antoni, Martyres.

S. Paterne Episc. Martyr.

S. Projecte Episc. quem neadum natum mater prægnans per quietem dexterâ manu lilyum tenebantem vidit.

Sancte Constanti, humilitate ac miraculis magne.

Sancte Xantippa & Polyxena, Apostolorum discipulæ.

S. Joannes Ep. Syracusane, Ecclesiæ propugnator acerrime, qui ad mensam tuam, S. Gregorii amici tui scripta legi curabas: qui monachis Abbatem tuo arbitratu eligi volentibus, Zozimum adolescentulum & contemptum, sed super quem spiritum Domini requiescere videras, præfecisti. Doce me bene eligere.

S. Joannes M. qui, unâ cum filiis tuis Petro & Antonino, à Saracenis captus, gladio per jugulum addacto confossum es.

S. Antoni, Joannis fili M. qui trecentis iecribus in pedibus percussus, gratias DEo egisti.

S. Petre, Antonii frater, qui scipionibus contusus, confractis manibus, & pedibus, ac ossibus communis; carne liquatâ & cum sanguine desuente, cum Antonio, ferro candente, non sine ignominia, tortus unâ cum patre ac fratre, igne combustus es.

S. Andrea senex, hastâ in pectore, gladio in service percusse, M.

S. Sophia Virgo regia; quam in carcere invisens Christus cum Angelis, dixit: *Exsurge, filia, & confirmare, quia ego tecum una sum & liberabo te.* Quæ à patre tuo tyranno super craticulam igni imposta psallebas; & ignis omnis evanuit; voce postea de cælo auditâ: Beata es, Sophia, quæ pro DEI amore decerâsti: *Item nomen tuum in libro vite descriptum est:* è cujus corpore, capite detruncato, loco sanguinis lac profluxit; & ægri contactu cadaveris tui sanabantur. Pater verò flens, te inter Angelos gloriosam vidit, ac tuo hortatu ad Christum conversus est. Converte me, ut pro DEI amore de certans vincam, & nomen meum libro vite inscribatur.

S. Francisca Romana, quam ægram, & dissolvi desiderantem, ac odore miro fragrantem invisens Christus, dixit illas animas, quibuscum collocuta fueras, è tuo colloquio factas pulchriores: te nunquam mundum hunc timuisse: animam tuam nobiliter gubernâsse; corpus despexisse, ut DEO soli placeres, quicquid agebas, ex amore fecisse: DEum tanquam aurum pretiosum tenuisse: adeoq; in libro vite scriptam esse. Doce me ita sentire, ita loqui de DEo, ut & ipse pulchrior inde fiam, ac aliij. Fac, ut sciam DEum æstimare, ac amare, tanquam summam & primam veritatem, bonitatem, nobilitatem: & ut omnia faciam ex amore DEi.

OMNES SANCTI, &c. pag. 4.

S. MARIA, que clientibus tuis non semel, comite ad latus hodiernâ S. Theclâ, conjecta es. Pone me juxta te, & cujusvis manus pugnet contra me!

24. Septembris. Kal. Octob.

Sancte Gerarde, ut nascereris à MARIA impetrata, sanctè educate, S. Emerici Ducis magister sancte, qui Ungaros tuos tenerrimo, & reverendissimo quodam erga DEI Matrem affectu imbuisti; aram illi perpetuam, senes duos cum luminaribus, quasi cum igne æterno ac thure, porpetuos ministros esse voluisti; & ipse MARIAE semper quidem, at sabbato vel maximè, studiosissimus; ac tandem & mirandis multis, & imitandis clarus, lapidatus in itinere, lanceaq; confossus, positis humi genibus, his vocibus ultimum expirans orasti: *Domine IESU, ne statuas illus hoc peccatum: quia nesciunt, quid faciunt!* Ora pro me JESUM, ut exquisito illo erga DEI Matrem affectu ardeam & ego; alios traham, neq; sabbatum tantum, sed & omnes dies, horasq; vitæ meæ, ac mortis ultimam, illi, & per illam DEO JESU, fervore constantissimo in holocaustum consecrem: & me jam illis semel sacrum, nunquam amplius ab iis recipiam; sed illorum maneam, & vivens & moriens, & resurgens, in æternum. Amen.

Sancti Andochi, Thyrse, & Felix, Galliæ Apostoli, flagellis cæsi, totâ die inversis manibus suspensi, in ignem missi, nec combusti, vectibus colla percussi, MM.

S. Paphnuti, qui post catenas ferreas, & equuleum, palmæ affixus es.

Omnès sancti Martyres, ferro necati.

Sancti quadraginta novem Martyres, à bestiis intacti, gladio percussi.

S. Rustice Ep.

S. Geremare Abba.

S. Ifarne, cui lætæ de purgatorii careere, ope
tuâ, subvolantes ad cælum animæ gratias egerunt.

B. Dalmaci, jejunio, cibisque cinere aspersis,
mirabilis gulæ hostis: cui per iter lasso, & fitienti
DEI Mater rosas melle conditas, & odore cælesti
admirandas misit. Impetra ab illa Dominâ & mi-
hi, quicquid mihi necessarium est ad bene confi-
cienda itinera æternitatis beatæ, ad quem ten-
do; & ut eò felix perveniam.

OMNES SANCTI, &c. pag. 4.

S. MARIA, cujus cultum solidum tenerumque ho-
diernas S. Gerardus Episcopus Hungariorum iuis verbo
ex exemplo persuasit; ut Hungaria, iua dos E fami-
lia dicereatur. Fac me unum de familia sua servum
bonum, E fidelem, ac prudentem!

25. Septembris. 7. Kal. Octob.

S Acrosancta, & super omnia tremenda, amanda,
adoranda personarum TRINITAS, Unitas Dei-
tatis! quæ hodie innocentem Constantinopoli pu-
erum in cælum raptum, à cælestibus Angelorum,
musicorum tuorum, choris resonante Kyrie eleison!
sacrosanctum illud tibique longè charissimum tri-
fagion in illa schola discere, nosque ab illo terris
reddito doceri voluisti: Sanctus Deus, Sanctus for-
tis, Sanctus E immortalis, miserere nobis! Quo di-
cto, horrendos sex mensium terræ motus quies-
cere jussisti; & illum sanctâ morte è mundo exe-
misti, Deus, ô Deus, Deus meus! doce me miserabi-
lem

lēm creaturam tuam subvolare ad te: & à Sancto-
rum tuorum ibi triumphantium, & hīc militanti-
um exemplis discere amare te, laudare te, cum san-
ctis Angelis, tremere, & adorare te! Discam hæc, &
doceam! Kyrie eleison! Domine, miserere! *santie*
DEus, da mihi sancte vivere in timore tuo! *santie*
fortis, da mihi fortiter mori in timore tuo! *santie*
& immortalis, da mihi morienti sanctam immorta-
litatem! Amen.

B. Cleopha, Christi discipule, in eadem, in qua
Christo mensam paraveras, domo, postea pro eo-
dem à Judæis occise.

S. Herculane miles, post multa tormenta, ense M.

B. Firmine Episc. decollate M.

Sancti Paule & Tatta, conjuges, ac Sabiniane,
Maxime, Rufe, & Eugeni, filii, qui verberibus, a-
liisq; suppliciis torti animas dedistis.

SS. Bardomiane, Eucarpe, & alii viginti sex,
MM.

S. Anathalon Episc. S. Barnabæ Apostoli disci-
pule.

SS. Lupe, Anachari, Solemni, Principi, omnes
Episcopi.

Sanctæ Aurelia & Neomisia, Virgines, quas per
iter in diversorio noctu precibus intentas Angelus
ad cælestia præmia evocavit: quæ lætæ nuntio,
DEo gratias, & animas reddidistis, ingenti luce
super vos visâ, & campanis sponte sonantibus,
cantuq; Angelico exaudito.

S. Formeri M. qui è cælo monitus, in campo li-
brum Evangelii reperisti, quem cum legeres, feræ ad
te supplices veniebant, qui caseum è lacte ultro ad te

venientium animalium confectum, divinitus pau-
peribus viduis & orphanis dare iussus, illo eorum
& famem, & morbos fugâsti: cui in carcere co-
lumba lactis cyathum attulit, voce de cælo audi-
tâ, illum tibi à Domino JESU mitti: Doce me
benè legere divina, benè expendere: doce divi-
næ voluntati meam totam addicere, atque de ma-
nu DEi accipere omnia, tanquam dona mihi à
Domino JESU missa.

OMNES SANCTI, &c. pag. 4.

S. MARIA, quæ super obesse Tornacensis tuae Urbis
mænia, ut civitatem tibi dicatam tuereru, hodie con-
specta es, & illam liberâsti. Occupa totam animam
meam, & libera illam ab hostibus notis, & ignotis, ne
pereas!

26. Septembris. 6. Kal. Octob.

Sancte Nile Abba, otiosorum yerborum hostis,
æternitatis amice, qui venientibus ad te Cæsarea
aulæ primoribus aulicis, ne otiosa cum illis collo-
quia misceres, illis factam S. Simeoni revelationen
legendam dedisti. Ex decem millibus, ait illa, vix re-
peritur una anima his temporibus, quæ ad manu
Sanctorum Angelorum perveniat. Illis verò se in fid-
sancta esse dicentibus, & de veritate illa dubitanti-
bus: tu idem à SS. Basilio, Chrysostomo, Ephrem
ac Theodoro Studitâ, & Apostolo ipso, atq; Evan-
geliō doceri asseverans, addidisti: *Nisi virtute præ-
diti fueritis, & magnâ virtute præditi, nullus vos libe-
rabit à tœnis inferni.* Ora, ut magnâ virtute præ-
ditus inveniar in examine mortis meæ! ut ita & o-

tiosi

iosa verba, & quicquid vel in minimo displicet sancto DEo, vitem totus, & semper, quicquid contra eum dicant, seu faciant multi, ut me bene disponam ad paucos; & in hora mortis meæ anima mea ad manus sanctorum Angelorum perveniat. Amen.

S. Justina V. cuius pater Christum ab Angelis stipatum videns, dicentem audivit: *Venite ad me, et dabo vobis regnum celorum.* Ita tu cum parentibus baptizata, Christo te semel dedisti, ut nullis hominum, nullis dæmonis ipsius tibi apparentis dolis decepta, spiritum impuritatis sancte deviceris, Cyprianum magum converteris, & unâ cum illo in accensam picis, ceræque sartaginem injecta, illæsa manseris; & securi percussa Martyrem in cælum abduxeris.

S. Callistrate, visâ illustriore stellâ conversus, postmodum insute culeo, & in mare demerse, atque inde incolumis evadens.

Sancti quadraginta novem milites, S. Callistrate exemplo conversi, & cum eodem Martyres.

S. Eusebi Papa.

S. Eusebi Episc.

S. Vigili Episc.

S. Senator.

S. Amanti Presbyter.

S. Joannes Meda, qui ad illa S. Joannis verba: *Totus mundus in maligno positus est, tua omnia, & te ipsum fundando beatissimæ DEiparæ, ac Sanctis omnibus oratorio, & asceterio impendisti.*

OMNES SANCTI, &c. pag. 4.

S. MARIA, cuius ope S. Justina Virgo impurum dæmonem, per artes magicas à Cypriano missum, & fœdas

suggerentem vici. Fuga à me quidquid intrundum est. Fac non solum, ut sine damno, sed & ut non sine lucro vincam, ubi pro puritate, vel alia virtute certandum est!

27. Septembris. 5. Kal. Octob.

Sancte Comes Elzeari, qui perpetuam virginitatem tuam humilitate profundissimâ, oratione, & Eucharistiae perceptione frequentissimâ, eleemosynis, ciliciis, caterulis ferreis, DEI, & MARIAE amore, vallâsti; qui orationis, & vitae magistrum, à JESU MARIAM accepisti; qui inter orandum in sancto divini caloris lumine vile mundi nihilum, & præparatam diligentibus æternitatemspectâsti; sabato, & nocte sequenti plerumq; divinitus visitatus sanctæ Aulæ tuæ, Legislator, cælestium colloquiorum calore, fidei zelo, sancte Comes! Tu sex leprosos osculo sanâsti; & sponsæ Delphinæ tuæ Virgini, te in latere JESU, quærendum, illic te habitare scripsisti. In agone verò ob quædam tibi objecta conterritus, in illo confliktu exelamâsti: *Magna est demonum vis; sed eam penitus enervarunt virtus & merita sacrosancta Incarnationis, & Passionis IESV Christi*. Planè vici! Totum me divino iudicio committo! & rubeo quodam splendore perfusus, innocentem spiritum serenus expirâsti. Si tu hæc in formidabili illo confliktu; quid de me fiet? Ora MARIAM magistram tuam, ut me orare, ac mori doceat; ora Crucifixum JESUM, ut corde meo moriente in illius latere lateam securus ad cor! ibi sit inexhaustus thesaurus aureæ æternitatis meæ. Amen,

San-

Sancti Cosma & Damiane, medici fratres, qui à mari ab Angelo liberati, inter ignes cruces, lapides, & sagittas, inter miracula læti psallebatis Deo; ac andem unà cum fratribus vestris Anthimo, Leonio, Euprepio, capite plexi estis, quinque fratres Martyres coronati.

S. P. Ignati, qui fundatæ à Deo per te Societatis Esu Apostolicam confirmationem hoc die, anno 540, à Paulo III. Pont. Max. obtinuisti.

S. Epicharis, matrona senatoria plumbatis, & gladio M.

Sancti Fidenti & Terenti, MM.

Sancti Adulphe & Joannes, fratres, Martyres Cordubenses, gladio percussi.

S. Florentine, abscissâ lingvâ, gladio Martyr.

S. Marce, seu Joannes Ep.

S. Cai Episcope, S. Barnabæ Apostoli discipule.

S. Aderite Ep.

S. Hiltrudis V.

S. Callistrate miles, qui inter testas, equuleos, & alia supplicia cecinisti Deo lætus; qui unà cum sociis mari mersus, & inde divinitùs emergens, appaustrasti pulcherrimè coronatus, voce simul è cælo auditâ: *Esto bono animo, Callistrate, cum tuo grege; Et jam venite in æternis requieturi tabernaculis.* Ita conversi centum triginta quinque militibus, cum tuis quadraginta novem membratim concisus es.

S. Gingurine, quem morientem S. Michaël Archangelus tibi conspicuus, ad æternum felicium Angelorum contubernium invitavit. Ora pro me unà cum gloriose illo Angelo, ut tota mea vita, & mors eò tendat, ubi ille est præpositus paradisi.

OMNES SANCTI, &c. pag. 4.

S. MARIA, qua Societatem JESU, hoc die Pontificio calculo confirmatam, sub pallio foree conspecta es; & illam perpetua ope sustentas, ac provehis, ad maiorem Dei, Filij tui, gloriam, & tuam. Fae, ut, illis artibus te amem & colam, quibus amavit Ignatius, & omnes, qui tibi è confirmata hodie hac tua Religione placuerunt!

28. Septembris. 4. Kal. Octob.

S Ancte Wenceslæ Dux, innocentiae virgo victima, in templo à fratre trucidate; & à Deo, pro Martyre, revelatione, ac miraculis honorate. Tu divinarum rerum devotissimus æstimator, & sæpè sacrorum minister, ne quid inconsulto Deo aggredieris, à sacre tardè ad comitia Imperatoris veniens, Angelos comites, Imperatorem præ reverentia obvium, frementibus cæcis invidis, habuisti. Noctu verò cùm per hibernas nives nudipes templa, unico ex aulicis fidissimo comite, inviseres, ille calceatus licet, frigens tamen, jussu tuo tuis vestigiis pedes imprimens, dum te nudipedem sequeretur, incaluit. Eam & ego, tuis precibus id pro me evincentibus, eam per JESU, ac tua exemplis impressa vestigia, eò quò me vocat æternitas! Sequar te, qui secutus es JESUM! Incalescam à vestigiis JESU, in itineribus æternitatis ejus! Eam non tardo & frigido; sed currente & volante passu; ut ne priùs claudatur janua, sed aperta suo sinu me morientem claudat sancta vivorum æternitas. Amen.

S. Private M. plumbatis cæse usque ad mortem.

Sancte

S. Stacdee M.

S. Maxime Martyr.

Sancti Martialis, Laurenti, & alii viginti Martyres.

S. Marce, ovium pastor, Sancti Zosime, Alphi, & Alexander, illius fratres; Sancti Nicon, Neon, Heliodore, aliquique triginta milites, variis tomentis MM.

S. Exuperi, tibi parcissime, aliis pro Christo liberalissime Ep.

S. Salomon Ep.

S. Silvine Ep.

S. Eustochia Virgo; Sanctæ Paulæ sancta filia.

S. Hieronymi discipula, ad Christi præsepè educata ad sanctam & exemplis plenam vitam, & mortem.

S. Lioba V. cum Deo, & de Deo ardenter loquendi scientissima; miraculis clara.

S. Chariton, nervis cæse, & mille pro Christo mortes subire parate; qui moriens ajebas tuis: *Nunc dum tempus adhuc est, operandum; futura illa aeterna esse. Sint vobis arma ad bellum, jejunium, oratio, lacryma, memoria mortis, & gehenna, & quod est omnium validissimum, & inimicis maximè terribile, beata humilitas, cautioque, ne unquam vos pravae occupent cogitationes; ac observatio sensuum.*

S. Annemunde Episc. M. cùm in alios, tūm in epilepticos maximè mirabilis, & benefice thauaturge.

OMNES SANCTI, &c. pag. 4.

S. MARIA Silvaducensis, cuius hodierna tabula granaas tibi actas ferunt pro pue o ad vitam revocato.

Fac, ut sic vivam, atque si per te à morte rediūsem ad vivam!

29. Septembris. 3. Kal. Octob.

Beatissime Michæl Archangele, Angeli mei Custodis, & omnium cælestium Ordinum Princeps glorioſiſſime, clientum tuorum omnium liberaliſſime patronē dæmonum triumphator! O ne me defere morientem, & cum invidio illo dæmone, quem vicisti, luctantem! Ora pro me, *proposito paradisi*, cuius oratio perducit ad regna calorum! O dux animarum prædestinatarum, duc me ad beatam electorum æternitatem! Tibi tradidit Deus animas Sanctorum, ut perducas eas in paradisum exultationis, suscipe benignus migrantem hinc animam meam, qui morientibus pluribus benignissimè adfuisti, & quem confiuit Deus super omnes animas susciendas. Ora, ut sancto Angelo meo, & te duce, ita vivam, & moriar, ut hereditatem capiam saluis. Amen.

S. Gertrudis V. cui hoc die, inter alia, dixerunt Ordines Angelorum; quòd unà *amans anima* prævivis & defunctis plus possit à Deo impetrare, quam duodecim millia non amantium. Impetra mihi amorem illum, ut possim impetrare majorem amorem Dei mihi, & aliis.

Christe, Rex Angelorum, qui hoc Angelico die S. Mechtildem docuisti, ut Seraphinis, Cherubinis, ac singulis beatorum spirituum Ordinibus certas preces per te offerret: eamque docuisti, quòd quicquid offertur per te, nobilitetur, fiatque pretiosius; sicut nummus in auri cændentis massam immissus,

totus

totus fit aureus. Tum ei ostendisti Seraphinorum, ac reliquorum octo Ordinum gradus; ac dixisti eos, qui amore Dei pauperibus ministrant, Angelos imitari: & cum de aliis alia docuisses, adjecisti, Seraphinos esse illos, qui Deum *toto corde, & mente diligunt*: quos ab amore Dei nihil valet separare; quia quo magis inimici in eos insurgunt, eo validius in amore convalescunt; feliciter ardentes, & alios accendentes; ita ut, si possent, omnes homines facerent in Dei amore perfectos. Domine, per illum amorem te rogo, quod te Sanctus tuus Michæl, ac Seraphini omnes, ac reliqui amant, & per illam, quo tu illos amas, dignare me illo amore; ut in omni occasione validius in amore convalescam, & ardeam, atque alios accendam eo modo, qui omnium maximè tibi placet.

Sancti Eutychi, Plaute, & Heraclea, Martyres.

S. Gudelia M. quæ plurimis Christo adjunctis post multa tormenta, cute capitis detractâ, ligno affixa es.

Sancti Dada & Casdoa, conjuges, & Gabdela filii, quos consanguineus Rex Sapor honoribus exiles, & tormentis affectos, longo carcere mace-ravit, gladio Martyres fecit.

Sanctæ Ripsimis, & sociæ MM.

Sancte Fraterne Episc. Martyr.

S. Grimoalde Presb.

S. Quiriace, oratione potentissime; centum & septem annorum vegete ad diuina omnia senex.

S. Francisca Romana, quam hoc S. Michælis die infirmam visens Christus, Angelum tuum fert

coronavit, consecrato è ramis olivarum, dicens: quia
benè custodisti famulæ meæ animam, & quæ post-
eà Beatissimam Dei Matrem, cum octo Seraphinis,
& S. Joanne Baptistarâ, ac SS. Petro & Paulo Apo-
stolis, in templo sedentem vidisti. Ora, ut sim An-
gelo meo obediens, uti tu fuisti tuo: ut sim illi causa
lætitiae. Impetra cordi meo nobilem Reginæ Sera-
phinorum, ac Cælitum custodiam; ut glaciata mea
mens his ignibus liquefiat.

OMNES SANCTI, &c. pag. 4.

S. MARIA, qua hodierni S. Michaëlis bilancem,
quâ bona & mala Jacobi ejusdam opera expendebat,
apposito tuo Rosario, accommodâsti; Jacobum monitum
corresisti. Fac, ut ea, quibus te colo pietatis officia me
parent supremo iudicio; ut feliciter in illa bilance sub-
sistam!

S. MARIA, cuius sacerdolum in Eremo Helvetia vi-
sens, anno 1631. hoc die, peregrinus, qui per immane
sacrilegium peccata sua in confessione tacuerat, & Ro-
manum anno sancto ad cor expiandum profectus, ne ibi
quidem se pervincere poterat, ut sua flagitia confessio-
riò aperiret; hodie demum in tuo illo sanctuario tactus
dolore cordis intrinsecus, confessus est. Et eodem hoc die,
anno 1636. ibidem fœmina sceleribus cooperita, cum sa-
cerdolum tuum ingredi sapè tentaret, non prius id potu-
it, quam peccatis per pœnitentia sacramentum expiatis.
O admirabile refugium peccatorum: in manu tua de-
pono supplex cor meum; ut iliid dolore conteras, amore
perpurges, ac serves semper immaculatum; id est, ido-
neum ad amandum Deum, ac te!

30. Septembris. Prid. Kal. Octob.

SANCTE Hieronyme, ab Angelis, quod Ciceronius essem, flagellate; qui in sacco, & ob gehennæ metum in specu, velut carcere, singultiens, pectusque saxo verberans, flebas! & si quando repugnante somnus imminentis oppressisset, nudâ humo ossa vix cohærentia collidebas; & foedis cogitationibus mente bulliens, ad JESU jacebas pedes, & repugnantem carnem hebdomadæ inediâ subjugabas; postea visus tibi sœpè interesse agminibus Angelorum. Ora pro me, mundi magister, MARIÆ amantissime orator, ab hominibus, à dæmonibus, à morbis tentatorum, & sancte agonizantium, ac morientium exemplar sanctum! ut sicut tu, ita & ego, sive dormiam, sive comedam, sive quidquam aliud agam, semper vox illa auribus meis insonare videatur: *Surgite, venite ad iudicium!* atque ita paratus, eā quā tu corporis, animique submissione, accepto æternitatis viatico, inter solidas, tenerasque ad Crucifixum aspirationes expirem. S. Hieronyme, qui aliquando Sanctam Franciscam Romanam in majorem semper lucem inducens, usque ad thronum Dei perduxisti; eamque docuisti, ut non juxta suum ingenium, sed ad obedientiæ nutum ageret, quæ agebat. Aliás item eidem post sacram synaxim perceptam conspectus, eam ad videndum Deum invitasti; & dixisti: *Magna est hæc abyssus: confirmate in amore Dei.* Induc me quoque in lucem maiorem semper; ne me unquam tenebræ comprehendant, nunc interiores cordis, deinde exteriores

inferni, fac, ut in abyssum divini amoris ingressus,
ibi tecum habitem, ac semper in Dei amore proficiam. Amen.

S. Leoparde, ex aula Juliani pro Christo decollate M.

Sancti Victor, & Urse, ac socii Martyres Thebæi, qui è catenis, dirisq; suppliciis liberati, cælesti lumine humi prostratis carnificibus, conversis plurimis in ignem conjecti, & illo divinitus extincto illæsi, capite tandem cæsi, & in præterfluentem projecti, capita vestræ in manibus portantes, flumen egressi usque ad locum vestræ basilicæ postmodùm datum pervenistis, ibique flexis per horæ spatium genibus, quasi oratione finitâ, vos demisistis in terram, etiam deinceps miraculis gloriosi.

S. Antonine, ex eadem legione Martyr.

S. Gregori Episc. multis quæ & egisti, & passus es admirabilis, Armenorum Apostole, lætissimâ plurium myriadum animarum conversione gloriosissime.

S. Honori Episc.

S. Sophia Vidua, Sanctorum Fidei, Spei, Charitatis Virginum Mater.

OMNES SANCTI, &c. pag. 4,

S. MARIA, cuius præsentationis festum hoc die olim Hispania solenni pompâ celebravit. Ecce me Deo præsento per te; offero, dedico, sacrifico per te. Suscipe me; præsenta me in templo glorie tui JESU!

Ad majorem Dei, Deiparæ, ac Sanctorum omnium gloriam, & ultimi agonis nostri solatium sanctum!

ANNI

ANNI CÆLESTIS INDICULUS AD PARTEM III.

A.

- A**ctiones, signa amoris, 42.
 Agricola, Episcopus, 51.
 Aleæ lusus, 135.
 Amor Dei, 14. 28. 35. 37. 38. 40. 41. 42. *ibid.* & 43.
 45. 49. 52. 53. 59. 63. 86. 88. 91. 93. 102. 103. 105.
ibid. 118. 129. 131. 139. 150. 159. 168. 178. 181.
 Amor erga B. Virg. 44.
 amore Dei, 55.
 Angelus, 32. 156. 179.
 aquila, 126.
 catechista, 48. 55.
 dux, 9.
 minister Sacri, 74.
 magister, 24.
 ornatus, 18.
 testis, 44.
 vestis, 67.
 Angelicus cibus, 302.
 S. Anna, 34. 49. 50. 51. 52. 53. 134. 139. 143.
 in auro, 54.
 Annulus, 41. 76.
 Aqua è petra, 6.
 vinum, 8. & 9. 12. 121.
 Aquila, 126. 142.
 Arbor, 54. 139.

INDICULUS

- Arbor pœnitentiæ, 42.
Archiep. Religiosus, 21.
Assumptio B. Virg. 88. 90. 91.
Ave Maria, 12. 77. 129. 139.
Aves, 58. 129. 135.
Aulicus, 106. 156. 172. 174. 182.
Aurea aquila, 67.
 calcaria, 22.
 crux, 112.
 flores, 37.
 folia, 139.
 idola, 48.
 oratio, 104.
Aureum vas, 53.
Auri massa, 179.
Auro scriptus, 33.
Aurum Augelicum, 101.
 à Deo, 156.

B.

- S. Barbara, 86.
Basiliscus, 109.
Beatissima Virgo, 16. 28.
 alæ, 74.
 amor, 159.
 annulus, 70.
 ara perpetua, 169.
 arbor, 139.
 benedictio, 69. 91. 116.
 bilanx, 180.
 à calumnia liberans, 37.

cate-

PARTIS III.

- catena, 100.
cibus, 170.
B. V. consilium, 55. 68. 70. 86. 93. 103. 117. 129. 140.
pro confessione, 180. (141.
consolatrix, 115.
cor, 92.
currus, 109. III.
defendit civitatem, 132. 172.
B. V. hortus, 162.
humilitas, 65.
cum JESU, 163.
imago, 93. 100. 106. 139. b*is*.
lac, 106.
lætitiae, 139.
laudes, 86.
lilium, 91.
mensa, 93.
in morte, 84. 90. 92. 98. 101. 103.
in judicio, 45.
osculum 27.
patrocinium, 158.
pro pœnitente, 135.
pallium, 91. 40.
sanat, 14.
scintilla, 92.
cum Seraphinis, 180.
sertum, 100.
servi, 110.
templum, 81. 82. 148. 149. 152.
vestes dat, 138.
victoria, 18. 20. 22. 48. 57. 61.
Benignitas, 23.

S. Ber-

INDICULUS

S. Bernardus, 102. 118.
Bibliotheca, 25.

C.

- Cæcitas, 12. 13. 76.
Cælum, 16. 47. 59.
Cælum aspice, 62. 108.
Calculi dolor, 46.
Calumnia, 12. 102.
Campana miraculorum, 157.
Canæ puellæ, 27.
Canonicus M. 157.
Cantus B. Virginis, 91. 93.
 cæli, 58.
 dæmonum, 39.
 JESU, 91. 93.
 morientis, 47.
 Sanctorum, 91.
Caput in manu, 9. 22. 29. 69. 73. 125. 165. 122.
Carbones, 10. 99.
Carnis afflictio, 84. 90.
Caseus, 171.
Castitas, 32. 33. 36. 41. 58. 69. 73. 104. 120. 125.
 156. 162.
Catena, 66. 84.
Cereus B. V. 125.
Cervus, cerva, 12. 107. 124.
Charitas, 9. 22.
Christianus, 154.
Christi Sangvis, 41.
Gibus, 73. 148.

PARTIS III.

Cilicum, 14. 34. 87. 108. 113. 129. 148. 153.

164.

Cingulum B. V. 44.

Colaphus, 69.

Colloquia spiritualia, 46. 54. 62. 79. 86. 118. 129.
130. 168. 172. 179.

Columba, 35. 58. 137. *ibid.* 172. 154.

Columna, 73. 103.

Columna B. V. 49.

Comes sanctus, 44. *ibid.* 127. 174.

Concio, 24.

Confessio, 54. 157. 180.

Conjuges sancti, 10. 116.

virgines, 26. 44.

Conscientia terrens, 15.

Consilium è cælo, 16.

Constantia, 33.

in cultu B. V. 52.

Couversio, 73. 117. 128. 152.

Convivium, 35.

Cor, 26. 60.

S. Augustini, 118. *ibid.*

S. Francisci, 68.

S. Magdalene, 42. *ibid.*

in manibus, 118.

SSS. Trinitati devotum, 97.

Cordis paradisus, 71.

Corona, 35. 130. 151.

spinea, 154. 180.

Crucifixus, 22. 26. 81. 84.

amplectitur, 104.

INDICULUS

lacrymans, 87.
liber, 110.

Crux, 14. 16. 15. 29. 35. 39. 63. 137. 144.
Cubiculum, 121. 129. 143.
Culices, 27.

D,

Dæmon, 62.
fugit, 73.
magister, 136.
uritur, 18. 20.
Deliciæ cæli, 35.
Dentes, 121.
Desideria pia, 93. 105. 118.
DEus, 63.
aurum, 168.
DEi delectatio, 45. 92. 102.
dilectio, 21.
Dies Dominica, 40.
Digitus, 41.
Discendum est, 105.
Disciplina, 71.
Discipuli carnifex, 85.
dæmonis, 136.
Domus in cælo, 6.
Draco, 20. 31. 33. 35. 39. 95.

E,

Eleemosyna, 6. 7. 8. 10. 11. 16. 18. 26. 78. 81. 84. 98.
101. 113. 117. 122. 124. 128. 129. 131. 158. 171.

Epi-

PARTIS III.

Epistola è cælo, 63. 112.

Eucharistia, 3. 12. 17. 25. 40. 43. 63. 68. 82. 86.
90. 91. 93.

Examen particulare, 62. 65.

Exemplum, 73. 79. 105. 107. 154. 165. 173.
176.

Exequiæ, 21. 58.

Exhortatio, 105.

F.

Familia sancta, 13. 28. 32. 34. *ibid.* 39. 66. 73.
76. 83. 85. 106. 107. 111. 116. 122. 123.
124. 147. 151. 161. 162. 167. 171. 179.

Feræ mansuetæ, 75. 119. 175.

Feria sexta, 113.

Festum, 43. 118. 135.

Festum B. Virg. 91. 116.

Flagra, 159.

Flores, 40. 41. 69. 81. 90. 140.

Fratres, 21. 48. 49. 57. 63. 125. 127. 142. 157.
175. 177.

Frigus, 64.

Furtum, 97.

G.

S. Gabriel, 26.

Gemmæ, 11.

Glacies ignem alens, 102.

Gratias D^Oo, 76.

Gratissima D^Oo, 17. 150.

Gra-

INDICULUS.

Gratiss. DEo oratio, 16.

Cula, 96.

H.

Heroicus actus, 30.

Hibernorum vesperæ, 88.

Hora orationis, 182.

Hortus, 24.

Hostes, 26. 148.

Humanitas, 80.

Hūmilitas, 30. 44. 109. 113. 139. 140. 144.

149. 177.

Humilitas B. Virg. 65.

I.

Jaculatoriæ orationes, 16. 63. 170.

Idola, 153.

Jejunium, 113. 134. 143. 147.

JESUS puer, 25. 86.

in pectore, 85.

osculum, 96.

crux, 96.

Igneum flagrum, 62.

Ignis B. Virginis, 71. 137. 138.

Ignis cordis, 42.

orationis, 18.

oris, 46. 58.

Igné vicit, 20.

Ignes, 159. 160.

Ignea columna, 103.

igno-

PARTIS III.

- Ignosce, 14. 22. 136. 150. *ibid.* 196.
Imago S. Annæ, 50.
Imago B. Virginis, 11.
læsa, 33.
loquens, 30.
in peste, 31.
Incendium, 4.
Infernus, 29. 116.
Inspirationes, 117. 143. 173.
Intentio, 88.
S. Joannes, 91. 132.
S. Joseph, 70. 102.
Juventus nova, 119.
Iter, 171.

K.

- Kyrie eleison, 170.

L.

- Labores, 47. 53. 58. 87. 128.
Lac sanguis, 28. 56. 168. 171.
Lampas, 11.
Lampas B. Virg. 70.
Lapilli è pane, 84.
S. Laurentius, 26. 70. 80. 87.
Lauretana B. V. 137.
Lectio, 64. 83. 95. 118. 150. 167. *ibid.* 171.
Lectulus, 86. 121. 163.
Leprosus, 64.
Liber, 152.
Liber ad collum, 83.

Liber

INDICULUS

- Liber crucis, 110.
vitæ, 168 bis.
Lilium, 61. 167.
Lingua, 58. 81. 127.
Loqui sínè lingua, *ibid.*
Lux, 165. 181.
Luxuria, 15.

M.

- Magister sanctus, 29. 57.
Manus, pedes, 14. 20
Manus S. Joan. Bapt. 150.
MARIÆ nomen, 3.
S. Maria Ægypt. 64.
S. Mar. Magdalena, 37. 38. 53.
Mater, 16.
Mathematicus, 10.
Medicus, 27. 56. 54.
S. Michæl, 24. 19. 40. 81. 90. 127. 175.
Misericordia, 36.
Modestia, 17.
Mola, 37.
Molossus, 86.
Monita, 32. 156.
Moribundus, 23. 49. 52.
Mors, 121.
Mors læta, 75. 77. 117. 143. 146. *ibid.* 151.
Mortis præparatio, 21. 152. 163. 166.
Mortui canunt vespertas B. V. 88.
gratulantur vivis, 16.
Mortuus loquens, 73.

Mor

PARTIS III.

Mortui magistri charitatis, 22.

Mortificatio, 121. 127.

Mundi mappa, 135.

rota, 60.

Mundus, 152.

Mutus, 54.

N.

Navis, 39. 165.

Angelorum, 126.

Nectar, 3.

Nives, 176.

Nomen aureum, 46.

Novitus, 4.

Nugæ, 114. 153.

O.

Obedientia, 21. 95. 135. 152. 181.

Octo dies, 63.

Oculi, 109. 162. 163.

Oculi leves, 154.

Oculorum lumen à Floribus, 69.

Odores, 19. 64.

Oratio, 4. 18. 27. 29. 31. 35. 39. 48. 53. 60. 87.

95. 96. 104. 112. 129. 137. 158. 165. 178.

attenta, 72. 81. 90.

ante cibum, 72.

frequens, 112.

Ornatus, 19.

Os, 41.

Osculum, 8. 16.

Paris II.

I

P. Pal.

INDICULUS.

P.

- Pallium, 44. 128. 135.
B. Virginis, 62.
Palma, 85. 88. 169.
Panis, 14. 109. 111. 117. 118. 128.
Paralyysis, 75.
Passio Christi, 41. 42.
Pati, 19. 22. 35. 65. 67. 71. 77. 78. 79. 82. 89. 101.
108. 112. 114. 127. *ibid.* 128. 133. 136. 155. 157.
160. 162. 168. 175.
Patris mali bona proles, 162. 163. 168.
S. Paulus, 166.
Peccata, 37. 38. 96. 113. 124.
minima, 79.
Pectus illustre, 64.
Pedes, 154.
floridi, 41.
Pestis, 21. 113. 121.
S. Petrus, 18.
Piscari, 10.
Pisces S. Annæ, 53.
Placere DEo, 86.
Penitentia, 16. 39. 118. *ibid.* 121. 133. 145.
Pomum, 148.
Pomum S. Joannis, 51.
Prædestinatio, 172.
Præparatio ad mortem, 143.
Procacia, 27.
Prunæ flores, 81.
Pulchritudo Angeli, 79.

Purga.

PARTIS III.

Purgatorium, 9. 29. 47. 71. 143. 170. 578.

Q.

Quartana, 75.

Quies, 35.

Quotidie in cælum, 40.

R.

Religio, 51.

Reliquiæ, 4. 11. 17. 22. 30. 31. 70. 76. 85. 96.
99. 112. 115. 119. 142. 144. *ibid.* 148. 156.
158.

Reliquiæ Crucis, 150.

Renovatio, 119.

Respectus humanus, 121.

Resurgens à morte, 26. 27. 79. 142. 144. 147.
151. 155.

Rex supplex, 125.

Rifus, 12.

Rosarium, 147.

Rosæ, 8. 118. 119. 130. 170.

S.

Sabbatum, 81. 113. 144. 174.

Sacrum, 10. 58. 60. 103. 125. 132. 176.

Sagitta, 29. 50. 94.

Salve Regina, 92. 104.

Sancti, 46. 47.

Sanguis, 79. 104. 156. 157. 160.

INDICULUS

- Sanguis medicus, 20. & 21.
Sapientia vana, 99.
Saxum, 27.
Scala, 59.
 cæli, 116.
Senex sanctus, 72. 156. 165.
Sensus custodia, 177.
Septies rapta in cælum, 40.
Sepulchrum, 9. 130. 131. 142.
Seraphini, 31. 88. 92. 140. 155. 178. 180.
Sepulchrum, 13. 130. 142.
Serpens, 17. 166.
 obediens, 58.
Sertum, 142.
Sex menses ultimi, 158. 159.
Silentium, 14. 33.
Somnus, 14. 57.
Sorores, 144.
 sanctæ, 31. 37. 61.
Spes, 110.
Spinæ, 31.
Stellæ, 84. 87. 173.
 B. Virginis, 36.
Studia, 24.
Sudariolum, 24.
Sudor, 54. 131.
Superbiæ odor, 47.

Tem-

PARTIS III.

T.

- Templum, 28. 119.
Tentatio, 18. 20. *bis.* 34. 39. *bis.* 50. 13. *bis.* 86.
179. 181.
Tepidus, 41. 52. 75. *bis.* 87. 104.
Thesauri paradisi, 52.
Tres dies ultimi, 146.
Triduum, 29.
SSS. Trinitas, 16. 118.

V.

- Vana gloria, 134.
Velum, 15.
Venatio, 161.
Veniale peccatum, 12. 42.
Veritas in ore mortui, 61.
Vestis, 21. 43. *bis.* 50. 65. 67. 96.
Vestis amoris, 43.
 aurea, 31.
 S. Petri, 73.
Vexillum, 67.
Vincula soluta 82.
Vinea, 31.
Virginitas, 18.
Virgo sponsus, 102.
Virgo sub veste viri, 132.
Vitis, 41.
Vitrum, 84.
Vocatio, 98. 104. 109. 143.

INDICULUS PARTIS III.

Voluntas bona, 33.
Urbis tutela, 67.
Ursus, 135.


Z.

Zelus animarum, 16. 49.

*Omnes Sancti & Sanctæ DEi, intercede
pro nobis, nunc, & in hora mortis
nostræ! Amen.*



ANNI



၁၁၅ ၁၁၆ ၁၁၇ ၁၁၈ ၁၁၉ ၁၂၀ ၁၂၁ ၁၂၂ ၁၂၃ ၁၂၄ ၁၂၅
 ၁၂၆ ၁၂၇ ၁၂၈ ၁၂၉ ၁၂၁၀ ၁၂၁၁ ၁၂၁၂ ၁၂၁၃ ၁၂၁၄ ၁၂၁၅ ၁၂၁၆ ၁၂၁၇
 ၁၂၁၈ ၁၂၁၉ ၁၂၁၁၀ ၁၂၁၁၁ ၁၂၁၁၂ ၁၂၁၁၃ ၁၂၁၁၄ ၁၂၁၁၅ ၁၂၁၁၆ ၁၂၁၁၇

ANNI CÆLESTIS

PARS IV.

five

October, November, & December.

OCTOBER.

1. *Octobris. Kalend. Octobris.*

Beatissime Francisci Borgia, qui viso putrescente jam Imperatricis cadavere, ad maxima æternitatis principia altius elevatus, JESUM secutus es: cuius gloria humilitas sæpè de superbo dæmone triumphavit; qui datis manè terræ osculis, te ad mortem quater & vicies quotidie comparabas: qui humilimo clienti tuo, de sua prædestinatione trepido, ideoque apud te supplici, gloriosus apparuisti, ac læto yltu dixisti: *Quid me interrogas, an sis salvandus, an non; cum servias tam bono DEo?* Interroga opera tua: qua si deinceps ita erunt, ut fuerunt hæc tenus, respondent tibi: quod ita, quod ita: nempe te salvum fore. & ille tranquillatus, ita vixit, ut morte Sanctorum de vita decesserit. Fac me humilem: impetra mihi, ut sie

agam ea, quæ ago, ut opera mea, digna sint prædestinato ad gloriam. Tu viso in MARIÆ sinu Jesu,
Mihi, ajebas, Virgo hoc onus gestat, mihi lac Mitrus,
mihi Filii bullit Sangvis. Obulliat per calentissimas
 preces & lacrymas tuas, etiam mihi (maximè morienti) pro me nunc, & tunc perorans, & lac Matris, & Filii Sangvis! ut illo lacte candida, & illo Sangvine purpurea hæc anima mea, ad Sangvinis illius, & lactis fontes ipsos, ad JESUM abeat, & MARIAM. Amen.

S. Remigi Ep. Francorum Apostole cælesti voce & miraculis laudate; ad quem pro Rege unendo, christma sacrum columba nivea è cælo attulit, de quo peccatori cuidam Angelus dixit: *Exaudita suni pro te patris tui Remigii orationes:* cujus post mortem corpus aliò ipsi Angeli transtulerunt.

B. Areta, & alii quingenti quatuor Martyres.
 Sancti Prisce, Crescens, & Evagri Martyres.

S. Verissime M. Sanctæ Maxima & Julia, sorores illius Martyres.

S. Piaton M.

S. Domnине Martyr.

S. Bavo Princeps, in tentatione invictissime, & ab Angelo recreate; super cuius caput, spectante populo, Christus crucifixus apparuit, & ad prædestinatum gloriam te accendit: qui denique moriens coram Christo, Angelisque præsentibus. *Vale, dixisti, servo um Dei Ecclesia; Christus adest; egredere in occursum ejus, anima mea!*

S. Severe Presb.

S. Anania, ungulis, lampadibus cruciate, lapidate.

S. Nice-

S. Niceti Ep. Dei zelo, sinè ullo maximarum etiam personarum respectu, magne; contra pestem protector sancte; qui ante mortem, *Vidi, ajebas,* *Paulum cum Ioanne Baptista invitantem me ad requiem sempiternam atque exhibentem mihi coronam caelestibus margaritus ornatam.*

OMNES SANCTI, quos felici morte defunctos hodie felici æternitate donavit Deus.

Omnes Sancti mei nominis, & meæ patriæ, ac Patroni mei menstrui omnes.

Omnes Sancti nationis, & conditionis meæ.

Omnes Sancti, quibus sacra est illa, quæ mihi nascenti prima fuit dies.

Omnes Sancti, quibus sacra est illa, quæ mihi morienti ultima erit dies.

Omnes Sancti, & Sanctæ Dei, vos potissimum, qui in hac vita maxime excelluistis in amore Dei: tuque, ô MARIA, Mater agonizantium orate pro omnibus hodie nascentibus, & hodie in agone supremo periclitantibus: impetrare mihi à Crucifixo JESU felicem mortem, beatam æternitatem: Amen.

Credo, spero, amo, adoro te, pulcherrime, ac optime, super omnia, Deus meus! & ideò de peccatis meis doleo, ac desidero plus dolere & confiteri. Doleo super omnia, quòd te tam ingratus offenderim, Deus meus, & omnia! In gratiarum actionem & satisfactionem, offero tibi hujus diei, & vitæ meæ totius actiones, atque momenta singula, conjuncta omnibus lacrymis pœnitentium Sanctorum, omnibus guttis lacrymarum, & Sanguinis JEIUS, omnibus meritis JESU, MARIAE, &

omnium Electorum tuorum: ut te videre, ac amare, unà cum illis, & unà tecum, merear in æternum. Amen.

Sancta MARIA, quam hodie S. Andreas Cretensi vedit in àere, pro Christianis supplicantem; eoque hic dies dictus est, Protectio B. Virginis MARIE apud Graecos: apud quos etiam hodie dies est S. Ananiæ, qui tu librum porrigena apparuisti, utque illum comederet, imperasti, & ad componendas divinas laudes disertissimum fecisti, qua B. Godefrido nuntiasti: Proficiat de virtute in virtutem. Sic erit filii mei, & meus: & cùm migraverit anima ejus è corpore, non dimittam eam ire in purgatorium; sed suscipiam eam, & offeram Filio meo, qua eidem morienti, unà cum undecim milium Virginum choro, adfuisti, quam hodiernus B. Franciscus Borgia, à te ad Religionem vocatus, humilitate, imaginibus, & varijs artibus cultam, tyronum perseverantia praesse dixit. Fac, ut sic te colam, ut nunquam te colendo sim satur. Impetra mibi humilitatem, & perseverantium in gratia Dei!

2. Octobris. 6. Nonas Octob.

Sancte Leodegari Episc. semper virgo, cùm pro veritate oculi eruerentur, *Gratias ago, ajebas, omnipotenti Deo, quòd me hodie dignatus es glorificare!* qui contritis pedibus, præcisis lingvâ & labiis, ad Deum, ac de Deo locutus, corda accendebas; super cuius caput in circulo cælestis lux gloriose resplenduit. Sed & capite plexus miraculis, & divino affuso è cælo lumine resplendisti;

duisti; & inimici tui sunt repentinâ, horrendâque morte extinti. Mihi verò felicem mortem impetrâ, ut clienti tuo. Assulgeat cordi meo æternitatis sphærica lux, atque ita mihi mors oculos, totumq; corpus auferat, ut æternitate beatâ recepta anima mea dicat meritò: *Gratias ago omnipotenti Deo; quod me hodie dignatus est glorificare!* Amen.

S. Eleutheri miles, & omnes sancti Martyres ejus socii, acervatim gladiis ignibus, mari occisi.

S. Gerine, Sancti Leodegarii frater lapidate M.
Sancti Prime, Cyrille, Secundari, Martyres.

S. Theophile, pro cultu sanctorum imaginum sevissimè cæse, posteà exul.

S. Beregise, qui delapsæ è cælo ad Plectrudem Pipini conjugem schedæ, hæc latinè inscripta legisti: *Locus ille Numinis providentia delectus est ad æternam plurimorum salutem, & juvante Pipino templum ibi, ac cœnobium condidisti.*

B. Godefride, cui Christus dixit: *Quemadmodum ego vitam pro te posui, ita tu pro fratribus tuam ponito:* qui cum Christo per templum familiariter inambulasti: cui Beatissima Virgo dixit: *Brevi me sequeris in calum ad mercedem laborum.*

S. Thoma Episc. doctrinæ, devotarum lacrymarum, abstinentiæ singularis & deinde miraculorum laude celeberrime.

S. Clara dignissima S. Francisci filia, hodie translata, quæ divinitus cognito Novitiæ cujusdam peccato; eam reprehendisti, quod illud silentio involvisset. Ora pro me, ut semper in corde contrito & humiliato, & non in labiis dolosis, delictum meum cognitum faciam Deo meo, & illi, quem loco suo in terra statuit, ut remittat mihi

OMNES SANCTI, &c. pag. 203.

S. MARIA, cuius consilio Societati Jesu adjunctus
Aloysius Gonzaga, hoc die, anno 1621. à Gregorio
XV. Beatorum catalogo adjunctus est. Fac, ut te amem
cordo Aloysii, laudem ore Aloysii, vivam & moriar
vitâ & morte Aloysii tui!

3 Octobris. 3. Non. Octob.

Sancte Gerarde aulice, à Sanctis Petro & Paulo
Apostolis, postmodum à S. Gisleno visitate, in
Abbatem eligi è cælo jussæ; Sanctorum religiosissime
cultor, obtrectatorum patientissime, morbo-
rum per miracula medice, ô aulice sancte, religiose
Abba, miserorum asylum! Doce me amabilem in
Sanctis Deum ita colere, ut illum per illos mihi pro
horâ mortis meæ omni obsequiorum sanctorum
genere demerear. Præcipuum verò mihi à Deo cul-
tum omnium omnino Sanctorum impetra; ut
quia non possum singulos, honorem, reverear,
colam omnes, & me Jesus, Sanctorum omnium
Rex, in horâ mortis meæ æterna faciat cum Sanctis
suis in gloria numerari. Amen.

S. Candide M.

Sancti Dionysi, Fauste, Cai, Petre, Paule, & alii
quatuor MM.

Sancti duo Ewaldi Presb. Martyres, post mor-
tem luce multâ divinitus illustrati.

S. Maximiniane Episc. ab hæreticis sævissima
passe, qui ex alta turri datus in præcepis, deinde
in Domino quievisti.

S. Hesychi, Sancti Hilarionis discipule, & sociæ.

S. Joan-

S. Joannes Chuzubita, Angelis familiaris, humiliata contra dæmones potens; qui ad ea, quæ patiebaris, nihil respondebas, nisi: *Si Deus hac pati potest, quidni ego velim?*

OMNES SANCTI, &c. pag. 203.

S. MARIA, montis Serrati, qua surdum & mutum hodie bene audire, ac loqui fecisti. *Doce me bene audire, benè tacere, benè loqui, benè mori!*

4. Octobris. 4. Nonas Octob.

Sancte Francisci Patriarcha, cælestis inter homines, Angele, triumphator mundi, carnis, ac dæmonis; vir verè humilis corde! qui ubi te in æternitate beatâ inter prædestinatos divino vitæ libro inscriptum à Deo intellexisti, plenus Deo, plenus intimus exultantis in cælum cordis deliciis, *Laus Deo-ajebas, Deo Gratias, laus Deo!* neque extra hæc aliud quidquam per dies aliquot sapiebas; qui longos, & horrendos inter morbi dolores, ossa arida humi collidens, terram exosculabaris, tenerimas Deo pro doloribus gratias agens, & centies alterum tantum petens; dictoque Psalmo: *Voce mea ad Dominum clamaui*, usque ad: *Me expectant justi, donec retribuas mihi*; post illa verba, felix anima tua, sub specie stellæ præfulgidæ, super nubem, & aquas cælo invecta est; simulque in agone alibi posito cuidam apparuisti, & illum tecum in cælum abduxisti. Sancte mi Francisci, cuius vulnerati à Seraphino amore cordis sanguis Romæ, anniversario tuorum stigmatum die, liquefieri est conspectus, ad cuius cor, & corpus, festumque Portiunculæ, peregrinam

S. Fran-

S. Franciscam Romanam, vel tu, vel tuorum è cælo filiorum quispiam, igneo de Christi patientis amore colloquio, & posteā pīris optimis è silvestri arbore decussis recreavit, ac videri desit. Qui olim de amore Dei loquens, dicebas: Non posse ignem simul descendere atque ascendere; non posse vilem nostri amorem cum excelsō Dei amore in corde uno habitare. Doce me Deum verè amare, me odisse; doce totum cor meū, & sanguinem verō ascendentis in Deum amoris igne ardere, & colligescere, doce scitē cogitare, ac loqui cælestia, & inter hæc JESUM crucifixum. Amabilissimè Sancte, adesto & mihi tunc, unā cum omnibus cælo receptis filiis tuis. Doce me divina æstūnandi, me & hæc omnia valdè contemnendi, orāndi, dolores patiendi, amandi, moriendi artem sanctam: ut me non liber mortis, sed liber vitæ habeat; & dicam unā tecum *Deo gratias* æternū. Amen.

Sancti Crispe & Cai, ex primitiva Ecclesia sancti.

Sancti Marce & Marciane fratres, & alii penè innumerabiles utriusque sexūs, ac omnis ætatis, per verbera, flamas, mare, gladium, inediam, patibula MM.

S. Petre Ep. lingvā, manibus pedibusque amputatis, cruci affixe **Martyr**.

Sancti Cai, Fauste, Eusebi, Cheremon, Luci; & socii **Martyres**.

S. Hierothée, divine vir, **S. Pauli** discipule.

S. Petroni, **S. Petro** jubente, in Episcopum electe.

S. Aurea V.

S. Magdalvee Ep. virginitate, oratione insignis, à

cu-

cujus morte statim duæ columbæ candidæ è cælo
venientes, tuo corpori super Crucem assederunt, &
post exequias, in omnium oculis in cælum iterum
abierunt.

S. Thyrse, qui eum tuis sociis militibus pro Chri-
sto occisus, Mosellæ aquas tuo sanguine purpu-
rasti.

OMNES SANCTI, &c. pag. 203.

S. MARIA de Portiuncula, in cuius templo cor S.
Francisci creditur Angelicis manibus sepultum: ad quam
deferri voluit S. Franciscus graviter agrotans; ut
abi gratia spiritum à Deo acceperat, ibi spiritum vita
redderet. Impetra mihi spiritum gratia. Vivat in te, mor-
riatur, sepeliatur in te cor meum, ut sit secundum
cor tuum;

S. MARIA ab Angelis, cuius imaginem S. Fran-
ciscus gestabat in pectoro; qua nunc Messana colitur
ad scalas. Imprime te cordi meo; deletis inde omnibus,
qua Deo non placent, imaginibus, te istuc geslem im-
pressum cum Filio tuo IESU!

5. Octobris. 3. Nonas Octob.

S Ancta Galla, viduarum sanctorum & patientiæ
sanctæ imago, quæ viso ante mortem S. Petro
Apostolo: Quid est, ajebas, Domine mi, dimissa sunt
mibi peccata mea? Et ille tibi benignè annuens, Di-
missa, inquit, veni; & triduo post abiissi; tecumque
unam è sacro sacerdotum cœtu duxisti. Intercede pro
me, ut ita sanctè utar doloribus meis, ita pretiosa fa-
ciam omnia, quæ facio, ita præterita serio defleam,
& nova ne admittam peccata; ut in morte non au-
diam

diam horrendum illud, & à Dei facie repellens *Ite*,
vel *i.*, sed suavissimum prædestinatorum: *Veni*, quod
tu audisti. Amen.

S. Placide, S. Benedicti discipule, qui ab Eutychio,
& Victorino fratribus tuis; Flaviâ Virgine
forore tuâ visitatus, unâ cum illis, & Donato, Firmato,
Fausto, & triginta monachis, post alia tor-
menta decollatus es.

S. Thrasea Ep. Martyr.

S. Palmati Proconsul, & socii Martires.

S. Charitina V. cui abrasi crimes, divinitus sunt
restituti: cuius capiti impositæ ardentes prunæ, in-
fusum acetum; cuius pectori obelisci igneis; lateri-
bus lampades admotæ; quæ lapide ad collum alli-
gato in mare projecta, solutis ultrò vinculis mari
libera inambulasti pede sicco; cui præparatam ro-
tam igneam disjecit Angelus extincto igne; cuius
manuum, pedumque ungues omnes evulsi, dentes
excussi; tandem orando superior tormentis omni-
bus, orando, Deo purum spiritum reddidisti.

Sancti Firmate, & Flaviana V. Firmati foror.

S. Marcelline Ep. contra dæmones potens; cu-
jus cadaver odorem suavissimum exhalabat.

S. Apollinaris Ep. qui orando fontem divinitus
impestrasti; Regi febrenti veste tua incolumitatem
reddidisti.

S. Attilane Ep. cui certam peccatorum veniam
certo signo revelavit Deus.

S. Meinulphe, uno sancto colloquio ad divina
accense, miris visionibus animate; inter cuius ossa
tintinnabulum repertum est, quod, si cui monia-
lium moriendum tuo illo in cœnobio erat, sono
suo ultrò indicabat semper.

OMNES SANCTI, &c. pag. 203.

S. MARIA, cuius ope S. Meinulphus vita est redditus, ut quadam salutaria suis ediceret. Doce me ita vivere, sicut viveret Sanctorum aliquis, ad nos è calo redux!

6. Octobris. Pridie 9. Octob.

S. Ancte Bruno, Carthusianorum admirabilis Patriarcha, qui Parisiensis illius Doctoris, probatæ aliâs, ut videbatur, vitæ viri, post mortem è ferebro se justo DEI judicio accusatum, judicatum, condemnatum, dicentis spectaculo permotus elongasti fugiens, & mansisti in solitudine; aliosque ad idem oratione vehementissimâ permovisti; cuius Ordo cælesti visione certus redditus est, æternam illi MARIAE tutelam ad futuram, si ejusdem Officium quotidie recitaret. Sanctissime simul, ac doctissime Bruno, imprime intellectui meo magna illa æternitatis lumina; & illis illumina, & accende tepidam hanc voluntatem; ut benè solideque perpensâ morte, & immortalitate meâ ita paratus moriar, ut misericordissimo DEI judicio absolutus, in judicio beatæ adjudicer immortalitati. Amen.

S. Sagar Ep. M.

SS. Marcella, Caste, Æmili, & Saturnine, Martyres.

S. Fides V. M. cuius robore, & eâ, quâ è cælo coronabarvis coronâ animatus Caprasius, ad martyrium provolavit.

S. Erotis, per ignem Martyr.

Omnes Sancti Trevirenses Martyres innumera-biles, vario tormentorum genere occisi,

S. Roma-

S. Romane, Ep. M.

S. Magne Episc.

S. Epiphania Virgo regia, magnarum virtutum heroina, à Sponso JESU evocata.

S. Niceti Ep. qui cùm pro urbe Trajectensi, peste afflictâ orares, pestem sedâsti, his etiam vocibus tunc palam auditis: Et quid hic, ô socii, faciemus? Ad unam enim portam *Eucharius*, ad aliam *Maximus*, in medio excubat *Nicetus*. Nihil hic ultrâ possumus. Itaq; sinamus hanc urbem, eorum tuitioni. Defende & me; ne inimicus quicquam posset in me. Tuæ tuitioni, & fidei me committo.

OMNES SANCTI, &c. pag. 203.

S. MARIA, qua in auxilium evocata, S. Brunonis filios, ad severam religiose vita disciplinam animasti. Impetra mihi vires, omnia & singula, qua sunt mei munera, perfectè ac liberaliter exequendi.

7. Octobris. Nonis Octob.

I Nviçtissima DEi exercituum Mater, S. MARIA de Victoria, cuius benignissimâ ope, Anno M. d. LXXI. ad Echinadas insulas, contra sitientissimos fortunarum & sanguinis nostri Turcas, victoria memorabilis reportata est, captis hostium centum & octoginta triremibus, reliquis dissipatis. O etiam nunc juvare nos perge, Domina! Protere pedibus tuis crescentem semper Lunam illam, virulentum serpentem illum, qui adeò plus ultrâ serpit, adeò blanditur, & decipit, & vulnerat, & occidit. Unicor, unam animâ Christianis impetra; ut faciat cum illis potentiam in brachio suo DEus. Mihi verò & nunc,

&

& in ultimo mæ mortis conflictu, JESUS, & MARIA, eritis certanti tessera, & vincenti, & gloria triumphanti. Vos in me, & pro me pugnate, & vincite; ac pro spolio hanc animam meam accipite. O JESU, da mihi nunc, & tunc MARIAM; ut sit mihi MARIA de Victoriâ in terris, sit mihi MARIA de Triumpho in cælis. Amen.

S. Marce Papa, Confessor.

Sancti Sergi & Bacche, inter tormenta psallentes, & ab Angelo consolati. S. Bacche M. tamdiu nervis crudis cæse, quoadusq; toto corpore discissus, animam cælestibus ad quietem vocibus evocatus exhalares. S. Sergi, cui læto vultu apparens post mortem socius, te animavit ad gloriam; qui in crepidis clavatis procul cucurristi lætus, & ab Angelo colloquiis, ac amplexibus personatus, & pro inimicis DEum precatus, ac cælesti voce vocatus, capite truncatus es.

SS. Marcelle & Apulei, MM.

S. Julia V. M.

S. Auguste Presb.

S. Justina V. gladio transverberata, M.

S. Helane Presbyter.

S. Ositha Virgo regia, quæ sub aquis triduo ab Angelo viva conservata, & erepta, postea pro Christo gladio cæsa, resectum caput ad usque templi portam tulisti, ibi procubuisti; tandem quendam in mortis agone sanasti, & ut bona, quæ mente conceperat, non differret, jussisti.

S. Palaria V. ab Angelis è mari erepta, & aquis inambulans.

S. Gerolde, qui dum pacem inter alios componeres

neres, pacis victima cecidisti: cuius mortem spon-
tè sonantium campanarum sonus, odores, & cæ-
lestia lumina illustrârunt.

OMNES SANCTI, &c. pag. 203.

S. MARIA de Victoria, doce me intus, & foris,
ubique, ac semper, me ipsum vincere. Vince me; ut
me vincam!

8. Octobris. 8. Idus Octob.

Sancta Birgitta, quæ etiam tum decennis JESUM
in Cruce, Sanguine recenti perfusum, vidisti, &
de Passione mira loquentem audisti. Hinc dulces
illæ lacrymæ, quibus tuas de Crucifixo & cogita-
tiones, & colloquia, & preces, & factas sextâ quaq;
feriâ confessiones irrigabas: quæ num quispiam
peccati mortiferi esset reus, horrendo quodam fœ-
tore perculta sentiebas: quæ denique acceptas à
MARIA, & Angelis revelationes dictatas à Christo
regulas scripsisti; & doloribus, ac præsentis tibi
morienti JEsu deliciis plena, illi spiritum dedisti.
O! ora, ora pro me, ut nunquam fœteam! Ament
Crucifixum, ament MARIAM cogitationes meæ,
verba mea, confessiones meæ, vita, & mors mea!
Ora, ut servem eas, quas cordi meo dictat inspira-
tiones JESUS, MARIA, per Angelum: & denique
morienti mihi sis, ita sicut Carolo filio tuo fuisti,
mater; & sicut illi, ita mihi, MARIÆ Matris ago-
nizantium opem implora & impetra. Amen.

S. Amor Confess. Diacone.

B. Simeon senex, qui priùs mori non potuisti,
quæcum allatum à MARIA in templum JESUM in
felices amplexus acciperes.

S. Re-

S. Reparata V. cuius pro Christo variè cruciatæ, & gladio percussæ anima in columbæ specie de virgineo corpore egredi visa est, cælumque descendere.

S. Demetri Proconsul, qui plurimis ad Christum conversis, Cruce scorpium peremisti; cui apparenſ cælestis Angelus coronam imposuit, & dixit: *Pax tibi, Christi athletha. Esto fortu;* tandemque lanceis es interemptus.

S. Nestor M.

S. Petre M.

S. Arteon, igne Martyr.

S. Benedicta V. M.

S. Evodi Episc.

Sanctæ Palatias & Laurentia, in exilio, ærumnis confectæ.

S. Pelagia pœnitens, quâ in ornatu impudicè superbo visâ, lacrymatus. Nonnus, doluit se non tantam sui animi curam habere, quantam tu habebas corporis; quam idem è nigerrimâ columbâ fieri candidissimam vidit; & veluti Magdalenam humiliacrymantem sacro lavacro abluit; quæ superato postea semper dæmone, opibus in pauperes dispersis, in veste cilicina Hierosolymis, & vita; & morte sanctâ Sanctis pœnitentibus præluxisti.

S. Thais, quæ à S. Paphnutio, pio colloquio, conversa, quicquid opum lascivo lucro collegeras, in urbis medio in cumulū congeſſisti, & combuſisti: & per triennium in arcto cubiculo clausa, & jejunans, ac nec oculos aut manus sursum tollere, nec DEum nominare ausa, dicebas: *Qui plasmasti me, miserere mei!* cui paratum in cælo lectulum tres

Virgi-

Virgines custodire sunt visæ. Nunc ibi quiescis felix! Imperra & mihi cor humile, eorū contritum, orans, castum, cautum, cor secundūm cor DEI.

OMNES SANCTI, &c. pag. 203.

S. MARIA, quæ S. Birgittæ de tuis clientibus dixisti: Video labores eorum: occurram eis in morte; & collocabo eos mecum in sede cælesti. supereſt, ut Ego faciam id, quod à me requiritur: sed hoc ipsum à te, Ego per te peto, ac spero. Tu impeta!

9. Octobris. 7. Idus Octob.

SAncte Dionysi, cælestis calami Episcope, qui pro Christo flagellatus, & super lectum ferreum igne affatus cantabas; qui bestias fame in te rabidas Cruce compescuisti, & illas in clibano, cruci affixus es, cui postea Missæ sacrificium in carcere offerenti, præsens in splendoribus pulcherrimus JESUS, te cælesti pane refecit in medio Angelorum, & Mecum est, inquit, maxima merces tua Ego hu, qui audierint te, salus in regno meo. Dilectio autem, & benignitas, quam habes semper, pro quibuscumq[ue] petierit, imbevirabit. Ac tandem securibus obtusis capite plexus, unā cum sociis, tuum ipse caput, in cælesti luce, comite cælestis exercitus multitudine, procul tulisti, & tunc anima cælo recepta est, ac suavissimi Angelorum Gloria tibi Domine, & Alleluja, canentium concentus à fidelibus, & infidelibus audit. Sancte, centum & decem annorum senex! Audiam te! Impetra mihi id, quod optimum est! Permitte, ut moriens hoc caput ultimò reclinem in paterno tuo sinu! Adhuc, pro securitate itineris illius

mei,

mei, amabiles comites tuos Angelos; & quam in tertis visam obstupuisti MARIAM, illam mihi, & Filium in cælis ostende. Amen.

Sancti Rustice & Eleutheri, & S. Dionysi socii Martyres.

S. Abraham Patriarcha, in cuius sinum, Lazari animam Angeli deportârunt, antequam dives cœpulo sepeliretur in inferno.

S. Domnine, gladio transverberate miles M. qui caput tuum amputatum trans flumen portâsti: cuius corpus ubi esset, cœlestibus splendoribus est ostensum.

S. Deusdedit, longâ fame, ac ærumnis in carcere confecte.

Sancti Andronice & Athanasia, conjuges.

S. Publia Abbatissa, quæ audiente Juliano apostatâ, unâ cum tuis Virginibus, nullo humano respectu habitu, cecinisti: *Simulacra gentium, argentum & aurum; similes illis fiant, qui faciunt ea;* & objurgata graviter, ac alapis cæsa es.

S. Gunthere Eremita, S. Stephani Hungariæ Regis cognate; qui S. Stephani mensæ assidens cùm ad assæ avis esum invitareris, orando effeciſſe diceris, ut avis illa vitæ redditæ è mensa avolârit, ac deinde septem ipsos & triginta annos in eremo vixisti; voce quoque de cælo laudatus, quæ ad Ducem, istic venantem de te ajebat: *Hoc in loco latet DEI thesaurus. Fac me thesaurum DEi, charum DEo!*

S. Gislene, cui Angelus apparuit, & monuit, ne mundi procellosis fluctibus agiteris; qui Romæ à S. Petro, tibi conspecto, jussus es ad Hainau amnem habitare, ibique facello SS. Petri ac Pauli nomine

ædificato, animas lucrari: ita te vitam fine felic clausurum, & in cælis cum Angeliis gavisurum impetra mihi cor obediens inspirationibus DEi.

B. Goswine Abba, qui cæco lumen restituisti; & cum per iter, unicum, quem habebas nummum pauperi dedisses, toto illo itinere nunquam id genus nummus tibi in fæculo defuit dandus pauperibus: cuius sanctimoniaz imitatio omnibus tui Abbatibus successoribus commendatur, quibus dici solet, dum creantur: Accipe baculum Goswini & cuius suscipis officium, imiteris exemplum. Impetra mihi cor plenum charitatis.

OMNES SANCTI, &c. pag. 203.

S. MARIA, quâ visa, S. Dionylius scripsit; sedum te videret, intus, ac forte, odore, splendoreq[ue] perfusum: defecisseque suum cor, & spiritum, tanti majestatis gloriâ oppressum. O quid erit, in celo videret! Dispone me illuc. Te sequestram, te salutis me prefeciam constituo, & rogo!

10. Octobris. 6. Idus Octob.

Sancte Gereon, gloriose Dux, unâ cum trecenti decem & octo militibus Martyribus, viva hosti gladio cæsa. Ad vestrum sepulchrum accedens hodie S. Evergislus Episc. dum orare incepit: *Exultabunt Sancti in gloria*, responsum cælestè audiit: *Letabuntur in cubilibus suis*; & sacro vestro pulvereaspersus, omnem capitum dolorem abstersit. Per gloriam, & lætitiam vestram, quâ exultatis in gloria & lætamini in cubilibus quietis æternæ, vos obtestor, docete me hic præliari prælia Domini contrahoste

hostes DEi: docete me vigilare attentum ad æternitatem nunc, ne malè obdormiam in morte; sed in cubili meo compunctus quotidie, in cubili meo ultimo, ita ultimò obdormiam in Domino, ut vobiscum exultem in gloria, & læter in cubilibus quietissimæ æternitatis. Amen.

S. Pinite Episc. scriptis, & vitâ nobilissime.

Sancti Victor, & socii, MM.

Sancti Cassi, Florenti, & plurimi Martyres.

S. Eulampi, qui unà cum Eulampia tuo exemplo animatâ sorore virgine, in bullientis olei lebete illæsus, excisis papillis, illâ è capillis suspensâ, non potuisti à Christo avelli, postea in ardente fornace, velut in prato amœnè florido, inambulantes, trium puerorum canticum, *Benedicite, cecinistis*, unà cum ducentis aliis, exemplo vestro permotis, Martyres facti.

S. Pauline, Episc. Apostolice.

S. Cerboni Ep. in vita & morte miraculis clare.

S. Pauline alter, Episcope.

S. Joannes, miraculis, & oratione maxime, colloquiorum divinorum avidissime; qui in specie aquilæ pulcherrimæ expansis alis rostro schedam, verbis illis, *Amor meus IESVS*, inscriptam tenens, visus es: qui ultimo vitæ triduo decumbens, sæpe ab Angelis visitatus, & exhilaratus es.

S. Theophile, qui ad vitam cælestem ab Angelo invitatus his verbis: *Tolle Crucem, sequere me!* paruisti.

OMNES SANCTI, &c. pag. 203.

S. MARIA montis Serrati, cui hodie acta gratia, de Sacerdote tibi de voto, ab hostium irruentium armis illaso,

*& domum suam repenit, ope tuâ, translato. Ne per
mittas me, in tantis aeternæ vita periculis vulnerari*

11. Octobris. s. Idus Octob.

Beate Jacobe Alemanne, è milite sancto, sanctissime S. Dominici fili, qui cælesti inter orandum lumine circumfusus, tentantem ac flagellantem te dæmonem vicisti semper, & Angelum coram vidi-
sti. Serve DEI, inquietabat ille, esto fidelis usq; ad mor-
tem. Ingentia sunt, qua tibi pro parvo labore atqui
certamine præmia proponuntur; ad quæ ingentia præ-
mia, prævisâ prius morte, cotde per generalem
vitæ totius confessionem mundato abiisti, viso hic
in ecstasi floribus, & concentibus amœnissimo de-
liciarum paradiso fruiturus æternum! Fruere felix
gaudeo! Sed & pro me JESUM, MARIAM, San-
ctosque omnes ardenter precare, ut sim fidelis
usque ad mortem; ut me parvum hic pro ingen-
ti æternitate sumere laborem nunquam pigeat:
ut corde mundo, DEO, JESU, MARIÆ, Sanctis-
que omnibus charam hanc animam in paradisum
æternitatis expirem. Amen.

SS. Tharace, Probe, & Andronice, pleni tormentis diversissimis ac truculentissimis, intacti à bestiis,
decollati; quorum corpora stellarum indicio sunt ostensa.

SS. Nicasii Ep. Quirine, Scubicule, & Pientia V.
Martyres.

Sancti Anastasi Presb. Placide, Genesii, & socii
Martyres.

S. Sarmata, S. Antonii discipule, Martyr.

S. Ger-

S. Germane Episc.

S. Firmine Ep.

S. Canice Abba.

S. Gummare, qui succisam arborem orando in integrum restituisti suo loco illasam, ut hominis ob eam succisam irati mentem componeres; qui baculo humi fixo aquam elicuisti; qui uxorem tuam asperam, eoque divinitus morbo castigata, persanasti.

S. Edilburga V. quæ propè mortem visâ es sole illustrius collucere, & aureis funiculis evehi in sublimem: ad cuius pedes in tumulo reperta est epistola divinitus in hæc verba conscripta: *Edilburga regnabat Christo; & in eadem aureo charactere conscriptâ epistolâ dicebaris ad cælū per ardua penetrâsse.*

S. Æmiliane.

Sanctæ Zenaides & Pilonilla, sorores, S. Pauli consanguineæ, ac discipulæ.

S. Placida V.

S. Bruno Archiep. Henrici Regis fili eloquentiâ, pietate, fundationibus, orandi studio sanctissime; qui visâ fratris tui Henrici, & Cunonis affinis nimia, etiam in templo, familiaritate, & colloquiis, futurorum verè prælagus, & suspirans: *O in quantum, inquietas, inimicitiarum amaritudinem ista in tremendo Missa tempore male parta contubernia resolventur.*

OMNES SANCTI, &c. pag. 203.

S. MARIA, cuius imaginem hodie morenuus Ludovicus IV. imp. ex Italia in Bavariam suismet brachys deportavit: *fac me dignum tua gloria instrumentum, corde, ore, brachiis totum, ubique ac semper; ut portem nomen tuum!*

S. MARIA, cujus hoc die Protectionis festum ab Ordine S. Basili, per Poloniam, Lithuania, celebratur: et quod olim visa sis, cum Sanctis Ioanne Baptista & Evangelista, orare pro universo mundo; & pallio tuo regere fidelem populum Ecclesie Christi tui. Sint, oro, sint singuli, ac extremus potissimum vita mea dies, festum Protectionis tuae. Tege me nunc, & tunc, pallio tuo, contra hostes anima mea. Pallium tuum est sol amoris DEI, quo amicta es; illo pallio me tege, ac involve securum!

12. Octobris. 4. Idus Octob.

Sancte Walfride Episc. laboribus, itineribus, fidei & animarum zelo, falsis calumniis, crebris exiliis, innocentissimâ patientia gloriose; cui moribundo apparet candidus Michæl Archangelus, vitam tibi, MARIE precibus, & Fratrum lacrymis prorogatam dixit: Sed paratus es, ajebat, quia post quadriennium revertens visitabo te. Ita quadriennio totente morti sanctæ parans, visitatus tandem, ac eductus hinc es ad Cælites. Intercede pro me unâ cum Beatissima DEi Matre, & Michæle Archangelo, apud JESUM, ut det mihi tempus, modum, voluntatem præparandi me morti sanctæ, ut ita mihi vitam hanc proroget, vel abrumpat, prout optimè scit mihi prodesse ad aeternitatem Beatorum. Amen.

SS. Evagri, Prisciane, & socii Martyres.

S. Edisti M.

S. Dominica V.

Sancti omnes Confessores Africani, & quater mille nongenti sexaginta sex Martyres; Felix, & Cyprianus

priane Episcopi, Presbyteri, Diaconi, aliquie in
horribilis eremi exilium trusi, in itinere hastiliū
cuspidoibus impulsī, lapidibus percussi, ligatis pedi-
bus per aspera loca raptati, lacerati, membratim
discerpti.

S. Maximiliane Ep. qui tua omnia in pauperes
dispersisti.

S. Mona, cælesti lumine, ut in Episcopum eli-
gereris, circumfuse, & per quinquaginta novem
innos Episcope.

S. Salvine Ep.

S. Eustachi Presb.

S. Opili, quem inter orandum cum Angelis col-
loquentem vidit S. Gelasius, frater tuus, & vocem
uidivit: *Sinite parvulos venire ad me; talium est e-
niam regnum calorum: qui facie radiante, ad lumen
gloriae discessisti.*

OMNES SANCTI, &c. pag. 203.

S. MARIA, qua S. Walfrido Ep. vite quadrienniū impetrāsti; impetra mihi mortem talem, qua longiore vitâ opus non habeat in hoc mundo. Dispone me
ad mortem sanctam!

13 Octobris. 3. Idus Octob.

S. Ancte Venanti Abba, qui auditis Angelorum,
Sanctus, Deo in cælis cauentium vocibus, ad lau-
dandum impigre Deum accensus, aliosque accen-
dens, *V&e, ajebas, nobis inertibus, & pigris!* qui è tu-
mulo vocem, *Libera nos à malo*, audisti, preces à te
pro animabus purgatorii postulantem. Accendat &
me exemplo suo cælestis curia universa; ne tepeam!

accendant ignes purgatorii, ut ardenter orem pro animabus illis æternitatis beatissimæ candidatis: Me verò & tunc, & in agone mortis jacentem juva, ut non iners, non piger, sed fervens, ac diligens, & strenuus moriar; ne mihi morienti veniat tepidorum morientium *v.a.* Denique, & viventem, & agonii vicinum, & jam post mortem in purgatorio ardenter libra me à malo. Amen.

S. Carpe, cui Jesus suam erga peccatores misericordiam, & Angelorum industriam, cælo aperito ostendit, & zelum præfervidum dulcedine temperavit.

SS. Fauste, Januari, & Martialis, equulco cruciati, & deinde superciliis rasis, dentibus evulsis, auribus, naribusque præscisis, Martyres per ignem.

S. Florenti, post varia suppicia combuste, Martyr.

S. Colmannæ, è stirpe regia, pro Christo peregrine, virgis, igne, forcipibus, serrâ cruciate, suspense, multis à Deo prodigiis honorate.

Sancti septem Martyres Franciscani, læti flagella pro Christo perpesti, gladio cæsi.

S. Theophile Ep.

S. Chelidonia V.

S. Romane Episc. antè quām nascereris, prædictæ ab Angelo, illiusque imperio sanctè educate; erga peccatores suavissimi cordis pater, pauperum divitiae, dæmonum vîctor, miraculis magne; super cuius celebrantis caput ignis, & benedicens tibi dextera apparuit, teque mortis, ac vicinæ jam æternitatis admonuit.

S. Geralde comes, qui tribus diebus in hebdomada

da

da carnis abstinebas, & singula, quæ ajebas, jaculatoriis suspiriis accendebas: qui cujusdam è vita se migrare dicens, & morientis vocem longissime ab illo dissitus audivisti: qui septennio cæcus, miraculis ante atque post mortem clarus, cùm mortuus ad lavandum nudareris, pudicâ manu te semel, iterum, tertioque texisti, castam verecundiam post mortem quoque testatus. Impetra mihi cor pudicum, cor castissimis precibus in Deo semper fixum.

OMNES SANCTI, &c. pag. 203.

S. MARIA, Mater admirabilis, cui hodie mortuus cliens tuus Sodalitatem Colloquii Mariani instituit, è qua eo ipso excidit, qui incidit in mortale peccatum, etiam oculie. Serva cor meum tibi mundum: doce me loqui de te, & alloqui te!

14. Octobris. Prid. Idus Octob.

SANCTE Fortunate Episc. qui è fœmina ob unam carnis voluptatem obsessa, integrum dæmonum legionem expulisti, cæcum sanâsti, rabidum militis equum signo Crucis curâsti: quicquid à Deo petisti, impetrâsti: qui cuidam ad preces tuas surdo ajebas: *Non audis Patrem tuum, noli me contristare, non expedi tibi;* & paulò pòst equi lapsu fractam illius coxam aquâ lustrali aspersam persanâsti; Mancellinum, virum pium, &, ut ipse ajebat, *ad bonum locum deductum, à mortuis excisiâsti.* Audi filium, Pater! ne me contrista. Potuisti impetrare hîc omnia; in caelo magis potes. Age ergò, ora, instâ, impetra mihi, ut quicquid à me per inspirationes petit spiritus Sanctu:, audiam Patrem meum, ne illum contri-

*stem; quia verè non expedie mihi Sit hoc solatio de-
solatæ aliæ in agone animæ meæ, obedivisse me in-
spirationibus Dei, non contristâsse Spiritum San-
ctum: ut animam meam non contristet, sed ad se
recipiat Deus totius consolationis. Amen.*

S. Calliste Papa, qui fame longâ afflictus, fusti-
bus quotidie cæsus, è fenestra præcipitatus, & in
puteum demersus es.

S. Fortunata V. quæ post equuleum, ignes, be-
stias & alia tormenta, Deo spiritum reddidisti.

Sancti Carponi, Evariste, & Prisciane, Sanctæ
Fortunatæ fratres, gladio jugulati MM.

Sancti Saturnine, & Lupe.

S. Gaudenti Episc. M. cuius corpus ubi esset, à
S. Raphaele Archangelo cæcæ mulieri tunc per-
fanatis oculis est ostensum.

S. Burcharde Ep. zelo, Sanctorum veneratione,
revelationibus, morte, miraculis gloriosâ, gloriose.

S. Donatiane Episc. qui Pontificali ornatu vene-
randus senex, post mortem ægris apparuisti; eos-
que saniasti.

S. Ruffice Episc.

B. Dominice Loricate, cuius vita fuit parasceve
Crucis; qui tuam virginitatem, & animam, contra
corpus abstinentiam, silentioq; miro armasti; qui fer-
ræ loricæ semper indutus ad carnem, etiam in sene-
ctute, servido spiritu, indefessus, orationibus, ac
virgarum flagellationibus crebris, & longis, circu-
lis ferreis, carnis domitor, spiritus exercitator,
exemplum fuisti omnium, qui carni suæ benè æ-
ternum volunt, dum illam hic affligunt. Fac, ut
amoie Dei oderim carnem meam.

S. Ber.

S. Bernarde Confessor.

OMNES SANCTI, &c. pag. 203.

S. MARIA, cuius nomine S. Callistus Pontifex eo loci, ubi oleum in taberna scaturit, trans Tyberim templum posuit. O converte me in templum tuum, templum quietu, & pacu!

15. Octobris. Idibus Octob.

Sancta Theresia V. quæ etiam parvula suspirabas, in æternum! in æternum! in æternum! cui & spinis coronatus, & crucifixus JESUS, & cælum omnne ostensum est, ac dictum: *Vides, quantis se bonis spolient peccatores?* Quæ matris defunctæ loco, MARIAM elegisti Matrem: quæ id, quod perfectius esset, facturam te vovisti: cui vulneratus JESUS, Affice, ajebat, *Vulnera mea: non es absque me,* pertransfrevitatem vits hujus; cui, pro felici ad æternitatem transitu, decem millia Martyrum se comites promisere: cuius pura præcordia ignito jaculo transverberavit Seraphinus: quæ Dei æstu extincta, Deo animam sub columbæ specie reddidisti, & postea pretiosè rutilans apparuisti. Mater sancta, omnes tecum sanctos filios, filiasque tuas, & Josephum advoca. Impetra mihi tuum illud, *aut pati,* *aut mori!* Impetra sic, sic amare! Ora ut eligam optima, ut eligar, inter electos futurus tecum, & cum IESU, MARIA, Joseph, in æternum. Amen.

S. Fortunate M.

S. Agilee M.

Sancti trecenti Martyres.

S. Antioche Ep.

S. Bruno Episc. manibus pedibusque præcisis,
capite truncate M.

S. Severe Episc.

S. Aurelia V.

S. Thecla Abbatissa.

S. Hedvigis, Princeps Poloniæ, prophetiæ, ac
orationis spiritu, & ecstasibus inclyta, cilicio, duro
lecto, Sanctorum æmula, miserorum ancilla, & ma-
ter; miraculis etiam admirabilis, inter orandum
elevata: quæ sanctimoniales te ægram sinè Supe-
riorum permisso invisentes non admittens, dixisti:
Nihil sanctum esse, quod cum obedientiâ majorum suscep-
tum non esset, quæ duabus monialibus visum,
duobus mortuis vitam reddidisti, cui benedicens
Crucifixus, Exaudita est, dixit, oratio tua, impetra-
bis ea, quæ petiisti. Cur Sanctos jejuniis toties cole-
res: rogata, respondisti: Sunt nobis necessarii, ut nobis
subveniant, & in morte assistant: quæ ante mortem,
à Sanctis Magdalena, Catharina, Thecla, Ursula, &
aliis visitata, illam, quâ mira patrâras, MARIAE
imaginem moriens, & sepulta, retinuisti, miracu-
lum sanctitatis!

S. Oswalde Episc. contra dæmones vi singulari,
& benignitate in pauperes laudatissime: cui anima
à te è purgatorio liberata adfuit gratias tibi agens,
nuntiavitque, quam Deo ob illud, & alia beneficia
debeas esse gratus: qui pane à te benedictio febres à
quodam dispuisti: cui prædestinatorum gloriam
promisit Deus: ad quam te disponens, lotis pau-
perum pedibus, dum Psalmis, qui canebantur, Glo-
ria Patri subjungeres, ibi coram illis expirasti:
cujus corpus cum Litaniis circa Vigorniensem

Ur-

Urbem piè portatum, horrendam pestem repente compescuit. Compescere omnem animæ meæ pestem: fac, ut sim gratus, & benè utar beneficiis Dei mei.

OMNES SANCTI, &c. pag. 203.

S. MARIA, qua S. Therelixa tua collo monile pretiosum appendisti, & ut S. Iosephum tuum flagrantissime coleret, monuisti. Fac, ut ita te cum Iosepho Sponso tuo colam, prout coluit S. Therelia; Illa experiar, qua illi experti sunt, qui vos verè colunt, & solide

S. MARIA, prope Sorinum, quæ tuos ibi à fluminis inundatione mirè servavisti. Serva me, Domina, nunc, & in hora mortis mea; ne me demergat tempestas aqua, ne obruat me profundum.

16. Octobris. 17. Kal. Novemb.

Sancte Galle, vir miraculorum! à quo se undiq; ex hominibus, & locis diversis pelli lamentati sunt dæmones; qui serpentes fugasti, & feras alias; sed & carnem triduanis jejunii, ciliciis, cruentis catenis æreis domuisti: cuius etiam ad miracula potens oratio clavis aurea fuit ad thesauros Dei; cui S. Columbani magistri tui, mors, & in paradiſo gloria revelata est; cuius vitam, & mortem, & sepulchrum cælesti perfusum luce, miraculis gloriosum reddidit Deus! Doce me domare carnem meam, & elevare ad cælum; ne illa indomita detrahat blandientem, & conniventem sibi animam in infernum. Pelle à me & ipsos dæmones, & homines, qui dæmonis funguntur officio, dum me in infernum trahunt colloquiis vel exemplis. Eripiat meritis &

precibus tuis *animam meam de morte, & pedes meos à lapis I E S V S;* ut placeam coram Deo in lumine viventium sociorum bonorum, non verò malorum in tenebris morientium, in æternum. Amen.

S. Michael Archangele, qui hodie super montem Tumba apparuisti, & periclitantes in mari liberasti.

Sancti ducenti septuaginta Martyres Africani.

Sancti Martiniane, & Saturiane, unà cum duobus fratribus vestris, nodosis fustibus ad ossa usque laniati, & divinitus curati semper, & conversis in exilio plurimis, vincitis pedibus à currentibus quadrigis per spinosa loca raptati.

S. Maxima, superatis durissimis agonibus, multarum postea Virginum sacrarum magistra.

Sancti Saturnine, Nerei, & alii trecenti sexaginta quinque MM.

S. Eliphi M. qui simulacris confractis, ante mortem pro intersectoribus, & pro temetipso pulcherrimè orasti; & resectum gladio caput tuum utramque manu ad montem usque, ibi sepeliendus, deportasti.

S. Berchari, cuius ad nutum obedientiam miraculo laudavit, & visionibus eruditivit, mortem verò, ac sepulchrum salutari morbis oleo indè manante, magnificavit Deus.

S. Ambrosi Episkepe.

S. Lulle Episc. Apostolice, post mortem incorrupte.

S. Florentine Ep.

OMNES SANCTI, &c. pag. 203.

S. MA-

S. MARIA, Regina Virginum, cui Insulensis Magistratus templum pro Societate IESV erexit; hodie sub Immaculata tua Concepcionis titulo dedicatum. O. Regina, pelle, quicquid tibi adversatur in corde meo. Fiat cor meum immaculatum per te!

17. Octobris. 16. Kal. Novemb.

Sancta Andrea M. qui corde ad Deum aspirante, ajebas, Domine serva! Domine dirige! & in pericula media irruisti, mortem querens; sacras imagines docte, & sancte propugnasti; deinde flagellatus, ac boum nervis saepius cæsus, gratias Deo agens, ligatis pedibus raptatus, pede altero amputato cælum ingressus es; factus postea dæmoniacis, & infirmis refugium sanctum. Ora & pro me, & dic Domino pro me, & vivente & moriente: Domine, serva! Domine dirige! Sciam colere in imaginibus Deum, & amicos Dei! Adsum mihi morienti Sancti omnes, quorum unquam vel imagines, vel reliquias honoravi! servent me, dirigant me in viam æternæ pacis! ne ligatis pedibus projiciar in tenebras. Amen.

S. Heron, S. Ignatii M. discipule, qui pro grege tuo felicem animam posuisti.

Sancti Victor, Alexander, & Mariane, Martyres.

S. Mamelta M. Angelo monente, conversa, lapidata pro Christo, & in lacum demersa.

S. Florentine Episc. virtutibus multis clare.

S. Victor Episc. eruditissime, atque sanctissime.

OMNES SANCTI, &c, pag. 203.

S. MA-

S. MARIA, qua Cordubensi tuo clienti hoc die in agone, unà cum S. Ursula, adfusisti admirabilis consolatrix. Ad hanc mihi unà cum S. Ursula, & virginem illo exercitu; ut moriar dulcissimæ ac solidissimæ spei plenus!

18. Octobris. 15. Kal. Novemb.

S. Ancte Luca, medice, Evangelista Mariane; IESU & MARIÆ pictor; cuius Marianæ imagines, quasi cœlesti manu adumbratæ, miraculis illustres tot, ac tanta in sanctis cordibus faciunt incendia, & fecerunt. Per omnia ad illas imagines à Deo per MARIAM impetra fluenta gratiarum, impetra mihi à J es u, & MARI A felicem illam coronidem omnium gratiarum, felicem mortem; ut illos non jam pictos à te, sed de facie ad faciem videam in templo sancto gloriæ, in æternum latus. Amen.

S. Asclepiades Ep. Martyr.

S. Juste, novennis parvule, prophetiæ, ac elemosynæ spiritu plene; qui præcisum Christi causâ tuum caput ipse elevans, & per patrem, ac fratrem matri mittens, ajebas: ut amoris erga se mei hoc pignus habeat. Quod si mei tenetur desiderio, studeat sequi me in paradyso jam degentem, ubi anima Sanctorum feliciter quiescunt.

S. Athenodore Episc. M. S. Gregorii Thaumaturgi frater.

S. Juliane Eremita.

S. Tryphonia, quondam Decii Cæsaris uxor.

S. Monon, Angelis familiaris, à liçariis occise.

B. Pe-

B. Petre de Alcantara, divini amoris, ac orandi atque corporis afflictandi magister & artifex: qui sexdecim annos natus, ad religiosum S. Francisci tyrocinium per calcatum sicco pede fluvium appulisti, sanctitatis candidatus: qui angusto sepulchro potius quam cubiculo, veste unicâ semel intra triduum refectione mirabilis, inediâ in octavum usque diem aliquando extendisti, nonnisi pane, aquâ, herbis, & his etiam cinere aspersis, vesci solitus; idque ita, ut levares tantum famem ac sitim, nunquam extingueres: cum alias quoque corpus aridum flagris, ad sanguinem usque, inclementer inflictis, & aspero perpetuoque cilicio macerares, vix duarum horarum somno illi concesso: quem etiam nonnisi sedens, vel flans, aut nixus genibus admisisti; quasi tunc quoque corde vigili adorans Deum. Cujus oculos ita cludebat divinus amor velut clave modestiæ; ut eos nonnisi inevitabilis necessitas aperiret; adeò ut non fœminas tantum, sed ne illos quidem, quibuscum vivebas, aut Novitios, aut Religiosos ferè nossls aliter, quam de voce. Qui attentò semper animo à præsentis tibi Dei vultu pendens, pernoctabas in oratione Dei; sæpè in altum, cum in divino sacrificio, tum alias orans etiam corpore elevatus. Qui divinum Officium coram Cruce sæpius expansis in crucem manibus recitabas, qui alias quoque in horto coram Cruce expansis brachiis preces fundens corpore sublimis in aëre conspectus es, caput tuum tegente nube lucidâ, & illustri radio è tuis oculis emicante in Crucem. Cui divinum sacrificium celebranti, Sancti Fraciscus, & Antonius adstare conspecti sunt à S. Theresia: quæ etiam vidit

Chri-

Christum tibi cibos ac potum ministrantem, & præbentem aquam ac linteum, ad manus lavandas atque tergendas, qui pretiosam animam, præsente Christo, Deiparâ, S. Joanne Apostolo, ac aliis, redditisti hodie, anno 1562. cubiculum verò tuum cælesti splendore perfusum est, cùm autem corpus portaretur ad tumulum, cessavit pluvia; & nullus è cercis, sæviente licet vento, extictus est, corpus verò tuum, post annos quadraginta, integrum & fragrans repertum est. Beatissime Petre, ô Martyr amoris Dei, impetra mihi spiritum veri amoris Dei, qui corpus meum mortificatione assiduâ, & animam oratione perpetuâ Deo sacrificet.

OMNES SANCTI, &c. pag. 203.

S. MARIA, qua B. Petro tuo, hoc die, in agone, unà cum S. Ioanne Evangelista, apparuisti & eum de felici eternitate adeundâ certiore reddidisti. Iuravimus nunc, unà cum Ioanne, & tunc, modo summo & optimo, quò potes; & fac, ut id à te coner omnibus obsequiis impetrare!

19. Octobris. 14. Kal. Novemb.

SANCTE VARE miles, loris cæse, tuorum precibus divinitùs firmate, unguis discerpte; qui discessisse novaculis ventre, effusis visceribus, fortissimè obiisti, cui extracto templo magnifico, & amissi postea filio, amarissimè conquesta matrona, devota tibi, te coronatum & pulcherrimè splendentem, ac cælesti coronâ in dulci tuo sinu radiantem filium suum non sémel vidit; & intellexit, hanc mortem fuisse illud optimum, quod illa à Deo per te pro

pro suo filio postulârat. Miserere & mei; ac unum illud optimum mihi quoque impetra: cumque me videris jam cum morte luctantem, amplectere, & in tuum sinum, velut in sacrum asylum, me accipe. Amen.

S. Ptolomæe, ob conversam ab impudicitia ad Christum, ethnicam, & prædicatum Christi magisterium, squalore carceris macerate, & unâ, cum Lucio, ac alio tertio, morte mulctate M.

SS. Beronice, Pelagia V. & alii quadraginta novem MM.

Sancti septem Monachi, à S. Varo in carcere visitati, & sævissima passi.

S. Aquiline Ep. pudicissime, qui corpus fame, siti, vigiliis, lecto duro, lectione, oratione, lacrymis atterens vigilantissimus sensuum custos, à DEO cæcitatem corporis impetrâsti.

S. Verane Episc.

S. Eusteri Episc.

S. Ethbine, qui dum Christum sub specie pauperis ignotum elevas aperto cælo obvios Christo Angelos, & abeuntem è tuis manibus Christum, unâ cum tuo socio vides, audisq; dicentem: Non vos puduit mei in angustijs meis; nec me vestri pudebit in regno meo. Hereditas vestra apud me est, O Ihs, pro quibus petieritis, salus in regno meo.

S. Fredeswinda Virgo.

S. Amabilis Presb. cui Sanctorum reliquias per Angelum mittens pro itineris tui solatio JESUS, prædestinatum esse te tibi nuntiavit. Noveris, inquit, te in celis Angelorum consortem fore; cuius vita martyrium sanctum fuit in jejunis, & corporis dolo-

doloribus; qui cilicio cinerique immoriens, ad te
venientes cives cælestis civitatis aspexisti, & Christi
munitus viatico cum illis abiisti!

B. Ludovice Bertrande, qui duobus panibus
quadraginta homines refecisti; pudicitia & oran-
di arte inclyte, ac illustris. Doce artem illam cor-
meum.

S. Desideri, cui paucis ante obitum diebus S.
Joannes Baptista cum S. Paulo apparuit, & splen-
didam cælestibus gemmis coronam tibi ostendens,
te ad æternitatis gaudia invitavit. Invita, &
præpara me illi gloriæ cum Sanctis, à quibus ad
illam es invitatus.

OMNES SANCTI, &c. pag. 203.

S. MARIA, cujus Canticum Magnificat novies re-
cito amissam magni momenti rem Prorex invenit,
quam artem illum docuit B. Ludovicus Bertrandus.
Effice, ne me perdam. Quare servum tuum. Doce ani-
mam meam, ut magnificet Dominum in æternum!

20. Octobris. 13. Kal. Novemb.

SANcta Fides, Virgo tenera, quæ priùs, quam pro
Christo capite plectereris, super candentem
craticulam lento igne assata es. Offer DEO JESU
pro ultimo lectulo meo aliquid de meritis igneæ
craticulæ tuæ. Roga cælestem illam columbam
tuam, quæ ignes tuos cælesti rore rorulentis alis
aspersit, ac te coronâ cælestis pretii coronavit, ut
mihi morienti rorem æternæ suæ benedictionis
infundat, meumque caput illi æternitatis coronæ
paret. Amen.

S. Ma-

S. Maxime, qui martyrium quærens, tentanti te
tyranno ajebas: *Aninam meam lucrabor. Me ipsum
offerò sacrificium DEo meo vivo & vero. In manus
tuas, Domine, commendò spiritum meum & post e-
quuleum ac fustes, è sublimi loco præceps deje-
ctus, devota DEo altissimo victima cecidisti.*

S. Artemi, Dux Augustralis, qui post magnos mi-
litiæ honores, post atrocissimos pro Christo cruci-
atus, promissæ tibi à Christo æternitate, ab eodem
statim sanatus; antequam gladio percutereris, o-
rans hæc è caelo, hisque plura audisti: *Audivit Do-
minus tuas preces, ô Arteni; festina consummare cur-
sum: accipe bravium paratum Sanctis omnibus.*

S. Caprasi, & omnes Sancti, sanctæ fidei exem-
plô ad martyrium animati, MM.

Sanctæ Martha & Saula, Virgines, & sociæ
Martyres.

S. Feliciane Episc. Martyr.

S. Irene V. M. cuius corpus in profluentem ab-
jectum, reconditum est in sepulchro ab Angelis
præparato, cuius natali die quotannis Tagi flumi-
nis aquæ in modum fornicis olim assurgebant in
arcum, & iter præbebant populis, ad sepulchrum
tuum sicco pede visendum. Fac, ut ita DEum
amem & colam, ut corpori meo locum parent
Angeli lucis, non Angeli tenebrarum.

Sancti Georgi & Aurelia MM.

S. Sindulphe Conf.

OMNES SANCTI, &c. pag. 203.

S. MARIA, per uix nomen regatus hodiernus
Alexander ab Ales, religio Ordini se addixit, ne ali-
quid negaret, quod suo nomine petiebatur. Fac, ut
nihil

nihil negem, quod tibi gratum esse intellexero. Fac mihi
obedientem inspirationibus divinis!

21. Octobris. 12. Kal. Nov.

Santa Ursula, Regia Virgo Martyr, quæ dum
datas tibi miro divinæ providentiae ductu soci-
as tuas in divini amoris observantia, pīs exhortationi-
bus erudires, illæ corda cum manib[us] in cālum levan-
tes te audiebant. Erudi & cor meum, & doce o-
pere quoque hoc agere, quod monet amor DEI.
Quæ monitu Angeli, tibi futura ex verò prædicen-
tis, Romam peregrina, indè Coloniam redux, ab
Hunnis ethnicis illam obsidione prementibus, cum
admirabili undecim millium Martyrum sodalium
tuarum exercitu, Christi causâ interempta, unâ sa-
gittâ in brachio, alterâ in cordé saucia cecidisti; vi-
sis adesse triumpho tuo Seraphinis, Cherubinis, &
S. Joanne, qui animam tuam DEO, & Matri Virginis
offerebat. Impetra cordi meo sagittam divini amo-
ris, cor totum, & totum brachium possidentem.
Cujus sepulchrum, & corpus S. Cunibertus Episco-
pus, divinitus monitus, indicio columbae invenit.
Quæ tempore prælii, ad Nancæum, visa es cum can-
didato Virginum tuarum sodalium choro, per di-
lectæ illius Urbis tuæ murorum ambitum consti-
tisse. Cujus, ac sociarum ope, constat felicem re-
rum difficillimarum exitum à DEO impetratum.
Cujus nonnullæ sociæ alibi sepultæ, queri auditæ
de tempore illorum, apud quos erant conditæ, ad
te Coloniam, desertis illis tepidis, redire sunt visæ.
Cujus sanguis apud Amalphitanos conspectus est

non

non semel, hoc tuo die anniversario, ebullire. Fuga
à corde meo tempore noxiū, ne merear deserī,
fac, ut bulliat cor meum calore ignis amoris DEi.
Tuo nomine templum erexit Clematius, *divinis &*
flammeis visionibus frequenter admonitus. Admone
cor meum *flammeis* monitis, ut expurgiscar, &
ardeam. Quæ cum glorioſo tuo agmine S. Elisab-
ethæ Schonaugiensi, ac deinde pluribus clienti-
bus tuis, quotidiano penſo tibi persanctè persolu-
to conſtanter addictis, animam agentibus, pulcher-
rimo ſpectaculo, dulci ſolatio, & præſentissimo
auxilio adfuſti; compluribus, ut è purgatorio ci-
tiùs expiati liberarentur, adjutis; earū unā animā
etiam ad corpus tantisper poſtea reversā, & iterū
hinc ſe migraturam dicente; ac eos, qui aderant,
monente, ſe ſuæ erga te in vita pietatis preium
hoc tuliffe, ut è poenit. purgatoriī ope tuā citius
evolaret. Unde omnes pro sancto felicis mortis, &
purgatoriī compendio, ad te ac ſocias tuas dignè
colendas enixè cohortata migravit. Fac, ut ita
te ac ſocias tuas dignis colam obsequiis, ut ſic opti-
mè consulam agoni, & purgatoriō meo. Quæ, unā
cum S. Catharina V. M. cuidam, pro nobili ægra
oranti, ac iſi etiam ægræ conspecta, dixiſti; eam
à DEo, S. Ignatij, Societatis IESV parentis, precibus,
mox valetudini reſtituendam, id quod factum. Ecu-
jus comitatu duæ Virgines cuidam à dæmone ten-
tatae, illā S. Ignatii imaginem reddidere, quam illa,
dæmone id agente, amiserat; & dixerē: *Ecce ubi*
ſublatam uonem; ſed cave, ne quando te otio tor-
pentem & non occupatam reveriat hominum hostis.
Quæ oranti, & deinde ſopito clienti tuo con-
ſpecta

specta es cum nobili supplicatione sanctarum tua-
 rum Virginum, è rubris rosis ferta gestantium; ac
 illum rosâ donatum odore mirabili recreâsti, & ad
 religiosam vitam ineundam pertraxisti. In cuius
 templo alius quoque religiosæ vitæ amplectendæ
 studio incensus est, auditâ illic musicâ cælestium
 musicorum. Quæ dæmonis, sanctæ animæ specie,
 plures deipientis insidias, tuis conspecta detexisti,
 & profligâsti, tuos clientes pró felici morte D'Eum,
 Deiparam, Sanctos orare docuisti; ex eorum domi-
 bus pestem, ac morbos alios depulisti: in cuius au-
 rea camera, seu sanctuario, Coloniæ orantes plures
 divinâ instigatione, ad excelsam virtutem igneo
 quodam desiderio sunt accensi. S. Ursula, fac me
 dignum, quem & viventem ita incendas, & morien-
 tem: ut sim dignus catalogo à te adjutorum in pre-
 tiosâ morte, quam tot tuis feliciter procurâsti. Ex-
 periari id ego, ô fidelis tuorum patrona Virgo, vos-
 que advocatae meæ omnes, & numero, & virtute, &
 voluntate, ad juvandum agonem meum, fortissi-
 mæ! Vallate me morientem, protegite; & cùm tot,
 tantæque coram DEo Sponso sitis, unam singulæ
 pro me sanguinis vestri guttam offerte; nec me pe-
 rire permittite; sed factâ quasi contra hostes meos
 manu, me in illa, in qua estis, æternitate collo-
 cate, Amen.

S. Hilarion, qui miraculis, virtutibusque incli-
 tus, omnem è decimo quinto anno ætatem æterni-
 tati sanctæ consecrâsti; & tamen in agone horrore
 æternitatis percussus, Egredero, ajebas, quia times:
Egredere, anima mea, quid dubitas? Septuaginta propè
annis servuvisti Christo, Et mortem times?

S. Aste-

S. Asteri Presb. Martyr.

SS. Dasi, Zotence, Cai, & alii duodecim milites,
post diversa tormenta in mare demersi.

S. Malche, mirabilem divinæ providentiae benignitatem in variis, & perplexis casibus experie-

S. Viator, sancti Justi Episcopi minister sancte.

S. Celinia, sancti Remigii Episc. mater.

S. Wolfe, abstinentiâ, zelo, & oratione conspice, cujus sacra ossa, nec ab imbre, nec ab igne, DEo illa custodiente, tacta sunt.

S. Berholde, qui è sutori sanctus asceta, à S. Alessandro Papâ per quietem Sanctorum reliquias iussus invisere, cæco pauperi panem simul dedisti, & oculos reddidisti; cujus mortem splendor in cubiculo, & campanæ sponte sonantes illustrârunt.

OMNES SANCTI, &c. pag. 203.

S. MARIA, que totam S. Ursulæ historiam Beato tuo Hermanno narrâsti: cuius instinctu & exhortatione historia illa Virginum est conscripta: qua fida & fidelis earundem ductrix fuisti, ac gubernatrix; & Virginibus omnibus hac audituris nuntiasti, ut illas in castitate ac sanctitate imitentur. Fac me ita legere, ut etiam imiter acta Sanctorum. Que pudicissimam clientem tuam, se tibi ap. S. Ursulæ, contra magicas impudici adolescentis artes committentem, timore omni repente abterso, tranquillâsti; audito etiam ab ea, licet non confesso, magno quopiam agmine, per orans conclave transeunte: cum & conclave admirabili odoris fragrantia, & ipsam incredibili victoria tunc parte dulcedine implorasses. Doce me vincere, Domina: trah me! ut curram in odorem tuum vitor!

S. MARIA, qua ab iis qui Coloniam obsidione premebant, confessata es, velut Imperatrix prima, S. Ursulam, & Sedalium ejus, ac Sanctorum militum, Coloniensis Urbis custodum, exercitum, cum face ardente prcedere; ac in longâ illa S. Ursulæ, sociarum; & militum supplicatione, singulis singulas facies accensas dare: quo admirabili spectaculo arcta illa obsidio est soluta. Accende, ac porrige mihi quoque accensam faciem amoris Dei, nunc, & potissimum in extremo discrimine, in supremo articulo mortis meæ: ut moriar morte illorum, qui ardentes veri erga Deum, ac te, amoris faces, & corde, & manibus, id est, operibus gestaverunt usque in finem!

22. Octobris. II. Kal. Novemb.

SANcta CORDula V. quæ cum occulta lateres noctu, candidati S. Ursulæ ac sociarum tuarum cæsarum agminis aspectu è cælo incitata, postridie ultrò te pro Christo ad mortem obtulisti, & Virgo Martyr victima cecidisti, postea fragrante odore admirabili, & quatuor facibus divinitus in quodâ loco ardere conspectis, corpus tuum repertum est. Tu verò non semel variis apparuisti; phreneticos persanâst; obfessos à dæmone liberâsti; cæcis oculorum lumen, ægris pluribus, moribundis, valetudinem integrum, cuidam etiam formæ venustatena reddidisti. Accende in me igniculos gloriae DEI, & amoris: ut tuo & Cælitum omnium exemplo accensus ardeam, veterno excuso; amor timorem omnem, torporemque meum foras mittat, & me undequaque possideat. Amen.

B. Jo-

B. Joannes Bone, qui adactis sub digitos arundinum frustis, dolore propè exanimis triduum jacuifli, & recreatus è cælo, carnem rebellem spiritui, unâ hâc victoriâ adeò domuisti, ut nunquam amplius impuro igne caluerit. Ora pro me Crucifixum, qui te ad dulcissima suorum Vulnerum oscula sæpius invitavit, ut me benè amare, benè odisse, benè desiderare, benè aversari, benè prosequi, benè fugere doceat illa, quæ ille amat, vel odit. Mediter, & exosculer illum vulneratum, & morientem pro me, ut ille morienti mihi è suis Vulneribus, & morte propinet vitam, in qua nemo est nisi bonus.

S. Marce, clarissime atque doctissime Episc. Martyr.

SS. Philippe Episc. Severe, Eusebi, & Hermes, post flagella incendio cremati.

SS. Alexander Ep. Heracli miles, & socii MM.

S. Philippe Episc. Martyr.

S. Alodia V. quæ cùm capite plexæ sororis tuæ Nunillionis Virginis animam cælos penetrantein videres, dixisti: *Prestolare me parumper soror;* & flexo genu cervicem sanctam gladio præbuisti.

S. Alberci Episc. magnanimitate, miraculis, oratione, zelo DEi, dictis, & scriptis, eleemosynâ conspicue.

S. Melani Ep.

S. Donate Ep.

S. Moderamne Ep. qui amissas Sanctorum reliquias, ad te ultrò ex alto adventantes, in templo post Missæ sacrificiam accepisti.

S. Verecunde Episc.

S. Maria Salomæ.

OMNES SANCTI, &c. pag. 203.

S. MARIA, hodie festo outra in Agathryso promon-
torio, ob ollatam calitatem hoc die illuc à S. Canone tuam
imaginem, pluribus agris personatis ubique beneficam,
que cum à loco, quem delegeras, ad alium translatas
fuissest, per totos oculo dies durans horridus terræ motus
non prius cessavit, quam eō, ubi coli volebas, reporta-
re tur. Fac, ut eo modo, ex loco te colam, qui omnium
maximè tibi placet !

S. MARIA, qua hoc die in Calitum album relatam
tuam Sanctam Catharinam Senensem felix magistra
docuisti; lacte tuo recreasti; bonos panes usq; è farina
sætidiæ pinseret, adjuvasti, Christo annulo defonsasti:
illamque amantes amas. Doce me illam in te amanda,
Ex colenda optimè imitari!

23. Octobris. 10. Kal. Nov.

S. ANCTE Severine Boeti, Poëta, Philosophæ, Consul
in capitolio æternitatis, qui resectum sacrum
tuum caput ipse met usque ad templum delatum,
aræ imposuisti, & à quo percussus essem? interrogatus,
ab impijs, respondisti, ibique Martyr expirasti.
Ora, quæso, unâ cum dilecto amico tuo Symma-
cho, ut ingratum hoc tantis DEi beneficiis meum
caput, æternis illius aris æternæ gloriæ sit serio
semperque devotum; ut ita caput hoc DEo, de-
votionique, solidæ devoteam, ut non sim infelix
ignis æterni victima, sed holocaustum ignis mei
DEi. Amen.

SS. Servande & Germane, verberibus, fame, siti,
lon-

longo & carcere, & itinere macerati, cæsis cervicibus Martyres.

S. Theodore Presb. equuleo, aliisq; multis, ac diris cruciatibus exercite, lampadibus inflammatae, occisione gladii Martyr.

S. Ignati Ep. ob veritatem Cæsari uxorem repudiante dictam, injuriis multis affecte, demum exul.

S. Severine Episc. qui absens S. Martini obitum divinitus cognovisti, & psallentium Angelorum concentus audivisti.

S. Romane Episc.

S. Vere Episc.

S. Domiti Presb.

S. Benedicte.

S. Oda Vidua, quæ in ultima licet necessitate posita, tamen Christum benigne in paupere receperisti; & stupem illam æternâ mercede coronandam audisti.

S. Macari, post vitam diu austera, & miracula, & obedientes tibi feras, à dæmone fœminam induito turpiter cogitatione impurâ decepte; à Raphaële tamen Angelo edocte, longis lacrymis, atq; jejuniiis poenitens, luce antro infusâ, à gaudientibus Angelis, & Christo ipso visitate; omnium, qui stant, ut in timore, tremore operentur salutem suam, & videant, ne eadant, exemplum ingens!

Beate Joannes Capistrane, eruditione & vita sanctitate clarissime; qui innumeros Gentiles, Judæos, haëreticos, atque schismaticos ad fidem Catholicam reduxisti, & maximis pro DEI Ecclesia perfunctus laboribus, hodie in Domino quie-

quievisti, miraculis in vita & post mortem celeberrime.

OMNES SANCTI, &c. pag. 203.

S. MARIA, de qua eoncionantis B. Joannis Capistrani caput, stella illustravit; illumina me de te loquentem, scribentem, legentem, audientem, cogitantem, ac immortaliter tibi accende!

24. Octobris. 9. Kal. Nov.

B Eate Joannes Angele, fidelis & prudens MARIE serve, inter precandum non corde tantum, sed toto etiam corpore sursum elevate; cui ægro invenæ sectione Angeli lumen, & omnia ministrârunt, ipsi sanguinem exceperunt, aliâs etiam familiares tibi: è cujus corpore migrans anima vix carnis aliquid, sed ossa ferè tantum, pelleisque reliquit, campanis mortem tuam sanctam sponte suâ, nullo mortalium trahente, sonantibus. O sim servus MARIE! Ora, ut orem benè, MARIAM & Angelos colam benè, carnem spiritui subigam benè, denique moriar benè, & Angelos in sanitate, in morbo, in morte, post mortem, unâ tecum habeam conservos in eadem DEI aula æternum, Amen.

S. Felix Ep. qui fame, siti, aliisq; ærumnis afflatus, & jam gladio cædendus, conversâ tunc in sanguinem etiam lunâ, elevatis in cælum oculis devotissimè ajebas: *Dominus, gratias tibi!* quinquaginta, & sex annos habeo in hoc seculo: virginitatem custodivi, Evangelia servavi, fidem & veritatem predicavi. Domine Deus cali terra, IESU Christe, tibi cervicem meam ad victimam flecto, qui permanes in aeternum!

SS. Au-

Sancti Audacte, Januari, Fortunate, Septime,
Martyres decollati.

Sancta senex Areta, cum trecentis quadraginta
sociis, M.

Sancta duodecim annorum parvula, quæ in ty-
ranni faciem generosè spuissi, unâ cùm sorore po-
steâ interfecta. Sancta Mater, quæ harum tuarum
filiarum innocentem sanguinem lambens; illis oc-
cisa pro Christo, illis immortua es.

S. Matrona Christiana, cuius quinquennis filio-
lus Christum balbutiens, nec minis, nec blanditiis
detineri potuit, sed ad te pro Christo in igne arden-
tem convolans, tecum se Deo immolavit.

S. Evergisle Episc. Martyr, qui teneram ætatem
tuam lectioui, orationi, ac jejunii assuefecisti, &
illam Angelorum, quâ S. Martinus post mortem ad
caelum deducebatur, melodiam audivisti.

S. Procle Episc.

S. Martine Abba.

S. Maglori Episc. Virgo, qui somno brevissimo,
frequentibus jejunii carnem affligens, quartâ &
sextâ feriâ nihil edebas; qui sœpè ab Angelis visita-
tus, ab eorum uno audisti: Sancte Maglori, age quod
agis; operare quod operaris: nec dubites nomen tuum
scriptum in libro caelitus militie.

S. Marce admirabilis, & catenis tuis, patientiâ,
oratione, ac infinitis propè reportatis de dæmonie
victoriis, inclyte Eremita.

S. Gerarde Episcope, M. Ungariae Apostole Ma-
riane.

S. Enoch Abba, qui eleemosynis captivos rede-
misti; ab abstinentia & oratione potens, cæcos,

contractos, à serpentibus infectos, curâsti.

OMNES SANCTI, &c. pag. 203.

S. MARIA, cuius nominis ancilla, sub Sancto Gerardo, tua Hungaria, tua aula, tua familia nomen obtinuit. Fas me talem, quales tibi in alio aula, & familia tua quam maximè placuerum!

25. Octobris. 8. Kal. Novemb.

Sancte Chrysante, qui ad paucula Evangelii verba lecta, manus Christo dedisti, & superatis paternis deliciis, inter tormenta effusâ è cælo luce recreatus es. S. Daria, Sancti Chrysanthi Virginis Virgo conjux, in prostibulo à leone defensa, & unâ cum S. Chrysantho viva terrâ, & lapidibus obruta, & sepulta. Aperite mihi castissimis vestris precibus oculos, & cor ad illa legenda, quæ me legere, & agere vult Deus. Impetrare mihi è cælo lucem sanctam, cor mundum; ut emissâ è cælo lux, ipsa me morientem deducat, & adducat in montem sanctum tuum, & in tabernacula tua, ô Deus. Amen. Sancti quadraginta sex milites decollati, Martyres.

Sancti Theodosi, Luci, Marce, Petre, & alii centum septemdecim Martyres.

Sancti Crispine & Crispiniane, Romani nobiles, qui artem sutrinam, utpote contemplationi, & saeris de Christo colloquiis aptam didicistis, ut occasione illâ plures per colloquia traheretis ad Christum; & postea fustibus cæsi, à defixis inter digitorum ungues, & carnem acutis sudibus, à mortali lapide, cum quo in flumen injecti estis, à liquato

plumbeo

plumbo illæsi, liberati, ab Angelo ex igne extracti
capite cæsi, miraculis coruscâstis.

S. Minias miles, in quem immixtus pardus, & de-
inde leo expiravit: cui in igne Angelus, *visitavit*,
inquit, te Dominus mittens me ad te, ut possis in tor-
mentis non deficere; *O ipse te hodie induet coronam justi-*
tie: & cum ex equuleo depositus, verubus præ-
acutis sub ungues infixis cruciareris. Angelum
semper consolantem habuisti; denique infuso in
aures plumbo, capite truncatus es.

Sancti Prote & Januari, MM.

Sancti Martyri & Marciane, gladio cæsi, Mar-
tyres.

S. Bonifaci Papa.

S. Froto Episc.

S. Gaudenti Episc.

S. Hilari Episc.

OMNES SANCTI, &c. pag. 203.

S. MARIA, cuius cultu, ac apud Indos *Apostolatu*

E Corona, ad preces ac miracula patranda mirabilis
(que nunc Colonia piè colitur) gloriosus *Sanctus tu-*
us Franciscus Xaverius anno 1619. hoc die in Beat-
orum catalogum est relatus. Fac me Nominus tui ser-
vum!

26. Octobris. 7. Kal. Novemb.

S. Ancte Demetri miles, Proconsul Græciæ, in car-
cere ab Angelo coronate; qui S. Nestorem ado-
lescentulum, contra Lyeum superbum tot victoriis
gigantem, Cruce armasti, & victorem vidisti, ac tan-
dem Nestor cæsus gladio, tu lanceis confosus es.

Arma & me oratione, & Cruce tuâ in agone pro
ælesti æternitate pugnantem: ut me ex hoc carce-
re in libertatem suorum eductum coronet is, qui &
victorias nobis, & coronas dat, & sua in nobis
beneficia æternitate coronat Deus omnium coro-
narum. Amen.

S. Evariste Papa M.

S. Rustice Episc.

Sancte Rogatione, gloriose senex, & Felicissi-
me, Martyres.

Sancti Luciane, Flori, & socii MM.

S. Quodvultdee Episc. qui unâ cum Clero ab
hæreticis in naves fractas, absque remigiis, & velis
impositus, Neapolim appulisti ibi exul.

S. Gaudiose Episc.

S. Fulcè, è pauperrimo studioso Episcope; qui
tuzæ mensæ quinque pauperes studiosos unâ cum
suo magistro quotidie adhibuisti, & septem nobiles
pauperes aluisti.

S. Quadragesime Subdiacone, qui mortuum su-
scitasti.

OMNES SANCTI, &c. pag. 203.

S. MARIA, ejus septem dolorum sodalitas hodie
approbata est, & confirmata: doce me ita compati doloribus tuis, ut me dolores illi pari doceant, & preparant ad gaudia, in quibus de tua gloria tibi gratulerem in eternum!

S. MARIA, cuius amori & honori addicissimus B.
Benedicti Ordo hoc die celebrat vivam memoriam
sua erga te obligationis, ac obsequiorum tibi praeflitorum
ab Ordine universo; ne unquam elanguescat in
solido erga te amore posterius recitatu Marianis

antecessorum exemplis accensa. Incende me, ut immortalius ardeam optimis & maximis eorum ignibus, qui te unquam uspiam summo amore ac honore sunt prosecuti!

27. Octobris. 6. Kal. Novemb.

Sancte Elesbaan, Rex Æthiopiæ, cui pugnanti, & S. Gabrielis nomen ter invocanti, Gabrielem misit Deus; cuius ope victor, coronam Hierosolymam pro gratiarum actione misisti, posteaque te asperximo vitæ genere ad mortem suavissimam præparasti. Adesto ultimæ pugnæ meæ, cum Gabriele, quem ter invoco, S. Gabriel agonizantium protector, S. Gabriel victoriarum Præses, S. Gabriel Archangеле, ac Orator Mariane! Adesto morienti huic MARIAE ac tuo servulo; qui tuam coram Virgine orationem toties, frigide licet, perorans petiit, ut illa me nunc, & in hora mortis meæ protegeret. Non pro regno Æthiopiæ, sed pro æterno regno cælorum hic agitur. S. MARIA, S. Gabriel, S. Eleesbaan Rex, vos agite, ut exeam hinc ad vos vincens, & partam hic vestram ope coronam ad pedes Agni Dei deponam in cælo. Amen.

S. Vincenti adolescens, qui impresso in silicem pedis vestigio carnifices convertisti; & deinde unâ cum sororibus tuis Sabinâ & Christerâ, membra-tim tres in equuleo divaricati, ac coneisi estis; impositis super lapides capitibus, vectibus validis ad cerebri usque effusionem contusi, martyrium consummâstis.

S. Florenti Martyr.

S. Frumenti Episc.

S. Capitolina, & S. Erothei, illius ancilla, Martyres.

S. Ivo, pauperum advocate, globo igneo inter sacra mysteria è cælo veniente illustrissime.

OMNES SANCTI, &c. pag. 203.

S. MARIA, cuius laudes, unà cum Clero, palam ce-
cinit, omni humano respectu contempto Albertus II.
Imperator, hoc die, anno 1439. extinctus. Vince in me
omnes humanos respectus; ne me pudeat meliorem sem-
per fieri, quam sim!

28. Octobris. 5. Kal. Novemb.

S. Antissimi Mesopotamiæ, ac Persarum Aposto-
li, Simon & Juda Thaddæi. S. Simon zelotes,
accende in me zelum gloriæ Dei; ut zelo, ferrâ, do-
loribus, & laboribus tuis inflammer sancte S. Thad-
dæi, qui allatâ ad Abagarum Regem JESU ima-
gine cælestem simul lucem in cubiculum regium,
& Regi sanitatem attulisti animi, corporisque.
Animate spem meam virtutibus, ô Sancti mei; ut
vivens & moriens, verâ spe plenus, experiar in me
id verum esse, quod Rex ille Abagarus illi Christi
imagini aureo charactere subscriptit: Spes nulli un-
quam imponit, quam quis in te, Christe, ponit. Amen.

S. Cyrilla V. sanctæ Tryphoniæ filia, pro Chri-
sto jugulata.

S. Anastasi senior V. quæ igni prona imposita,
& flagellata, rotâ cruciata; sed orando curata divi-
nitus, ferreis ungulis laniata, convulso toto pecto-
re, DEum pro felici martyrii consummatione, &

pro

Pro iis
precat
omnia
busqu
giltæ

S. C
rium a

S. F
S. F

S. F
ambabi

S. C
S. V

ne po
illum

OM

S. M
gratia,
sibus,
ra, san
vulneri

S. An
Cuf
ab An
aliisqu
geloru
tumul
strissin

Pro iis ægris, à quibus aliquando invocanda esses,
precata, vocem è cælo audisti dicentem, te petita
omnia imperstrâsse: tûm amputatâ linguâ, denti-
busque excusâ, decollata es, & felix tua mors ma-
gistræ tuæ per Angelum est revelata.

S. Cyrille, qui S. Anastasiæ aquam inter marty-
rium accepisti.

S. Fidelis miles pro Christo decollate.

S. Ferruti, longâ cruciate inediâ M.

S. Faro, in aula regiâ aulice, DEo & hominibus
amabilis; deinde Episcopæ, miraculis clare.

S. Gaudiose Episcopæ.

S. Honorate Episc. qui ad S. Ambrosium in ago-
ne positum DEi voce tertio monitus advolâsti, &
illum æternitatis viatico munivisti.

OMNES SANCTI, &c. pag. 203.

S. MARIA, de monte Serrato, cui hodie actæ sunt
gratiae, ob hominem, ab hostiis sautum, fugatus ho-
stibus, & vulneribus personatus, à te protectum. Li-
ra, sana, protege me, etiam ab occultis hostiis, atque
vulneribus!

29. Octobris. Kal. Novemb.

S Ancta Ermelindis V. cuius puritatem Angelus
Custos custodivit; quæ carnem teneram in loco
ab Angelo præscripto, inediâ, herbis agrestibus,
aliisque modis crucians, tandem accinentibus An-
gelorum choris mortua, ab iisdem sepulta es: cuius
tumulum plurimis postea annis cælesti luce illu-
strißimum, resonante musicorum cælestium har-
moniâ

moniâ, mundo revelavit Deus. Felicissima Virgo! audi me pro me moribundo orantem te, & Deum per te! Impetra milii sanctam, ac teneram erga Custodem meum Angelum reverentiam, & cultum. Ad sis mihi unâ cum illis Angelis tuis omnibus, & juva desolatum: juva, se tunc juvare non potentem; juva nunc id potenterem, ut hujus, quâ te invoco, orationis meæ fructum uberem, tuamque opem tunc felix experiar. Amen.

Sancti Hyacinthe, Quincte, Feliciane, & Luci,
MM.

S. Zenobi Presbyter.

S. Valentine Episc. zelo laborioso gloriose, qui post sanctas lacrymas, eleemosynas, vexationes, jejunia, à Deo horam, quâ ad reposita tibi æterna præmia evocandus essem, didicisti.

S. Maximiliane Episc. Martyr.

S. Eusebia V. Martyr.

S. Narcisse Episc. centum & sexdecim annorum senex, cuius calumniatores tres conjurati, perjurique, alias igne, alias foedâ corporis totius tabe, tertius cæcitate, ita ut ipsi sibi imprecati fuerant, puniti sunt.

S. Joannes Episc.

S. Donat.

S. Theodore, seu Theuderi.

OMNES SANCTI, &c. pag. 203.

S. MARIA, cuius templo condendo locum Deus ipse hodierno Sancto Theodoro ostendit. Ora ut locus pro te sit cor meum. Tu illud occupa: Et fac, ut in nulla ejus parte locum tuus hostis inveniat, qua idolum alicujus amoris ponat!

30. Octobris. Kal. Novemb.

Sancti Zenobi Ep. & Zenobia, ejus soror, quos in ferreo super ignem lectulo pluviam recreavit cælum: quibus fornace inter flamas tripudiantibus acclamabant spectatores Superi, *ut de cælesti gloria certi essetis.* Ah! quam tremenda est hora illa mortis, ducentis ad æternitatem! Ora tunc, felix frater, & soror; ut ne me disperdat Deus! Exaudi, Domine JESU, Zenobium & Zenobiām, pro me tibi supplices; ut morienti mihi felix, ad te æternū videndum, amandum, laudandum, oculos, cor, labia, aperiat æternitas. Amen.

Sancti ducenti viginti Martyres Africani.

S. Marcellus centurio, capite absiso Martyr.

Sancti tredecim Martyres, cum Sanctis Juliano, Euno, Marcario, passi.

S. Eutropia, Martyres visitans, Martyr facta.

S. Saturnine, capite truncate M.

S. Maxime Martyr.

Sancti Claudi, Luperce, & Victorii, filii S. Marcelli Centurionis, decollati.

S. Thoneste Ep. M.

S. Lucane M.

S. Serapion, eruditissime Episc.

S. Germane Episc. à quo Paschasius in thermis pro se purgatorii suppliciis eximendo sacrificium postulavit; cuius animam, pulchri globi ignei, specie, in tui obitus horâ ab Angelis in cælum ferrari, S. Benedictus aspexit.

S. Gerarde Episc.

S. Fe-

S. Felix Episc. M. post ferreæ craticulæ tormentum capite plexe, cum tibi duo circumvolante Angeli adfuerint: cuius corpus inter odores, carthusque Angelicos est humatum.

OMNES SANCTI, &c. pag. 203.

S. MARIA, cuius ope, hoc die, parvâ manu, superducentia Maurorum millia vicere Hispani. Christiani desideratis non pluribus quam viginti. Victoriae mib de me, deque tuis hostibus victoriam impetra hodie, & quotidie; ut ego tibi reddam gratias in aeterno die!

31. Octobris. Prid. Kal. Novemb.

SANCTE Wolfgang Comes, & Episc. quem partura mater stellam sibi parere visa est: cuius felix ingenium gratis, in excolendis Dei gloriæ juventutis ingeniis, insudabat: cuius vita, jejunium, oratio, visiones, prophetiae, lectio, zelus gloriæ maximi Dei: & Episcoporum, ac Monachorum sancta lux! O stella sancta, dum nascereris! illucesce mihi mortienti! Ora, ut tempus omne ita impendam, prout placet Domino temporis mei JESU! In manibus illius sunt tempora mea, & æternitas mea! Ora, ut tempora finiam feliciter, æternitatem inchôem feliciter, & felicia faciam omnia momenta mei temporis, usque ad ultimum momentum mortis, applicando illa sanctis obsequiis felicis æternitatis. Amen.

Sancti Nemesi, & Lucilla V. ejus filia, decollati.

Sancti Ampliate, Urbane, Narcisse, Martyres.

S. Quintine Romane, ordinis senatorii, qui pro flagel-

en flagellis gratias Deo teneras agens, ab Angelo con-
te firmatus, conversis multis, testis ferreis cæsus,
oleo, pice, adipe ferventi perfusus, facibus cruciatus
es, & amara omnia tibi dulcia esse dixisti. Denique
fusibus ferreis transfixus, decem clavis in dece-
m digestorum ungues adactis, invictus, orans capite
cæsus es; & anima tua columbae instar è collo tuo
exire, ac cælum penetrare visa est, voxque simul
cælestis insonuit: *Quoniam, factule meus, veni, Et
coronam accipe, quam tibi pro tuis meritis preparavi.*

S. Stachy Episc.

S. Antonine Episc.

S. Natali Presb. qui pecuniâ inductus, hæretico-
rum factus Episcopus, è cælo admonitus, & ab An-
gelis per integrum noctem cæsus, in cilicio, ac eine-
re supplex, & lacrymas inflectas ab Angelis plagas
Pontifici, & aliis ostendisti, nec vitam priùs, quām
pœnitentiam finivisti.

S. Epimache, in Crucem sublate, ac ferreis un-
gvibus deinde præacutis lapidibus lacerate, post
miracula, & pretiosas voces, capite plexe Martyr.

S. Noitburgis V. ad cuius cadaver duo lumina-
ria divinitus ardere conspecta sunt; & mortuus,
vitæ se tuis meritis redditum dixit.

S. Nicolae puer M. Alcmeonis Saracenorum Re-
gis fili, qui patris tui jussu columnæ alligatus pro
Christo, unâ cum Nicolao & Leonardo, tuis in
Christi fide magistris, lapidatus es, & combustus.
Incita & me exemplo tuo, ac precibus juva; ut lu-
bens patiar pro Christo meo, tanta pro me per-
presso.

S. Francisca Romana, quæ hac omnium San-
ctorum

ctorum nocte, S. Mariam Magdalenam, divino amore ardentem, ac Sanctorum ordines cum triplici, mortis cogitatæ, puritatis, & amoris Dei, vexillo vi-dens, S. Joannem, cum S. Marco, dicentes audisti: *Nostrum vexillum est pulchrum; Et inflammatum semper divino amore.* Mox librum tibi porrigena S. Joannes, Ecce, ajebat, istum pulchrum librum, in quo nos legimus supernum amorem. Fac, ut legitimè certem, & me ipsum vincam, sub inflammato divini amoris vexillo miles. Ora pro me, ut omnis mea letio ducat me ad supernum amorem: legam illum oculo & corde Augustini, Antonii, ac Bernardi, è volumine creaturarum, quæ omnes sunt vivi cha-racteres amoris DEI.


S. Mechtildis, quæ hoc die, Christi monitu, singulas Sanctorum turmas rogasti: ut sua DEo merita pro te offerrent; & Reginam Sanctorum omnium, cum cælesti Republicâ universâ, pro te supplicem vidisti. Duc me ad Reginam tuam, & illam regiam civium supernorum, ac tua, & illorum merita pro me offer; ut omnium exemplis, velut vivis beatæ illius fornacis carbonibus, tandem accendar.

OMNES SANCTI, &c. pag. 203.

S. MARIA, cuius cor, hac omnium Sanctorum no-te, vidente id S. Mechtilde, triplex aureus funiculus, è corde IESV egressus, ita illigabat, ut se ad Seraphi-nos & Angelos omnes, ad Sanctorum Virginum & Sanctorum omnium corda varie porrigeret, sono sua-vissimo quasi è canentibus omnium cordibus exaudito, quo D. Eus delectatur. Doce cor meum aureo amoris erga SSS. Trinitatem accensi funiculo, qui nunquam rumpa-tur, illigari, doce illud musicam, qua delectet cor D. EI.

S. MA-

S. MARIA, qua tuum clientem hodiernum Alphonsum examen conscientia facere jussisti, orare do-
nisti, ac ut precum suarum catalogum conscriberet
nonuisti. Doce me orandi, ac te colendi artem quām
piam: tunc DEO & tibi sciam quām optimè grā-
ias agere in aeternum!



ANNI CÆLESTIS NOVEMBER.

1. Novembris. Kalend. Novemb.

O Mnes Sancti, & Sanctæ DEi, electi, præde-
stinati, libro vitæ inscripti, æternæ felici-
tatis filii, in complexu æternitatis gloriose ma-
lis omnibus carituri æternū, bonis omnibus
fruituri æternū, DEum videntes semper, aman-
tes, & amati, atque amandi à DEo æternū.
O universa cælestis curia triumphantium in DEo
filiorum, & hæredum DEi! Gratulor æternitati
vestræ, DEoque pro illa æternas gratias agere de-
sidero. O vos omnes Sancti, qui ulli morientium
opem tulistis unquam, ferte & mihi! Atque tu in-
primis, Augustissima Sanctorum omnium Regina,
DEi Mater, ac vos omnes, qui singulari cordis af-
fetu MARIAM hic amâstis, quique singulare illius
auxilium in agone estis experti! Amem & ego! ex-
periar & ego! Adeste ope vestrâ mihi omnes & sin-
guli. Non mereor salvari, sed meretur id mihi JE-
SUS! Insculpite cordi meo hunc titulum sanctorum

omni-

omnium: ut sub hoc nomine, ita omnes uno cor
dis complexu amem, ac si amarem singulos; omne
invocem, & omnes moriens habeam protectores
Offerte pro me vestra merita, preces, lacrymas, san
guinem, mortem. Orate, impetrare, ut una vobis
cum legar in albo libro vitæ; & æternis amorib
us, æternis laboribus, æterno *Alleluia*, una vo
biscum, DEum in plenitudine illius gloriae amem
laudem, ô omnes Angeli, & omnes Sancti, & San
ctæ DEi. Amen.

S. Benigne, cuius plagas abstersit Angelus, quen
fanavit, & à canibus defendit, pane quoque tib
porrecto: qui demum ferreo vecte, lanceaque occi
sus es, animâ tuâ, niveæ columbae specie, visâ in
cælum volatu suavissimo proficiisci. Juva & me
am; ut eò evolet.

S. Cæsari, ad cuius preces templum idolorum
corruit: qui unà cum S. Juliano sacco inclusus, ma
ri es mersus, & Luxurius Proconsul eo die à colu
bro (ita ut tu prædixeras) ad cor usque penetrant
te corrosus, dum animam ageret; vidit tuum,
ac Juliani corpus à psallentibus Angelis è mari
efferri. Prosterne in me precibus tuis, si quod
idolum est in me, id est, quicquid est contra DE
um: & defende me, ne quid committam, ob quod
vermis conscientiæ me rodat, & cruciet.

S. Marcella Episc. qui aquam in balsamum con
vertisti; vocem muto Episcopo reddidisti, imma
nem serpentem cadaver adulteræ depascentem
vinxisti, atque fugasti.

S. Genivera V. Martyr, matre nobili cum octo
fororibus eodem partu nata, & unà cum illis pro
Chri-

Christo capta, sed ab Angelo liberata, demum
apite truncata.

S. Maria ancilla, per equuleum, & unguis
acerationem Martyr.

Sancti Cæsari, Daci, & alii quinq; Martyres.

Sancti Joannes & Jacobe, MM.

Sanctæ Cyrenia & Juliana, Martyres.

S. Austremoni Episc.

S. Victor Episc.

SS. Severine, & Maturine.

S. Francisca Romana, quæ hoc die vidisti è quinque Christi Vulneribus, potissimum verò ab aperto ejus latere, vibratis radiis, totum cælum, & Cælitæ illustrari; aliis pedum, aliis manuum JESU splendore perfusis; cum illi, qui in hac vita fuere charitate insignes, lucerent à radiis è corde JESU splendentibus, ac in eos egressis; voce quoque auditâ: *Ego sum amor fidelis.* Elice pedibus, manibus, & corde JESU splendidos gratiæ ac amoris radios, etiam in pedes, manus, & cor meum; ut amem corde, amem & opere. Alias, hoc die infirma, in cælo alte, plurimis ardenteribus facibus illustre, ac agnum, librumque vidisti: & à S. Joanne Baptista proprius adducta, Sanctos dignis pœnitentiæ fructibus olim illustres, sub nigro vexillo; alios, propter puritatem, sub albo; alios denique, *divino amore magis accensos*, sub rubro cœspicisti. Fac, ut sub his vexillis vita mea sit militia super terram.

S. Mechtildis, cui, hoc die, roganti Christum, quid laudis exhibere posses DEo in honorem Sanctorum? respondit ille: *Lauda me; quod sim omnium Sanctorum corona.* & DEiparam, ac Sanctos omnes

omnes coronatos vidisti. Doce me ita laudare
JESUM Regem, ac Reginam Sanctorum omnium
& omnes Sanctos, sicuti tu didicisti.

OMNES SANCTI, &c. pag. 203.

S. MARIA, Regina Sanctorum omnium, hodie, in de-
cimo clima dies omnibus templo, diego Pantheon, cum
Sanctis omnibus celebrata. Rogo te per omnes Sanctos
& Sanctas Dei; & omnes Sanctos ac Sanctas Deiro-
go per te, facite vos omnes, quod ego unus non possum,
Inuvate me serio, ut salvis fiam!

S. MARIA, cuius icuncula, quam S. Franciscus olim
gestare solebat in pectore, cum aliis Calitum reliquiis,
Messanam in pyxide allata est, qua pyxis, alias semper
clausa, cum recitarentur Sanctorum omnium Lita-
niz, aperiebatur: illis absolutus, ultrò à se ipsa clau-
debatur. Pone vivam virtutum tuarum imaginem,
velut signaculum, in cor meum serva illud clausum
tibi, ac Sanctis tuis, quorum Regina es!

S. MARIA, qua hoc die, S. Franciscæ cum IESV,
ac S. Mariæ Magdalena apparuisti, qua illi tuo iustu-
dixit; animas, qua Deo se dedicant, debere in humili-
tate ac Dei amore fundari, cerde mundo, puris mani-
bus generosa in Deum fiducia, mansuetudine, obedien-
tiâ, instar sagittæ ab arcu missæ, ac non alio sed eè evolu-
lantis, quo directa est, & expedita. Fac nre sagittam
electam Dei; ut illuc, & illas ferar ejus amore, quo
& quæ ille vult!

2. Novembris. 4. Non. Novemb.

O Vos beatæ in æternum animæ, quæcunq; per ig-
nem illum horrendum ad quietis æternitatem
abi-

udat abiistis purgatae! quæ singulari agonizantibus au-
niū xilio esse consuevistis! Subvenite mihi; ut singulari,
& indefesso studio animas illas juvem, quæ adhuc
expiantur in flammis, amicæ DEi, sed adhuc exules
in facie DEi; ut & ipse, & illarum custodes Angeli,
& sancti patroni cælites, & vos omnes, ac demum
MARIA, animarum purgatorii advocata maxi-
ma, mihi & agonizanti, & illic maculas meas igne
illo expianti, adsint fideles; neq; prius cessent di-
vinam pro me misericordiam implorare, quam
sim cum illis in æternitate Sanctorum. Amen.

S. Victorine Episc. scriptis clarissime, Martyr.

S. Juste Martyr.

SS. Carteri, Styriace, Tobia, Eudoxi, Agapi,
& socii MM.

SS. Accindine, Pegasi, Aphthoni, Elpidephore,
Anempodiste, & plurimi socii Martyres, virgis &
igne cruciati; quibus Christus apparuit, & ignem
rore aspergens vos in cruciatibus recreavit.

O sancti Martyres, quibus orantibus adfuit exer-
citus Angelorum, infidelibus humi collapsis: quo-
rum operâ conversos & baptizatos Angeli candidis
vestibus induere, bestias virgis ferreis abegere, ac
vos ex illarum fossâ liberos eripuere. Liberate
me ab eo, quod potest me abducere à DEo meo.
Sancti Paule, Victor, Hermes, & Papia, Mar-
tyres.

Sancta Eustochium V. Martyr, quæ post dira
tormenta in oratione spiritum reddidisti.

S. Theodore Episc. & verbis, & rebus vir san-
ctissime.

S. Ge-

S. Georgi Episc.

S. Ambrosi Abba.

S. Marciane.

OMNES SANCTI, &c. pag. 203.

S. MARIA, animarum in purgatorio Mater prouida, misericordia Mater. Fac me filium misericordia tuae; ut illas erga illas imiter nunc, & experiar tunc, cum illic ero!

3. Novembris. 3. Non. Novemb.

Sancte Pegasi Martyr, qui à tormentis aliis in ignem raptus, cecinisti moriturus: *Quoniam apud te est fons vita;* è cuius morientis rogo suavissimus odor erupit. Ora, ut sciam æstimare, quām pretiosus æternitatis thesaurus sit, libenter & hilariter pro DEo, sive id, quod DEus me ferre vult, pati Præstat nunc, præstat hic, quām vel in purgatorii flammis ad tempus, vel in æternitatis incendio æternum pati. Ergò me libenter, & cum tenera lætâq; gratiarum actione pati doce, & mori morte libenter patientium; ut laboribus pro DEo his susceptis fessus, & DEi sitiens, non in puteum abyssi ad aquas mortis detrudar; sed ad illum curram lætus, *apud quem est fons vita.* Amen.

S. Quarte, Apostolorum discipule.

SS. Germane, Theophile, Cæfari & Vitalis Martyres.

Omnes sancti innumerabiles Martyres, Cæsar augustæ pro Christo mirabiliter occumbentes, quorum combustorum cineres nive candidiores manere; ideoque *massa candida* vocati sunt.

SS. Vo

SS. Valentine & Hilari, cum faxo in Tyberim ræcipites dati, indè ab Angelo liberati, abscessis cindè cervicibus Martyres.

S. Wenefrida V. M. quæ ab impurissimo Regislio, quòd virginitatis jacturam facere nolles, deollata; ubi cecidisti, ibi fons ægris salutaris eruit: & impurus ille juvenis repente mortuus coruit, atq; totus disparuit, abreptus à dæmone, domino impurorum. Tu verò Beunoī precibus susciata, magistra virginum facta, miraculorum, ac irtutum plena, JESUM inter orandum vidisti, & ropediem te è corpore discessuram didicisti.

S. Papule Martyr, capite obtruncato manibus inter Angelos portato celebrate.

S. Huberte, cui tum adhuc ethnico & venanti, Christus inter cornua cervi apparuit, & ut S. Lambertum adires, admonuit, cui afflito Angelus per quietem dixit: *In tribulatione invocasti me, & libe-
avi, & exaudiui te simulque paratam tibi cæle-
tem aulam ostendit, & prædictum te illam anno u-
lo clapsō aditum; verbis quoque illis adjectis:
Eripiam te, & magnificabis me: & eo anno eò ar-
dentius divinis incumbens, sub extremum vitæ,
Psalmum, *Qui habitat,* expendebas morti accin-
stus; doce me habitare in Adjutorio Altissimi, dum
vivo, & in protectione cæli commorari, dum mo-
riar: cuius è stola divinitùs acceptâ licet sæpè a-
liquid decerpatur, tamen nihil minuitur.*

S. Domne Episc.

S. Pirmine Episc.

S. Malachia Ep. cui soror mortua, velut inediā cœfecta apparuit, ac sacrificiis tuis pro ea celebratis,

Pars II.

M

refecta,

refecta, Cælitibus adscripta est: de quo dæmon æxstanti
gro dixit, ne tibi unquam crederet, nec pareret: cu[m]
obtrectantis lingua computruit, vermbus ex ea oratione
toto fluentibus, quos per septem dies vomens miser
interiit, fœmina verò, quæ te calvum, hypocritam
& hæreditatis alienæ invasorem dixerat, mente mo
ta, seq; à te suffocari clamans expiravit, à quo visi
tatus vir dives in extremo agone, ac jam mutus, &
necdum confessus, mox loqui cœpit, & Sacramen
tis expiatus felix decessit: qui mulierem, absq; un
dationis extremæ Sacramento mortuam excitâsti, &
sanâsti; aliam irâ præservidam, & omnibus odio
suum oratione tuâ & pœnitentiæ Sacramento, mira
bili mansuetudine tranquillâsti, ita ut nullis potu
erit injuriis irritari. Impetra & mihi cor mansue
tum, linguam plenam charitatis.

S. Joannici, qui cùm puer subulcus essem, gregem
Crucis signo continuisti, ut oratione securus incum
beres: flumen sicco pede transivisti, templum S. Jo
annis ultrò tibi apertum intrâsti; puellam à foedi
tentationibus liberâsti; & te invadentibus, te dra
coni, ne illis delectareris, objecisti: quo mortuo, tu
quoque ab omnibus id genus sordibus liber, draco
nem alium signo Crucis & precibus occidisti; insu
lam à serpentibus, ægros & morbis liberâsti, inte
orandum corpore quoq; in altum sublatus; & saep
à nemine, nisi cùm ipse velles, videri potuisti, quæ
Consuli Constantino, viro iræ suæ impotenti, di
xisti: *Cessa ab ira, & vince animum.* eumque mir
subegisti; ursam obedientem habuisti: orans absen
tis & morientis Petri cuiusdam animam in cælo
in gloria ferri vidisti. Pelle & à me, quicquid mihi
orant

non oranti molestum esse potest: impetra mihi, ut me
ret: vincam.

S. Hermengaudi Episc.

S. Sylvia, S. Gregorii Papæ mater piissima.

OMNES SANCTI, &c. pag. 203.

S. MARIA, que hodie morienti Tezelino, religioso
Clienti tuo, in Clara Valle, cum beatorum mentium
agmine, obviam venisti. Veni tunc maximè: vitam
presta puram: mortem fac securam: iter para tu-
tum!

4. Novembris. Pridie Non. Nov.

Sancte Carole Cardinalis, qui DEi Matris Offici-
um recitasti flexis genibus quotidie, tibiq; in ul-
timo cordis tui agone ab illa succurri petiisti: qui à
sceleratis globo exploso ictus, nec læsus es; qui toto
quadragelimæ tempore pro lectulo nonnisi asseres
admisisti: S. Ignatii Exercitia pro thesauro, & pre-
tioso Bibliothecæ tuæ compendio habuisti, & bis
quotannis obivisti: qui aliquando integras octo
horas genibus nixus nec ullis fulero innixus, orando
duxisti: in pauperes tua stragula; pannos cubiculi,
cortinas, vëstesque ipsas, & uno die quadraginta,
alio verò viginti aureorum millia liberaliter er-
gästi. In peste ipse Sacramentis supremis oves
tuas refecisti, inserto in collum fune nudipes
pro illis Crucem bajulästi supplex: qui carnem
pudicissimam ciliciis, cruentis flagellis, crebris,
rigidisque jejuniis atterebas, animam verò
lectione, oratione, perpetuâ dolorum mo-
rientis JESU meditatione, MARIAE ac Angeli

Custodis cultu, cordis per confessionem quotidiam mundicie, lacrymis, recreabas; qui diœcesim per synodos, preces, scripta, & miras, laboriosasq; industrias restaurâsti; multa fundâsti; & dénum respectum humanorum sanctissimè glorioissimus proculator, cinere ac cilicio coopertus, hodie dilecto Crucifixo immortuus es, qui Francisco Adorno, è Societate Jエsu, Confessario tuo posse mortem pulcherrimus apparuisti, & dixisti: *Bene mecum agitur: tu quoque brevi accesseris; eique mortem imminentem prædixisti.* Sancte mi Carole, appone etiam erga me plenum illud misericordiaæ ac amoris cor, & quæ à DEo, quæ à MARIA, per Angelum tuum pro felici morte petiisti, illa mihi, de ope tuâ speranti, de morte sollicito, benignus impetra, meque inter illos repone, quos æternitati sanctæ lucratus es. Amen.

S. Vitalis, qui cum toto corpore ingens vulnus haberet à tormentis, in orando generosam animam exprâsti.

S. Agricola, qui cum S. Vitale servo tuo sancte captus, omnibus amabilis, tandem plurimis clavis crucifixus es.

SS. Philologe & Patroba, discipuli S. Pauli.

S. Procul M.

S. Clare M.

S. Mile Episc.

S. Porphyri M.

SS. Nicander Episc. & Herma, Martyres.

S. Pieri Presb. vitâ purissime, docendo, & scribendo in Philosophia Christiana florentissime.

Beate Amanti Episc.

S. Eme

S. Emerice, S. Stephani Regis fili, virgo con-
ux, hodie vitâ funete.

S. Modesta V.

OMNES SANCTI, &c. pag. 203.

S. MARIA, cuius imaginem S. Carolus ab omnibus, etiam militibus, portari semper, secumque habebat optabat. Imprime te memoria mea, cordi meo; & excita memoriam tui cor meum, ut sine intermissione oret per te, & nunquam deficiat!

5. Novembris. Nonis Novemb.

Sancte Emerice, S. Stephani Ungariæ Regis fili, Ungariæ prime Dux, qui quodnam gratissimum DEo munus offerre posset, dum DEum consuleres, cælesti luce persus, audisti è cælo vocem: *Præclara res est virginitas;* & illam etiam cum sponsa regiæ Virgine semper immaculatam servasti, ac in aliis veneratus es. Sancte juvenis, cuius noctes plenæ Psalmis, quos tunc recitabas, somni parcissimus, cuius manus plenæ eleemosynis: cuius vestibus pretiosè vestita altaria: cuius tenera erga MARIAM pietas, cuius oculi pleni lacrymis: cuius corpus virgineum, attritum jejuniis, & austero vivendi genere: cuius anima, Archiepiscopo spectante, cælos intrare visa: Cuius sepulchrum Conradi poenitentis peregrini asylum, dum ruptis, & decidentibus ex illo catenis, illius peccatis inscripta syngrapha pura; sinè ulla scriptione, divinitus apparuit. Ora pro me unà cum MARIA, à te in Matrem electâ, cum S. Stephano patre, cum S. Henrico avunculo tuo; ut consulto in omnibus per MARIAM Deo, agam id, quod

DEus maximè vult fieri à me, ut me salvet. Disrumpere vincula mea, ne rudentibus alliger æternitatis; aut ne nimis diù exul à facie DEi in igne detinear; sed citò post mortem unà tecum, & cum Patre tuo, DEum Patrem misericordiarum, MARIAM Matrem misericordiæ, laudare incipiā inter filios DEi. Amen.

SS. Zacharia, & Elisabeth, incedentes in omnibus mandatis, & justificationibus Domini sine querela, parentes S. Joannis Baptistæ, à DEi Matre visitati.

SS. Felix, & Eusebi, qui, quòd Martyres sepeliretis, & alios adduceretis ad Christum, pro præmio Martyres per gladium facti estis.

SS. Galation & Epistemi, conjuges Virgines, qui ad videnda cælestia abducti, repositas capitibus vestris duas coronas vidistis, quas postea, conciso virginis corpore, fixis sub ungues spinis, linguâ, pedibus, manibus, capite pro Christo truncati, accepistis. S. Galation, cuius matri te parituræ, apparuit Crucifixus: Sancta Epistemi, quæ per quietem fœminas pennis insignes, & igne undique plenas vidisti.

SS. Domine, Theotime, Philothee, Silvane, & socii MM.

S. Magne Episc.

S. Dominator Ep.

S. Fibiti, ex Abbatे Episc.

S. Læte Presb.

OMNES SANCTI, &c. pag. 203.

S. MARIA, qua hodiernam S. Elisabetham, cognatam tuam visitans, illam & S. Ioannem gaudio replevisti. Dece me artem verè, non vanè gaudendi.

dendi. Visita me, ô Magistra gaudii veri, & pleni!

6. Novembris. 8. Idus Novemb.

Sancte Leonarde, vir Dei! potuisti hoc tuis in terris precibus, ut reos è carcere ad libertatem educeres, ut multis invocato tantum tuo nomine, vincula conciderent, ut cæcis oculos redderes, aquas perennes è rupe eliceres. Ecce rea mortis (utinam non æternæ!) hæc mea anima, ex hoc carcere horret per mortem egredi; quia carceres æternos timet! Aperi tuis apud Deum precibus animæ hujus oculos, antequam suos corpus morte claudat: elice ex illis lacrymas perennes, quibus catenas suas rumpat. Saxa precibus expugnasti: expugna suavissimum ac mollissimum Dei pectus, ut apponat erga me cor suum, ne sim inter mortuos captivus, sed inter vivos æternum liber inter æternos servos Dei. Amen.

S. Felix, pro Christo in carcere mortue.

Sancti decem Martyres Theopolitani.

S. Severe Episc. M. cuius caput clavo confosum est.

S. Attice.

S. Felix.

S. Winoce, cuius molâ suâ sponte divinitus circumacta est, ut orandi otium tibi majus relinqueret; curiosus verò quidam, & molam illam, teque orantem videre volens, molâ illâ cursum sistente, cæcitatem damnatus, sed à te est restitutus, qui post mortem cæco apparuisti, eumque sanasti. Sana & me! doce me orare; claude oculos meos, & aperi juxta id, quod Deo placet.

S. Andrea Ep. de quo in suis comitiis dæmones, quod te sanctum virum, ad tangendum ex levitate fœminæ dorsum permoverit dæmonum quidam, illi applausere. Tu verò fœminam domo excisti, & sanctos de dæmonibus triumphos referens, illumque tactum lacrymis, & præclaris virtutibus diluens, & Angelis gaudium peperisti.

OMNES SANCTI, &c. pag. 203.

S. MARIA, cuius nomine templum condidit S. Leonardus, & in illo habitans, multos à carceribus mirabiliter liberavit, ibidem sepultus. Solve vincula reis sensibus meis, cordi meo: & doce me tecum habitare, tecum orare, ac mori.

7. Novembris. 7. Idus Novemb.

S. Ancte Florenti Ep. qui obsequentes tibi feras habuisti ad nutum; & cæcam, ac mutam Regis filiam persanâsti; vestemque tuam è solari radio suspendisti. Adesto mihi morienti benignus. Jacebo ego inter avidas mei feras, circumdantes me, ut rapiant me! Jacebo cæcus, & mutus, quando morti vicinus, jam nec videbo mortuis oculis, nec audiām, nec sciam me mori. Fuga tu feras illas! illuminet me Sol æternus gloriæ, ac deinde gloriæ suæ radio, ut clausis hic oculis, abeat hinc anima illuc, nec erit cæca, nec muta ad videndum, laudandum Deum totius consolationis. Amen.

S. Prosdocime Ep. à S. Petro ordinate.

S. Herculane Ep. Martyr.

S. Amaranthe Martyr.

S. Hieron, è cælesti visione ad mortem gloriosam

ani-

animate; post amputatam à cubito dexteram, post flagra, & virgas, capite plexe, Martyr.

Sancti Nicander, Hesychi, & alii triginta S. Hieronis socii, MM.

Sancti Aucte, Taurio, & Thessalonica, Martyres.

Sancti Melasippe, Antoni, & Carina, Martyres.

S. Engelberte Archiep. qui occisus, sacrificanti Sacerdoti lætus adstitisti, teque inter Martyres Deo frui dixisti: quem in odium Ecclesiae Dei cæsum, dæmon suo consilio enectum dixit: & pereuntibus, ut prædixeras, cædis authoribus, cum Cælitibus non semel visus es gloriosus, & Comiti Friderico impio, horrendis postea poenis affecto, sanctas in infami supplicio lacrymas, & mortem sanctam imprestrâsti.

Sancte Achilla Ep. moribus, ac eruditione spe-
cabilis.

S. Wilibrorde Episc. doctissime, Frisiæ Apostole, quem gladio feriens idololatra, correptus à dæ-
mone tertio post die, pessimè expiravit: tu verò illæsus infectum peste sacrarum Virginum ceno-
bium adiisti, sacrificio Missæ peracto, aquâ lustrali
aspersis cubiculis, ejusdem aquæ potu sanâsti om-
nes, & pestem propulsâsti; ac moriens visus es à
canentibus splendentium Angelorum exercitibus
in cælum ferri, fac me mori lætâ morte Sancto-
rum.

S. Rufe Episc.

OMNES SANCTI, &c. pag. 203.

S. MARIA, cuius honori S. Engelbertus Colonensis
Episcopus qualibet hebdomada, quartâ feria jejuna-
vit, & aliquoties tua in Rupe amatoris lumina visi-
tauit

tavit. Fps, ut solidis obsequiis te honorem. Sint fundata omnia in rupe tui verè amatoris, & servi!

8. Novembris. 6. Idus Novemb.

Sancte Godefride Abba, & Episcope, pauperum serve humillime, pater liberalissime, impurorum osor acerrime, disciplinæ religiosæ fortissime zelator; cuius monita contemnentes Ambianenses tui, DEum vindicem senserunt, quando imminentibus Urbi exercitibus è cælo igneis, lapsu è cælo igne consumpti sunt. Alias vero cum ad S. Firmini ejusdem Urbis Ep. M. sepulchrum pro grege tuo precareris, equites, & igneum armorum apparatus ad Ambianensis Urbis plenum excidium venire vidi-
fli; tum S. Firminus annulo aureo, palmâ, & nobili è rosis ac liliis coronâ insignis, se ad ferendam Urbi opem paratum esse dixit; & ut tuos moneres atque increpares admonuit. Ora pro me ad parcendum, & ad præmia magis, quam ad supplicia pronum Deum, ne illius mihi ad cor loquentis monita contemnam unquam. Nemo corriget, quem ille despicerit. Ora, ne me despiciat, sed corrigat Deus meus: hic me potius nunc, ut filium, benignè ar-
guat viventem, ne me in æterno furore ac irâ sua corripiat morientem. Amen.

Omnes Sancti & Sanctæ Dei, quorum hodie octava est, quibus quicunque serio devotus est malè non moritur.

Sancti Claudi, Nicostrate, Symphoriane, Castori & Simplici, marmora sculpendi arte insignes; qui non nisi præmisso sanctæ Crucis signo laborantes

opera

opera faciebatis omnibus artis numeris absoluta:
deinde scorpionibus pro Christo cæsi, in flumen
præcipites dati estis.

Sancti quatuor fratres, Serve Severiane, Car-
pophore, Victorine, plumbatis ad mortem usque
cæsi, martyrio coronati: quorum tunc ignota no-
mina, posteà sancto cuidam viro revelata sunt è
libro vitæ.

S. Deusdedit Papa, qui leprosum osculo à lepra
sanasti.

S. Willeharde Episc. fustibus cæse, vir zelo Apo-
stolice.

S. Maure Episc.

S. Clare Presb.

OMNES SANCTI, &c. pag. 203.

S. MARIA, cuius imagine, ac ope, Ferdinandus II.
Imperator anno 1620. Antiphonā Salve Regina ante
conflictum cantatā, contra hereticos, Pragensem hoc die
victoriā obtinuit, & victoria insignia Romam ad tu-
um templum misit. Doleo me aliquando fuisse victum
ab hoste tuo: tu veniam mihi impetra, & vires, ut sem-
per vincam!

9. Novembris. 5. Idus Novemb.

S. Ancte Theodore Tyro, miles, qui incenso matris
deorum fano, deos in cinerem redegisti, & atro-
cissimè cæsus, ad carcerem, famemque perpetuam
damnatus es. Sed ibi Christi JESU, & Angelorum fre-
quentiā latus, dulcissima inter solatia corde, ac ore
lætissimo exulabas; neque oblatum panem atque
aquam admittens, te à Christo JESU, ali ajebas, qui

ab eodem Christo tibi conspecto audisti: Confide,
Theodore, ego enim tecum sum, erit tibi vita ab inte-
ritu aliena, & æterna mecum in calis: & posteà, cum
candido Angelorum exercitu psallere es auditus.
Tandem unguis toto corpore laniatus, dum costæ
tibi nudarentur, latus canebas: Benedicam Domi-
num in omni tempore! fronteque oculis, pectore signo
Crucis munitis, in igne latum Deo spiritum tradi-
disti. O quam felix & ego migrabo hinc, si tecum, si
cum Angelis comitibus tuis! Ora JESUM, & illos,
ut mihi tunc adesse dignentur, & nunc! Impetra
mihi mortem verè latam, ad benedicendum DE-
UM! Nam lata mors esse non potest, quam sequi-
tur æterna tristitia, nec tristis mors esse potest,
quam æternâ latitudine coronat Deus. Amen.

Christe Salvator, cuius, in Romana Basilica ho-
die dedicatâ, imago populo Romano in pariete de-
picta apparuit.

Sancte JESU, cuius imago antiquissima, à Ju-
dæis flagellata, spinis coronata, clavis crucifixâ, è
latere perforato sanguinem fudit morbis omnibus
salutarem: da mihi salutarem mortem! mihi, qui
sum pretium sanguinis tui!

S. Orestes M.

S. Alexander M.

Sancti Ursine & Agrippine, Ep.

Sancti Eustolia, & Sopatra, Mauritii Imperato-
ris filiae, Virgines.

S. Aureli Ep. qui benè meritam de animarum salu-
te animam in S. Ambrosii manibus Deo reddidisti.

OMNES SANCTI, &c. pag. 203.

S. MARIA Silvaducensis, de qua hodie quida-
re etulit.

retulit, sibi in carcere à te visitato, ultrò vincula deflu-
xisse, ad fugam & libertatem. Rumpe vincula mea,
si qua me tenent; & commuta illa in vincula, qua
me tibi devinctum teneant in aeternum!

10. Novembris. 4. Idus Novemb.

Sancta Theoctista V. admiranda, quæ è captivi-
tate Arabicâ profuga, in silvis ad templi rudera
corpus triginta quinque ipsis annis fame affixisti,
animam divinis epulis recreâsti; & sanctissimo
Jesu viatico pasta, miraculis clara extincta es: cuius
brachium à corpore amputatum, qui pietatis gratiâ
auferebat, manebat in portu eodem, licet sibi totâ
eâ nocte videretur felicissimè navigâsse. Intercede
pro anima hac mea miseranda, quæ se adeò lan-
gvidè parat ad aeternitatem. Impetra mihi è tuis il-
lis ardoribus unam constantem scintillam, quæ mi-
hi semper vivat in corde, usque ad mortem, usque
ad aeternitatem. Utinam & vivens, & moriens, &
in aeternitate sic aeternum ardeam igne illo aeterno,
qui est Deus! Amen.

Sancti Tryphon, & Respici, ac Nympha Virgo,
MM.

Sancti Tiberi, Modeste, & Florentia, per varia
tormenta MM.

Sancti Demetri Episc. Aniane, Eustosi, & alii
viginti MM.

Sancti Monitor & Juste, Episc.

S. Leo.

Sanctæ Tryphenna, & Tryphosa.

S. Probe Ep. medice animarum, & corporum,

qui moriens agmen Angelorum ad te venientium
vidisti.

OMNES SANCTI, &c. pag. 203.

S. MARIA, *cujus templo in Paro insula, addita S. Theoctistes V. seu surgeret, seu oraret, seu aliud ageret, agebat per triginta quinque annos sola, tanquam id sibi, ut ancille, à te fuisset impetratum. Ora ut sie agam singula, tanquam te presente, docente, jubente, juvante!*

11. Novembris. 4. Idus. Nov.

Sancte Martine Episcope, orator apud Deum potentissime, qui datâ in eleemosynam vestis tuæ parte, vestitum Christum vidisti, & ad Angelos suos dicentem audisti: *Martinus adhuc catechumenus hac me ueste contexit; qui dæmoni in Christi specie purpurato dixisti: Christum ego nullum novi, nisi Crucifixum; tu faceſſe. de cuius sacrificantis capite visus est globus igneus emicare: cui Regina ad mensam aliquando ministravit: quem Angeli, & Angelorum Regina, SS. Petrus & Paulus Apostoli, ac SS. Agnes ac Thecla invisere: qui insidentem tyran尼 cervicibus dæmonem abegisti: qui animum jam agens viso dæmone, Quid, inquiebas adstas, cruenta bestia? Nihil in me, funeste, reperies. Tunc animam tuam suscipere, exultans Angelorum chorus visus, & lætas Deo Laudes cantare auditus est. Interpone potentissimas preces tuas pro me; ut vincere funestum illum semper assuefcam, ne quid in me unquam bestia illa cruenta reperiatur. Sit mors mea non lætitia dæmonum; sed victoria, triumphus, exultatio Angelorum, Dei. Amen.*

S. Men-

S. Menna miles, qui diris flagellis, ferreis ungvi-
bus dilaceratus, ajebas: *Quis separabit nos à Charita-
te Christi?* A Christo te didicisse non timere eos,
qui corpus occidunt, sed DEum, qui etiam animam
potest mittere in gehennam; posteà lampadibus
ustus, per ferreos murices humi tractus, capite
plexus es.

Sancti Valentine, Feliciane, & Victorine, Mar-
tyres.

S. Athenodore M. qui igne cruciatus, cùm carni-
fice corruente, nemo esset, qui te capite plecteret,
orans spiritum exhalasti.

S Verane Ep.

S. Menna Confessor.

S. Bartholomæ Abba.

Beata Erkantrudis V. quæ post magna patientiæ
documenta moriens, Angelos audivisti canentes
verba illa: *Confitemini Domino; quoniam bonus, quo-
niam in saculum misericordia ejus!* Impetra mihi, ut
sim bonus, & merear æternam Dei misericordiam
inter vasa misericordiæ experiri.

OMNES SANCTI, &c. pag. 203.

S. MARIA, quæ radians lumine majestatis, super
Diensem arcem, ab Indis ethnicis oppugnatam, confecta,
hostes terristi, & hodiernam Lusitanu tuu victoriæ
peperisti. Terre, fuga hostes meos, qui cor meum, arcem
tuam, oppugnanti!

12. Novembris. Prid. Idus Novemb.

S Ancte Didace, seu Jacobe, qui ea panis frustra, quæ
pauperibus ferebas, coram Superiore in flores

CON-

conversa ostendisti; cibum in deserto tibi divinitus
coctum ac paratum reperisti: qui à cælestibus deli-
ciis ad sensus redux, exclamabas: O quam suaves
sunt illi flores paradisi! qui moriens arreptâ Cruce
ligneâ, sic ultimum suspirasti ardenter: Dulce ligno-
num, dulces clavos, dulcia ferens pondera; qua sola
fueristi digna ferre Regem cælorum, & Dominum! &
exspirasti. Interveni pro me; ut mihi Crucem sa-
pidam faciat Crucifixus. Faxit id mihi morienti
amarâ morte pro me moriens Jesus, ut ex amar-
ro mortis meæ agone ad amaritudinem æternam
non abeam, sed dulce illud lignum, dulces clavi, &
Crucis dulcissimum pondus Jesus, dulcem mihi
morienti det æternitatem. Amen.

S. Martine Papa, miraculis & ærumnis clare
Martyr.

Sancti Aureli & Publi, Episcopi.

S. Paterne Martyr.

S. Livine Ep. qui extractâ, sed cælitus restitutâ
tibi lingvâ, obtruncatus es, Martyr.

Sancti Benedicte, Joannes, Matrhæ, Isaac, &
Christine, jejuniis, oratione, & curationibus ma-
gni, Martyres.

S. Rufe Episc.

S. Cuniberte Regis adoptive, humilitate, pietate
ad omnia utili insignis, deinde Episcope, cælesti
columbâ tuo capiti insidente, & aliis à Deo signis
honorate.

S. Æmiliane Presb. vitæ admirabilis.

S. Nile, è Præfecto Urbis, cœnobita.

S. Theodore Studita, sacrarum imaginum stre-
nue propugnator,

OM-

OMNES SANCTI, &c. pag. 203.

S. MARIA, cuius ope S. Didacus puerum in fornace ardente incolumem servans, tuâ imagine multa miraculâ patravit. Donec sum in hoc mundo, sum in furno: serva me illasum, ne ex hoc incidam in furnum ardentis eternum inferni!

13. Novembris. Idibus Novemb.

Sancte Homobone, mercator sancte, cuius elemosynas miracula approbarunt; cui templi portas pandebant Angeli, qui nunc ad Christi, nunc ad Dei Matris imaginem jacebas supplex, ac tandem, cum Gloria in excelsis Deo caneretur, bonam animam ad Crucifixi pedes in templo moriens exhaliasti, Ora pro me, ut diligens Jesu Crucifixi, diligens MARIE servus, utrique fideliter serviam, atque inter illos expirem medius; & omne vitæ meæ punctum, & ipsa mea mors, & post mortem immortalitas canat gloriam in excelsis Deo. Amen.

Sancti Valentine, Solutor, & Victor, Martyres.

B. Mitti M.

S. Nicolae Papa.

Sancti Antonine, Zebina, & Germane, capitæ cæsi.

S. Ennatha V. igne cremata M.

Sancti Arcadi, Paschasi, Probe, & Eutychiane, exilium, & atrocissima supplicia passi, MM.

S. Briti Episc. columnias multas innocenter perpesse, & miraculis innocentiam testate.

S. Eugeni Ep.

S. Quin-

S. Quintiane Episc. pro pluvia, & contra febres advocate.

S. Floride Episc. ad quem in agone positum Laurentius Episc. hâc è cælo voce est missus: *Laurentii propera; Floridus migrat.*

Omnis Sancti ex Ordine S. Benedicti, quorum festum Pauli V. auctoritate hodie celebratur.

S. Maxellendis V. quæ ut maneres Virgo, mortuæ es Martyr: quam qui occidit statim excæcatus, fusis ad tuum tumulum supplicibus lacrymis, est salvatus.

OMNES SANCTI, &c. pag. 203.

S. MARIA, de septem doloribus, cuius miraculorum festum hoc die celebratur. *Renova in me miracula tua: Et, si aliter id fieri non potest, ut me bene disponam ad mortem bonam, fac, ut per tua miracula me salvet IESVS!*

14. Novembris. 18. Kal. Decemb.

Beate Alberte Magne, Angelici Theologi Thomæ Magister, & MARIAE alumne: qui omnem illam tuam scientiam à Matre Sapientiæ hausisti, & vel auditio MARIAE nomine dulcissimis lacrymis tuum erga Magistrum illam amorem testatus es; ac tandem ultimo vitæ triennio, Philosophiæ ac Theologiæ repente oblitus, meliorem Philosophiam reperisti, quando tumulum quotidie, ut speculareris, adiisti. Hoc est, quod desidero, Magistrum habere MARIAM, & sanctè mori. Nunc amare sanctè, & mori sanctè; posteà verò æternum amare, ac vivere in æternitate amoris, ac vitæ. Amen.

SS. Cle-

SS. Clementine, Theodote, & Philomone,
Martyres.

S. Serapion, qui solutis per supplicia omnibus
membrorum juncтурis, de superioribus domūs
tuæ præcipitatus es, Martyr.

S. Venerande M.

S. Veneranda V. M.

S. Hypati Episc. ab hæreticis lapidate, Mar-
tyr.

Plurimæ sanctæ mulieres, crudelissimè pro
Christo occisiæ, MM.

S. Jucunde Episc.

S. Antigi Episc. qui ponderatis crebrò illis Chri-
sti verbis: *Quis putas, est fidelis servus?* lacrymans
exclamabas: *V&, v& nobis!* & orando inclytâ mor-
te mortuus, vultu toto erubuisti; atque locum
tibi concedentibus SS. Faustino, & Jovitâ, sepul-
tus es.

S. Laurenti Episc. de quo Beatissima Virgo di-
xit; velle se suum templum à te consecrari: quo
orante Sacerdos à morte resurgens dixit; Novit
Dominus, animam meam separatam fuisse à cor-
pore: & disceptantibus Angelis pro ea, vidisse me
Dominum meum Laurentium flexis genibus co-
ram DEo, & gloriosâ Virgine Matre ejus, pro me
humiliter deprecantem; ejusque oratione flexum
Dominum, animam meam corpori restitui jussisse,
qui ter flagris te cædebas quotidie; triginta, vel
plures longè pauperes coram te reficiebas quotidie.

S. Raymunde Nonnate Cardinalis, Romæ hodie
celebrate; cui coram imagine suâ oranti Beatissima
V. dixit: *Ego te in filium ab hac hora suscipio;*
quare

quare me Matrem tuam poterū appellare, qui post gal-
lerum pauperi datum, visus tibi es in horto amœ-
no videre inter flores Reginam cæli, quæ corol-
lam tibi texens dicebat: Meritò his fertis coronabitur,
qui pauperi, amore Christi suum pileum obtulit. qui
Christo tibi coronam roseam manibus porridente,
ac dicente, ut vel spineam, quam in capite gesta-
bat, vel roseam illam eligeres, spineam elegisti,
quam ipse Christus, illicò capiti tuo imposuit: quem
ægrum visens Christus, divino viatico recreavit.
Impetra mihi solidam JESU imitationem, erga MA-
RIAM amorem, erga proximum charitatem.

OMNES SANCTI, &c. pag. 203.

S. MARIA, quæ, unà cum hodierno S. Laurentio
Episcopo, visa es pro cuiusdam anima in periculo posita
DEO supplicare. Ora ḡ pro me, ut hac omnia, ḡ
ultimum ac maximum periculum evadat felix!

15. Novemb. 17. Kal. Decemb.

Sancte Leopolde Pie, Austriæ Marchio, quem In-
nocentius Pont. peculiarem S. Petri filium di-
xit; qui auream tuam dexteram in egenos, & ad
fundanda DEo sancta loca, liberali corde piè expli-
cuisti totam, tibique thesaurum in æternitate con-
didisti, quo frueris: cui templum Beatissimæ Virgi-
nis condere molienti, locus templi è cælo est osten-
sus: quem post mortem stupendâ miraculorum &
multitudine, & admirabilitate honoravit Deus. Ora
pro me, ut sim verè, seriò, ex radice pius; sim verus
S. Petri, ac totius militantis & triumphantis Eccle-

sia filius; ora, ne sim parcus in obsequiis DEi mei;
sed tametsi auro non potero, pietate, virtute solidâ
liberaliter me impendam, & superimpendam ho-
nori DEi, cultui MARIÆ, sanctitati, æternitati.
Longa est æternitas; meretur liberalissimos labo-
res. Impetra ergo, ut ipse sim liberalis erga ea,
quaæ DEi sunt, & DEum in morte, ac æternitate
mea erga me experiar liberalem, utpote cui vires
meas, tempusque omne libentissimè impenderim,
quia id ipsum tu impetrâsti. Amen.

S. Eugeni Ep. M. gladio confosse, regiis Philip-
pi secundi, Catholici Regis humeris in templum
translate.

S. Felix Episc. à decimo quinto ætatis anno mi-
raculis clare, cum aliis triginta, Martyr.

Sancti Guria & Samona, MM. quorum ope Eu-
phemira à marito impio, tumulo inclusa, incolu-
mis restituta est matri divinitus.

S. Abibe, unguibus lacerate, in ignem conje-
cte, M.

Sancti Secunde, Fidentiane, & Varice, Marty-
res.

S. Machute Episc. à tenera ætate miraculis il-
lustris, cui Angelus, & quò ire, & quid agere, &
quò reverti, ac ubi mori debebas, dixit.

S. Luperti Episc.

S. Hypati Ep. qui sorices, aliasque pestes regi-
onem vexantes, verbo extinxisti; noctu ambulans
instar stellæ fulsistis; à dracone thesaurum Impera-
toris liberâsti, & lapidibus obrutus, obiisti Martyr.

OMNES SANCTI, &c. pag. 203.

S. MARIA, qua templi sui Constantinopolitani
archi-

architectum, quomodo columnas ingentes elevare debet, docuisti. Iuva me, & fac, ut etiam qua ingenio ac viribus meis videntur difficiliora, ea tamen, pro tua gloria, à te adjutus, bene, ac scite, ita ut tibi placet, perficiam!

S. MARIA, que hoc die S. Paulum Sanctæ Franciscæ magistrum dedisti, qui eam, contra scrupulos ad amorem DEi hortatus, ei suscepisti, ut te consultricem sequeretur. Impinge cordi meo, tuo discipulo, tua consilia, & impetra mihi amorem DEi, qui faciat, ut obedienter sequi possim, & perseveranter velim corde tenero, non scrupuloso!

Sancta MARIA, qua hoc eodem die S. Franciscæ, in cubiculo oranti, & ad JESUM, ac ad te propè thronum adduci jussæ, per S. Paulum nuntiasti: In divino amore firma persiste. Ego sum nuntius hujus Reginæ, in throno sedentis. Habe cor mundum, ac liberum. Renova te per amorem. Deinde regulam illustrans, etiam jejunia quadam ex amore DEi, suscipienda suaffisti: monerijs, iussisti, animas pigras, dæmonie id perurgente, contemnere honorem DEi. Renova me in aurore, Domina, & confirma; qui amor animam meam topidam, pigram esse non sinat!

16. Novembris. 6. Kal. Dec.

Sancæ Edmundi, qui duas has voces, Ave Maria; in annulo insculptas portasti, ut MARIAM semper ferres in oculis: cui in scholis pagellas tecum evolvens assedit puer JESUS; & foris divina meditanti, dum alii ludebant, apparuit cælesti specie pulcherrimus, JESU nomine in fronte insignis, docuitque; ut contra repentinam mortem Crucem semper fronti, cubitum abiturus, imprimeres, dicesque,

resque, IESVS Nazarenus, Rex Iudeorum! qui semper coram eburnea MARIE Magistræ tuæ imagine studiisti, S. Joanni Apostolo devotissimus; qui sœpè purissimum corpus reti aspero involvisti; qui à dæmone à te victo cùm quæreres, quibus rebus maximè arceretur? illum dicentem audisti: *Per virtutem Passionis Christi, & dispersionem Sanguinis ejus.* qui matri tuæ per quietem ostensus es, coronam spineam gestans in capite, quæ vehementer accensa flammas vibrabat usque ad cælum: qui puellam tuæ puritati infestam, acriter verberasti, & ab omni fardium illecebrâ in omnem vitam liberasti: qui moriens inter mille ad MARIAM suspiria, inter mille oscula Crucifixi, ajebas: *Mi IESV, te testem habeo, nihil me unquam expetivisse præter te!* Ora, Edmundè mi, JESUM tuum; MARIAM, ne me improvisâ morte mori permittant; sed faciant, ut sim semper paratus mori. Nihil gloriæ quæram extra illos, nihil laboris fugiam pro illis. Tu id effice, ut ita sœpè tenereq; MARIE *Ave* dicam, ut & illa me morientem salutet, & dilectam hanc sibi animam hinc educens, commendet JESU Nazareno Regi Iudeorum. Amen.

SS. Ruffine, Marce, Valeri, & socii Martyres.

S. Elpidi ordinis senatorii; SS. Marcelle, Eustochi, & socii, omnes equis iadomitis alligati, raptati, deinde per ignem Martyres.

S. Eucherius, qui è senatorio quoque ordine religioni, jejuniis, ac silentio te dedisti, & postea doctrinâ ac sanctitate admirabilis, in Episcopum, revelante Angelo, es electus.

S. Fi-

S. Fidenti Episc.

S. Othmare Abba, contra quem conflatam calumniam, horrendâ vindictâ falsam esse ostendit Deus: ad cuius sepulchrum cereus divinitus ardere, neque consumi est visus; & indè sublata cera in lapidem est conversa; auditis illic etiam vocibus canentium Angelorum.

OMNES SANCTI, &c. pag. 203.

S. MARIA, cuius S. Ioannis Evangelista honori, S. Edmundus orationem: O intemerata, quotidie recitatabis; & quia semel omiseras, mirabilem admonitus est à S. Ioanne. Impetra mihi per te in benè susceptis constantiam, atque flagrantiam!

17. Novembri. 15. Kal. Dec.

S. Ancte Gregorî Thaumaturge, in mysteriis fidei, à S. Joanne Evangelistâ Theologo, MARIÆ imperio, instruete; qui, ut condendo templo parares locum orando, montem loco moveri, ac cedere coegeristi; dæmoni silentium imposuisti, illum epistolæ tuæ obedientem habuisti; Lycum, ne exundaret, baculo compescuisti; pacem inter fratres ut componeres, aquam, litis causam siccâsti; cui obscoenam calumniam struens procax fœmina, à dæmons possesta est, & à te liberata. Ora illum, qui in te se vere mirabilem ostendit, DEum, ut & me mirabili sua opere protegat in æternum. Ora MARIAM, & Joannem, Magistros tuos, pro me, ut me docilem reddant Theologiæ æternitatis. Sim & ego miraculum tuum; ut mirabilis in Sanctis suis Deus, etiam in me sit mirabilis, & ego illi inter electos amabilis in æternum. Amen.

SS. Al-

SS. Alphæ & Zachæ, MM.

SS. Aciscle & Victoria, germani, qui ē camino
ignis ab Angelo exempti, exivisti psallentes; in a-
quam cum saxo dejecti, enatāstis iterūm psallen-
tes, & vocem audistis Angelicam: *Non erunt irrita-
tientum nostrorum vota;* rotas igneas passi, illas
orando disjectas in hostes ire vidistis; denique sa-
gittis, & gladio Martyres occubueristis.

S. Dionysii, doctissime, & plurima passe, Epi-
scope.

S. Aniane Episc. miraculis celebrate.

S. Hugo: qui molestas carnis tentationes oratio-
nibus, & jejuniiis primò superāsti; deinde illæ redu-
ces, oratione, & sancti tui mortui Magistri appari-
tione fugatae sunt: postea Episcopus parvulum in
sacratissimo Sacramento JESUM sèpè vidisti: &
ipse post mortem apparuisti gloriosus.

S. Gregori Turonensis Episc. à D. Eligio, & à
S. Martino ē cælo curate; ad orandum nocte Nati
JESU, à somno ab Angelo alapā excitare! qui cùm
Gregorium Pontificem adires; & ille te corpore
tam pusillo parvulum cogitaret; cogitationi illius
respondisti verbis illis: *Dominus fecit nos, & non ipsi
nos;* idem in parvus, & magnus.

S. Eugeni, qui defunctum quandam aquâ bene-
dictâ aspersisti, atqué ut melius paratus morere-
tur, ad vitam revocāsti.

S. Gertrudis V. cui cùm se commendāssent quæ-
dam; divinitus monitæ, ut id facerent, ab omni car-
nis tentatione sunt liberatae, eujus Cor aperto la-
teris JESU Vulneri admotum vidit S. Mechtildis;
postquam te à tempore liberavit JESUS, quinque

Vulnerum monilibus ornatum se tibi ad spinarum
sepes ostendens, & deinde Vulnera sua *Cordi* tuo in-
scribens, ac nunc venusti parvuli, nunc Sponsi, nunc
Crucifixi, nunc alia imagine tibi varie se exhibens;
in Sacro divini amoris arborem, ejusque folia &
fructus tibi commonistrans; tibi Matre suâ ostensâ
dicens: *Matri mea adsta, & eam stude collaudare,* do-
censq; te quomodo illam debeas colere, ac salu-
tare; se in corde tuo sepeliens; cor suum tibi osten-
dens, dansque pro templo; cor expurgare, orare,
pati, desiderare cælestia, festa celebrare, Crucifixum
amare, aspicere, imitari te docens; qualiter somnus.
recreatio, cibus, & alia corpori necessaria sunt ca-
pienda, te instruens; te orante animas è purgatorio
liberans; Sanctos suos tibi ostendens; animarum
zelum tibi commendans, quæ in morbo extrêmo,
per duas & viginti hebdomadas, muta jacuisti; ani-
mo semper tranquillo: quam in extremo agone in-
visit JESUS, cum MARIA, & S. JOANNE Apo-
stolo, ac magno Cælitum, Virginum præcipue, co-
mitatu; Corque suum apertum tibi monstravit, An-
gelis interea tibi canentibus: *Veni, veni, veni, quia tu
expectant cali delicia, alleluja, alleluja!* Rogo te per
omnes delicias tuas, impetra cordi meo JESUM
& MARIAM, & verum spiritum amoris ac oratio-
nis, ut eos colam ita, prout volunt coli à me.

OMNES SANCTI, &c. pag. 203.

S. MARIA, qua S. Gregorio Magistrum S. Ioan-
nem Evangelistam, illi coram conspecta, dedisti Doc-
me bene nisi illi, qua scio; doce me illa discere, ac re-
movere, qua nescio!

S. MARIA, qua in S. Gertrudis corde flores plan-
tar

tare, & bestiolas currentes sub pallio protegere visa
es; sit cor meum hortus tuus: admitte me, velut vile
animal, sub tuum praesidium, ne peream;

19. Novembris. 14. Kal. Decemb.

Sancte Odo, qui dum Sancti tui Martini sepul-
chrum noctu inviseres, diu comite itineris lupo
es usus, dæmonibus te varie, sed nequicquam, ab ea
pietate detergere conatis: qui æger vocem divini-
tus missam audisti, quæ tibi dicebat: O sancta &
dilecta Deo anima, instat quidem tua vocatio, & ulti-
ma corporis resolutio; sed Martinus te precibus differt:
quem ut à nimia prophenorū librorum lectione
deterreret Deus, tibi vas plenum serpentibus osten-
dit; ut ibi videres, quali quidam libri veneno plen-
erent: cui calamum D. Gregorius porrigitur, & di-
rigere, ac ad scribenda divina hortari te visus est:
qui patri virorum, matri foeminarum cœnobium
persuasisti. Adesto mihi & oranti, & legenti, &
quicquid deniq; agenti, & præcipue morienti, tuâ,
& tuorum, Martini atq; Gregorii, patronorū, ope.
Absit à me, quicquid veneno suo potest me tra-
dere morti æternæ. Auferat ab oculis meis, à
lingua, ab auribus, à corde meo, quicquid à me
videri, dici, audiri, cogitari non vult Deus; ut me
totum quantum, & spirantem, & exspirantem
vendicet sibi æternum. Amen.

S. Petre, pro cuius honore ad DEi gloriam posi-
turus Basilicam Constantinus Imperator, diadema-
te posito, humili jacens vim lacrymarum profudit;
ligone, ac bidente ipse terram eruit, & duodecim

Apostolorum honori, duodecim terræ cophinos
abslulit, Basilicam condidit.

S. Paule, cui idem magnificentissimam Basili-
cam posuit.

S. Romane, equuleo torte, qui ex ore infanti-
um, DEi laudem miraculo perfecisti; & postea ig-
ne, in quem conjectus fueras, per imbrex cæle-
stem extincto, sine lingua DEi laudes locutus, in
carcere laqueo strangulatus es Martyr.

S. Barula, puer parvule, qui à S. Romano rogatus,
unumne, an plures Deos præstaret colere! dixisti,
unum, & quidem illum, quem Christiani colunt!
qui inter verbera sitiens, à matre animatus, & si-
tim pro Christo, & gladium cervice tenellâ pas-
sus es fortiter, & libenter.

S. Hesychi miles, in fluvium cum saxo præci-
pitate, Martyr.

S. Oricule, qui præcismum pro Christo tuum ca-
put in fonte lavisti, ad sepulchrum deportasti, &
sanguine tuo signum Crucis in lapide descripsisti.

S. Ade Abba.

S. Maxime Episc. ob zelum orthodoxæ fidei
septies per hæreticos exul, septies restitute.

S. Thoma, ob sedatam tuis precibus pestem;
annuâ solemnitate culte.

S. Frigidiane Episc.

OMNES SANCTI, &c. pag. 203.

S. MARIA, de qua cum audisset hodiernus S. Odo,
te moribundo eidam eque Monacho dixisse: Ego sum
mater misericordiæ; illo te semper nomine appella-
vit. Fac, per tuam misericordiæ m' te rogo, fac me taler,
ut te verè Matrem misericordia merear etiam moriens
experiiri!

19. Nov.

19. Novembris. 13. Kal. Dec.

Sancta Elisabeth, Regis Hungariæ filia, quæ in templo coram Crucifixi spinis coronati imagine coronam auream de capite deposuisti; quod te auro coronatam illi adesse puderet: quæ in divino sacrificio divinâ luce perfusa conspecta es: quæ cùm vestem tuam pauperi dedisses, comparuisti mundo muliebri pretiolissimo, hiacynthini coloris veste, gemmis undique nobili, cælitus adornata, cui spectatus è cælo te visens JESUS dixit: *Si tu vis esse mecum, ego volo esse tecum; & nunquam volo à te separari,* quæ supplicem tibi è purgatorio matrem tuam Reginam coram te per quietem vidisti dicentem: *Dilecta filia, ora pro doloribus meis, quos adhuc patior;* quia negligenter vixi: *pores enim;* Postea fuis pro ea precibus & lacrymis, eandem liberam vidisti, dum gratias tibi agens diceret; preces tuas omnibus, qui à te pro se orari petierint, profuturas. O mater pauperum, quæ juvenem quendam igne turpi sedatum ab impuro dæmons, tuis precibus divini amoris igne validissimè ad sanctæ, ac repentinæ mortis usque periculum accendisti: quæ demum cælesti quodam dulcissimè concinentium è cælo quasi avicularum, canu recreata, inter canentes Angelos canens & ipsa spiritum reddidisti, à Christo tibi præsente hisce verbis invitata: *Veni dilecta mea, in preparata tibi habitacula ab aeterno!* ad cujus sepulchrum quidam à carnis sordibus, alius à superbiæ genio, alii à malis aliis liberati sunt; oleo quoque mirabili de tuis ossibus emanante. Accende me illo,

illo, quo JESUM in Cruce, MARIAM in plenis miraculorum imaginibus, amasti, cælesti igne. Plus potes in cælis, quam in terris potueris. Feliciter extinguar, si corde ita succensus emoriar. Sic non ardebo æternum igne infelicitatis, sed igne immortalis DEI. Si verò in igne purgante arsero, tu me eripias; sicut inde eripuisti matrem tuam, Amen.

S. Pontiane Papa, fustibus in exilio pæctate, Martyr.

S. Abdia Propheta.

S. Maxime Presb. Martyr.

S. Barlaam, qui enormi crudelitate flagellatus, dexteram tuam thure plenam, igni eâ spe ab ethniciis admotam, ut igne supereratam laxares, & in subiectum ignem thus demitteres, quasi diis sacrificans, tu tamen in pugnam compressam tamdiu, dum illa absimeretur, fortissimè tenuisti.

S. Crispine Episc. capite amputato Martyr.

SS. Severine, Exuperi, & Feliciane Martyres, qui post mortem etiam apparuistis gloriosi.

S. Fauste, grandæve senex, gladio Martyr.

SS. Aza, & socii centum quinquaginta milites Martyres.

S. Patrocle, cui ad sublimem columnam educto Angelus Custos Oribus terrarum sceleris, & horribilium omnium terribilissimam inferni æternitatem ostendit.

S. Peregrine, quem de paterno regno cum fratre litigantem Angelus monuit, ut cælesti potius regnum peteres peregrinus; cui stipem petenti panis ab hominibus negatus, è cælo porrectus est.

S. Fri-

S. Frigidiane Ep. Scotiæ Regis fili, ad cujus preces mortui redierunt ad vitam; & ingentis molis lapis, qui nullâ vi moveri poterat, nullo negotio est translatus. Cujus corpus Lucæ post ducentos annos, divinitùs repertum est, quando mortuæ puellæ corpus tumulo tuo illatum ad vitam rediit, clamante puellâ: Tollite, tollite hinc me, quia super beatissimi Frigidiani corpus me posuistis; indignum quippe est, ut tradendum vernis corporis sanctissimo corpori superponatur: quibus dictis iterum obdormivit.

S. Mechtildis Virgo, vera carnis tuæ hostis, quia vera diuini amoris discipula; quæ amare, ac attenere orare, à Seraphinis, à Seraphinorum Regina, à D[omi]no, didicisti: quæ consultricis MARIÆ consiliis obedienter paruisti: cui Christus cor suum obtulit pro felici hora mortis, in pignus felicis prædestinatorum æternitatis: quæ à Christo mira vitæ caelestis mysteria edocta, illud quoque audisti, cùm diceret feriâ sextâ Parasceves: *Homo, qui tentatur, quot tentationes in meo nomine superat, tot in meo capite gemmas ponit, quam ultimum ægram solata est MARIA, & viaticum Angeli porrexere.* Virgo Angelica, Mariana Virgo, hæc mihi morienti solatia impetra, ut JESUM, MARIAM, Angelos, unâ tecum habeam protectores; & crebro, sanctoque Eucharistiae usu, benè ad ultimum illum exitum paratus, à JESU, à MARIA, ab Angelis, mihi morienti contra hostem assistentibus, reperiar; & sicut tu moriens, à JESU, *Veni benedicta!* dicente, invitata es, & ego inviter.

OMNES SANCTI, &c. pag. 203.

S. MARIA, quam etiam in imaginibus tenerrimè coluit Sancta tua Elisabetha, Regina Hungariae: tuaq; ab illa in prelio habue statua, nunc etiam in honore sunt Hallus, atque Vilvordia. Fac, ut te omnibus optimis & maximis modis colam, quia DEI Mater es!

S. MARIA, quam hodierna tua S. Mechtildis, vidit, quod gestares in pectore Salutationem Angelicam, literis aureis exaratam. Doce me, ut sic te salutem, ut singula, qua dico, tuo cordi, literis aureis inscribanur auro flagrantissima charitatis!

S. MARIA, cuius Rosarium vesperi sub suo cervicale collocabat, cubitum iturus Sanctus tuus Ignatius, cuius ossa, hoc die, anno 1587. translata, à pluribus conspicta sunt divinissimè velut stellis micantibus asperga. Illumina oculos meos, ne unquam obdormiam in nocte; ne quando dicat inimicus meus: Prævalui adversus eum!

20. Novembris. 12. Kal. Decemb.

S. Ancte Dasi, qui cum videres, quod Dorostrenses juvenem nobilissimum, atque pulcherrimum electum quotannis, ac triginta dierum deliciis saginatum & auro coronatum Saturno sacrificarent, Christi esse, cælo capite victimam elegisti, quam immolare, vel immolari Saturno. O victimam pulcherrima, pretiosissima, electa! saginet morti æternæ suis deliciis suos mundus ad æternam famem, & sitim! Tu pro me ora, ut hic esuriam potius, quam æternum. Nolo hic illas, quæ me ad amaritudinem æternam ducunt, delicias. Ora, ut vivens & moriens, & in æternitate sim DEI victimam solius, unius, & semper. Amen.

SS. Am-

SS. Ampele & Cai, MM.

Sancti Octavi, Solutor, & Adventor, Martyres.

S. Agapi, quem (libertate donato, impio sui Domini homicidâ) tyrannus urso prædam esse voluit, poslea in mare abjecit.

S. Nersa Ep. & socii MM.

Sancti Eustachi, Thespesi, & Anatoli, MM.

SS. Basse Dionysi, Agapite, & alii quadraginta Martyres.

S. Edmunde Rex, confosse sagittis, miraculis gloriose.

S. Gregori Decapolita, pro sacrarum imaginum cultu multa passe.

S. Benigne Episc. in magna perturbatione dexterime Ecclesiæ tuæ gubernator.

S. Silvester, sancte senex Episc.

S. Simplici Episc.

S. Raphaël Archangele.

S. Theoneste, inter duas rotas clavis, gladiisque contextas suspense Martyr,

S. Bernwarde Ep. quo mortuo, è cælis apertis hæ voices auditæ sunt: O felix anima Bernwardi; cuius merita hominibus adhuc sunt incognita, DEo autem, & nobis valdè nota! qui & ipse post mortem gloriosus apparuisti, ac dixisti: *Centuplum recepsi, ac in jubilo vita eternam possideo.*

OMNES SANCTI, &c. pag. 203.

S. MARIA, qua horrendum, & late serpentem cancrum, sub tertio sacro coram sua imagine celebrato, repente curasti. Sana me. Fac, ut non solum non serpar in me id, quod tibi displaceat; verum etiam,

ut semper in eo, quod tibi placet, plus ultrà proficiam!

21. Novembris. 11. Kal. Decemb.

O Deo, Angelis, hominibusque amabilis Parvula, triennis MARIA, quam Joachim & Anna, parentes felicissimi, trimulam hodie in Sanctis Sanctorum victoram DEo, præsentârunt in templo, munus præ omnibus haec tenus datis majus! Offer me nunc, & in agone meo munus Sanctis Sanctorum æternis! ut ita vivam, sicut illi, qui nomina sua, Deo id illis ostendente, viderunt inscripta in Sancta Sanctorum. O certè tunc ero totus tuus, si ita sacro-sancte vixero, quasi me seirem pertinere ad illa Sancta Sanctorum! O templum DEi! O Sancta Sanctorum! Ego me tibi præsento in servum. Ad te id jam, Domina, ad te unicè id pertinet curare, ut ita vivam, ita moriar, sicut decet tuum, & à te in templum gloriæ, in Sancta Sanctorum præsentandum. Maternæ tuæ curæ hoc ipsum transcribo, ne me aliter, quam tibi dedicatum, & prædestinatum decet vivere permittas. Potes hoc; impetra hoc mihi ô dulcissima Parvula, thesaurus electorum, amœnitatis paradisus, tenuerrimi amoris perennis fons, æternitatis delicium sempiternum. Amen.

S. Rufe, primitivæ Ecclesiæ fidelis fili.

SS. Celse & Clemens, MM.

SS. Demetri & Honori, MM.

S. Alberte, ob defensam libertatem Ecclesiasticam, Martyr.

Sancti Honori, Eutychi, & Stephane, Martyres.

S. He-

S. Heliodore M. cuius exemplo ipsi etiam tortores conuersi, mari mersi sunt.

S. Gelasii Papa, doctrinâ & sanctitate conspicue,
S. Maure Episc.

S. Joannes Angeloptes ab Angelis visis dictæ; cui mysteriis operanti Angelus calicem palam porrexit.

S. Columbane, quem utero gerens mater, vidit per quietem, se Solem in mundum effundere; cui mirum in feras ac dæmones imperium dedit Deus; cui annona divinitus allata, & in horreo aucta est: qui ut maximum animarum zelum imbiberes, depictum in membrana Orbem universum, tibique ab Angelo Custode ostensum vidisti, & animarum zelo amplius accensus es.

S. Maure M. qui vocem è cælo audisti dicentis:
Surge, Maure; quia Deus, quem colis, te non despexit; & sic horrenda ignis ac ferri tormenta viceisti.

OMNES SANCTI, &c. pag. 203.

S. MARIA, hodie oblata Deo in templo: fac me templum gratia DEI: offer me templo gloria, ut sim adificatio DEI, pone in corde meo altare aureum amoris DEI; ut ille me faciat vivum & electum lapidem; ac sim inter ignitos lapides in illa Vite amoris DEI, cuius turres gemmis adificabuntur, id est, amoris aetibus pretiosis!

22. Novembris. 10. Kal. Dec.

ANgelica, & læti inter organa, quæ DEO canens tangebas, ac immaculati cordis, & semper

Evangelii libro, velut fasciâ pectorali, muniti pectoris Virgo Cæcilia, penes quam Valerianus Sponsor tuus vidi virginitatis tuæ Custodem Angelum, pennis flammeis, vultu scintillante, coronas duas è rosis ac liliis textas tibi, ac ipsi dantem, atq; dicentem: *Has coronas corde immaculato,* & puro corpore custodite: nunquam marcescent à vobis; neque unquam amittent suavitatem odoris: neque poterunt unquam ab alijs aspici, nisi à castis. quæ virginitatem, tametsi ab Angelo custoditam, tamen cilicio, oratione longis etiam tridui jejuniis, ac lectione sacrâ custodisti; & postea tribus pro Christo acceptis in collo vulneribus, illibatam in tumulum intulisti, quando lætam animam depositisti in sinum JESU, quem terno illo castissimi tui colli vulnere vulnerâras; quæ post mortem dixisti; corpus tuum à Longobardis non fuisse repertum *gratia Dominae tue, semperque Virginis DEI Genitricis MARIAE.* Commenda me illi: commenda me Custodi meo Angelo; & tenerum, solidumq; illius oculum cordi meo persuade, ac imprime. Pete mihi, pro sancta ad mortem, & videndum DEum præparatione id, quod pro te petivisti à DEo: *Fiat, Domine, cor meum, & corpus meum immaculatum;* ut non confundar: idque expansis manib; ac biduanis & triduanis jejunijs additis, postulabas, DEo quasi apis argumentosæ deserviens. Amabas, laudabasque Tiburtium; quia amor DEI eum fecit contempnorem idolorum. Fac, ut omnis mei amoris fons sit unicus amor DEi: fac, ut Christus *seminator casti consilij* riget, ac ad incrementum perducat semen fructus, quos per suas inspirationes in corde meo se-

mina-

minavit, & seminare non desinit in Communione, sermonibus, libris. Te in balneo comburi jussam, totâ die ac nocte in igne flamma non attigit. Extingue à me aliam omnem flammam: accende illam, quâ cor tuum arsit hic, ac ibi ardet, ubi & amas, & amaris à DEo, sonent in corde meo illa tua organa, quibus amorem DEi canebas. *Amor DEi* Valerianum tibi dedit, det me DEo, ac tibi. Triduanas à DEo inducias poposcisti, ut domum tuam Ecclesiam consecrares; impetra mihi, maximè pro ultimo triduo vitæ meæ) ut cor meum, corpus meum sit consecratum amori DEi vivi & veri. *Cor tuum igne celesti ardebat à colloquïs divinis, & oratione.* Ardeat & meum: tu illud vivo tui cordis igne accende, qui me loqui DEo, ac de DEo doceat, & amare DEum amore actuoso. Amen.

Sancti Philemon & Apphia, verberibus cæsi, in foveam usque ad renes inclusi, lapidibus oppressi, Martyres.

S. Maure Martyr.

SS. Marce, & Stephane, MM.

S. Pragmati Episc.

OMNES SANCTI, &c. pag. 203.

S. MARIA Silvaducensis, qua energumenam à vi-
ginti quinque demonibus liberasti, cum votis alijs pro
illa factis, illa quoque promisisset, se tibi monile omni-
um suorum monilium charissimum oblaturam. Li-
bera me ab omni eo, quod mihi obesse potest, & acceipe
cor meum, monilium omnium longè charissimum!

23. Novembris. 9. Kal. Novemb.

SANCTE Clemens Papa, cui JESUS Agni specie fontem vivum elicuit; qui multis millibus ad Christum conversis, anchoræ alligatus, mari mersus es, cui templum in ipso maris fundo Cælites posuere: ad quod euntibus Christianis, aperto aquarum finu, mare iter præbuit, & parvulus, qui istuc manserat, vivus ad corpus tuum postmodum repertus est festo tuo anno rediit, dicens; se à te custoditum, & splendidè pastum quotidie. Roga tuum illum Agnum, ut me fonte vitae ita nunc, & morientem recreet, ne me ad æternam Epulonis sitim abjiciat, sed potet torrente voluptatis perpetuæ. Sim ego templum illius in hoc mari alto: cor meum sit ara maxima, & tabernaculum, in quo æternum sit DEus cordis mei. Amen.

S. Felicitas, quæ septem filiorum corda cælesti amore adhortando accendisti, & ad martyrium prima venisti; sed illis præmissis octava pervenisti, decollata pro Christo.

S. Lucretia V. Martyr.

S. Sismi, gladio Martyr.

S. Clemens, Metensis Apostole, qui exitincto existali dracone, aram erexit. *DEO vivo, monstrorum infernalium domitor.*

S. Gregori Ep. Apostolorum Pontifici apparentium monitu in Episcopum electe; cuius divina celebrantis capitii columba visa est insidere, quem Angelus perfractis catenis tuis absolutum solatus est, & amplexus, qui de turpi facinore accusatus,

ob-

obsessam à dæmone puellam impudicam liberâsti,
quæ se non tecum, sed cum illis, à quibus accu-
fabaris, turpiter versatam palam fassa est; & illi
repentè colore tetro deformes horridum sui spe-
ctaculum omnibus præbuere. Fac me dignum
amplexibus Angelorum.

S. Ampilochi Ep. vise ab Angelis consecrari; cui
templi portæ clausæ ultrò divinitus patuere. Do-
ce me in Sanctis sanctè versari.

S. Trudo Presb. cui per quietem apparens Ange-
lius dixit: *Pax tibi servorum DEI devotissime, inter ca-
lestis curia Senatores civis jam designate. Ne deseras,
quod coepisti, propositum.* cui è cælo lux visa est immi-
nere; qui orando fontem è terra eliciisti, verrem
efferum domuisti, Vitæ tuæ scriptorem animam
jam agentem restituisti; & eos, qui te monebant,
ut in corpus tuum mitior esse inciperes amicos
non bene misericordes, atq; onerosos consolatores
vocâsti, accende me irâ sanctâ in carnem meam.

OMNES SANCTI, &c. pag. 203.

S. MARIA, qua Sabaudæ Principi acutissima poda-
gra cruciata adfuisti, & hortata es, ad illos dolores us-
que ad vita finem grata patientia tolerandos; posteà
quaque eidem visa, ejus preces exauditas esse dixisti.
Doce me orare doce pati, ita ut tu id à me fieri desi-
deras!

24. Novembris. 8. Kal. Decemb.

SAncta Firmina V. cuius puritatem miraculo de-
fendit, & effuso è cælo lumine laudavit, simulq;
centum & quinquaginta animas convertit Deus;
quam amplecti volenti; juvenis manus exarue-
runt;

runt; idemq; à te postea persanatus, conversus, & ante te martyrio coronatus est: quæ idolum flatu dejecisti, & confregisti: quæ de capillis suspensa, & variè crucifixa, post flagra, & lampades lateribus tuis admotas, innocentem spiritum è corpore lacero expirasti. Impetra mihi castissimis tuis precibus, ut semper, & omnia faciam ad lumen DEi, ad illustrissima illa effata Theologiae DEi: cuivis actioni meæ, in densa hac vitæ nocte, suum lumen in intellectu meo accendat, suo igne voluntatem meam inflammet DEus: ut ille sit mihi lumen etiam morienti; & in illius lumine videam, ac vivam etiam post mortem. Amen.

S. Chrysogone, post biennii carcerem securi percusse, & in mare abiecte Martyr.

S. Crescentiane M.

S. Alexander M.

Sanctæ Flora & Maria, post diuturnos carceres gladio interemptæ, Martyres.

S. Felicissime M.

S. Protasi Episc.

S. Romane Presb. & S. Portiane Abba; uterque miraculis magne.

OMNES SANCTI, &c. pag. 203.

S. MARIA montu serrati, cuius ope, sine lingua lotitus est quidam, cui latrones lingvam abscederant. Tu mihi cor, tu lingvam rege; tu lingvæ meæ silentium, tu verba impetra; fac me perfectum!

25. Novembris. 7. Kal. Decemb.

S. Ancta Catharina, Virgo sapientissima, quæ convictos disputando Philosophos & Oratores, cum ducen-

ducentis militibus martyres præmisisti, & Augustæ Imperatrici per te conversæ, atq; ad caput pro Christo deponendum eunti, teque alloquenti, dixisti: *Vade in pace, eternum cum Christo regnatura!* quæ denique contemptis Imperatoris amoribus & minis, duodecim diebus à columba in carcere passa, ab ipso JESU ad constantiam confirmata, rotæ crudelis machinâ per Angelum dissolutâ, capite plexa, lac è corpore fuditâ & sanguinem; & in monte Sinai ab Angelis sepulta es. Doce me, Virgo doctissima; converte me, ut totus ab iis, quæ Deus non amat, aversus, totus convertar ad JESUM, & ad me morientem sit conversio ejus; ne me projiciat à facie sua, sed ostendat mihi benignam faciem suam æternum. S. Catharina Virgo Martyr, quæ hoc tuo die S. Mechtildi apparuisti, cū veste aureis rosis distinctâ, quæ aureis manibus tenebatur: eamque docuisti animam, quoties divino epulo pascitur, toties renovari. Renova me quoque: fac, ut omnia, quæ patior, patiar Dei amore, fac, ut aureæ sint meæ manus; id est, opera, è puro Dei amore suscepta. Gratulor tibi, & gratias ago DEo pro illo gaudio, quò recreata es in morte; voce, quâ te Sponsus Jesus ad se ad cælum invitabat, auditâ: quo tempore, dixisti postea, cor tuum tanto amore fuisse succensum, ut omnis horror mortis ab eo sit absorptus. Commando tibi extremum articulum vitæ meæ, habe tunc mei curam; ut magno Dei amore accensus, è abeam, ubi tu à S. Francisca Romana conspecta es, & audita cum S. Maria Magdalena canere laudes dilecti tui JESU. Fac, ut faciam id, ad quod alias Franciscam hortata es, cùm dice-

res

res, eam ad amorem DEi invitans: *Respic pulchrum illum.* Doce me illum ubique respicere, ac amare. S. Catharina, quæ à S. Gertrude in throno conspecta es, quinquaginta Oratoribus, à te conversis, aurea sceptra tenentibus. Converte me quoq; ut seriò convertar; ut me aureo divini amoris sceptro regi obedienter sinam; ac aureum amoris mei sceptrum uni illi sceptro submittam. S. Catharina, quæ Joannæ Aurelianensi, mirabili Virgini, oranti non semel conspecta, ensem illi designasti: qui tuo in templo repertus, cùm totus obsitus esset rubigine, repente in manibus tractantium, absterasa rubigine omni resplenduit. Doce manus meas ad prælium, & victoriam contra hostes animæ meæ: absterge rubiginem pigerrimi cordis mei; ut renovatus spiritu mentis meæ, me sanctè pervincam. Amen.

S. Moyses Presb. Martyr eximie.

S. Eraſme Martyr.

S. Mercuri miles, custodientis te Angeli visione monite, de Persis victor; in carcere visitate à Christo, dicente: *Mercuri quiesce, cursum consummasti, fidem servasti; accipe coronam tuae decertationis:* postea pro Christo decollate: qui etiam post mortem cruentam Juliani Apostatae per te extinti, sanguine hastam habere visus es illi, qui coram MARÆ DEiparæ, tuaque imagine contra infelicem Julianum oravit.

S. Jucunda Virgo Angelica, quæ tibi pro imagine ac exemplari vitam DEi Matris imitandam proposuisti, eoque retulisti omnia, quæ agebas; fac, ut te imiter.

OMNES SANCTI, &c. pag. 203.

S. MARIA, qua hodiernam S. Catharinam, sèpè comitem tecum habere visa es, cum tuos clientes dormientes viseres, cum alium ad puritatis studium & spem animaret, & alias. Serva mundum, vigil, modestum cor meum. Tibi dedico somnum meum, & vigiliam meam!

26. Novembris. 6. Kal. Decemb.

SANCTE Conrade Comes, postea Episcope, divinis cum S. Udalrico habendis colloquiis addictissime; qui geminas in Rheno animas purgatorium pati unà cum eodem vidisti, & illas factis uterque sacris Missæ sacrificiis, ex illis cruciatibus exemplistis. Ora unà cum sancto illo amico tuo, ut de iis, de quibus Deus vult, delectet me loqui. Sed & mortis meæ vos duos facio advocatos, ut ita sancte purgatus hinc abeam, ut in igne purgante non egam; vel citò indè ad vos evocer ad illa gaudia in quibus æterna nobis erunt de præsente nobis Deo, deque rebus absque ullo fastidio jucundissimis colloquia. Amen.

S. Petre Episc. capite obtruncate, M.

SS. Fauste Presb. Didi, Ammoni, Philea, Hesychi, Pachomi, Theodore, & alii sexcenti sexaginta MM.

S. Marcella Presb. è rupe præcipitate Martyr.

S. Belline Ep. Martyr.

S. Amator Episc.

B. Sylvester, qui aperto sepulchro, visoque adolescentis ad miraculum olim formosi pudentissi-

mo ad oculorum, & stomachi horrorem cadavere,
 lacrymis & ardentissimis suspiriis ac verbis plenus,
 vale mundo, vale luxui, ac iis, quæ mundus amat,
 æstimatque, fecisti, qui lupum cubiculi tui custo-
 dem habuisti; saxum ingens, Crucis signo facto,
 facilè movisti; à dæmone præceps & saucijs, à Dei-
 para cubiculo ac sanitati es restitutus; ac ejusdem
 ope, divino pane pastus, miram divinarum Scriptu-
 rarum peritiam adeptus; cui oranti, lacrymantि,
 teque inclementer verberanti, præsepe nascentis
 Christi, & hortus Christi resurgentis ostensus est,
 qui fluentem è sacrī reliquiis sanguinem vidisti; &
 moriens in luce mirabili ab Angelis deduci es vi-
 sus ad cælum. Doce me JESUM & MARIAM te-
 nerè, solideque amare.

S. Alypi, matri, antequam nascereris, ostense in
 symbolo agni, in cujus capite duo cerei colluce-
 bant, cui per quietem visa S. Euphemia V. M. te
 in tuam patriam invitavit: cujus vertici visa est
 è cælo lux imminere, Impetra capiti & cordi meo
 lucem DEi.

S. Basole.

S. Styiane Anachoreta.

S. Nicon.

S. Genovefa V. hodie culta in Gallia, ob bene-
 ficium in miraculosa ardenium infirmorum curati-
 one, quos in verendi peccati pœnam ignis imma-
 niter depascebatur.

S. Jacobus, sacco cilicino, duobus circulis ferreis
 adstricto, catenis per collum, & brachia onus-
 tate, mortui excitator, dæmonum victor.

OMNES SANCTI, &c. pag. 203.

S. MARIA, quæ S. Sylvesterum ad S. Eucharistiam invitans, dixisti: Visne, fili mi Sylvester, corpus Filii mei JESU Christi recipere? Et illum illa refecisti. Dispone me ad illud Angelicum Sacramentum, nunc & pro viatico quam optimè recipiendum!

27. Novemb. 5. Kal. Decemb.

S. Ancte Maxime Episc. qui unico sancti tui oris halitu eanem rabidum extinxisti, vulnera ab illo inficta sanasti; virginitatem tuam continuâ oratione, ac cilicio perpetuo custodisti, & cum eodem se peliri voluisti; post mortem odore cælesti fragrasti, & cum SS. Petro ac Andrea Apostolis visus es glorirosus. Defende me à cane illo rabido, à dæmone, à mundo, à me ipso. Affige cælo mentem meam; ut semper in omnibus, quæ illam distrahunt, collecta maneat, & composita ad nutum oculorum præsentis ubique DEi. Extingue & apertam, & oculatam sub melle rabiem canum quærentium ad perditionem, unicam animam meam; ut illa in morte à tot rabidorum dæmonum, amicorum, hostium, affectuum, temptationum morsibus integra, & & pugnando, ac vincendo fessa, conquiescat in sinu DEi. Amen.

Sancti Basilee Episc. Auxili, & Saturnine, Martyres.

S. Jacobe intercise, qui optimatum primus, in Regis Persæ gratiam, à Christo desecisti, & matris, ac uxoris sanctis odiis, artibusque ad Christum reversus, crimen lacrymis & sanguine diluisti, quando

do pro Christo juncturis & articalis quibusque membratim resectis, ejusdem Regis iussu, capite obruncatus es.

Innumeri vos reliqui, eodem tempore passi,
Martyres.

Sanctæ septem mulieres MM.

S. Hirenarche, illarum constantiâ ad Christum converse.

S. Acaci, unâ cum Hirenacho securi percusse
Martyr.

SS. Facunde & Primitive, MM.

S. Valentiane Episc.

S. Josaphat, Regis fili, qui à Barlaamo dolo sancto, ac verâ æternitatis explicatione conversus, inter vehementes à mundo, carne, ac dæmone irruentes tentationes, visis æternitatis deliciis, ac tormentis victor, patrem Regem convertisti, & regnum cum eremo, & vitâ asperrimâ, ac morte sanctâ commutâsti; sed ante mortem, paratam tibi ac patri tuo in cælo coronam vidisti.

S. Barlaam, qui post mortem Josaphato dilecto tuo discipulo adsuisti, eumque instruens, te in æterna DEi Urbe gaudere, ac illum eò te secuturum dixisti.

S. Severine.

S. Virgili Episc. zelo plene.

S. Bilhildis, Vidua opulenta, deinde Sanctimoniialis.

OMNES SANCTI, &c. pag. 203.

S. MARIA, qua dubiam hodie victoriam ad Gallos inclinâsti, & gloriosam fecisti, cum unus Gallorum militum exclamasset: O Virgo MARIA, ora pro nobis!

nobis! Instrue cor meum calibus suspirijs, & precibus
corde vibratis, ut vincam!

28. Novembris. 4. Kal. Dec.

Sancte Stephane, DEiparæ ope nate: cuius innocentiam DEus ita defendit, ut puritatis tuæ impuram calumniatricem geminæ in ventre proles lacerârint; qui demum sacrarum imaginum accerrimus propugnator, vitam, quam MARIAE ope hauseras, martyrio consummâsti. Utinam & ego hanc vitam, quam habeo, totam vivam JESU, & MARIAE; illis impendam vires, illis animam! Ora, & impetra mihi hoc unum, hoc sanctum, ut non aliter velim vivere, nec mori velim aliter, quam, tanquam natus ad hoc, ut vivam, & moriar JESU, & MARIAE humillimus, & ferventissimus servus, & filius. Amen.

S. Rufe, cum tota tua familia, Martyr.

S. Sosthenes, è Principe synagogæ, S. Pauli discipule, pro Christo acriter verberate.

SS. Papiniane, & Mansuete Episcopi, pro fide toto corpore carentibus ferri laminis adusti, MM.

SS. Valeriane, Urbane, Crescens, Eustachi, Cresconi, Crescentiane, Felix, Hortulane, & Florentiane, in exilio extinti.

S. Basili, Petre, Andrea, & alii trecenti triginta novem Monachi, una cum S. Stephano, pro sacrarum imaginum cultu, per varia supplicia MM.

S. Galla Placida Augusta, quæ Sanctum tuum Joannem Evangelistam, in maris tempestate vo-

to imploratum, in tua navi omnia disponentem
vidisti, & ab illo servata es. Commenda illi &
me; ne naufragium patiar nunc, vel in exitu vi-
tae meæ.

S. Gregori Papa tertie.

S. Oda V. Scotiæ Regis filia, cui oculorum lu-
men, tuis & S. Lamberti meritis exoratus, restituit
DÉus; ad cujus tumulum cælestè lumen apparu-
it; & commune illic ægrorum fuit refugium.

OMNES SANCTI, &c. pag. 203.

S. MARIA, qua S. Stephani hodierni matri, pro-
lem petenti, apparuisti, Exauditam esse dixisti. Si-
magistra orationis meæ, ut ea petam, Eo modo, quo
impetrem!

29. Novembris. 3. Kal. Decemb.

Sancte Radbode Episc. qui Sanctorum Vitas tu-
um speculum esse ajebas; cuius precibus aqua
in vinum conversa est; qui asperrimo vitæ genere
cærnem macerans, omni carnium, ac vini usu tibi
interdixisti; qui liberalis minister pauperum, pe-
des illis abluisti quotidie; cui ad concionem in cor-
da fulguranti cum Dani obstreperent, peste omnes
correpti sunt; qui deniq; inter orandum, præsente
tibi dulcissimâ JESU Matre MARIA, Sanctisque
Agnete, ac Thecla Virginibus, tuoque cum his pa-
tronio S. Martino, Willibrordo, & Bonifacio, feli-
cissimè expirasti. Adesse tibi morienti se voluisse
ajebat MARIA; eò quod inter orandum nunquam
tibi MARIAE memoria excidisset. Ah! sim & ego
illius memor semper! ut illa sit mei tunc memor vel

maxi-

maximè. Componam nunc vitam meam ad speculum vitæ, ac mortis JESU, MARIÆ, & tuæ, ut postea mors mea sit speculum mortis sanctæ. Amē.

S. Saturnine Episc. qui deos gentium faciebas mutos, qui alligatis ad victimarii tauri latera pedibus, illo te raptante, corpore colliso, excusso cerebro, animam dedisti Martyr.

SS. Saturnine senex, & Sysini, carcere, equuleo nervis, fistibus, scorpionibus flammis, gladio Martyres.

SS. Paramon, & socii trecenti septuaginta quinque, MM.

S. Philomene, qui igne probatus, manibus pedibus, & capite clavis confixo, martyrium consummasti.

S. Spes Episc. super cuius caput columba è cælo volitans, hæc verba scripta reliquit: *Corona hodie super caput ejus presiosa.*

Sancti Blasii & Demetrii.

Sancta Illuminata V.

OMNES SANCTI, &c. pag. 203.

S. MARIA, quam quinque Nominis tui Psalmis quotidie veneratus Josbertus hodiernus, ex ore, oculis, & auribus quinque rosas post mortem dedit. *Dece me sic orare, ut preces meas etiam post meam mortem probet sancta aeternitas!*

30. Novembris. Pridie Kal. Dec.

Sancte Andrea, crucifice Apostole, quem dilexit Dominus in odorem suavitatis, frater Petri; Joannis, & postea Christi, discipule! qui Agnum immâ-

Pars II.

O

cula-

culatum quotidie immolabas in altari, qui man-
ducatus integer perseverat: qui Crucem tibi para-
tam dulcissimè salutâsti. Salve Crux, ajebas, qua in
corpo Christi dedicata es, & ex membrorum ejus
margaritis ornata! Sciunt credentes, quanta in te
gaudia habeas, quanta munera preparata: Securus
Ego gaudens venio ad te: ita & tu exultans suscipia-
me, discipulum ejus, qui peperdidit in te. O bona Crux
qua decorum ex membris Domini suscepisti, diu desidera-
ta, sollicitè amata, sine intermissione quaesita, Ego ali-
quando cupienti animo preparata; accipe me ab homini-
bus, & reddere me Magistro meo; ut per te me recipiat
qui per te me redemit! ita biduo in Cruce vivus, Deo
ac hominibus de Deo loquens, magnam animarum
viam traxisti ad Deum, nec inde deponi voluisti; ac
tandem cælesti splendore coruscus totus, abiisti ad
Magistrum JESUM; Aegeas verò tyrannus tuu
obtorto collo factus est dæmonum præda. Com-
menda me crucifixo Magistro tuo, crucifice Cruci-
fixi discipule; ne fugiam, sed sciam pretiosè æstima-
re dolores; neque à me auferri petam crucem, insi-
gne prædestinatorum, Timere, amare discam à Cre-
cifixo; ne sim filius mortuus, Ego stipula aeternis iara-
cendi; id quod Cruci dixisti, experiar moriens
quanta intra te gaudia habeas, o Crux, quanta munera
preparata. Amen.

Sancti Castule, & Euprepī, MM.

S. Maura V. M.

S. Justina V. M.

S. Trojane Ep. cui S. Martinus Ep. post morte-
igneo globo apparuit: qui sepultus in terris, in c-
lo te vivere multis virtutibus manifestas.

S. Co-


S. Constanti, ab hæreticis, quibus resistebas,
multa passe.

S. Zosime, sanctitate, ac miraculis nominate.

S. Nathanâél, verè Isràélita, in quo dolus non
est, à Christo amate, atque laudate.

OMNES SANCTI, &c. pag. 203.

S. MARIA, quæ S. Andream Episcopum, hodie na-
tum, sterilibus parentibus dedisti, & illi pueru[m] mater di-
cebat postea: Non nobis, sed B. Virginu[m] MARIÆ
natus es. Ecce, ut non mihi, sed tibi, vivam & moriar,
tanquam dedicatus tibi!



ANNI CÆLESTIS DECEMBER.

1. Decembris. Kal. Decemb.

Sancte Eligii, aurifaber, quem utero gerens ma-
ter, visa sibi est à pulchra aliqua vocari per qui-
tem: qui deinde in sacculo jam exhausto au-
rum dandum pauperibus divinitùs reperisti: qui
cùm coram sanctis lipsaniis reliquiarum, quas
habebas frequenter, frequenterque precareris,
responsum è cælo accepisti: Eligii, exaudiu[m] sunt orati-
ones tuæ; simulq[ue] odore perfusus guttas suavissimas
ex lipsanothecula tua capiti imminentे in caput de-
fluentes sensisti. Postea Episcopus factus, corpus ci-
liciis attrivisti, pauperes eleemosynis instruxisti,
cœnobia fundasti, & auro, ac virtute dotasti, sitien-
tissimus animarum: qui cùm in templo quodam
sacra fieri prohiberes; Sacerdos inobediens nullâ

vi potuit efficere, ut campana sonum ederet. Post mortem verò pluribus apparuisti, & cuidam extremum supplicium metuenti, libertatem atque Principis gratiam ex vero promisisti, & prædixisti, qui duobus te spectandum præbens, per eos Sodalitatem sub *charitatis* nomine instituisti; è qua Sodalitate quisvis ex charitate servit peste contactis, nunquam peste ab iis, quibus servit, inficitur, quantumvis illos tractet, atq; sepeliat: cuius etiam malleolo & aquâ lustrali contacti equi phrenitici persanantur. Libera me ab omni peste. Exaudiaris oro & pro me. Impetra mihi verum DEi cultum in Sanctis suis, ut illorum me vita, illorum morte, illorum æternitate dignetur DEus, ad cuius majorem gloriam referto ipsam, quam peto, æternitatem. Amen

S. Nahum Propheta.

S. Anania Martyr.

SS. Diodore & Mariane, MM.

Sancti Luci, Rogate, Cassiane, & Candida Martyres.

S. Ansane M. capite truncate.

S. Olympiades, vir consularis, à B. Firmina converse, postea equuleo torte, Martyr.

S. Procule Episc. decollate M.

S. Evasi Episc. Martyr.

S. Castritiane Episc.

S. Ursicine Episc.

S. Agerice Episc. in templo, & pauperes liberissime, divinorum scientissime, omnibus omnia.

S. Natalia, S. Hadriani M. conjux, ancilla Matyrum, ac Mater humillima, & liberalissima.

S. Philarete, qui è rustico in egenos liberali a

sun.

summa enectus, etiam in consulatu mores non-nisi in melius mutasti, ut magis te abjiceres, & esses thesaurus pauperum: cuius morientis ultima vox, ultima concio, & testamentum fuit:
Estote misericordes.

OMNES SANCTI, &c. pag. 203.

S. MARIA, cuius hadogetria, seu via monstratrix imago, in recuperatam ope tuâ Vrbem Constantino-politanam, per portam auream hodie ingressa est. Sis mihi via monstratrix ad Vrbum eternam!

2. Decembris. 4. Non. Decemb.

SANCTE Bibiana V. S. Flaviani praefecti, & Dafrosæ Martyrum filia, bonis spoliata, contra famem è cælo protecta; quæ sororem tuam Demetriam, passionum tuarum sociam, piè collabentem, & placidè, sancteque repente morientem ad pedes tuos vidisti, & illam feliciter secuta es, quando vinctis manibus columnæ alligata, tamdiu plumbatis cæsa es, donec innocentem animam efflares. Impetra mihi peracerbissima flagella & dolores tuos terroro; impetra mihi spiritum mortificationis, è vero DEI amore profectæ, usque ad mortem sanctam. Amen.

S. Francisce Xaveri, hoc die mortue; cuius natalis diei celebritas in diem crastinum est translata: qui ægrum Indum Christianum, sed tepidum, è throno lucis (in quo peregrini instar sedebas) allocutus, per quietem ei dixisti: Esne confessus? & factentem se non esse confessum, odore miro recreasti, ac manu amanter tetigisti, quo tempore ille tactus,

dolore cordis intrinsecus, à te confiteri peccata Iesus est; & exorrectus se sanum reperit, ac tibi admirabi corporis & animæ suæ medico obtemperavit. Admove cordi meo potentem illam tuam manum, ut illud sanans per purges, expies, & accendas.

S. Aniane, è viro nobili ac divite, ob naufragium deinde pauper, & calceorum futor, qui cùm in consuendo S. Marci Evangelistæ calceo, te subulâ vulnerâsses, ab eodem in JESU nomine repente sanatus & conversus, factus es magister veritatis Pentapolii postea, cùm aliquando fœminas prætereuntes aspexilles minore, quam par erat, oculorum modestiâ, in poenam illius licentiae, dextrum oculum tibi subulâ vulnerâsti: exin prædicationem tuam miraculis confirmans, montem etiam de loco uno ad alium translustisti, ac Regem convertisti. Denique à S. Marco in dextro oculo persanatus, eidem Alexandriæ successisti, & Ægyptum Evangelio atque miraculis illustrâsti.

SS. Eusebi Presb. Marcelle, Hippolyte, Maxime Adria, Paulina, Neon, Maria, Martana, & Aurelia Martyres.

Sancti Pontiane, & alii quatuor, MM.

S. Myrops V. quæ in carcere, apparente tibi sancto tuo Patrono Isidoro M. & Angelorum, *sandus sanetus*, *sandus* canentium, choro, illâ cælestis musicæ suavitate sopita, obiisti.

Sancti Severe, Secure, Januari, & Victorine, Martyres.

S. Chromati, spectatissimæ sanctitatis, eruditio-
nis, & charitatis Ep.

S. Petre Chrysologe Episc. aureâ eloquentiâ tr-
henes

hendis ad D^Eum cordibus felicissime.

SS. Lupe, & Silvane Episc.

S. Nonne Episc. cuius lacrymis, precibusque conversa. S. Pélagia pœnitens; felici verè pœnitentium morte decessit.

S. Evasi Episc.

OMNES SANCTI, &c. pag. 203.

S. MARIA, Sancti sui Xaverii, hodie mortui duxrix, mater, magistra, contra damones advocata; cuius Corona Marianæ, quâ ille te honorabat, in Coloniensi Societatis IESV templo publica nunc venerationi exposita, mira patravit. Da, ut sim tuus, qualis ille fuit, erga te, O tu sis talis erga me, qualis fuisti erga tuum Xaverium!

3. Decembris. 3. Non. Decemb.

Sancte Francisci Xaveri, Indiarum Apostole Mariane, magnum S. P. IGNATII miraculum, de quo jam olim juvene prædictum fuerat, te novi Orbis fore Apostolum; cui S. Hieronymus apparuit, teque solatus est; qui septem dies integros sîne cibo duxisti; conscientiam confessione quotidie (si Confessarius adesset) expiasti, & bis quotidie repetito examine introspexistis; quem à nocturnis, coram DEi Matris imagine, in templo precibus nec terriculamenta, nec flagra dæmonum avertere potuerunt; qui eodem tempore in navi, & in scapha procul ab invicem dissipatis, mirabiliter adesse conspectus es; magnitudine animi, perpetuâ virginis corporis afflictione, arcanis multorum cogitationibus introspectis, oppidis vel pagis

integris aliquando in dies singulos baptizatis: multis à calculo, multis à dæmone vexatis liberatis; cæcis, surdis, claudis ac ægris aliis personatis, plūs quām viginti quinq; mortuis suscitatis, corpore inter divina in altum divinitū elevato, inclyte atq; mirabilis: qui & victorias Christianis, ac alia, & Petro Vellio, in pauperes liberali, mortem felicem ex vero prædixisti; mare tranquillâst; Crucifixi Christi simulacrum, quod tecum gestabas, mari forte haustum, ab emergente de mari cancro tibi porrectum recepisti, in cuius natalis domus facello lignea Crucifixi effigies toties sudore fluebat, quoties tu in India gravius aliquid patiebaris; & anno 1552. (quo feriâ sextâ persanctè diem obiisti) idem Crucifixus feriis sextis omnibus sudavits sanguine, mortis tuæ index: cuius corpus in calce viva per menses plures sepultum, integrum est erutum, & per annos plūs quām centum incorruptum, sinè tabe ac labet illâ cælitùs conservatum: denique qui in oriente tot millibus hominum felicem mortem, æternitatē felicem, tuis laboribus, exemplis, miraculis, precibus, apparitionibus, procurâsti, & hodie adhuc non desinis procurare! Thaumaturge zeli gloriæ DEI, & animarum! qui patiendi stientissimus, Amplius, Domine, amplius ajebas, dum propositas tibi cruces videres: at cælestibus desideriis, ac solatiis toto pectori plenus: Satis est, dicebas Domine, satis est! O genuine Ignatii fili, animarum pater! cuius cor vas electionis; cuius lingua cælestis; cuius vita & mors, animarum lucrum. Lucrare etiam hanc animam. Adesto mihi ægro, & morienti ope tuâ, qui Mastrillo tuo, & plurimis aliis morientibus ad

adfuisti! Commenda me Crucifixo tuo, JESU, & MARIÆ, ad quos suspirans exprästi; & impetra mihi sanctum illud *Satis est*, felicis, quæ sola cor fatiat, æternitatis. Amen.

S. Galgane, qui noctu à S. Michæle Archangelo excitatus resipuisti; cui ad visendam Sponsam tuam eunti, is, cui insidebas, equus in via dixit, se ab Anno, ne pergeret, prohiberi: qui deinde ibi DEo soli vixisti solus, & sponsâ, ac matre invisentibus, ut DEo se penitus consecrarent persuasisti! ac tandem orationum, jejuniorum, & vitæ durissimæ finem jam adesse divinitùs intellexisti, & vocem è cælo audisti: *Satis est, quod laborâsti; metes nunc, quod seminâsti.* Roga S. Michælem, & Angelum meum, ut me serio excitent ad verè vigilandum, ad orationem ferventem, ad sancta jejunia, ad laborandum in fervore; ut moriens ad messem sanctam evokes in exultatione in horreum æternitatis, ubi est frumentum electorum.

S. Sophonia Propheta.

S. Claudi tribune, in flumen præceps date.

SS. Jason & Maure, ejus filii.

Sancti septuaginta ejusdem milites, omnes capitali sententiâ cæsi, Martyres.

S. Hilaria, S. Claudi uxor, quæ ad Martyrum filiorum sepulcrum orans, paulò post à paganis tenta migrâsti felix!

S. Cassiane Martyr.

SS. Claudi, Crispine, Magina, Joannes, & Stephanus, MM.

S. Agricola, in Pannonia Martyr.

SS. Ambice, Victor, & Juli, MM.

S. Mirocles Episcope.

S. Birine Episc. cæcā, & surdā sanatā, converso Rege, felix, qui ut oblivione relictam in littore maris thecam Eucharisticam reciperes, mare siccō pede calcāsti; & ad navem reversus, illam immotam in alto mari, teque expectantem reperisti.

S. Eloqui Abba, qui ægro eleemosynam petenti, sanitatem à DEo, & mortuo vitam impetrāsti.

S. Luci Rex, qui Martyrum exemplis ad fidem conversus, Christi fidem ipse etiam prædicāsti; & pro eadem verbera, lapidesque perpessus, in patrum dejectus es.

S. Sola Abba, solitudine sanctā, & miraculis venerande.

S. Theodule, ex aulæ Imperatoriæ Præfecto Edessenæ columnæ Stylites; qui quinquaginta quinque millia Philippeorum in miseros dispersi, cum Angelis postea cælesti cibo pastus.

OMNES SANCTI, &c. pag. 203.

S. MARIA, quam colunt aliqui hoc die S. Josephic confessoram. Commenda me Josepho tuo; ut sub tuo ac illius praesidio, sim in vita vobis verè adductus, in morte verè securus!

S. MARIA, qua S. Galgano tuo, ad seriam pœnitentiam converso; in medio Apostolorum apparisti ei que librum porrexisti. Converte me serio; doce me facere id, quod lego, quod scribo, pro gloria tua.

4. Decembris. Pridie Non. Dec.

S. Ancta Barbara V. M. quæ SSS. Trinitatis honoratae fenestras in balneo fabresieri curâsti; fax signum

Signum Crucis, veluti ceræ molli, digito impressisti: Diuersorum patrem tuum, in te fidei odio fævientem fugiens, aperiente se tibi petrâ, evasisti; quæ flagris, testulis, cilicio, ferreis pectinibus, tædis igneis cruciata, caput malleo verberata, toto innocètissimo pectore lacerata, Christum in carcere hæc tibi dicentem audisti: *Ego sum tecum; sub meæ umbras alarum umbra servaberis:* & toto corpore persanata, cælestibus voluptatibus perfusa es: quæ cum nuda ad ignominiam raptareris orans, mirabili è cælo luce, veluti stolâ, contegi impetrasti: quæ unâ cum S. Julianâ socia tuâ morti proxima, vocem audisti quâ invitabarî ad cælum, & quâ id, quod pro tuis clientibus petebas, tibi pollicebatur fidelis Deus, quæ à patre tuo (fulmine mox interempto) capite truncata, illam à Sponso Jesu moriens gratiam accepisti, ut sine sanctissimo poenitentiæ, ac viatici sacramento non morerentur clientes tui; id quod in Henrico, totâ carne exusto, & pluribus aliis, etiam novis exemplis, ad magnum clientum tuorum solatum, ostendit Deus. Numera me inter devotos tibi clientes, ô benignissima Patrona! Augeam & ego numerum exemplorum illorum meâ morte, ut beatissimæ Trinitatis, MARIAE, ac tuus singularis cliens, sanctâ devotorum tibi servorum morte moriar, & vivam. Amen.

S. Thophanes, & socii MM.

S. Meleti Episc. eruditione, ac sinceritate præcipue.

SS. Felix & Osmunde Episcopi.

S. Anno, è milite Coloniensis Episcope, lacrymarum, & dicendi gratiâ, summâ in egenos usq; ad

ultimum nummum liberalitate, fundationibus
sanctis, humanorum respectuum victoriâ, oratione
contra hostes, miraculis eximie; qui divino sacrifi-
cio intentus, globum igneum calici tuo sensim illa-
bentem vidisti; qui ob non restitutum (qui diu jam
intermissus fuerat) trecentorum sexaginta Marty-
rum Coloniæ cultum, ab iis tibi visus es judicari,
& flagellari; qui Clerici in orando præcipitis, eoq;
*Gloria Patri, & Spiritui Sancto, præproperè (omissâ
Filii personâ) pronuntiantis, negligentiâ divinitùs
monitus, serio correxisti: qui per iter è curru cæ-
lum apertum contuitus, tam horrenda divine iræ
in eo signa vidisti, ut sapius gemens diceret: Væ
misero mundo! Væ Episcopis, quibus nomen, non vita
sacerdotum est! vae cunctis humana sortis angulis, ab
illis, qui dicuntur Episcopi! qui S. Ewaldum Marty-
rem in veste pulcherrima cælo receptum vidisti,
qui mortem à te cælitùs prævisam obiturus, in
longo agone ajebas, manibus in altum sublati:
S. MARIA, succurre miseris, succurre Colonia, succurre
Civitati jamjam peritura! O Domina, per singularem
misericordiam tuam te obsecro, ut mihi janua fias, per
quam hinc emigrem! O amicè omnes summi Regu subve-
nire Colonia! & expirasti. Commenda me quoque
illi Reginæ, ac toti cælo.*

S. Marutha Episc.

S. Bernarde Cardinalis Episc.

OMNES SANCTI, &c. pag. 203.

S. MARIA, cui ter quoadie salutanda, pulsus in-
stituit, hoc die, anno 134. mortuus Joannes XXII.
& pontifex. Fecit, ut & in illo terno pulsu, & alias, re non
ex frigida consuetudine, sed sancte salutem; ut te

pra-

presentissimum auxilium habeam nunc, & in hora
mortis mea!

s. Decemb. Nonis Decemb.

Sancte Saba, qui fornacis ignem Cruce extinxisti, dæmonem à Christo ipso armatus vicisti: qui Angelo familiariter usus, ipso Imperatore spectante, coronâ cælesti coronari es visus, qui Cælitum canentium has voces audisti: *Transibo in locum tabernaculi admirabilis usque ad domum DEI.* In voce exultationis, & confessionis soni, ejus qui festum celebrant. qui in hospitis gratiam acetum in vinum mutasti, atque auxisti: è leonis pede læso spinam exemisti, & illum tibi tanquam promptum ad officia famulum habuisti; cui ad Imperatorem ingredienti Angelus præire conspectus est: qui ab Imperatore statim ac orandi tempus advenit; abiisti, quem morientem sancti Martyres invisere, atq; ad gloriam abduxere; post mortem quoque multis viſe, ac iis opitulate. Accende me desiderio benè orandi, ac sanctæ æternitatis. Extingue ignem purgatorii mei, aut extingue potius in me, quicquid vel inferni, vel purgatorii ignem potest accendere. Impetra mihi à JESU, ut ipse nunc, & morientem amet me; ut non inermis, nec victus, sed victor moriar. Vivat in me, & vincat, & triumphet gloriſſimus JESUS, vincatur, confundatur, fremat victus à JESU dæmon; & ego in JESU vincam, & vivam. Amen.

S. Crispina, decollata Martyr.

SS. Juli, Potamia, Crispine, Felix, Grate, & alii septem MM.

S. Basse Episc. M. qui post equuleum, laminas ardentes, fustes, scorpiones, ab igne illæsus, duobus clavis confixus exprâsti.

S. Dalmati Episc. Martyr.

S. Peline Episc. qui cùm oratione tuâ Martis templum prostravîles, dirissimè cæsus, atq; octoginta quinque vulneribus confossus es, Martyr.

S. Niceti Episc.

S. Anastasi Martyr.

S. Joannes Episc. imaginum propugnator sancte, à sanctitatis, ac miraculorum gloriâ dictæ Thaumaturge.

S. Consolata V. super cuius tûm adhuc infantis caput igneus radius apparuit; quæ ab apiculis reducta quotidie, à septimo ætatis anno cilicino fæcculo induta, in morte odoribus, choris Angelicis, & miraculis es honorata.

OMNES SANCTI, &c. pag. 203.

S. MARIA, cuius tot Congregationum princeps & mater Sodalitas, hoc die anni 1584. in Collegio Romano, à Gregorio XIII. sub Annuntiationis tua titulo, est erecta, fac me Sodalem tuum, dignum ijs, in vita & morte beneficijs, quibus sodales tuos toties prosecuta!

6. Decembris. 8. Idus Decemb.

SANCTE NICOLAE Ep. qui, etiam infans, quartâ, & sextâ feriâ constanter servâsti morem sanctum, ut ne lac quidem gustares, fœminas tunc etiam aversans: qui noctu clam dotem pro tribus puellis in domum carum injecisti; ut eas à perdendæ pudicitiae

citiae periculo liberares: qui, tum adhuc vivus, & absens, Imperatori apparuisti, & innocentes quosdam clientes tuos a morte & carcere liberasti: de cuius vultu lumen mirabile promicabat: qui oratione tuâ tempestatem sedâsti, nautam mortuum fuscitasti; & caelesti voce iterum monitus, ad homines prodisti, DEI gloriae propagandae causâ. Tandem divino iudicio Myrensis factus Episcopus, semel tantum cibo tenui refectus quotidie, legendi, orandi, animarumque cupientissimus, doctâ, & sanctâ spiritûs libertate animosus, etiam vivus te invocantibus apparuisti: moriens consolatores Angelos obvios habuisti: è cuius mortui corpore manat liquor contra morbos magnopere salutaris. Ora, ne patiar naufragium aeternum in portu mortis meæ! Veni mihi cum Angelis tuis obvius, non honoris mei causâ, sed securitatis. Doce me constanter tenerè proposita, sancta, & paratum esse ad quævis repentinae mortis pericula; ut morte sanctâ ad patriam securitatis perveniam, vieturus illic sinè ullo timore moriendi, & cum aeternitate vivendi. Amen.

SS. Dativa, Leontia, Terti, Æmiliane medice, Bonifaci, & alii tres, pro Christo varia, & crudelia perpessi.

S. Dionysia, quæ virgis toto corpore concisa, cum Majoricum, tenerum tuum filium, trepidum ad tormenta videres, Memento, ajebas, fili mi, quia in nomine Trinitatis baptizati sumus: non perdamus indumentum nostra salutis. Illa pena timenda est, quæ nunquam finitur; illa desideranda vita, quæ semper habetur.

S. Majorice, fili S. Dionysiae, puer matris exhortati-

tatione, nutibus, exemplo, ad ferendum fortissimè martyrium animate; ad cuius sepulchrum pia mater frequenter orare consuevit.

S. Polychroni Presb. ad aram, dum sacris operarieris, ab hæreticis jugulate.

S. Afella, ab ipso matris utero benedicta, & in virtute nitentis phialâ ostensa Virgo; quæ à flectendi frequentiâ callum in teneris genibus habuisti; & corpus innocens aspero dominatu, durissimo lecto, brevi somno, & cibo raro, & parcè, semper tamen sana, tractâsti.

OMNES SANCTI, &c. pag. 203.

S. MARIA, quæ Walterum tuum de Birbach, (quem amicum tuum vocâsti, & cui munus misisti) hoc die à naufragio liberâsti. Fac me servum, fac amicum, fac filium tuum: fac, ut ne cadam, sed evadam de mundi naufragio!

7. Decembris. 7. Idus Decemb.

S. Anete Ambrosi, in cuius infantis ore apes mellificârunt; qui miraculo creatus Episcopus, Augustinum convertisti, & unâ cum illo Te Deum laudamus, cecinisti Deo; qui nullo humano, sed divino respectu plenus, pro Ecclesiastica libertate Principibus restitisti, excommunicâsti, in templum non nisi penitentem Imperatorem Theodosium admisisti, nihil armatas minas, & preces moratus: qui cum post cruentum certamen Catholicos inter acharæticos, Mediolani Deum rogares, ut Catholicorum cadaveribus, conspecta sunt repente Catholicorum

cor-

corpora vi divinâ moveri, & obvertere fese supina
in cælum; Arianorum verò cadavera obversis in
terrā vultibus prona jacentē: quem S. Dionysii,
Mediolanensis olim Episcopi, reliquias, cùm è Cap-
padocia Mediolanum deportarentur, salutantem
S. Dionysius est allocutus: *Ave frater Ambrosi!*
ac toto, à ripa fluminis ad templum usque, itinere,
multis tecum colloqui auditus est de fide Catholica,
& de divinitate Christi, populo id stupente. Doce
me cor & oculos ad cælum elevare, doce scitè ac
sanctè colloqui de fide, spe, charitate; ut illo, quo
tu ardebas, Dei amore accendar. Cui ad concionem
dicens Angelus in aurem loquebatur. Tandem æ-
ger, ut vitam tibi à DEo produci peteres rogatus:
*Non ita, inquiebas, inter vos vixi, ut vixisse me pu-
deat, nec mori timeo, quia bonum Dominum habe-
mus:* cui ante mortem, sanctum viaticum S. Hono-
ratus è cælo monitus, dedit: cui morienti specta-
bilis Christus arrisit. Ora pro me, & impetra mihi
illud, quod solus DEus dare potest, omnibus hu-
manis respectibus majus cor: ora, ut me morien-
tem nec vixisse pudeat, nec mori timeam: ora, ut
non tremendo, sed amabili vultu mihi arridens,
me morientem, ac tribunali adstantem suo aspi-
ciat DEus, JESUS. Amen.

S. Agathon militaris vir, qui cùm impios, ne ca-
daveribus Martyrum illuderent, prohiberes, ten-
tus, & in fide Christi constans, pietatis, & con-
stantiae præmium, martyrium accepisti.

Sancti Polycarpe & Theodore, Martyres.

S. Serve, fustibus, trochleis, & lapidibus acu-
tis cruciate Martyr.

S. Ur-

S. Urbane Episc.

S. Phara, illustrissimi sanguinis, & sanctitatis Virgo.

S. Paule obsequens, cuius humilitatem, ac obedientiam miraculis honoravit DEus: qui etiam tum vivens à sociis tuis in paradyso amoenitatis fructus in alios dispertiri, & vale dicere viñus es.

S. Martine Abba, ad cuius sepulchrum pedes, manus curatæ, febres pulsæ: cuius sepulchrum ne à multis quidem moveri potuit, donec, ope tuâ implorata, Episcopus cum quinque Abbatibus illud & movit, & arbitratu suo composit.

S. Athenodore, qui inter duas columnas extensus, facibusq; ac uncis ferreis in nares infixis cruciatus, aliaque tormenta perpessus, cùm ad te capite plectendum nemo anderet accedere, eò quòd carnifici manus cum gladio excidisset, ac ipse quoq; mortuus concidisset, orans animam expirasti.

OMNES SANCTI, &c. pag. 203.

S. MARIA in via, cuius templum hoc die mortuus Innocentius IV. jam olim Roma condiderat, imagine tuâ, & miraculis celebratum. Ne me deserbas in via, usque dum me DEO felicem sistas in patria, ubi te amabo aeternum, & unâ tecum DEum!

8. Decembris. 6. Idus Decemb.

AB æterno in æternum immaculata, sinè macula concepta, nata, concipiens, pariens, moriens, DEI Mater, Augustissima MARIA. Fiat cor meum immaculatum; ut plûs amet te, honoret te, apud omnes extollat te, plûs quam ulla unquam creatura pos-

possit inhonoratâ suâ vitâ offendere te! Tu inchoâsti, ora, ut ego finiam, vitam sine macula. Per immaculatam conceptionem, nativitatem, & mortem, ac æternitatem tuam te obsecro, impetra cordi meo illam, quæ ad benè videndum DEum requiritur, munditiem. Habeam cor, quod Cordis tui sancti amores omnes offerat pro se Filio tuo, Deo JESU! cor tuum, ô MARIA! Omnes amores habent maculas suas, & ipsi sunt macula. Doceat me cor tuum amores immaculatos, æternos! Non sum dignus amare, laudare te! sed tu dignare! Amen.

S. Eutychiane Papa, qui per diversa loca trecentos quadraginta duos Martyres sepelivisti, & ipse deinde Martyr.

S. Macari, qui vivus pro Christo exultus es.

S. Euchari Episc. Beati Petri Apostoli discipule.

S. Sophronij Episc. pupillorum viduarum defensor misericordie, pauperum, ac opprimitorum adjutor.

S. Romarice Comes, qui in regia aula primarius, contempto mundo, triginta tecum socios ad vitæ religiosæ institutum exemplo traxisti, sanctis foundationibus in Deum liberalissimus: qui jam Religiosus, à seditioso quodam venatore contra Superiores commotus, errorem illum posteà pœnitentiâ seriâ & amarâ es detestatus: cui S. Arnulphus moriens dixit; *Bone vir, & Deo amabilis, ora Christum pro me, jam enim adest dies, in quo Iudici meo presentabor.*

S. Patapi Eremita.

S. Zeno Episc.

OMNES SANCTI, &c. pag. 203.

S. MA-

S. MARIA, cujus hodierno Immaculata Conceptionis mysterio devoti, certum contra impura phantasmata præsidium invenerunt. *Serva cor meum immaculatum tibi!*

S. MARIA, qua tuo Petro Villariensi hodie adfuisti, ac dixisti: *Hodie, fili, est festum meum; unde magis præ cæteris diebus hoc die laudibus instare convenit. quem etiam Christus hortatus est, ut in te honoranda constans persisteret; ostenditque se honorib[us] exhibito delectari.* *Da, ut solidus meus erga te amor delectet IESVM tuum!*

9. Decembris. 5. Idus Decemb.

Sancte Syre, qui pro veritatis testimonio mortuum excitasti, & gloriosus postea inter Martyres visus es triumphare. Triumphet in me, tanquam in vivo sue misericordiae theatro, Deus; & ego vincam, ac triumphem in DEo. Ora, ut morte tali moriar, quam non æternum Væ, sed æternus triumphus in cælo excipiat, & tota triumphans Ecclesia me in agendis æternum gratiis juvet pro illis quæ ab æterno DEo accepi, bonis; quorum omnium bonorum felix auctuarium, ut mihi sit felix mors, & felix æternitas, tu ora, tu impetra. Amen

S. Leocadia V. quæ dirâ carceris custodiâ macea rata, cùm gravissimos Beatæ Eulalix, & Martyrum reliquorum cruciatus audisses, genibus in oratione positis, impollutum spiritum reddidisti; deinde vero ad S. Ildephonsum unâ cum Rege ac populo supplicem è sepulchro prodisti, ac dixisti, Ildephons de Beatissima Virgine, scripta laudans: *O Ildephon-*

se, per te vivit Domina mea, quæ cali culmina tenet.

S. Restitute Episc. Martyr.

Sancti Petre, Successore, Bassiane, Primitive, & a-
lvi viginti MM.

S. Valeria V. Martyr.

S. Procule Episc.

B. Juliane Episc.

S. Cypriane Abba.

S. Gorgia, S. Gregorii Theologi soror, effusæ
in templo liberalitatis, in te verò duritiæ, silentii,
pudicitiæ studiosa; quæ curru everso collisa, nullo
medico accersito, divinitùs es persanata.

OMNES SANCTI, &c. pag. 203.

S. MARIA, quæ hodiernum Amaranthum mori-
bundum, Angelis stipata, ad calum invitasti. Domi-
na timeo illam horam; sed tu, pro materno tuo ingenio,
invenias modum, me tunc quam optimè consolandi, tu-
endi, suscipiendo!

10. Decembris. 4. Idus Decemb.

Sancta Eulalia, duodecim annos nata Virguncula,
quæ ad certamen, abiisti Angelis comitata; in ty-
ranni faciem inspuisti, simulacra conculcaſti; posteā
ungulis in pectore, ac toto corpore lacerata, cùm
te unguibus quoque avulſis, totam videres in vul-
neribus, & sanguine, exultabas: & igni injecta, ro-
tum caput depaſcentes flamas ore avido bibere
velle viſa es; & ecce niveā ex ore tuo columbā evo-
lante in calum, expirasti felicissima; corpore tuō
cælesti nive contectō; & floſculis ad sepulchrum
tuum,

tuum, die tuo anniversario, quotannis enatis, O æstatem virtute supergressa Virgo! Ardeam & ego! propulsa è tepido hoc pectore pigrum, & semivolens nolensque cor! impetra mihi cor igneum, cor ab igneo Dei corde candens totum, & semper. Timeo evomi! Sed nec ideo sim fervens, ne evomar; sed quia omnes omnium cordium amores meretur Deus. Ego & tuos, & omnes omnium sanctè mortientium cordium amores Deo offero per MARIAM; ut generoso, & Dei amore pleno corde sim semper; sed præcipue in illa hora decretoria æternitatis meæ. Amen.

S. Melchiades Papa.

Sancti Carpophore & Abundi, sustibuis crudelissimè cæsi, carcere, fame, siti, eqvuleo cruciati, gladio percussi, MM.

S. Julia V. M. Sanctæ Eulaliæ exemplo permota, & illius individua usque ad mortem comes.

S. Menna, vir dignitate præcipue, qui, Hermogenis jussu excoriatis pedum plantis, præcisâ lingvâ, convulsis oculis, retrusus in carcerem, illic resplendente à cœlesti luce carcere, Christi & Angelorum præsentia senatus, Hermogenem convertisti, & unâ cum illo capite plexus, ab Angelis Byzantium navi devectus es.

S. Hermogenes, cuius manus, & pedes truncati, & combusti sunt; deinde discollo ventre, & capite amputato, M.

S. Eupraphæ, Sancti Mennæ minister, ab ipso Imperatore gladio confoisse.

S. Mercuri, & socii milites, gladio percussi.

S. Gemelle, post dira tormenta, crucis supplicio, M.

S. Sin-

S. Sindulphe Episc.

S. Deusdedit Episc.

S. Sole Abba, à quo in nomine Domini jussus asinus lupum occidit: aliis quoque miraculis gloriose.

OMNES SANCTI, &c. pag. 203.

S. MARIA, cuius Nazareihana Domus, anno 1294.
Hoc die in Piceno confedit. Para in me locum aptum ti-
bi: mane in me, ut in domo tua munda, & sancta!

II. Decembris. 3. Idus Dec.

D Aniel, Stylita sancte! cui S. Simeon Stylita, felix ad pia hortator apparuit: qui terrere te volentes dæmones contemptu fugasti, qui mente ad cælestia abreptus, & S. Simeonem in excelsa columna stan- tem videns, vocem audisti: Huc ad me ascende, Da- niel: cumque te id posse negares, à duobus Angelis in columnæ apice collocatus, & Simeonem ample- xus, ab illo, te in cælum tollente, hæc percepisti: E- sto fortis, Daniel, te strenuum, ac robustum præbe; & sita pulchre, ac generosè, qui post stupendam annorum triginta in columna stationem, post multa exem- plorum & miraculorum prodigia, ultimo vitæ tuæ triduo à sanctis cælici civibus amicè visitatus, è colu- nna in cælum abiisti beatus! stem & ego constans; & vide, ac juva, ne cadam, ô S. Daniel! Fac mihi ami- cos sanctos illos visitatores tuos. Accende me ad ferventem omnium Sanctorum cultum: non ut hon- or ille in me, illos honorantem, redeat; sed ut me illi secum abducant, ideo, ut uno plures sint in illa æternitate, in quibus sibi æternum complaceat Deus! Amen.

S. Da-

S. Damase, Papa docte, ac sancte.
Sancti Thraso, Pontiane, & Prætextate, Martires.

Sancti Victorice & Fusciane, quibus nares, & aures sudibus ferreis cruciatæ, clavis ardentibus transfixa tempora, evulsi oculi; & qui jaculis tandem expositi, amputato capite Martyres unâ cum Gentiano vestro hospite, facti estis.

S. Barsaba Martyr.

S. Eutychi M.

S. Sabine Episc.

B. France, è liberiori vitâ ad severiorem serice converse, peregrine sancte, qui cruento in Cruce sancti ostendente, tibique locuto, ad mirabilem corporis afflictionem accensus es. Accende & me.

B. Uguline Cortonensis, verè magne tui S. Augustini discipule; cuius corpus in tumulo post plus annos, cum geminis ex illo enatis liliis, integrum est repertum, qui cæcæ cuidam noctu apparuisti eamque inciso recenti lilio illuminandam ex vero prædixisti: cuius ope ægri à calculo, à morbo gutturis, à febribus, à sanguinis profluvio, ac morbi aliis convaluere: qui infanti sine baptismo extincto vitam impetrasti.

OMNES SANCTI, &c. pag. 203.

S. MARIA, de monte Serrato, qua in equi rapta ratione hominem ab evidenti vita periculo liberasti statim, atque es ab eo invitata. Ego nec pericula me fatus video: libera me, queso, ab apertis periculis, occultis!

S. MARIA, qua Idæ Virgini hodie mortua IESVM tuum porrigens, dixisti: Accipe eum, & colocar

locans in gremio tuo, desideratis amplexibus &
osculis diem festum age cum eo. *Fac, ut benè tra-*
ctem IESVM tuum.

S. MARIA, quæ B. Franco hodierno, ad Sanctiorem
vitam converso, inter Angelos apparuisti, ei porrigena ar-
basculum, cuius flores aurei nūnmi erant, eique dixi-
li, ut benè agere pergeret; coronandum in calo. Et i-
terum eidem de demono, fœminea specie induito, victo-
ri confecta in throno cum Sanctis, eum ad floridam
in calo coronam invitasti: eundemque sabbato alias
invitesens, dixisti, peccata illius esse dimissa, & preces ex-
audiitas, ac deinceps etiam exaudiendas. Ora pro me,
ut benè orem!

12. Decembris. Prid. Idus Decemb.

S. Ancte Spiridion Episc. vir misericordiarum, cu-
jus misericordi in pauperes animo, cùm natura,
& opes non sufficerent, per miracula supplevisti; ser-
pentem in aurum, & vicissim aurum in serpentem
orando in horto vertisti; triticum, & pecuniam
per prodigia procurasti: puellam mortuam vitæ
antis per reddidisti, dum aurum, quo loco posuisset;
diceret: tandem luscitatis mortuis pluribus, cùm
nō messe æstuares, cælesti rore super te effuso moni-
us es beatæ mortis. Sis etiam in me, vir misericordi-
arum, ac à Matre misericordiæ pro me in agone mi-
errimo æternam misericordiam impetra; ut me
norientem misericorditer ponat in fasciculo vi-
gentium æternū, non in fasce æternū morien-
tium. Amen.

S. Synesi gladio percusse, M.

SS. Epimache & Alexander, novaculis, ac flagel-

Pars II.

R

lis

lis laniati, & circumiectis flammis consumpti.

S. Ammonaria Virgo, quæ superatis & blandientis, & per minas, ac tormenta fævientis tyranni conatibus, capite cæsa es, Martyr.

Sanctæ Mercuria, Dionysia, & altera Ammonia quas capite statim plecti Judex curavit, ne & à vobis, sicut à S. Ammonaria Virgine, vinceretur.

Sancti Hermogenes, Donate, & alii viginti duo Martyres.

Sancti Maxenti, Constanti, Crescenti, Justine, & socii MM.

OMNES SANCTI, &c. pag. 203.

S. MARIA, quæ hoc die, anno 627 Heraclio Imperatori contra Chosroen & Persas, vittoriam sabbato & vespere impetrasti, ex Heraclii parte vix decem desideratis. O plena victiarum, fac, ut ope tuâ vincens vivam, & moriar!

13. Decembris. Idus Decemb.

Sancta Lucia V. lectissima, quæ ad S. Agathæ sepulchrum orans per quietem S. Agatham in medio Angelorum gemmis coruscant vidisti; & matrem tuam jam sanatam, teque per martyrium sancte tuæ in pauperes erogatam, prudenti zelo semper constanter impio Judicii respondisti; cumq; nulli humanâ vi ad locum insanem per trahiri posset, picea resina, ac oleo ferventi profusa, ab igne circa te suum censio illæsa, JESUM loquebaris; & gladio tandem transfixa, acceptis vivificis Sacramentis prædicti multis, orans Deo spiritum reddidisti. Quàm n

pudet mei torporis, ô Dei amore inflamatissima
 Dei Virgo! Per tuos illos ignes, per illum tuum
 JESUM, ora pro me unà cum S. Agathâ, & Ange-
 lis, ut nunquam dicam, *suffici*, in iis, quæ Dei
 sunt; ut infinitâ æternæ pulchritudinis bonitate
 amabilissimum Deum amem tandem, & amer ab
 illo æternum. Amen.

S. Eustrati, qui amplo officio posito repente
 Christianus, in aërem sublatus funibus, pectus igne,
 corpus reliquum virgis, flagrisque, aceto, acutis
 testis laniatus, repente fusus apparuisti; deinde cre-
 pidis acutarum fibularum plenis indutus, & tractus,
 doctissimè è Philosophis philosophatus, exemplo
 & verbo multos, & primæ notæ viros convertisti; &
 condito sancto de amplissimis opibus testamento,
 æternitatis viatico munitus, fornacem ardentem
 psallens ingressus ibi ab igne ne in pilo quidem læ-
 sus, orans occubuisti.

S. Auxenti Presb. gladio M.

S. Mardari, sanctæ simplicitatis vir, qui ab Eu-
 stratio instructus, trajectis per terebratos pedum
 tuorum calcaneos funibus in rotâ suspensus, nihil
 aliud loquebaris; quam Christianus sum, sum Chri-
 sti se: vus; & carentibus subulis ad mortem usque
 cruciatus es, M.

S. Eugeni, excisa lingva, truncatis manibus, ti-
 biis, baculo confractis, M.

S. Otestes, miles gloriose, qui ex aurea, quam è
 collo gestabas, Cruce agnitus, in carenti crati-
 culâ prostratus, mortuus es inter has voces: *Domi-
 ne I E S V Christe, in manus tuas commendó spiritu-
 meum!*

S. Antioche Martyr.

S. Autberte Episc. cuius precibus Deus Angelum monitorem dedit Landelino, adolescenti pravâ societate decepto, & illum visâ mali sui socii ad inferos abrupti morte, ad meliora traduxit: quem Deus Angelicis, ac aliis è cælo mirabilibus recreavit.

S. Judge, proles regia, qui regno contempto, Christo ipsi elemosynam dedisti, miraculis magnus; qui etiam auditâ è cælo voce: *Pro contemptu opibus, & honorib⁹, immortalē in celis recipies coronam;* majore adhuc vitæ asperitate totum te Deo, totum animabus, ac æternitati, omni studio impendisti.

S. Othilia V. Princeps, quæ exæcta natâ, ideoque à parte necari jussa, sed Christi jussu baptizata, & Othilia vocata, visum, & patris gratiam accepisti; & facta virtutis in cœnobio magistra, per vitam longè asperrimam te ad mortem longè sanctissimam comparasti.

OMNES SANCTI, &c. pag. 203.

S. MARIA, de monte Serrato, qua hominem à lathonibus, jugulo perfozzo, pro mortuo reliatum, invocatissimæ. *O præterea personasti sana me; serva me ne ipse mihi sim prado, ne quid in me possit infernus!*

14. Decembris. 19. Kal. Jan.

S. Ancte Nicasii Episc. qui peccatis nostris iram Dei accendi, & hostes amari dicens, multa prædicti horronda; & ipse pro Christo, ac ovibus libenter animam ponens, dum oras: *Adhæsit parimenti*

mento *anima mea*; repente capite truncatus, versum etiam resecto capite complevisti, dicens: *Vivifica me secundum verbum tuum* secuta te soror S. Eutropia, & socii Martyres; & vestra corpora cælesti luce, visis in cælo exercitibus, Angelicâ custodiâ, & harmonia à Deo honorata sunt. Orate pro me vos omnes; ut ne iram Dei in me armem, sed poenitentiâ verâ placatum reddam: ut moriens talis inveniar, qualibus felix est promissa æternitas; & vestris meritis Jesus vivificet me morientem secundum verbum suum, Amen.

S. Sancti Heron, Arseni, & Isidore; primum acerbissimis verberibus, deinde rogo traditi, MM.

S. Diocore, puer prudentissime, & constantissime; multa pro Christo perpesse.

S. Sancti Druse, Zozime, & Theodore, Martyres.

S. Sancti Juste, & Abundi, ad quos in ignem conjectos, & illæcos, gladioque cædendos vox è cælo venit: *Venite ad regna celorum: ascendite, & accipite coronas. Ecce aperi sunt vobis celi. Introite, servi Dei, in habitaculum Patris vestri.* Relinquite corpora super terram, & capite cæsi æstis.

S. Spiridion Episc. qui è Christianis pro fide, oculo dextro effosso, succiso sinistro poplite, ad metalla damnatus unus fuisti.

S. Viator Episc. qui crebrâ, & attenta æternarum rerum meditatione accensus es ad vitam sanctam.

S. Agnelle Abba, cuius matri MARIAM pro prole oranti, imago respondit: *Ioanna, gignes filium nobis charissimum, cui Agnello nomen erit;* & post vitam eleemosynis, prophetiis, oratione sanctam,

mortem tuam prædixisti, & obsessam Neapolim
sæpè visus es Crucis vexillo ab hostibus liberare.

S. Matroniane Eremita.

S. Philemon, qui cum sagittis undique impen-
tereris pro Christo, te muro adamantino munitum
esse dixisti; & te orante omnia tela irrita concide-
bant, pharetris jam exhaustis, te verò illæso: de-
cujus sepulchri pulvere curatus est oculus Præsidis,
qui te occidit; idemque postea conversus pro Chri-
sto Martyr occubuit.

OMNES SANCTI, &c. pag. 203.

S. MARIA, cuius honori S. Nicasius, ut Basiliæam
fundaret, voce divinâ est monitus. Eac me obedientem
loquenti mihi in cor voci Dei; ut ita te colam, prout ia-
næ me fieri vult Deus!

15. Decembris. 18. Kal. Jan.

SAncta Christiana ancilla Ibera, in cuius lectulæ
reposita Reginæ, sanata, etiam Regi Christum
suisit; sed moras trahenti non prius persuasit, quæ
illum inter venandum Christus præsenti mortis pe-
riculo eripuit. Tum conversis tuâ operâ cum Rege
ac Reginâ plurimis, in templo à Rege condito co-
lumnam in æré tuis precibus suspendisti, & omni-
um illic ad Christum corda traxisti. Ora pro me;
ut sim bonus prudens, fidelis, impiger servus Do-
mini mei Jesu, & MARIAE ancillæ, ac Matris Dei;
ut anima mea serviat illis in vita, & morte, & æter-
nitate: ut nullam illorum negligam voluntatem:
& in morte, ancilla Jesu & MARIAE hæc anima sit
in manibus Dominæ suæ. Amen.

S. Eu-

polim
erare,

S. Eusebi Episc. M.

SS. Irenæ, Autoni, Theodore, Saturnine, Vi-
ctor, & alii septemdecim Martyres.

SS. Faustine, Luci, Candide, Cælianæ, Marce,
Januari, Fortunate, & socii Martyres.

S. Susanna, Joannes diæta, cùm virum veste si-
mulares; quæ lautâ hæreditate in pauperes distri-
butâ, viginti ipsos annos inter Religiosos vixisti,
usq; dum à lasciva fœmina ad scelus fœdum invita-
ta, cùm id nolles, ideoque ab illa turpiter accusa-
rерis, ad famam cœnobii tuendam quænam es-
modestissimè fassa, fœminæ impudentiam prodi-
sti, postea miraculis celebris, pectore laniato, hau-
sto plumbō liquato, mortem per martyrium obiisti.

S. Raynalde Comes, deinde Episcope, qui nun-
quam ridere visus es, vel tristari; quem qui percus-
serunt, loco se commovere non potuère, fixi divi-
nitūs, donec tu pro illis orâsti, & ut abire possent,
impetrâsti: qui pro veste tua pauperi data visus es
ab Angelo in brachiis auro, argentoque vestiri.

S. Valeriane Episc. qui cùm essem annorum plus
ostoginta, quod Ecclesiæ utensilia ethnicis tradere
nolueris, solus expulsus, cumq; præceptum esset,
ut nemo te in domo, nemo in agro habitare per-
mitteret; diu in viis publicis sub dio jacens, in con-
stanti fidei Catholicæ defensione beatus expirâsti.

S. Maximine Episc.

OMNES SANCTI, &c. pag. 103.

S. MARIA de monte Serrato, qua in auxilium
vocata, paraliticum, à medicis desperatum, repente
sanâsti. Sana omnem paralysim cordis mei, omnem
focordiam; ne me ob illam eveniat Deus meus!

16. Decembris. 17. Kal. Jan.

S Ancti Anania, Azaria, & Misael, pueri glorioſi, cum quibus, pro veri DEi cultu in fornacem ardeutem immisſis, descendens Angelus, excuſſit flammam ignis, & fecit medium fornaciſ tanquam ventum roris flantem, & non tetigit vos omnino ignis, sed Chaldaeos juxta fornacem incendit, qui omnem omnium rerum creatorum universitatem glorioſo cantico ad benedicendum Domino iuvtatiss; quia ſalvos fecit vos de manu mortis; quia in omnia ſecula misericordia ejus. Orate & pro me; ut ſemper mori malim, quam DEi legem offendere; ut benedicant omnia opera mea Domino; ne mittar in fornacem æternitatis, ſed in hora mortis meæ ſalvum me faciat de manu æternæ mortis; ut ſit ſuper me in omnia ſecula misericordia ejus. Amen.

S. Valentine, magiſter militum, qui multis ad Christum adductis, unā cum S. Concordio filio tuo, & Sanctis Navale & Agricola, necati eſtis.

S. Albina V. Martyr.

S. Ado Episkep.

Omnes sanctæ, eaque plurimæ Virgines, per ſuſpendia, pondera, laminasque ignitas, Martyres.

S. Beane Epife.

S. Irenion Epifc.

S. Matroniane, qui pane in ſolitudine viſtitabas, quem tibi Angelus afferebat.

S. Plato, ē regii ærarii præfecto, Religioſe, patiendi famē ac ſiti plene, ac multa perpeſſe.

S. Adelheidis, poſt captivitatis ærumnas Imperatrix,

trix, Ottonis primi uxor, secundi mater; cuius meritissima aucta est pecunia pauperibus destinata; ad cuius sepulchrum, praeter plures alios persanatus est etiam is, qui quia in templo temerè garriebat, à dæmone correptus, totusque horrendum in modum distortus & mutus, exemplo atque terrori sicut omnibus, ne quid in templo auderent, quod loci sanctitatem non deceat.

Beata Thophania Augusta.

OMNES SANCTI, &c. pag. 203.

S. MARIA, qua hodiernam B. Theophaniam, deinde Imperatricem, à D Eo è conjugio sterili impetrasti. Ausfer sterilitatem animæ mea. Fas, ut sint efficaces apud te orationes mea !

17. Decembris. 16. Kal. Jan.

S Ancte Lazare, de quo loquens JESUS, Lazarus, inquit, amicus noster, quem sanctorum Marthæ & Mariæ sororum lacrymis exoratus, jam quadriguanum invisit in sepulchro, & in cælum suspirans, lacrymatus est, ac dixit: Lazarus veni feras; simulque iterum ad vitam sanctam revocavit, flendo testatus, quomodo te amasset. Veni, Lazarus, ad me in morte jacentem; & me, unâ cum sanctis sororibus tuis; juva, ut amicus JESU moriar, qui pro me flevit. Sanguinem sudavit, flagellatus, coronatus, crucifixus, mortuus est. Ora, ut quando è meo tumulo feras ad judicium evocatus resurgam, inveniar amicus JESU, & post carnis resurrectionem, habeam vitam æternam. Amen.

SS. Floriane, Calanice, & socii quinquaginta octo MM.

S. Vivina V. quæ juveni te in sponsam petenti
crenum persuasisti, & sanctorum Virginum in
virtute religiosa magistra, virtutibus ac miracu-
lis coruscasti.

S. Olympias Vidua.

B. Begga Vidua, S. Gertrudis soror, nobilitate
illusterrima; reliquiarum, & attrahendarum ac
Christum animarum avidissima.

S. Ignati Episc. M. hodie translate, à S. Joan
ne Chrysostomo concione laudate.

S. Joannes de Matha, Fundator Ordinis SSS. Tri-
nitatis pro redemptione captivorum: qui cùm sa-
cris initiareris, ignea columna visa est tuo capiti im-
minere; & Angelus, ac postea cervus, Ordinis tu-
Cruce insignes tibi conspecti sunt: cui Deipara noi-
semel tantum auri suppeditavit, quantum necessa-
rium erat ad captivos ab infidelium tyrannide re-
dimendos: qui moriens ea, quibus os atq; oculo
claudere solebas, instrumenta, seu seras; item cilici-
um, catenas, flagra, manicas, pedicas, & alia qui
bus corpus tuum afflictabas, circa lectulum col-
locari jussisti, & supremis verbis tuos allocutus
Fili, ajebas, en hereditas, quam vobis testamento relin-
quo. Impetra mihi sanctam illam in corpus meum
tyrannidem; ut amore DEI me oderim.

OMNES SANCTI, &c. pag. 203.

S. MARIA, cuius hodie beneficentia celebrata es
in monte Serrato, ob innocentem, carenam ad tuum no-
men invocatum sponte diffidente, liberatum. Liberi-
me; ne merear aeternum carcerem à DEI facie ai-
tenebras projectorum!

S. MARIA, qua Henrico Canonico exin Cister-
cienſi

etenti
um in
iracu-
ilitate
um ad
. Joan.
S. Tri-
um fa-
piti im-
nis tui
ara non
necessa-
ide re-
oculos
cifici-
ia qui-
m col-
ocutus,
o relin-
meum

ata eff-
um non-
Liber-
arie ad
Cister-
cien-

censi Religioso) coram tua imagine Ave Maria ! reci-
tanti respondisti : Ut quid me salutas ? Homo per-
ditus es ; & nisi vitam tuam emendaveris , citi-
us peribis , & ille deinde ager ; conversus est . Fac , ut
sim dignus , qui te salutem corde mundo , atque ar-
denie !

18. Decembris. 15. Kal. Jan.

Sancte Modeste, super cujus in baptismo caput columnam radiantem è cælo descendere vidit Episcopus : qui à tuis cohæredibus in Ægyptum venditus, & ibi septem annis servus, Dominum convertisti: postea in Palæstina Patriarcha miraculis inclytus, venditores olim tuos lautè habuisti, novus Joseph ; dæmonem in specie canis latrantem, aliasque fugasti. Ora, ut mihi sit columna ignea DEus ; cuius ductu ex hoc vitæ de- ferto educar in terram viventium. Latrantem contra me dæmonem tu compesce ; & impetra, ut de manu canis illius eruat unicam animam meam DEus. Amen.

SS. Rufe & zozime, MM.

SS. Theotine & Basilane, MM.

SS. Quintine, Simplici, & alii Martyres.

S. Moyses Martyr.

SS. Victure, Victor, Victorine, Adjutor, Quar-
te, & alii triginta Martyres.

S. Auxenti, è milite Episcope.

S. Gratiane, miraculis eximie Episcope.

S. Sturmio Abba, S. Bonifaci discipule ; cuius Religiosi communi consensione decreverunt, ut à

vino, & quicquid inebriare potest, abstinerent: post mortem miraculis clare.

S. Wunebalde, proles regia, cuius corpus totum templum suavi odorum fragrantia replevit, candens è cælo ultrò accensis, campano ære sponte suâ sonum edente: ad cuius sepulchrum adduci petens vincitus quidam suppicio addicendus, à vinculis divinitus est absolutus. Absolve & me ab occulis vinculis cordis mei, quæ me illigatum tenent, ne corde libero evolem ad DEum meum.

OMNES SANCTI, &c. pag. 203.

S. MARIA, cuius Annuntiationis festum, hoc die, prisco more in Hispania celebratur, nunc eo in Expectationis partus festum commutato. Sint mihi festa tua omnia & singula annuntiatio, expectatio, preparatio festi aeterni.

19. Decembris. 14. Kal. Jan.

Sancte Megengor Comes Dux militum, qui mortui in bello filii tui aspectu commotus, vale mundo dixisti, mortem ac æternitatem ferens in oculis semper. Mortuus vero filiæ cœnobii à te fundati praefectæ apparet, dixisti: *Ecce moritur iustus; & nemo recognoscit;* & alteri religiosæ Virginis vi-sus, dicebas tibi Megengorius nomen in Megengaudi commutatum, S. Comes Megengaudi, impetrasti mihi magistrā Æternitatem; ut & à mala malorum, & à bona bonorum morte, benè mori, benè æternare me doceat hausta corde toto æternitas! Amen.

S. Nemesi, pro Christo combuste Martyr.

S. Dari, Zozime, Paule, & Secunde, Martyres.

SS. Cy-

SS. Cyriace, Paulille, Secunde, Anastasi, Syndimi, & socii MM.

S. Timothee, per ignem M.

Sancti Mauri, & Thæa.

S. Gregori Episc.

S. Adjute Abba, prophetiæ spiritu à DEo donata.

S. Fausta, S. Anastasiæ mater, nobilitate, ac pie-tate spectabilis.

OMNES SANCTI, &c. pag. 203.

S. MARIA, cuius consilio, per S. Birgittam nuntiato, quia hoc die postea mortuus Urbanus V. Pontifex, tui alias amantissimus circa suam ex Urbe profectio-nem non paruit, brevi, ut prædixerat, extinctus est. Da, ut & intelligam, & sequar consilia tua, & vivam in eternum !

20. Decembris. 13. Kal. Jan.

Sancti Ammon, Zeno, & Ptolomæe, milites, qui tertium S. Genesii Martyris combusti suppicio militem, ore, oculis, nutu, manibus, lacrymis, voce denique palam animâstis, & ipsi postea Martyres facti. Plus jam valebit auxilium vestrum pro me in agone tremente: invenite modos omni ope, ac ope-râ; providete de mediis, adinvenite sanctas indu-strias, ut plus vos mihi morienti animi addere, ac prodesse possitis, quam ulla creatura obesse; ut me denique felici æternitati lucremini. Amen.

SS. Liberate, & Bajule, MM.

SS. Ingen & Theophile, milites, S. Ammonis socii, MM.

S. Ili Martyr.

SS. Eugeni & Macari, Presbyteri, plagiis affecti, in eremum relegati, gladio cæsi.

S. Philogoni, è causidico ad Episcopatum DEI nutu accersite, Catholicæ fidei inter primos propugnator eximie.

S. Dominice Episcope,

S. Dominice Abba.

OMNES SANCTI, &c. pag. 203.

S. MARIA, cuius imitatione hodierna S. Martina virginitatem vovit, & fortissimo Martyrio coronavit. Impetra mihi armam contra hostes, & dolorum patientem puritatem; ut sim è magis amicus tuus, quò ero magis corporis mei hostis!

S. MARIA, quam quia caſe ac tenerè coluit hodiernus tuus S. Dominicus Abbas, corona illi divinitus missa est pro præmio. Fac, ut te colam, & serio, religiosè, tenerè colam; atque hac arte plures mecum ad calum traham!

21. Decembris. 12. Kal. Jan.

SANCTE Thoma, Indorum Apostole, ante Crucem sagittis & hastâ occise Martyr, per sanctos tuos labores, per illos Crucifixi pretiosam tuam mortem prodigo testantis sanguineos sudores, obtestor te, dic ad cor JESU, cui felix digitos per Vulturis lateris propè admovisti, ut me morientem adjuvet Dominus meus & Deus meus! Ut sim bonus Domini mei servus, & bonum DEI mei honorandi instrumentum. Ut quæ nunc credo de gloria æternitatis, illic omne id lætus videam, & experiar. Amé.

SS. Joannes & Feste, MM.

S. The-

S. Themistocles M. pro S. Dioscoro (qui ad necem quærebatur) te offerens, equuleo torte, raptate, fustibus cæse.

S. Glyceri Presbyter, Martyr per ignem.

S. Anastasi Episc. à Judæis sævissimè necate.

S. Severine Episc.

S. Pardulphe, cui S. Michaël Archangelus apparet, & ostensâ tibi scalâ, in cujus apice Deus videbatur, te, ut eò ascenderes, ac imponendum tibi ab eo sertum acciperes, invitavit.

OMNES SANCTI, &c. pag. 203.

S. MARIA, quam quia sèpè sanctè salutabat ho-
diernus Joannes, in Gallia, cliens tuus, ex ejusdem
ore post mortem lilyum candidissimum prodijt, cui pri-
ma salutationis Angelica verba erant aureo chara-
ctere inscripta. Perfice mihi cor & linguam; ut te cor-
de aureo, aureâ linguâ, & aureâ salutatione salu-
sem!

22. Decembris. II. Kal. Jan.

Sancta Anastasia, S. Chrysogoni filia, quæ unâ cum aliis navi perforatæ imposita, ut perires, San-
ctam Theodoram in velis gubernatricem habuisti
è cælo, & in portu tribus palis alligata, exusta es.
Advoca S. Theodoram unâ tecum in auxilium mi-
hi; ne malâ navi navigem, ne patiar naufragium
æternum in immenso æternitatis mari. Amen.

Sancti triginta Martyres.

S. Flaviane Expræfecte, qui pro Christo exul,
orans D'eo spiritum reddidisti.

Sancti Demetri, Honorate, & Flore, Martyres.

S. Ischi-

S. Ischirion M. præacutâ sude, per media viscera transverberate.

Sancti Chæremon Episc. & alii plurimi Martyres, qui in persecutione fugâ dilapsi, in solitudinibus errantes, alii à bestiis interempti, alii fame, frigore, languore consumpti estis.

S. Zeno miles, maxillis confractis, dentibusque excussis, capite truncate, M.

OMNES SANCTI, &c. pag. 203.

S. MARIA, cuius cum S. Josepho connubium hoc die passim in Gallia celebratur. Gratulor tua, ac tui S. Josephi, gloria. Per illum te rogo, fac me erga te, & illum talis, ut merear te, & illum erga me tales experiri, qualis tot clientes experti sunt!

25. Decembris. 10. Kal. Jan.

Sancte Servule, qui membris omnibus miserandâ paralyſi dissolutis, gratias DEo semper agens, & psalmis canendis, ac lectioni sacræ semper audiendæ intentus; acceptis eleemosynis, etiam alios pauperes alebas. Cui morituro præsentes fuerunt è cælo symphoniaci, quibus audiendis dum silentium inter circumstantes imperas, totasq; aures, ac animum colligis, abis ad præparatam doloribus tuis æternæ lætitiae patriam: ad quam ut omnes dolores meos, vitam, & mortem meam præpares, rogo; ut libenter omnia, ideo quia DEo ita placet, patiar; & lætâ deniq; post mortem tecum fruar æternitate. Amen.

S. Victoria V. Martyr, quæ cùm nec nubere, nec diis sacrificare velles, post multa facta miracula, qui-

quibus Virgines Deo multas aggregaveras, gladio
in corde percussa es.

Sancti viginti Martyres, tormentis gravissimis
cruciati.

Sancti Migdoni, & Mardonii, Martyres, alter
igne cremate, alter in fossam projecte.

Sancte Anonyme, S. Anthini Episcopi Diacone,
lapidate M.

Sancti Theodule, Saturnine, Eupore Gelasii,
Euniciane, Zetice, Cleomenes, Agathope, Basili-
des, & Evariste, qui crudelia passi omnes exclama-
batis: *Sumus Christiani, Christi hostia; Christi victimae;*
etiam si milles mori oporteat, libenter moriemur, & ca-
pite cæsi estis.

OMNES SANCTI, &c. pag. 203.

S. MARIA, *Regina puritatis, cuius nomini, una*
cum IESV nomine junctum hodierna S. Victoriae no-
men ignea inimici tela extinguit. JESU, MARIA, VI-
CTORIA, servate me corde, oculu, lingua, undequa-
que ac semper mundum!

24. Decembris. 9. Kal. Ian.

S Ancta Tharsilla, sacra Virgo, S. Gregorii Magni
amita, oratione, gravitate vitæ, abstinentiâ san-
ctissima: cui S. Felix apparens, *Veni, inquiebat;*
quia in hac te lucis mansione recipiam. Et moriens,
viso JESU, *Recedite, ajebas, recedite,* JESUS *venit;*
& relictâ in corpore mirâ odorum fragrantia, &
duro à nimia flectendi frequentia, & diurnitate
callo in genibus, abiisti felicissima. Impetra mihi
spiritum verè flectendi, verè orandi, Recedite respe-
ctus

Etus humani, recedit omnia, dum JESUS venit
aspirans mihi. Invita JESUM ad me agonizantem!
ut ab illo æternum *Veni*, non æternum *te* audiam;
& me hinc abeuntem ille in illa, in qua tu es, *la-*
*cis mansio*ne recipiat. Amen.

SS. Adam, & Eva, primi parentes nostri, primi
peccatores, & primi pœnitentes, respicite me hic
exulem filium vestrum, & perducite ad paradisum
voluptatis æternæ.

Sanctæ quadraginta Virgines Martyres.

S. Gregori Presb. contusis maxillis, toto corpo-
re nodosis fustibus dilacerate; quo super craticulā
& ignem posito, exortus terræ motus quadringen-
tos quinquaginta ethnicos oppressit; & apparens
tibi postea in carcere Angelus DEI vinculis, ac te-
nebris dissipatis, pacem tibi & constantiam preca-
tus est; ac tu demum carduis ferreis in utroque ge-
nu percussus, & lampadibus totus exuslus, ac de-
collatus, etiam post mortem feris veneratioi fuisti.

SS. Luciane, Metrobi, Paule, Zenobi, Theoti-
me, & Druse, MM.

S. Euthyme, qui cùm multos tibi ad felix mar-
tyrium præmisisses, & ipse secutus, & Martyr en-
se transfixus es.

S. Delphine Episc.

S. Irmina V. Regis filia.

S. Nicolae, miles castissime, cui Angelus victo-
riam de hostibus gloriosam prædictit, eò quod tei
ad scelus invitatus, immaculatus permanseris, vin-
cendus alias, cum toto tuo milite, & ipse in con-
flictu occidendum, n̄ tunc tentantem te puellam
& dæmonem superâsses.

S. Pe

S. Petre Nolasce, Ordinis B. MARIAE de Mercede redemptionis captivorum Fundator, hac nocte Christi nascentis extincte, cui in cunis infanti apes favum mellis in dextera construxerunt: cui conspecta Beatissima Virgo dixit; *Filio suo, sibiq[ue] acceptissimum fore Ordinem, pro captivis ab infidelium tyrannde liberandis, id quod præstitisti, ac præstas, maximo solatio afflictorum. Quem Angelus custos, & Deipara Virgo frequenti apparitione recrearunt. Ora pro me, ut non ore tantum id est suavibus verbis, verum & manu, hoc est, factis dulcissimâ charitate plenis mel cælestè exhibeam. Assere me in libertatem filiorum, Dei, & Matris Dei; nequid me illicet. Fac, ut Angeli mei custodis, ac Matris Dei, consilia sequar, & faciam semper id, quod acceptissimum Deo fore putavero.*

Divine infans JESU, qui hac nocte in sinu Sanctæ tuæ Franeiscæ Romanæ positus, eamque ut te ac Matrem tuam verè amaret, suique obliviscetur, docens, Inter alia dixisti: *Animæ sursum elevata, ego te renovavi in charitate, tanquam parvulum dei tibi me, in quem Seraphini desigunt oculos. Latare, & respice Matrem meam dulcissimam. Aspice illam cum amore, quæ te tantum dilexit & sursum direxit, noli de te ipsa esse sollicita. Doce me in te, speculum & exemplar meum, oculos cum Seraphinis toto amore desigere: doce me diligere Matrem tuam: renova me tibi in amore, ut aurum in igne.*

OMNES SANCTI, &c. pag. 203.

S. MARIA, quæ Sanctis tuis Bernardo Gertrudi, & alijs hodie, ad excipiendum, quem hac nocte pari-

paritura eras, JESUM corda preparantiibus cælestes de-
licias exhibuisti, & quidem Bernardo tuo suavissimum
recens ex te nati IESU mysterium ostendisti: de qua hodie
differens idem Bernardus dixit; quod cum indigni esse
mus, quibus aliquid donaretur, datum sic tibi, ut
per te acciperemus, quicquid haberemus: quia nihil no-
Deus habere voluit, quod per tuas manus non transi-
ret. Exoscular illas manus tuas, & in illis depone cor
meum: ut illud evacues, & impleas ita, ut vobis ut si
semper juxta cor IESU, & cor tuum, fidele mancipium
utriusque!

25. Decembris. 8. Kal. Ian.

O DEUS amoris æterni! ex MARIA Virgine nate
æternitate amoris amabilis Deus infans! hu-
militatis & amoris magister! Deus lacrymans, Deu-
nascens, in stabulo, ut pro me moriaris in Cruce
Concessissi te misero nostro tempori ad mortem, u-
me dares æternitati tuæ ad vitam! O Rex, & preti-
um æternitatis meæ sanctæ! o optimarum delicia-
rum omnium delibate flos Fili Dei, & Virginis, o
mnia Pater! Venisti, ut me abduceres tecum. Quo
modò amabo te, Amoris Rex! Primam gratiam
Deus mi Rex IESU, peto à te, ut morientem susci-
pias me; ut vivens & moriens, & posteà, æterne
amplexu complectar te; ut Francisci tui lacrymi
alloquar te! Ignatii tui silentio amem te! Catha-
rinæ tuæ Senensis, & B. Mariæ Florentinæ oculis de-
siderem te! Bernardi, Gertrudis, Mechtildis or-
osculer te! Josephi tui admiratione admirer te
MARIAE dulcissimæ Matris tuæ corde sancto hau-
rian

riam te! omnibus Angelorum obsequiis mihi adstringam te! omnibus tibi, puer mi JESU, & dulcissimæ Virginis Matris tuæ cordi devotis cordibus diligam te! & in ipso humillimi, ac tenerrimè sublimis, atque acuti, solidiq; erga te amoris actu emoriar tuus! tuus! Ultima sit hæc, & deinde æterna, pigri hujus mei cordis occupatio, amare te, ô unicè, ac summe cordium, & amoris æterni Rex, Imperator, Monarcha, Deus JESU! Christe JESU, qui hoc tuo natali die, S. Mechtildi ostensus es in symbolo arboris, in altari, ad cælum usque porrectæ, latæ per Orbem universum, ac plenæ fructibus, & foliis, quibus aureo charactere inscripta erant mysteria vitæ, ac mortis tuæ: Christus incarnatus, natus, circumcisus, adoratus, præsentatus, baptizatus, crucifix⁹. Inscribe cordi meo, arbori tuæ, ac lingvæ meæ, aureo amoris tui charactere, omnia actuosi tui amoris mysteria: ut sim arbor tua fructibus optimis plena. Tibi hoc die, audiente Sanctâ tua Francisca, auditæ sunt canere Seraphini: Tu solus es Deus; tu solus Dominus, tibi subjiciuntur Dominationes. Tu verò in ejus brachia te deponens, ei dixisti: *Ego sum amor, si amas Deum, & Dei Matrem, noli obliuisci donorum, que accepisti.* Doce cor meum, & fac, ut audiat & intelligat, quod canunt Seraphini, magistri veri amoris tui: & vivam ac moriar in amore tuo, gratus tibi, qui venisti, ut esses magister amoris. Venisti, (ut dicebat Beatus Aloysius tuus) ut nos doceres *adficere civitatem amoris Dei:* doce me, ego omnes ingenii, corporis, animi mei vires illi labori dedico, te architectō. Venisti, (ut tu dicebas) *vocare peccatores:* voca me quo-

quoque, ita ut sim inter vocatos, obedientes, & electos. Venisti, gladium mittere contra hostes Dei: da, ut aureo tui amoris gladio vincam ubique ac semper. Venisti querere, *S*alvum facere, quod perierat: erravi, sicut ovis, quæ periit: quære, inveni ac ad dexteram tuam colloca servum tuum. Venisti, non ut ministraretur tibi, sed ut ministrares, *S*dares animam tuam in redemptionem pro nobis: accipe animam meam; & fac illam tuæ discipulam, atque ancillam. Venisti, ut veniam post te, *S*abnegem me ipsum, *S*tollam crucem meam quotidie, *S*equar te: fac, ut amore tui portem crucem quotidie, sicut tu illam mei amore portâsti. Venisti ignem mittere in terram, *S*quid vis, nisi ut accendatur? Accende illum in me: ut ab illo concaleat intra me cor meum, & in meditatione mea exardescat ignis. Venisti, ut vitam habeamus, & abundantius habeamus: ut mediocribus non contentus, abundantius velim semper tibi vivere ac servire. Venisti, lux in mundum; ut omnis, qui credit in te, in tenebris non maneat: credo in te, & spero, ac amo. Venisti, non solvere legem, sed adimplere: fac, ut omnia faciam accurate ad aureas leges amoris tui. Venisti, ut facias voluntatem Patris tui, qui in celis es: fac, ut illam ita faciam, sicut vis; ut sim secundum cor tuum. Venisti ut dum visibilitate **Deum** in te cognoscimus, per te in invisibilium amorem rapiamur. Avelle me, Domine, ab omni amore, quem non amas; & rape me in amorem illum, qui te delectat. Tu enim unicus cordium ignis es, & magister. Amen.

S. Anastasia, impii mariti sancta & patientissima conjux, viorum, & mortuorum Martyrum obse
quii

quiis devotissima; quæ martyrii avidissima, triduanâ inediâ macerata, manibus & pedibus ad palos alligata, conversis pluribus, in igne martyrio coronata es: quam S. Theodota M. ante te occisa, tui certaminis socia, singulis ante quam tu quoque occidereris noctibus è cælo visitavit, & ad gloriam præparavit. Præpara tu me!

S. Theodota, quæ Evodium filium tuum æternarum commemoratione coronarum ad fortiter pro Christo patiendum, & moriendum exhortata, unâ cum tribus filiis in fornace ardenti lætam Christo animam reddidisti.

Sancti ducenti viri, & septuaginta fœminæ, cum S. Anastasia exules, & per diversa tormentorum genera Martyres.

S. Eugenia, admirabilis vitæ V. quæ lectione Epistolarum S. Pauli conversa, & clarissimos honoribus parentes, & plurimos alios convertisti; & hodie JESU parvulo Martyr victimâ cecidisti; matriq; deinde, ineffabili splendore, ac cælestium Virginum choro cincta apparuisti, & illam pluribus consolata, felicem illi brevi mortem prædixisti.

O vos multa sanctorum Martyrum millia, qui pro nascente hodie JESU, unâ cum illo, in quo ad natalem JESU diem sanctificandum conveneratis templo; mori vos malle, quam Christum deserere clamantes, omnes combusti estis.

OMNES SANCTI, &c. pag. 203.

S. MARIA Dei, hoc die nati, Mater Virgo! Per omnes illas, quas hac nocte, vel alias, Francisco, Bernardo, Stanislao, Franciscæ, Gertrudi, Mechtildi, &

alii

aliis plurimis, ostendo, vel etiam porrecto in finum parvulo Infante IESV, fecisti delicias, te obsecro, age, ac feliciter perage cum illo totum negotium salutis mea; ut illum, ac te videam, & amem in aeternum in celis: Et illuc me suscipiat ad se, exoratus a te is, qui hoc ad nos descendit per te Filius tuus IESV!

S. MARIA, qua hoc die, à S. Franciscā Romana visa es, cum IESV Filio tuo parvulo, rubram Crucem habente in pectore, & S. Iosepho, Angelusque, ac Sanctis cinctibus, tribus coronis coronata: quarum una erat è rosis candidis atque recentibus; altera è liliis, in quibus stella duodecim collucebant; tertia è duodecim pretiosissimis, lapillis, varias tuas virtutes notantibus, quas inter ardebat in carbunculo amor Dei. Audiū tunc sunt Seraphini canentes tibi: Semper tibi sit laus ô gloriosa Domina, quæ pulcherissimas habes in capite, de rosis albis & stellis & lapillis pretiosis: quibus redimita es à Deo, quia semper amorem illius respexisti: Et plagam, quam Franciscā habebat in pectore, persanasti. Sana plagas cordis mei: ut sanas & puras, ac amoris Dei plenus, laudem te cum Seraphinis, quorum Regem peperisti, & quem alias Franciscæ in finum dedisti: ac illi S. Paulum S. Marīam Magdalenam, & S. Benedictum, à quibus regulam disceret, assignasti. Alias vero, hoc item die, IESVM infanciem à te petenti Franciscæ dixisti: Non poteris eum sustinere, propter immensum pondus ipsius. Sed concessisti tandem, cùm illa dicoret: Ipse met se tenebit, & portabit, quò à te accepto, illa in suavissimas Dei laudes canendas erupit, ô Domina, da mihi IESVM, qui portet me: ut amore illius labore, ac portem pondus diei & astus!

26. Decembris. 7. Kal. Jan.

Sancte Stephane, vultu Angelice, disputando doctissime; plene gratiâ & Spiritu sancto protomartyr, cui dulces fuerunt pro Christo lapides, quem sequuntur omnes anima justa; qui lapidatus pro Christo & jam moriturus, *Ecce ajebas, video calos aieratos, & JESUM stantem à dextris virtutu Dei: qui positis genibus, pro iis, qui te lapidabant, orans dixisti: Domine, ne statuas illis hoc peccatum! & obdormivisti in Domino, Sequatur te etiam anima mea;* ô Angele Martyr; ut odia omnia in dulci unius Dei amore absorbeat: dulcia sint illi pro Jesu, amara omnia, in omnibus dulcibus, & amaris eorum in cælum ad JESUM stantem elevare assuescat, ut in sua à corpore separatione, videat non inferos, ut diviti epuloni ad sepeliendum aperti sunt, sed calos apertos sibi; videat & intrœat. Amen.

Sancti trecenti sexaginta sex Martyres, inter ordinandum cæsi.

S. Marine, senatorie adolescens, qui equuleo & ungulis pro Christo servili more cruciatus; in sarcinam deinde conjectus, & igne in rorem converso liberatus, serrâ ligneâ fecundus gaudebas; & postquam in cruce super ignem jacuisses, etiam à plumbo liquato nihil læsus, mansuetum divinitus ad pedes, manus, collum, pardum, tigridem, leonem vindisti; ad fornacem ardenter inter Angelos abiisti; totoque illic biduo illæsus mansisti; & gladio tandem cæsus es M.

S. Dionysii Papa.

Pars II.

Q

S. Zo-

S. Zosime Papa.

S. Archelae Episc.

S. Zeno Episc.

S. Théodore, cui pro exhibita in templi curâ diligentia S. Petrus apparuit.

S. Constantine castissime, qui dum Crucifixi osculareris pedes, Christi amplexu beatus, & Crucem ab illo in fronte signatus es.

OMNES SANCTI, &c. pag. 203.

S. MARIA, cui sacer hic dies apud Grecos vocatu Congregatio Beatissimæ Virginis MARIIÆ: cujus uestis derostio celebratur hodie in Blachernu!

S. MARIA puerpera, cuius parientis festum hodie Syri, Gracis aliquique celebrant. Da mihi IESVM in cor, ut ille istinc lingvam, oculos, aures, ac totum corpus meum, & animam gubernet amabilis Rex!

S. MARIA, qua heri promissum, partulum tuum IESVM, hodie S. Franciscæ Romanæ, reduci à Stephani corpore visitato, dedisti; quem illa procul portavit, usque ad tuum templum. Da mihi illum, Domina: ut ille sit amor meus, pondus meum; & illum feram, ac ab illo ferar, quocunque feror; nec agam quam, nisi illius infligatione!

27. Decembris. 6. Kal. Jan.

SAncte Joannes Theologe, Evangelista, Propheta Virgo, Apostole charitatis, discipule, quem per multa, & tenera charitatis argumenta, usque finem, in sinum, usque ad mortem diligebat, & Mater MARIIÆ in filium dedit Magister dilectus JESU qui in ferventi oleo coctus, à veneno poto nil laet

Iæsus, omnium ante mortem concionum hanc medullam habuisti: *Filioli diligite alterutrum.* Dilecte JESU discipule, dilecte MARIÆ fili! ora, & impetra, ut *ex hac hora* in æternum illam recipiam in mea, in cogitationes meas, in verba mea, in opera mea, in cor meum, in animam meam: & merear, ut verè illi de me moriente dicas. *Ecce filius tuus!* & illa me nunc, & tunc recipiat in sua, suiq; Filii æterna tabernacula, ubi non exul, sed in patria fruar visione Dei, apocalypsi æternitatis. S. Joannes, qui cum S. Petro Apostolo, S. Franciscam Romanam ad altare, atque in eo positum, agni candidi specie, JESUM dixisti. Aliàs eam docuisti, ne turbaretur, si quâ in re se defecisse adverteret; cùm *divino amori* esset chara; nam etiam dilectis, pro humilitate adhærescere nævos quosdam. Aliàs eidem verba illa: *In principio erat Verbum, ac ingens in illis divini amoris mysterium explicuisti, illam ad amorem, cordis munditiem, humilitatemque hortatus.* Aliàs, hos tuo die festo, illi rubrarum amoris, candidarum puritatis aliarumque rosarum violis permistum fasciculum donâsti, qui postea infanti Jesu oblatus, in ejus manibus in monile pretiosissimum est conversus. Aliàs eam monuisti: esto firma, & humili: Amor venit ad te, ac te totam abstraxit. Effice, ut me quoque abstrahat avulsum ab his, quæ me à vero amore impediunt. Amen.

S. Geralde, qui S. Joannis Evangelistæ amantissimus, ejus die natus, religiosum institutum amplexq; sacris initiatus & mortuus es post concionem, quâ de Sancto tuo Joanne flagranter habuisti, & cù diem tibi supremū fore, sanus tunc adhuc prædictisti: qui

cum in cinere ac cilicio mortem expectares, eam obiisti. Sancti tui Joannis aspectu prius recreatus. Commenda me Sancto tuo, & unà cum illo juva me morientem; ut vivam æternū.

S. Maxime Episc.

Sancti Theodore, & Theophane, fratres sanctè educati, pro sacrarum imaginum cultu verbera, & exilium perpessi.

Sancta Nicetas Virgo medica, sanctitate veneranda.

OMNES SANCTI, &c. pag. 203.

S. MARIA, que die S. Ioannis S. Dominico, a concionem dicturo, libellum, è quo concionaretur, porre xisti; doce me sancta sancte dicere, audire, legere, meditari, tanquam è libro, à te mibi dato, vel misso!

S. MARIA, que S. Gertrudi in horto, inter rosa sine spinis, & lilia visa es purissimo Sancti tui Ioanni corde unicè delectari: dicente ad Gertrudem Christo cor suum erga Ioannem è esse propensius, quò illa, majora tibi obsequia nunquam exhibuit. Fac, ut & egum Ioanne ita te colam, ut JESus meo corde, a meis erga te obsequiis delectetur!

28. Decembris. 5. Kal. Ian.

I Nnocentissimæ Martyrum p̄imitiæ, lactente beatissimi parvuli, in quorum singulis quærebatur ad mortem Jesus. O tenella, & sancta pro Jesu morientium infantium millia! clamet pro me misericordiam æternum sangvis vester. Adsint mihi morienti custodes vestri Angeli, & vos.

cu

cum JESU Rege vestro, & Reginâ MARIA, & Angelis cingite morientem, ô sancta legio! ô innocens victima! vos me Deo meo immaculatum sistite; & ad illam, quam tenero sangvine brevi tempore emistis æternitatem, in vestro comitatu deducite. Amen.

Sancti Eutychi & Domitiane, MM.

Sancti Castor, Victor, & Rogatiane, MM.

S. Domna, è piis colloquiis, & sacrâ lectione conversa, quæ unâ cum Inde cubiculario tuo converso verberata, post longam famem ab Angelis lute habita es; ille postea aqua, tu igne Martyr.

Sanctæ Agapes & Theophila, Virgines & socii MM.

S. Troadi M. cui in agone S. Gregorius Thaumaturgus in spiritu adsuit, teque ad subeundum martyrium roboravit.

S. Cæsari M.

S. Domnio Presb.

S. Theodore S. Pachomii discipule.

S. Antoni, animarum zelo, honorum fugâ, revelationibus, solitudine commendatissime, qui sanctum quendam senem morientem, in igneæ columnæ specie cælum ascendentem vidisti.

Sancti Eutychi, & Florenti, oratione, ac miraculis inclyti.

S. Francisce de Sales Ep. hoc die extincte. Qui Parisis orans coram Dei Matris imagine, cor tuum in sinu illius, velut in ara puram victimam; deposuisti; ac socios ad pietatem vel ipso tuo aspectu inflammasti qui dum de tua prædestinatione anxius tentareris, dicebas orans cum lacrymis. Deus! ab

Deus! Ut sinè te sim ego? Fac, obsecro, ut amem te; &
 moriar potius millies, quam te offendam. Et mox, o-
 pe Deiparæ imploratâ tranquillatus es, omni tem-
 pestate abstersa. Qui effrontem fœminæ malè
 blandientis vultum conspuisti, & victor insidias
 evasisti. Äger Patavii Medicis corpus tuum post
 mortem destinasti, ut egentibus uno corpore ana-
 tomicis post mortem prodesses. Qui intra unius
 ferè anni spatum facile viginti quinque millia hæ-
 reticorum ad sanam doctrinam reduxisti, auditus,
 aliquando inter labores illos anhelans dicere: O mi
 Deus, queso, siste gratiarum tuarum torrentem: neque
 enim potest capere spiritus meus abundantiam delicia-
 rum dulcedinus tua tante! Aliás verò ad Deum vibratis
 brevibus suspiriis, dicebas: O mi Deus, ecquando co-
 gnosceris; ecquando amaberis, ô mi Deus! In cuius pe-
 ñatore cor Seraphini absconditum, pro ingenio,
 per suspiria, per calatum, per colloquia erum-
 pebat in flamas; amabatque omnes, tanquam in
 Christi pectore, sub corde absconditos. Qui acerbâ
 dilecti fratris morte auditâ, sublatis piè in cælū ma-
 nibus, ac oculis dixisti: Ita, Pater; quoniam sic placitū
 fuit ante te. Obmystui, & non aperui os meum; quoniam
 tu fecisti! Impetra mihi cor, quod dicat Deo semper,
 Ita; & querat, quod ei magis placet. Qui quadrin-
 gentis plures à dæmone liberâsli, libera me quoque
 à dæmone acediæ ac teporis, & si quis alius mihi
 molestus sit. Qui ægræ sanctimoniali tibi addictæ,
 novitiae jam depositæ, opem tuam imploranti, in
 veste ac mitrâ splendidâ gloriosus, inter duos Ange-
 los, accensis facibus tibi adstantes, apparuisti; & ut
 cor tuum sibi afferri juberet, monuisti, ac sanandam

præ-

prædixisti: & illa coram allato tuo corde in preces effusa repente convaluit. Appone etiam erga me cor tuum, thesaurum illum ac igniarium amoris DEi: ac me actuoſo, & cordis mei magistro, illius igne accende.

OMNES SANCTI, &c. pag. 203.

S. MARIA, quam hodiernus tuus S. Franciscus Sæ-
lesius Episcopus, Solalis, & tuarum filiarum Funda-
tor, per totos quadraginta annos, quotidiana Coronâ,
tibi recitatâ honoravit, à te in singularem protectio-
nem recipi visus; quando de sua prædestinatione an-
xium, & sub tuum præsidium confugientem, in pulchri-
tudine pacis toto animo tranquillâsti. Habe curam
prædestinationis mee: recipe me in album tuorum; ac
impertra, ut si quid bene coepi, perseveranter in illo,
tui amore, persistam!

29. Decembris. 4. Kal. Jan.

S Ancte Thoma, è Cancellario Archiepiscopi, qui exilium, & alia enormiter crudelia pro Ecclesia perpessus, & à Christo invitatus ad palmam, illam in templo crudelissimè cæsus accepisti, cùm diceres: *Pro nomine IESV, & defensione Ecclesiæ mo- ri paratus sum:* qui denique tuis etiam è tumulo be-
nedixisti; & Regi impio admirandam pœnitentiæ gratiam impetrâsti à DEo, ad exemplum Orbis terrarum. Benedic & mihi è tumulo, imò è cælo,
benedic mihi in tumulumabiturienti per mortem;
ut MARIAM ita colam, & corporis, & animi san-
ctis obsequiis, ut à MARIÆ Filio JESU, ad pal-
mam merear invitari æternam, Amen.

S. David, Rex Propheta, vir secundum cor DEI, qui fecisti omnes voluntates ejus: respectum humanorum contemptor maxime; mansuetissime, orationi addictissime, penitentium exemplar perfectum.

S. Trophime Ep. Galliae Apostole.¹

SS. Calliste, Felix, Bonifaci, MM.

SS. Dominice, Victor, Primiane, Lybose, Saturnine, Crescenti, Secunde, & Honorate, MM.

S. Crescens Episc. S. Pauli discipule.

S. Marcella Abba, eleemosynarum, & lacrymarum vir, qui inter orandum ab Angelis in altum tolli, & fulgere visus es instar Solis, pro cuius tutela contra hostes corusca è cælo Crux tela misit, & fulmina.

S. Ebrulphie, Angelo Custode duce, è magno Regis aulico Eremita: qui Ansbertum Religiosum tuum peste absq; viatico divino extinctum, orans cum lacrymis, à morte excitâsti, ac interrogâsti: *Vis Eucharistiam accipere?* illumque respondentem, Volo, illâ munitum in pace iterum dimisisti: cuius meritis ad vitam se revocatum dixit quidam resurgens à mortuis, qui postea per annos plures in in cœnobio tuo vixit: qui æger per dies quadriginta septem, non alio cibo, quam quotidiana Eucharistiâ vixisti: qui à morte ad vivos redux, octodecim illis, quibus post mortem vixisti, diebus, multa pauperibus largitus es; & multis, rursum mortuus, miraculis coruscâsti.

OMNES SANCTI, &c. pag. 203.

S. MARIA, que Sancto tuo Thomæ, tua, quibus in calo frueris, gaudia celebranda commendâsti; & eum

in reficiendo cilio, quod sabbatinā, & alias, gestatione
laceraverat, adjuvisti: Fac, ut mortificationi serio, tibiq;
addictus, tua gaudia nunc celebrem, ac te olim vide-
am, beatus apud te!

30. Decembris. 3. Kal. Jan.

Sancte Philetare adolescens, patre proconsule, o-
mnibus fortunæ, naturæ, gratiæ donis amabilis:
qui ex ardenti fornace latus, venustiorque, tan-
quam ex horto, egressus; uncos postea, & virgas
passus, feras ad pedes tuos supplices vidisti; & ruen-
tibus quaqua fanis, in exilium ductus, Comitem u-
nâ cum sex aliis Christo lucratus, cùm ad S. Eubio-
rum visendum ires, ille ab Angelo monitus est, ut
te, obviam tibi veniens, honoraret. Sancte Juvenis,
à forma, à virtute, ab igne, à feris, ab hominibus,
ab Angelis, à DEo honorate, amate! Impetra cordi
meo ab eodem DEo æternum amabilem pulchritu-
dinem! purissimus illius oculus disponat, & mun-
det cor meum sibi; ne abjiciar in abominabilem
turitudinis æternæ abyssum; sed in amabilis æter-
næ pulchritudinis æternitate, ac puritate, illum,
pulchritudinis omnis fontem pulcherrimum, æ-
ternum contempler. Amen.

S. Sabine Episc, præcisim manibus, illuminatis
cæcis, conversis pluribus, plumbatis tandem ad
mortem usque cæse, M.

SS. Marcelle & Exuperanti, in equuleo fistibus
contusi, latera unguibus rasî, & igne cruciati
usque ad mortem.

S. Venustiane præses, & uxor, ac filii, omnes à
S. Sabino conversi, capite pro Christo plexi, MM.

Sancti Mansuete, Severe, Appiniane, Donate,
Honori, & socii Martyres.

S. Anysii Episcope.

Sancti Eugeni, Liberi, & Raineri, Episcopi.

S. Anastasi Astrice, olim Romæ Abba ad S. Alexiū, deinde Archiepiscope Coloniensis: qui Româ coronam Apostolicam cum Cruce, tibi à Pontifice Angeli monitu datam, S. Stephano primo Regi detulisti, serva Hungaros fideles DEo.

S. Iacobe Apostole, Joannis frater, hoc die in Hispaniam translate Jerosolymâ Compostellam: quem Compostellæ conditum latèrē è cælo proditum est: qui in difficillimis præliis palam te conspi ciendum præbens, Hispanos tuos adversus infideles in prælio mirificè adjuvisti; magne peregrinorum, & in extremo agone periclitantium advocate.

S. Anysia V. M. quæ post opes in pauperes distributas, plūs flens quam ferè bibens, assiduâ lectione, jejuniis, precibusque pervigil, somni vix aliquid admittebas, cùm diceres: *Malum est mihi dormire, cùm mous inimicus vigilat.*

S. Eugine Episcope.

S. Laurenti, qui tantum quinque annos natus, & jam orphanus, te sæpè flagris cædebas usq; ad sanguinem, qui tamen è pannis lineis divinitus evanesceret, ne illum nutrix adverteret. Qui à teneris ciliicio cinctus ad renes, quid optimum esset in aliis observabas, & imitabar: qui duos Angelos vidisti Nicephoro Episcopo morienti dicentes: *Veni frater, quia Dominus vocat te.* Qui in longo quadraginta dierum jejunio, enatam cælitus arborem trium ramorum vidisti, ramo uno floribus, alio pomis im-

matu-

maturis, alio maturis onustam, & eo cibo refectus es; ac illa videri desiit. Mox aperto cælo, & voce indè auditâ, ad cœnobium tuum reversus, non nisi de rebus cœlestibus loquebaris, nemine te adeunte, qui non magno pietatis intimæ amore accensus à te redierit. Qui postmodum Rheygium à pestilentia liberâsti. De quo multis Angelorum suorum millibus è throno loqui visus & auditus Christus Rex gloriæ, dixit: *Advocate ad nos Laurentium*. Et illi frequentes ad te advolauere; tibi, post charissima oscula, Christi te vocantis nuntium attulere; teq; ad D'Em adduxere: qui te amantissimo complexu salutans, dixit: *Laurenti, mihi carissime, tua à me orationes exaudita sunt, & promisit, apud te ægros ac energumenos opem præsentissimâ reperturos. Qui tuos ad amorem DEI enixè hortatus, dixisti: Filoli, hortor vos hilares esse. Bonos, & restos corde, perfectos Deus amore prosequitur.* Qui morti vicinus, lacrymabilem Christi patientis historiam tibi legi jussisti, ac lacrymans, & saxo pectus verberans sanguinem è pectore, gemitus è profundo corde fundebas, dicens: *In manus tuas, Domine, commendō spiritum meum, & immortuus es imaginè Christi Crucis affixi, ac tibi suum caput suaviter inclinans.* Deinde verò è tumulo tuo erumpens odor suavissimus, & crebra patrata miracula, pretiosam fuisse mortem testata sunt. S. Laurentii, sim & ego inter accensos à te: fac, ut mihi amorem DEI, ac odium mei petenti, annuat Crucifixus capite inclinato.

OMNES SANCTI, &c. pag. 203.

S. MARIA, qua hodierno S. Eguino in Anglia

Episcopo, cincta Virginibus, & Crucem ac librum manus gestans, confessa es. Tu sis magistra mortificationis, sapientie, orationis mea. Ne patere, ut me deinde amem: ne patere, ut aliquid eorum nesciam, quæ scire me vis; vel eorum aliquid sciām, quæ nescire vis!

31. Decembris. Pridie Kal. Jan.

Sancte Sylvester Papa, qui te pescantem in fide Constantinum, ideoque leprosum, sed à SS. Petro & Paulo Apostolis; ut te advocaret, monitum, baptizâsti, mundâsti; postea exitiale draconem precibus extinxisti, Ecclesiam sanctitatem tuâ, diligentia dexteritate roborâsti. Extingue omne id, quod exitio esse potest animæ meæ; nam omne illud mihi draco, dæmon, infernus est: aufer à me temporis lepram, & quicquid oculis DEi displicere potest in me. Hodie annum hunc finio, dum multi per Orbem finiunt vitam. Impetra mihi felicem ultimi vitæ meæ anni diem, & horam ultimam. Doleo de omnibus: quæ hoc anno, & alias, commisi malis, & quæ commisit ullus: gratias ago de omnibus, quæ à DEo hoc anno, & alias, accepi bonis, & quæ accepit ullus, gaudeo & gratulor de omnibus, quæ in æternitate DEus à se, Sancti à DEo habent, bonis: gaudeo de omnibus, quibus hoc anno, à cælo, & terra, Deus meus cultus est honoribus. Gratulor omnibus ex hoc exilio ad beatam illam patriam hoc anno translatis. Et per omnium omnino, ac singulorum Sanctorum ac Sanctarum DEi (eorum autem, ac carum præcipue, quos & quas hoc anno annis cœlestibus beavit DEus) intercessionem supplex

&c

& ad universæ triumphantis Ecclesiæ, singulorumque Sanctorum pedes provolutus, peto per omnes illos ab unico DEo vivo felicem exitum ex his annis momentaneis; & felicem ingressum ad immortalēm cœlestium sæculorum æternitatem, in qua summum, optimumque ac pulcherrimum bonum nostrum æternūm videam, æternūm amem, æternūm laudem, unā cum sacratissima Humanitate JESU, MARIA, JESU Matre, Custode meo, & aliis omnibus Angelis, omni denique Electorum omnium universitate. Amen.

Sanctæ Donata, Paulina, Rustica, Nominanda, Serotina, Hilaria, & sociæ Martyres.

Sancti Sabiniane Episc. & Potentiane, MM.

S. Columba Virgo, cuius miraculo defensa virginitas, extinctus cœlesti imbre ignis, & amputatum caput martyrio coronatum.

S. Hermes exorcista.

SS. Stephane, Pontiane Attale, Fabiane, Corneli, Sexte, Flos, Quinctiane, Minervine, & Simpliane, Martyres Catanenses.

S. Zotice Presbyter alendorum orphanorum suscepτā curā DEo charissime.

S. Barbatiane Presbyter, ægrorum medice thau-maturge.

S. Melania junior, quæ, unā cum piissimo conjuge opes, solis Imperatoris opibus minores, omnes in pauperes erogâsti; & pane arido, longis jejuniis, legendis, ac scribendis libris carnem macerans, extra Romam ultrò exul, in arca lignea, velut in tumba, mirabiliter toto septennio vixisti; tandem cum matre & conjuge Piniano, Hierosolymis magna Vir-

ginum DEo dedicatarum magistra vixisti, multis-
que patratis miraculis, diem, quem prævideras
vitæ tuæ, & anni ultimum, læta clausisti.

S. Frodoberte, circa cujus tumulum Angeli sæ-
pè conspecti sunt cum splendoribus atque canti-
cis tui natalis Officium celebrantes; & columba
candoris lactei de cælis visa est descendisse.

OMNES SANCTI, &c. pag. 203.

S. MARIA, cuius nomine S. Sylvester hodiernus
Roma templum dedicavit, dictum, S. MARIA, libera
nos à pœnis inferni. Fac, ne pericula inferni inven-
niant me! Hec sit ultima, & maximè necessaria petitio
mea: S. MARIA, libera me, potentissimus tuis preci-
bus; ab omni eo, quod me à DEO potest avellere, adeoq;
à pœnis inferni: ut in annos aeternos, unà tecum, DEV M
videam, amem, illique, ac tibi, graculer de gloria, re-
ceptus & ipse in numerum Electorum! Amen.

HOROLOGIUM CÆLESTE, per singulas XXIV. horas diei, è Sanctis Mensum singulorum fideles excitans, ad implorandum pro felici morte obeunda, divinum auxilium.

Ex JANUARIO, pro hora 1. Circumcisæ, & à tri-
bus Magis adorate JESU, miserere mei nunc, &c
in hora mortis meæ.

Pro hora 2. S. Arcadi Martyr, S. Paule converse,
S. Joannes Chrysostome, impetrare mihi pro mor-
te optimam præparationem.

Ex FEBRUARIO, *pro hora 3.* Purificata Virgo Mater, impetra mihi pro felici morte cor mundum.

Pro hora 4. Sancti Joannes, Jacobus, & Paule, Martyres crucifixi, impetrare mihi pro felici morte amorem Crucifixi JESU.

Ex MARTIO, *pro hora 5.* S. MARIA, ab Angelio salutata, impetra mihi pro felici morte id, quod mihi maximè necessarium est.

Pro hora 6. Sancti Josephe & Joachim, impetrare mihi pro felici morte amorem verum erga Matrem DEI.

Ex APRILI, *pro hora 7.* S. Marce, S. Georgi, S. Franciscus de Paula, impetrare mihi pro felici morte charitatem.

Pro hora 8. S. Catharina Senensis, impetra mihi pro felici morte cor, secundum cor JESU.

Ex MAJO, *pro hora 9.* Sancti Philippe, Jacobus, & Joannes Apostoli, impetrare mihi pro felici morte patientiam invictam.

Pro hora 10. S. Michaël, impetra mihi pro felici morte contra dæmonem victoriam.

Ex JUNIO, *pro hora 11.* S. Joannes Baptista, & Beate Aloysii, impetrare mihi pro felici morte conscientiam, etiam à venialibus peccatis, mundam & innocentem.

Pro hora 12. Sancti Petre, & Paule Apostoli, impetrare mihi pro felici morte fidem vivam, & solidam, quâ temptationibus resistam.

Ex JULIO, *pro hora 1.* S. MARIA, Elisabetham visitans, & Magnificat canens, impetra mihi pro felici morte, ut migrans ex hac vita anima mea, Dominum magnificet; ac post mortem, exultet spiritus meus in DEo salutari meo.

Pro hora 2. S. Ignati, & omnes Electi DEi è Societate I E s u, impetrare mihi pro felici morte, ut majorem DEi gloriam verè quæram usque ad mortem.

Ex AUGUSTO, *pro hora 3.* S. MARIA Major, & in cælum assumpta, & Beate Stanislae, impetrare mihi pro felici morte id, quod ad majorem DEi gloriam, & salutem meam, optimum esse nō sis.

Pro hora 4. S. Joannes Baptista, & S. Bartholomæ Apostole, impetrare mihi pro felici morte veram poenitentiam, & contritionem.

Ex SEPTEMBRI, *pro hora 5.* S. MARIA nascens, impetra mihi pro felici morte bonum Patrem spiritualem, qui mihi adsit; & fac, ut illi bene obediam.

Pro hora 6. S. Michaël Archangele, & S. Hieronyme, impetrare mihi pro felice morte verum spiritum orationis.

Ex OCTOBRI, *pro hora 7.* Sancte Angele mi Custos, impetrare mihi pro felici morte, ut inspirationibus tuis sancte obediam.

Pro hora 8. Beate Franciscæ Borgia, & S. Ursula, ac Sociæ, impetrare mihi pro felici morte, ut ad illam quotidie sim paratus.

Ex NOVEMBRI, *pro hora 9.* Omnes Sancti, & Sanctæ DEi, vos potissimum, qui in hac vita maximè excelluistis in amore DEi; impetrare cordi meo verum amorem DEi: impetrare mihi, ut vos omnes ita colam in vita, ut in morte habeam protectores.

Pro hora 10. S. MARIA, in templo præsentata, impetrare mihi talem in divinis diligentiam, ut quacunque

que hora moriar, in templo filii tui merear præsentari.

Ex DECEMBRI, pro hora 11. S. MARIA semper immaculata, & S. Franciscæ Xaveri, impetrare mihi, ut nunc, & in hora mortis, immaculatus inveniar.

Pro hora 12. JESU, Fili DEI vivi, & MARIAE Virginis; MARIA, JESU Mater, & vos omnes Sancti, & Sanctæ DEI, accendite me vero amore DEI: sitis custodes cordis mei nunc, & in hora mortis meæ. Amen.

DIES VITÆ ULTIMUS

B. VIRGINI OBLATUS.

*I*esus erit Sabbato, aut festo aliquo DEiparae,
& quoties lubebit.

OFFero tibi, MARIA DEI Mater, hunc, & ultimum diem vitæ meæ, cum suis horis singulis, & momentis; ut me custodias felici æternitati, & sistas SSS. Trinitati felicem æternum. Et ut hoc impetrem, offero tibi hoc tributum in singulas horas. Et hæc omnia pro iis in purgatorio animabus, quas tu elegeris; ut illæ me morientem juvent.

Pro 1. hora.

Ave MARIA, gratia plena: Dominus tecum: Benedicta tu in mulieribus, & benedictus fructus ventris tui JESUS; S. MARIA, Mater DEI, ora pro nobis peccatoribus, nunc, & in hora mortis nostræ.

Ho-

Hora 2.

Alma Redemptoris Mater, quæ pervia cæli,
 Porta manes, & stella maris, succurre cadenti,
 Surgere, qui curat, populo: tu quæ genuisti,
 Naturâ mirante, tuum sanctum Genitorem,
 Virgo priùs ac posteriùs, Gabrielis ab ore
 Sumens illud Ave, peccatorum miserere.

Hora 3.

Ave Regina cælorum,
 Ave Domina Angelorum,
 Salve radix, salve porta,
 Ex qua mundo lux est orta.
 Gaude Virgo gloria,
 Super omnes speciosa,
 Vale, ô valdè decora,
 Et pro nobis Christum exora.

Hora 4.

Ave maris stella,
 DEi Mater alma,
 Atque semper Virgo,
 Felix cæli porta.
 Sumens illud Ave,
 Gabrielis ore,
 Funda nos in pace,
 Mutans Hevæ nomen.
 Solve vincla reis,
 Profer lumen cæcis,
 Mala nostra pelle,
 Bona cuncta posce.
 Monstra te esse matrem,
 Sumat per te preces,
 Qui pro nobis natus,
 Tulit esse tuus.

Virgo

Virgo singularis,
 Inter omnes mitis,
 Nos culpis solutos,
 Mites fac & castos.
 Vitam præsta puram,
 Iter para tutum,
 Ut videntes JESUM,
 Semper collætemur.
 Sit Laus Deo Patri,
 Summo Christo decus,
 Spiritui sancto
 Tribus honor unus Amen.

Hora 5.

Concede nos famulos tuos, quæsumus Domine
 Deus, perpetuâ mentis & corporis sanitatem gaudere,
 & gloriosâ beatæ MARIAE semper Virginis inter-
 cessione, à præsenti liberari tristitia, & æternâ per-
 frui lætitia. Per Christum Dominum nostrum,
 Amen.

Hora 6.

Deus, qui salutis æternæ, beatæ MARIAE, virgi-
 nitate fœcundâ humano generi præmia præstisisti:
 tribue quæsumus; ut ipsam pro nobis intercedere
 sentiamus, per quam meruimus auctorem vitæ su-
 scipere, Dominum nostrum J E S U M Christum Fi-
 lium tuum. Amen.

Hora 7.

Deus, qui de beatæ MARIAE Virginis utero
 Verbum tuum, Angelo nuntiante, carnem susci-
 pere voluisti: præsta supplicibus tuis, ut, qui vere
 eam Genitricem Dei credimus, ejus apud te inter-
 cessionibus adjuvemur. Per eundem Christum Da-
 minum nostrum. Amen.

Hora

Horæ 8.

Deus, qui beatam MARIAM semper Virginem
Spiritū sancti habitaculum, vix triennem, in tem-
plo præsentari voluisti: præsta quæsumus, ut ejus
intercessione, in templo gloriæ tuæ præsentari me-
reamur. Per Dominum nostrum JESUM Chri-
stum, qui tecum vivit & regnat in unitate ejusdem
Spiritū sancti Deus per omnia sæcula sæculorum.
Amen.

Horæ 9.

Defende, quæsumus Domine, Beatâ MARIâ
semper Virgine intercedente, istam ab omni adver-
sitate familiam, & toto corde tibi prostratam,
ab hostium propitiis tuere clementer insidiis.
Per Dominum.

Horæ 10.

Famulis tuis, quæsumus Domine, cælestis gra-
tiæ munus impertire: ut quibus beatæ Virginis par-
tus extitit salutis exordium, Conceptionis, Nativi-
tatis, & Visitationis ejus votiva solennitas, pacis
tribuat incrementum. Per Dominum.

Horæ 11.

Famulorum tuorum, quæsumus Domine, deli-
ctis ignosce: ut, qui tibi placere de aëribus nostris
non valemus, Genitricis Filii tui Domini nostri
intercessione salvemur. Per eundem Dominum
noscum.

Horæ 12.

Interveniat pro nobis, quæsumus Domine
JESU Christe, nunc & in hora mortis nostræ apud
tuam clementiam beata Virgo MARIÀ Mater
tua: cuius sacratissimam animam in hora tuæ pas-
sionis

sonis doloris gladius pertransivit. Per te JESU
Christe, Salvator mundi, qui cum Patre & Spiritu
sancto vivis & regnas in saecula saeculorum. Amen.

Hora 13.

Litanie Lauretanæ.

K Yrie eleison. Christe eleison. Kyrie eleison!
Christe audi nos. Christe exaudi nos.
Pater de cælis DEus, miserere nobis.
Fili Redemptor mundi DEus, miserere nobis.
Spiritus Sancte DEus, miserere nobis.
Sancta Trinitas unus DEus, miserere nobis.
Sancta MARIA, ora pro nobis.
Sancta DEi Genitrix,
Sancta Virgo Virginum,
Mater Christi,
Mater divinæ gratiæ,
Mater purissima,
Mater castissima,
Mater inviolata,
Mater intemerata,
Mater amabilis,
Mater admirabilis,
Mater Creatoris,
Mater Salvatoris,
Virgo prudentissima,
Virgo veneranda,
Virgo prædicanda,
Virgo potens,
Virgo clemens,
Virgo fidelis,
Speculum justitiæ,
Sedes sapientiæ,

Ora pro nobis.

Causa

Causa nostræ lætitiae,
 Vas spirituale,
 Vas honorabile,
 Vas insigne devotionis,
 Rosa mystica,
 Turris Davidica,
 Turris eburnea,
 Domus aurea,
 Fœderis arca,
 Janua cœli,
 Stella matutina,
 Salus infirmorum,
 Refugium peccatorum,
 Consolatrix afflictorum,
 Auxilium Christianorum,
 Regina Angelorum,
 Regina Patriarcharum,
 Regina Prophetarum,
 Regina Apostolorum,
 Regina Martyrum,
 Regina Confessorum,
 Regina Virginum,
 Regina Sanctorum omnium,
 Agnus Dei, qui tollis peccata mundi, parce nobis
 Domine.
 Agnus Dei, qui tollis peccata mundi, exaudi nos
 Domine.
 Agnus Dei, qui tollis peccata mundi, miserere
 nobis.
 Christe, audi nos. Christe, exaudi nos.
 Kyrie eleison. Christe eleison. Kyrie eleison.
 Pater noster. Ave Maria.

Ora pro nobis.

Sub

Sub tuum præsidium confugimus, Sancta Dei Genitrix, nostras deprecationes ne despicias in necessitatibus nostris; sed à periculis cunctis libera nos semper, Virgo gloria & benedicta, Domina nostra, Mediatrix nostra, Advocata nostra: tuo Filio nos reconcilia, tuo Filio nos commenda, tuo Filio nos repræsenta.

Vers. Ora pro nobis, Sancta Dei Genitrix.

Resp. Ut digni efficiamur promissionibus Christi.

Oremus.

Gratiam tuam, quæsumus Domine, mentibus nostris infunde: ut qui Angelo nuntiante Christi Filii tui Incarnationem cognovimus, per Passionem ejus & Crucem, ad Resurrectionis gloriam perducamur. Per eundem Christum Dominum nostrum. Amen.

Vers. Ora pro nobis beatissime Josephe.

Resp. Ut digni efficiamur promissionibus Christi,

Oremus.

Sanctissimæ Genitricis tue Sponsi, quæsumus Domine, meritis adjuvemur; ut quod possilitas nostra non obtinet, ejus nobis intercessione doneatur. Qui vivis & regnas Deus in sæcula sæculorum. Amen.

Subiecto, si placet, tres salutationes Angelicas, totidem oratiunculas, quas sanctam Mechtildem docuisse fertur ipsamet B. Virgo, promisisseque, recitanti easdem se in hora mortis ad futuram.

Post primum. Ave Maria: ô Domina mea, S. MARIA, sicut Deus Pater per omnipotentiam suam te potentissimam effecit; ita mihi, quæso, ad sis in hora mortis, expellendo à me omnem contrariam potestate. Amen.

Post

Post secundum: O Domina mea, S. MARIA, sicut Filius Dei tantâ te cognitione & claritate dignatus est, ut totum cælum illumines; ita in hora mortis animam meam cognitione fidei sic illustres, & corrobores, ut nullo errore aut ignorantia pervertatur. Amen.

Post tertium: O Domina mea, S. MARIA, sicut, sanctus Spiritus suum amorem plenè tibi infudit; ita tu in morte dulcedinem amoris divini mihi instilla, ex quo omnis amaritudo reddatur mihi suavissima. Amen.

NOTA. Haec Litanias, piâ industria R. P. Stephani Bineæ S. J. plurime hominum myriades quotidie pro se invicem recitant ad exoriantam felicem mortem. Si nondum fecisti, hodie usdem jungere, pie Lector.

Horn 14.

Magnificat anima mea Dominum.

Et exultavit spiritus meus in Deo salutari meo.

Quia respexit humilitatem ancillæ suæ; ecce enim ex hoc beatam me dicent omnes generationes.

Quia fecit mihi magna, qui potens est: & sanctum nomen ejus.

Et misericordia ejus à progenie in progenies, timentibus eum.

Fecit potentiam in brachio suo, dispersit superbos mente cordis sui.

Deposuit potentes de sede, & exaltavit humiles.

Esurientes implevit bonis: & divites dimisit inanes.

Suscepit Isræl puerum suum, recordatus misericordiæ suæ.

Sicut

Sicut locutus est ad Patres nostros, Abraham, & semini ejus in saecula.

Gloria Patri, &c.

Hora 15.

Memento rerum Conditor,
Nostri quod olim corporis,
Sacratâ ab alvo Virginis,
Nascendo formam sumpseris.
MARIA, Mater gratiæ,
Dulcis Parenis clementiæ,
Tu nos ab hoste protege,
Et mortis horâ suscipe.

JESU, tibi sit gloria,
Qui natus es de Virgine,
Cum Patre, & almo Spiritu,
In sempiterna saecula. Amen.

Hora 16.

Obsecro te, Dominâ sanctâ MARIA, Mater Dei, pietate plenissima, summi Regis filia, Mater gloriofissima, Mater orphanorum, consolatio desolatorum, via errantium, salus omnium in te sperantium, Virgo ante partum, Virgo in partu, & Virgo post partum; fons misericordiæ, fons salutis & gratiæ, fons pietatis & lætitiae, fons vitæ & veniæ: Per illam sanctam ineffabilem lætitiam, quâ exultavit spiritus tuus in illa hora, in qua tibi per Gabrielem Archangelum annuntiatus, & conceptus Filius Dei fuit: Et per illam sanctam & ineffabilem humilitatem, in qua respondisti Archangelo Gabrieli: Ecce ancilla Domini, fiat mihi secundum verbum tuum: Et per illud divinum mysterium, quod tunc operatus est in te Spiritus sanctus: Et per ineffabilem gratiam, pie-

Pars II.

R

tatem

tatem, misericordiam, amorem, & humilitatem, per
quas Filius tuus Dominus noster, JESUS Christus
descendit accipere humanam carnem, in venerabi-
lisimo utero tuo: Et per glorioissima quindecim
gaudia, quæ habuisti de Filio tuo Domino nostro
JESU Christo: Et per illam sanctam & maximam
compassionem, & acerbissimum cordis dolorem
quem habuisti, quando Filium tuum Dominum no-
strum JESUM Christum ante Crucem nuda-
tum, & in ipsa levatum, pendentem, crucifixum,
vulneratum, sitientem, amarissimum potum fel &
acetum ori ejus apponi vidisti, Eli clamantem au-
disti, & morientem vidisti: Et per quinque Vulne-
ra ejusdem Filii tui, & per contractionem viscerum
tuorum, præ nimio dolore vulnerum suorum: &
per dolorem, quem habuisti, quando vidisti eum
vulnerari: Et per fontem sanguinis sui, & per om-
nem passionem ejus & dolorem corporis tui, & per
fontem lacrymarum tuarum: ut cum omnibus San-
ctis & electis Dei venias & festines in auxilium &
consilium meum, in omnibus orationibus & peti-
tionibus meis, in omnibus angustiis & necessitatibus
meis, & in omnibus illis rebus, in quibus ego
sum aliquid facturus, & locuturus, aut cogitaturus,
omnibus diebus ac noctibus, horis atque momentis
vitæ meæ. Et mihi famulo tuo N. impetres, à dilecto
Filio tuo Domino nostro JESU Christo virtutum
omnium complementum, cum omni misericordia
& consolatione, omni consilio & adjutorio, omni
benedictione & sanctificatione, omni salvatione,
pace & prosperitate, omni gaudio & alacritate: eti-
am abundantiam orationū, bonorum spiritualium
& cor-

& corporalium, & gratiam S. Spiritus, qui me benē per omnia disponat, animam meam custodiat, corpus meum regat & protegat, mentem erigat, mores componat, actus probet, cogitationes sanctas instituat, præterita mala indulgeat, præsentia emendet, & futura moderetur: vitam honestam & castam mihi tribuat: fidem, spem, & charitatem mihi præstet: articulos fidei firmiter credere, & præcepta legis observare me faciat: sensus corporis mei regat & protegat & à peccatis mortalibus me semper liberet & defendat usque in finem meum. Hanc orationem suppliciter exaudiat, & suscipiat, & vitam æternam mihi tribuat. Audi & intercede pro me, dulcissima Virgo MARIA, Mater Dei & misericordiæ. Amen.

Hora 17.

O intemerata, & in æternum benedicta, singularis atque incomparabilis Virgo Dei Genitrix MARIA, gratissimum Dei templum, Spiritus Sancti sacrarium, janua regni cælorum, per quam post Deum totus vivit Orbis terrarum. Inclina, Mater misericordiæ, aures tuæ pietatis indignis supplicationibus meis: & esto mihi maximo peccatori pia & propitia in omnibus auxiliatrix. O Joannes beatissime, Christi familiaris & amice, qui ab eodem Domino nostro JESU Christo virgo es electus, & inter cæteros magis dilectus, atque in mysteriis cælestibus ultra omnes imbutus: Apostolus enim & Evangelista factus es præclarissimus: Te etiam invoco cum MARIA Matre ejusdem Domini nostri JESU Christi Salvatoris, ut mihi opem tuam cum ipsâ conferre digneris. O duæ gemmæ cælestes, MARIA & Joannes!

R 2

O duo

O duo luminaria, divinitus ante Deum lucentia!
 vestris radiis scelerum meorum effugate nubila. Vos
 enim etsi illi duo, in quibus unigenitus Dei Filius,
 ob sincerissimae virginitatis meritum, dilectionis
 suae confirmavit privilegium, in Cruce pendens uni
 vestrum ita dicens: Mulier, ecce filius tuus! deinde
 ad alium: Ecce mater tua: In hujus ergo tam sacra-
 tissimi amoris dulcedine, quam tunc ore Dominico
 velut mater & filius ad invicem conjuncti etsi, vobis
 duabus ego miserrimus peccator commendo hodie
 corpus & animam meam: ut in omnibus horis, at-
 que momentis, interius & exterius, firmi custodes,
 & pii apud Deum intercessores mihi existere digne-
 mini. Poscite mihi, quæso, corporis & animæ salu-
 tem. Agite, quæso, agite vestris gloriois precibus, ut
 cor meum invisere, & inhabitare dignetur Spiritus
 almus, gratiarum largitor optimus, qui me à cun-
 ctis vitiorum fordibus expurget, virtutibus sacris
 illustret, & exornet: in dilectione Dei & proximi
 mei perfectè stare, & perseverare me faciat: & post
 hujus vitæ cursum ad gaudia me dueat electorum
 suorum benignissimus paraclitus. Qui cum Patre,
 & Filio vivat & regnat in sæcula sæculorum. Amen.

Hora 18.

O Domina mea, sancta MARIA, me in tuam be-
 Benedictam fidem, ac singularem custodiam, & in si-
 num misericordiae tuæ, hodie & quotidie, & in ho-
 ra exitus mei, animam meam, & corpus meum tibi
 commendabo: omnem spem meam & consolationem
 meam, omnes angustias & miseras meas, vitam &
 fidem vitæ meæ tibi comitto; ut per tuam sanctissi-
 mam intercessionem, & per tua merita, omnia mea
 diri-

dirigantur & disponantur opera secundum tuam
tuique Filii voluntatem. Amen.

Horæ 19.

OMARIA, Dei Genitrix. & Virgo grata, om-
nium desolatorum ad te clamantium consolatrix
vera: per illud magnum gaudium, quo consolata
es, quando cognovisti Dominum JESUM die tertiam
à mortuis impassibilem resurrexisse; sis consolatrix
animæ meæ, & apud eundem tuum & Dei Natum
unigenitum, in die novissimo, quando cum anima
& corpore ero resurrecturus, & de singulis meis
factis rationem redditurus, me digneris juvare; ut
perpetuae damnationis sententiam per te, pia Mater
& Virgo, valeam evadere, & cum electis Dei omni-
bus ad æterna gaudia feliciter pervenire. Amen.

Horæ 20.

O gloria Virginum,
Sublimis inter sidera,
Qui te creavit parvulum,
Lactente nutris ubere.
Quod Heva tristis abstulit,
Tu reddis almo germine:
Intrent ut astra flebiles,
Cæli recludis cardines,
Tu Regis alti janua,
Et aula lucis fulgida:
Vitam datam per Virginem,
Gentes redemptæ plauditæ.
JESU, tibi sit gloria,
Qui natus es de Virgine,
Cum Patre & almo Spiritu,
In sempiterna sæcula, Amen.

R. 5

Horæ

Hora 21.

Quem terra pondus, sidera
Colunt, adorant, prædicant,
Trinam regentem machinam,
Clastrum MARIE bajulat.

Cui luna; Sol, & omnia
Deserviunt per tempora,
Perfusa cæli gratiâ,
Gestant puellæ viscera.

Beata Mater munere,
Cujus supernus Artifex
Mundum pugillo continens,
Ventre sub arca clausus est,

Beata cæli nuntio,
Fœcunda Sancto Spiritu,
Desideratus gentibus,
Cujus per alvum fusus est.

JESU tibi sit gloria,
Qui natus es de Virgine,
Cum Patre, & almo Spiritu,
In sempiterna sæcula. Amen.

Hora 22.

Regina cæli, lætare, alleluja!
Quia quem meruisti portare, alleluja,
Resurrexit sicut dixit, alleluja,
Ora pro nobis Deum alleluja.

Hora 23.

Salve Regina, Mater misericordiæ, vita, dulcedo,
& spes nostra, salve. Ad te clamamus exules, filii
Hevæ. Ad te suspiramus gementes & fientes in hac
lachrymarum valle. Eja ergò, advocata nostra, illos
tuos

tuos misericordes oculos ad nos converte. Et
JESUM benedictum fructum ventris tui, nobis
post hoc exilium ostende, ô clemens, ô pia, ô
dulcis Virgo MARIA.

Hymn 24.

Stabat Mater dolorosa,
Juxta Crucem lacrymosa,
Dum pendebat Filius.
Cujus animam gementem,
Contristantem, & dolentem
Pertransivit gladius.
O quam tristis & afflita
Fuit illa benedicta
Mater Unigeniti!
Quæ mōerebat & dolebat,
Et tremebat, cūm videbat
Nati pœnas inclyti.
Quis est homo, qui non fleret,
Christi Matrem si videret
In tanto suppicio?
Quis non posset contristari,
Piam Matrem contemplari
Dolentem cum Filio?
Pro peccatis suæ gentis
Vidit JESUM in tormentis,
Et flagellis subditum.
Vidit suum dulcem Natum,
Morientem, desolatum,
Dum emisit spiritum.
Eja Mater, fons amoris,
Me sentire vim doloris
Fac, ut tecum lugeam.

Fac ut ardeat cor meum
In amando Christum DEum,
Ut sibi complaceam.
Sancta Mater istud agas,
Crucifixi fige plagas
Cordi meo valide.
Tui Nati vulnerati.
Tam dignati pro me pati,
Poenas mecum divide.
Fac me verè tecum flere,
Crucifixo condolere,
Donec ego vixero.
Juxta Crucem tecum stare,
Te libenter sociare
In planctu desidero.
Virgo Virginum præclara,
Mihi jam non sis amara,
Fac me tecum plangere.
Fac ut portem Christi mortem,
Passionis fac consortem,
Et plagas recolere.
Fac me plagis vulnerari,
Cruce fac inebriari,
Ob amorem Filii.
Inflammatus, & accensus,
Per te, Virgo sim defensus
In die judicii.
Fac me Cruce custodiri,
Morte Christi præmuniri,
Confoveri gratiâ.
Quando corpus morietur,
Fac ut animæ donetur
Paradisi gloria. AMEN.

*Variæ Orationes piæ ejusdem Authoris
pro agris & moribundis.*

ALPHABETUM ACTUUM INTERNORUM.

Adoro, admiror, amo te super omnia: antefero te omnibus: abnego voluntatem meam; acquiesco tuæ: abhorreo ab omnibus, quæ tibi displacent. ô Pulchritudo, ô Bonitas infinita, DEus meus, & omnia! Ama me, ut amem te! Amor tuus sit amissis, & auctor mearum omnium actionum!

Benedico te, ô bonum optimum, cum omnibus benedictis electis tuis! Benedic mihi ô benignitas, ô beneficentia, ô beatitudo immensa! Quicquid boni de te habent bibliothecæ omnes, id totum tibi offero; & tibi illis, quos illi libri habent, modis omnibus benedico; ac rogo, ut te benedicam in sæcula!

Credo in te, DEus! consecro tibi, Creator mihi corpus meum in templum, cor in aram tui amoris, cupio te amare cordibus omnium Cælum, omnium creaturarum! Consolationem omnem, quam à creaturis capere possem, tibi offero, ô DEus totius consolationis: custodi me tanquam rem curæ tuæ datam, ut rem tuam!

Deteslor mala omnia: sed de meis potissimum peccatis doleo super omnia; quia diligo, & desidero plus te diligere super omnia DEus meus, &

Omnia! dimitte mihi debita; sustenta debilem; docere me discipulum tuum; ut non sciām delectari nisi in te, dulcedo prima, pura, & immortalis!

Execror omnia mala mea: exulto in bonis tuis!

Expergefac cor meum, ad exquirendum te; expugna torporem meum; expurga sordes meas: evacula, exue me ipso! da ut exinaniam me coram te, Creator mi: ut nihil amoris mei erga te maneat in me, sed totum transeat in te; & nihil amem, nisi te!

Flecto genua mea coram te, & supplex adoro te: da, ut fugiam, quicquid me impedit, quo minus ferventissime amem te! fove me in gremio misericordiae tuæ!

GAudeo de infinita granditate bonorum tuorum, quæ habes à te: gratias tibi ago pro donis tuis, quæ habeo, & quæ habebo à te: gratulor tibi de infinitis thesauris gratiæ, & gloriæ tuæ ad intra, & ad extra!

HOnoro te honore supremo: humilio me sub potenti manu tuâ: habe me totum: habita in me; & doce me habitare in te, horas omnes, & momenta vitæ, ac mortis meæ, æternitatem ipsam, cupio impendere in honorando te!

Immelo cor meum tibi in holocaustum doloris de omnibus malis meis, in holocaustum amoris æterni: destrue in illo, quicquid tibi non placet; perfice, quicquid placet. Indulgentias omnes, quascunque possum, hoc, & singulis diebus vitæ meæ, volo acquirere; & illis applico ea, quæ iis acquirendis sunt idonea, pro anima illa è purgatorio liberandâ, quam liberari à me tibi maximè gratum est!

Kyrie

KYrie eleison, Domine, miserere mei ! fac me dignum misericordiâ tuâ; fac me illâ benè uti, & misericordias tuas in æternum cantare !

LAudo te: lætor de te: fac me sanctum laudatorem tuum, da mihi, ut vehementissime desiderem omnibus omnium creaturarum cordibus, linguis, industriis, amare te, laudare te, ô DEus superlaudabilis & superglorioso in sæcula !

Magnifico super omnia immensum mysterium divinæ Majestatis tuæ, ac primum illud, maximumq; mandatum, quo mandas, ut amem te ex toto corde, animâ, viribus, mente, fortitudine mea. Misserere, ut obediam; da, ut millies, & millies mergam quotidie cor meum in mari amoris tui !

Nolo, quicquid non vis ; volo, quicquid vis, ô Numen æternum ! Doleo, quod fuerit tempus, in quo nolui, quæ volebas ; & volui, quæ nolebas. Da, ut deinceps omnia damna illa compensem !

Offero tibi, quæ cogito, quæ loquor, quæ ago, quæ omitto; opto semper obedire tibi, opto habere omnia desideria; quæ tibi unquam placuerunt; opto id omne, ac id solùm optare, quod tu vis, ut optem. Obsecro te per JESU merita, da hoc mihi, DEus !

PAciscor tecum (si ita vis, & cum omni reverentia) supreme Domine; ut quotiescumque de te cogitavero, vel hoc nomen, DEUS, mente, aut ore pronuntiavero, sit idem, atque si tunc uno corde complecterer, quicquid omnes boni libri, omnia bona corda habent, amorem tui summum, & quicquid tibi placet. Peto à te, ut proposita mea sancta sint, & firma; peto veniam, peto gratiam, peto

amorem illum, quo amari à me, summo quocumque modo potes. Peto, ut placeat mihi quicquid tibi placet, ideò quia tibi placet. Peto, ut imiter te in amando te, & me; idque semper!

Quæram te, quiescam in te, finis meus, da, ut inveniam te, ô Pastor mi, qui quæslivisti me ovem perditam, utinam ad dexteram tuam quiescam apud te!

Revertor ad te prodigus: revereor te super omnia: renuntio omnibus, quæcunque à corde meo abesse vis, recollige me recurrentem ad te, ut recalescat in sinu tuo cor meum, & jam omnium, quæ retro sunt, oblitus, recorder tui, & tantum tui!

Sulspiro ad te, spero, spero, spero in infinita dulcedine multitudinis, & magnitudinis misericordiae tuæ, quicquid terreat me infernus. Sacrifico tibicor meum, oculos, aures, linguam, pedes, manus, corpus, & animam, vitam, & mortem meam: opera omnia, unà cum omnibus, quæ facta sunt, vel sient, sacrificiis tibi sacrifico; & agnoso, atq; adoro, ac testor supremam excellentiam divinæ Majestatis tuæ. Suscipe, DEus meus, quotidie, imò singulis horis, ac momentis, hoc sacrificium meum; & fac, ne quodam velut sacrilegio aliquid mihi, aliisve decerpam ex iis, quæ tibi sacrifico, tibi soli!

Tremo sub pondere immensæ justitiae tuæ, SSS. Trinitas, unus Dominus meus, & DEus meus: timeo te tanquam tumentes super me fluctus. Da, ut ita pendam tributum timoris, & amoris, tibi supremo meo Domino, ut amor tuus timorem perficiat!

Volo

Volo voluntatem meam, tuæ dare in victimam
volo, millies volo, amare te voluntate illâ, quâ
te amant ii, qui maximè, quique optimè amant!
Volo velle, volo voluntatem hanc, quâm validis-
simè, ac vehementissimè possum, sàpiùs instaurare:
volo, volo semper amplius, & amplius te amare !!!
Crucifixe JESU, hæc omnia, quæ hic cogitavi, &
quicquid per omnem vitam cogitabo, dicam, fa-
ciam, tibi offero; Crucifixus pro trophæo appen-
do, Sanguine tuo aspergo, & imbuo, gratias agens,
dolori, & amori tuo: da ut verè doleam de me, &
verè amem te: ut sim triumphus amoris tui, vin-
centis me!

Zelo tuo accende me, DEUS; ut desiderem ita
te amari in terra à me, & ab omnibus, sicut ama-
ris in cælo; & doleam, quòd ita non amemus te!

ASPIRATIONS INFIRMORUM.

DEUS fortis meus, sperabo in te: scutum meum,
& cornu salutis meæ: elevator meus & refugium
meum: Salvator meus: de iniquitate liberabis me.
Domine, sperantem in te, misericordia circumda-
bit. Doce me sperare in te, ut misericordia tua
æterna undequaque circumdet me. Qui sperat in te,
beatus est: fac me ita sperare in te, ut sim beatus à
te; & habebo in novissimis spem; & spes mea non
peribit. Speremus misericordiam tuam, DEUS me-
us, da mihi spem, quam habere me vis; ut anima

mea in manu tua sit, & spes mea immortalitate plena sit.

Domine, da mihi amorem, ac timorem tuum,
credam tibi, & non evacuetur merces mea: ut *sperem*
 in te; & in oblectationem veniat mihi misericordia:
 ut *diligam* te, & illuminetur cor meū; quia nullus speravit in te, & confusus est. Pius, & misericors es tu, DEus, & remittes in die tribulationis peccata.

Domine JESU, tu es mihi, & omnibus animam agentibus in hora illa protector potentiae, firmamentum virtutis, regimen ardoris & umbraculum meridiani, deprecatio offensionis & adjutorium casus, exaltans animum & illuminans oculos, dans sanitatem, & vitam, & benedictionem. Hæc recolens in corde meo, ideo sperabo. Fac, Domine, ut multa sit fides mea. Bonus es tu, Domine, sperantibus in te, animæ querenti te? fac, ut inveniam te. Non sis tu mihi formidini, Spes mea tu in die afflictionis. Velle, vellem omnes mundi thesauros, delicias, pulchritudinem, tempora, ingenia, libros omnes omnia quæ fuerunt, sunt, esse possunt, in tui amorem & honorem convertere, ô amabilis super omnia, DEus meus! Dic animæ meæ: Et est spes novissima tuu; caro mea requiescat in spe. O DEus spei, reple me omni gaudio & pace in credendo; ut abundem in spe & virtute Spiritus sancti. O Christe, spes gloriae! ô Mater, vita, dulcedo & spes nostra, docete me credere, sperare, amare; ut vivam & moriar bene expectans beatam spem & adventum gloriarum Magni Dei. Suppleat, quicquid mihi deest in verro de peccatis dolore, in vero tui amore, desiderio videndi te, & præparet me morti felici ac vita æterna.

næ fides sperandarum substantia rerum, firmet spes non confundens: accendat charitas illa, quæ tu es, DEus meus; ut manens in charitate, in te maneam, & tu, DEus meus, in me in æternum. Atque hæc omnia ut impetrem, vos, felices in purgatorio animæ, DEi filiæ, vos omnes electi DEi, qui ante me felici morte abiistis ad vitam æternam, ut JESU & MARIÆ animam meam commendetis, rogo. Te autem horæ mæ supræmæ gubernatricem, & plenam procuratricem apud JESUM constituo, ô MARIA.

Miserere mei, & exaudi orationem meam. In pace in ipsum dormiam, & requiescam; quoniam tu, Domine, singulariter in spe constitui me. Ps. 4.

Domine, ut scuto bonæ voluntatis tuæ coronasti nos. Ps. 5.

Domine DEus meus, in te speravi: salvum me fac ex omnibus persequentibus me, & libera me; ne quando rapiat, ut leo, animam meam. Ps. 7.

Confitebor tibi, Domine, in toto corde meo!

Lætabor, & exultabo in te, psallam nomini tuo, Altissime. Ps. 9.

Exultabit cor meum in salutari tuo: cantabo Domino, qui bona tribuit mihi; & psallam nomini Domini Altissimi. Ps. 12.

Satiabor, cum apparuerit gloria tua. Ps. 16.

Delicta quis intelligit? Ab occultis meis munda me: & ab alienis parce servo tuo.

Domine adjutor meus, & redemptor meus. Ps. 18.

Ego autem in te speravi, Domine: dixi, DEus meus es tu: in manibus tuis fortis mæ. Ps. 30.

Mise-

Miserere mei, DEus, miserere mei: quoniam
in te confidit anima mea.

Et in umbrâ alarum tuarum sperabo, donec
transeat iniquitas.

Clamabo ad DEum altissimum, DEum qui bene-
ficiit mihi. Ps. 56.

Verunramen DEo subjecta esto, anima mea:
quoniam ab ipso patientia mea. Ps. 61.

Exaudi orationem meā: ad te omnis caro veniet.
Replebimur in bonis domūs tuæ. Ps. 64.

Qui posuit animam meam ad vitam, & non de-
dit in commotionem pedes meos.

Adjutor, & liberator meus es tu: Domine ne
moreris. Ps. 69.

Misericordias Domini in æternum cantabo.
Ps. 88.

Benedic anima mea Domino: & noli obliuisci
retributiones ejus.

Qui propitiatur omnibus iniquitatibus tuis: qui
sanat omnes infirmitates tuas.

Qui redimit de interitu vitam tuam: qui sanat
omnes infirmitates tuas. Ps. 102.

Vide Psalmum 90. & 106.

O Domine, salvum me fac! O Domine, benè
prosperare: Benedictus, qui venit in nomine Do-
mini! Amen. Ps. 117.

Addi possunt omnes Psalmi ad Laudes ad Horas, ad
Completorium, & Pœnitentiales.

Sedenti in throno, & Agno, benedictio, & ho-
nor, & gloria, & potestas in sæcula sæculorum.
Amen. Apoc. 5.

Amen, Benedictio, & claritas, & sapientia, & gra-
tia-

tiarum actio, honor, & virtus, & fortitudo DEo nostro, in sœcula sœculorum, Amen. *Apoc. 7.*

Veni, Domine JESU. *Apoc. 22.*

Cum S. Petro: Domine salvum me fac. *Matth. 14.*

Cum Christo: Pater, salufifica me ex hac hora.

Ioan. 12.

Pater, in manus tuas commendo spiritum meum. *Luca 23.*

Cum S. Stephano moriente: Domine JESU, suscipe spiritum meum. *Actor. 7.*

Benedictum nomen gloriæ tuæ sanctum; & laudabile, & superexaltatum in omnibus sœculis.

Benedictus es in templo sancto gloriæ tuæ: & superlaudabilis; & supergloriosus in sœcula.

Benedictus es in throno regni tui: & superlaudabilis, & superexaltatus in sœcula.

Benedicite omnes religiosi Domino DEo. *Dan. 3.*

Cum S. P. Ignatio: Suscipe, Domine, universam meam libertatem: accipe memoriam, intellectum, atque voluntatem omnem: *etiam vitam & animam meam.* Quicquid habeo, vel possideo, mihi largitus es: id tibi totum restituo, ac tuæ prorsus voluntati trado gubernandum; *etiam mortem meam.* Amorem tui solum cum gratia tua mihi dones, & dives sum satis: nec aliud quidquam ultrà posco.

Ad S. P. Ignatium: Sancte Pater Ignati, audi me quoque minimum filium tuum longissimè exulanten, teq; orantem verbis tui Francisci Xaverii, tibi in hæc verba scribentis: Te rogo, Pater animæ meæ, summeque mihi venerande, positis humili genibus, tanquam si præsentem intuerer, suppliciter oro, ne DEum pro me obsecrare desistas: ut dum vita suppedi-

peditat, sanctissimæ voluntatis suæ mihi det & plenè agnoscendæ, & omnino exequendæ facultatem.
Lib. 2. epist. 8.

Cum S. Xaverio: O JESU Christe, DEus cordis mei ! obsecro te per quinque illa Vulnera, quæ tibi in Cruce nostri amor infixit, famulis tuis subveni, quos pretioso sanguine redemisti.

Te ego, JESU, Christe, DEus cordis mei, per acerbissimos tuæ necis cruciatus obsecro, obtestorq; , ut intuearis ipse tuas cicatrices, quas æterno Patri assiduè pro nobis ostentas; easq; salubres etiam, misero mihi esse velis. *Idem.*

Utinam è singulis momentis totius vitæ meæ, usq; ad momentum extremum, possem facere totidem sacula amoris tui : Da hic cælestis vitæ ac divinæ tyrocinium ponam in amando te; nec unquam desinam te amare amplius in æternum ! Quare nefinas me abire ex hac vita in aliam, nisi benedixeris mihi, ut moriar ad majorem tuam gloriam, & vivam in æternum, DEus ! Sit omnis respiratio mea, & potissimum ultima exhalatio ac exspiratio sit vivum holocaustum, amori & honori tuo, profundissimâ humilitate, altissimâ charitate oblatum tibi, per amorem cordis JESU, MARIE, ac omnium electorum. Gratias tibi pro omnibus, quibus benè moriendi gratiam concessisti, & concedest Per omnes illos te rogo, da mihi illas pro morte felicissimè obeundâ præparationes, quæ in illis tibi maximè placuerunt. Idem peto pro illis, qui tecum eodem tempore erunt in agone per totum orbem terrarū, & pro illis, qui mihi aderunt morienti. Accipe tunc animam meam, cum illam videris ad migrandum opti-

optimè paratam, ad majorem gloriam tuam.

Ex S. Bonaventure Psalterio Mariano ad B.M

Domina, benedicta sit dulcedo misericordiae cordis tui. Ps. 8.

Ne projicias nos in tempore mortis nostræ: sed succurre animæ, cùm deseruerit corpus suum. Ps. 19.

Mitte Angelum in occursum ejus, per quem ab hostibus defendatur. Ostende ei serenissimum Judicem sæculorum, qui ob tui gratiam, veniam ei largiatur. Sentiat in pœnis refrigerium tuum; & concede ei locum inter electos Dei. *Ibid.*

In manus tuas, Domina, commendo spiritum meum, totam vitam meam, & diem ultimum meum. Ps. 30.

Vide, Domina, quoniam tribulor: expande manus tuas: succurre pereundi. Ne moreris propter gratiam Nominis tui, ut efficiaris mihi in gaudium & salutem. Ps. 70.

In manu tua salus & vita consistunt, lætitia perpetua, & æternitas gloria. Resperge cor meum dulcedine tua. Ps. 71.

Fac, Domina, ut vivamus in gratia Spiritus sancti, & perduc animas nostras ad sanctum finem. Ps. 86.

Excita spiritum meum ad amandam bonitatem tuam: excita mentem, ad extollendam nobilitatem tuam. *Ibid.*

Suscipe in fine animas nostras, & introduc nos in requiem æternam. Ps. 94.

Gloriosum & admirabile est Nomen tuum:
qui

qui illud retinent, non repavescunt in puncto mortis. Ps. 110.

Esto animæ meæ scala ad regnum cælorum, & iter rectum ad Paradisum Dei. Ps. 113.

ASPIRATIONES JACULATORIAE,

pro agris & moribundis.

Adjutor meus, & protector meus es tu: Deus meus, ne tardaveris. Ps. 39.

Amplius lava me ab iniustitate mea & à peccato meo munda me! Ps. 50.

Adjuva me, & salvus ero! Ps. 118.

Aspice in me, & miserere mei! ibid.

Beatus quem elegisti, & assumpsisti: inhabitabit in atriis tuis! Ps. 64.

Beati qui habitant in domo tua, Domine: in sæcula sæculorum laudabunt te. Ps. 83.

Benedic, anima mea, Domino: & omnia, quæ intra me sunt, Nomiini sancto ejus! Ps. 120.

Conserva me, Domine; quoniam speravi in te!
Ps. 15.

Custodi animam meam: & erue me, non erube-
scam; quoniam speravi in te! Ps. 24.

Complaceat tibi, Domine, ut eruas me! Domi-
ne, ad adjuvandum me respice! Ps. 39.

Cor mundum crea in me Deus! Ps. 50.

Confige timore tuo (& amore tuo) carnes me-
as: à judiciis enim tuis timui! Ps. 118.

Deus,

DEUS, propitius esto mihi peccatori!
Dominus meus & Deus meus!

Deus meus & omnia!

Amo te super omnia: & ideo doleo super omnia; quod unquam te offenderim, Deus meus, & omnia!

Diligam te, Domine fortitudo mea. Dominus firmamentum meum, & refugium meum, & liberator meus! Ps. 17.

Deus, in nomine tuo salvum me fac! Ps. 35.

Deus, in adjutorium meum intende: Domine ad adjuvandum me festina!

Defecit caro mea, & cor meum: Deus cordis mei, & pars mea, Deus in æternum! Ps. 27.

Deus in æternum! Ps. 72.

EXsurge, Domine: salvum me fac, Deus meus!
Ps. 3.

Esto mihi in Deum protectorem, & in domum refugii; ut salvum me facias! Ps. 30.

Eripuisti animam meam de morte, & pedes meos de lapsu: ut placeam coram Deo, in lumine viventium; Ps. 55.

Ego autem semper sperabo: & adjiciam super omnem laudem tuam; Ps. 70.

Exaltabo te, Deus meus Rex; & benedic animi tuo in saeculum saeculi! Ps. 114.

Credo, spero, amo te super omnia: & ideo doleo super omnia: quod unquam te offenderim, Deus meus, & omnia!

Fortitudo mea & refugium meum es tu: & propter nomen tuum deduces me; Ps. 30.

Fiat misericordia tua, ut consoletur me; Ps. 118.

Fiat cor meum immaculatum in iustificationibus tuis; ut non confundar! ibidem, Fa-

Faciem tuam illumina super servum tuum: & doce me justificationes tuas! *ibid.*

Fiat manus tua, ut salvet me. *ibid.*

Credo, spero, amo, &c. ut suprà.

Gloriosa dicta sunt de te, Civitas Dei! *Ps. 86.*

Gressus meos dirige secundum eloquium tuum!
& non dominetur mei omnis iniquitatis! *Ps. 118.*

Gloria Patri, & Filio, & Spiritui sancto! Sicut erat
in principio, & nunc, & semper, & in secula seculorum. *Amen.*

Hæc recordatus sum; & effudi in me animam
meam: quoniam transibo in locum tabernaculi
admirabilis, usque ad domum Dei. *Ps. 41.*

Hæc est dies, quam fecit Dominus, exultemus
& lætemur in ea! *Ps. 117.*

Humiliatus sum usquequaque, Domine: vivi-
fica me secundum verbum tuum! *Ps. 118.*

Heu mihi, quia incolatus meus prolongatus est!
Ps. 29.

Desidero, Domine, videre te, ut amem te: & am-
plius peccare non possim, non possim!

Credo, spero, amo, &c. ut suprà,

Intende voci orationis meæ, Rex meus, & Deus
meus! *Ps. 5.*

Illumina oculos meos, ne unquam obdormiam
in morte! *Ps. 12.*

In manus tuas commendabo spiritum meum! *Ps. 30.*

Illustra faciem tuam super servum tuum! salvum
me fac in misericordia tua! Domine, non confun-
dar; quoniam invocavi te! *ibidem.*

In umbra alarum tuarum sperabo, donec tran-
scat iniquitas! *Ps. 56.*

Inhabitabo in tabernaculo tuo in sœcula: protegar in velamento alarum tuarum! Ps. 60.

Desidero, Domine, videre te! &c.

Credo, spero, amo, &c. ut suprà.

Lætentur omnes, qui sperant in te: in æternum exultabunt: & habitabis in eis! Ps. 5.

Lauda, anima mea, Dominum: laudabo Dominum in vita mea, psallam Deo meo, quamdiu fuero! Ps. 145.

Miserere mei, Domine; quoniam infirmus sum!
Ps. 6.

Mirifica misericordias tuas, qui salvos facis spe-rantes in te! Ps. 16.

Desidero, &c. Credo, spero, ut suprà.

Notas mihi fecisti vias vitæ, adimplebis me læ-titiâ cum vultu tuo: delectationes in dextera tua usque in finem! Ps. 15.

Ne perdas cum impiis, Deus, animam meam!
Ps. 15.

Credo, spero, amo te, &c. ut suprà.

Ave MARIA!

Omnia ossa mea dicent: Domine, quis similis tibi! Ps. 34.

Ostende nobis, Domine, misericordiam tuam!
Ps. 84.

O Domine, libera animam meam! Ps. 114.

Perfice gressus meos in semitis tuis: ut non mo-veantur vestigia mea! Ps. 16.

Paratum cor meum, Deus, paratum cor meum!

Ps. 107.

Quoniam tu, Domine, singulariter in spe con-stitueristi me! Ps. 4.

Quem-

Quemadmodum desiderat cervus ad fontes aquarum: ita desiderat anima mea ad te, Deus! Ps. 41.

Quoniam tu illuminas lucernam meam, Domine: Deus meus, illumina tenebras meas! Ps. 17.

Quoniam in te eripiar à tentatione: & in Deo meo transgrediar murum! *ibid.*

Quam magna multitudo dulcedinis tuæ, Domine, quam abscondisti timentibus te! Perfecisti eis, qui sperant in te! Ps. 30.

Credo, spero, amo, &c. MARIA, Mater gratie, Mater misericordia, tu nos ab hoste protege, & mortis hora suscipe;

REmitte mihi, ut refrigereret, prius quam abeam! Ps. 48.

Repleatur os meum laude; ut cantem gloriam tuam, totâ die magnitudinem tuam! Ps. 70.

Respice in servos tuos, & in opera tua! Ps. 89.

Pater noster. Ave MARIA. Credo. Salve Regina.

Sperent in te, qui noverunt Nomen tuum; quoniam non dereliquisti quarentes te, Domine! Ps. 9.

Sub umbrâ alarum tuarum protege me, à facie impiorum! Ps. 16.

Suscipe me secundum eloquium tuum, & vivam & non confundas me ab expectatione meâ. Ps. 118.

Servus tuus sum ego: da mihi intellectum; ut sciam testimonia tua! *ibid.*

Tuus sum ego, salvum me fac. *ibid.*

Tu autem Domine, susceptor meus es: gloria mea, exaltans caput meum! Ps. 3.

Tu, Domine, servabis nos, & custodies nos! Ps. 11.

Tibi dixit cor meum: exquisivit te facies mea, faciem tuam, Domine, requiram. Ps. 26.

Tu

Tu es ipse Rex meus, & Deus meus, qui mandas salutem Jacob! Ps. 43.

VErba mea auribus percipe, Domine; intellige clamorem meum! Ps. 5.

Vide humilitatem meam, & laborem meum: & dimitte universa delicta mea! Ps. 14.

Da mihi, Deus meus, te: redde mihi te. En amo te: & si parùm est, amèm validius S. Aug. Med. c. 18.

Non possum metiri, ut sciām, quantum desit mihi amoris tui, ad id, quod satis est, ut currat vita mea in amplexus tuos, nec avertatur, donec abscondatur in abscondito vultus tui! *Ibidem.*

Te Deum laudamus, pro beneficijs omnibus.

Intenitio recta. Amo Te, Deus meus; & ideo accepto de manu Tuâ dolores meos, & statutum, quo statutum est à Te omnibus hominibus semel mori. Vitam, dolores, agonem, & mortem meam Tuò amori offero, in holocaustum Tibi: in unione vitae, agonis, ac mortis Crucifixi JESU, MARIAE, ac omnium pretiosâ morte defunctorum; eorum potissimum, qui maximè excelluerunt in amore Tui!

Anima Christi sanctifica me! Corpus Christi salva me! Sangvis Christi inebria me! Aqua lateris Christi lava me! Passio Christi conforta me! O bone JESU, exaudi me! In hora mortis meæ voca me, & jube venire ad te; ut cum Sanctis tuis laudem te in fascula sæculorum! Amen.

Porro quia fidei pofifimum, spei, charitatis dolorisq; actus sanis agrisq; frequentanda sunt; r̄isum est ejus generis plures adjungere, inferius non raro divina Scriptura verbi: Et hoc erunt velut SOLILOQUIA INFIRMORUM, sensim illis cum interpretatione legenda.

Credo, quæ revelâsti, SSS. Trinitas, unus Deus.
Spero, quæ promisisti. **Amo** te, quia dignus es, quia
 Deus es. **Odi** peccata mea omnia, quia tu odisti: &
 detestor illa; ideo quia tu illa detestarisi. **Gratulor**
 tibi de divinitatis tuæ thesauris infinitis. Utinam
 Cherubinorum, Seraphinorum, Angelorum om-
 nium, Sanctorum omnium, Beatissimæ Virginis
 Matris, ac denique ipsius JESU corde & ore possem
 amare ac laudare te, gaudere de te, & gratulari tibi:
 offerre me, vitam, mortem, æternitatem meam glo-
 riæ tuæ, amori tuo, Deus, & facere illa omnia, quæ
 in vita & morte Sanctorum tuorum tibi maximè
 placuerunt! **Gaudeo**, quòd tu te ipsum dignè ames,
 quantum mereris! **Doleo**, quòd ullum temporis
 momentum perdididerim, quo te non amavi: imò
 quo in te, Deus optime, pulcherrime, amari dignis-
 simus, peccavi! Utinam possem redimere, & excel-
 lentissimis excelsissimæ charitatis actibus implere
 omnes horas illas, ô Deus, qui charitas, qui ignis,
 consumens es! Consume præterita mala mea! & da,
 ut plùs amem te, plùs quâm unquam sis offensus à
 me, vel ab ulla creatura! Laudet te vita mea, laudet
 te mors mea: amet te migrans hinc ad te anima
 mea, ô Vita mea, Dominus meus, & Deus Deus!
 Deus, propitius esto mihi peccatori!

Credo, & spero videre bona Domini in terra vi-
 ventium, videntium, amantium te!

Credo, Domine; adjuva incredulitatem meam.
 Adauge mihi fidem, quâ ita credam in te, ne pere-
 am, sed habeam vitam æternam; quia qui credit in
 te, non morietur in æternum; & qui credunt in
 nomine tuo, dedisti eis potestatem filios Dei fieri.

Do-

Domine, cui sinè fide impossibile est placere, da, ut ita credam in te, sperem te, amem te; ut placeam tibi in lumine viventium. Domine JESU, da mihi fidem Dei, de qua dixisti: *Habete fidem Dei:* fidem Dei amore plenam; ut dicas mihi: Fides tua te salvum fecit. Sic credam, sperem, amem!

Ora pro me, sanctissima JESU anima, ut non deficiat fides mea, spes mea, charitas mea. Sim plenus fide, & Spiritu Sancto. Veni, fide purificans cor meum, spe exhilarans, charitate inflammans: ut sim justus ex fide vivens; sicutque benè vestigia fidei, spei, charitatis; in omnibus sumens *scutum fidei*, in quo possim omnia tela nequissimi ignea extingvere. Indutus *lorica fidei*, vivam, & moriar in conscientia bona, & *fide non fita*, cursum consummem, *fidem servem*, & accipiam depositam mihi coronam, quam fidelibus tuis reposuisti, *audor fidei*, & consummator, J E S U, ut reportem *finem fidei* meæ, quia tu es, Via mea, Veritas mea, Vita mea æterna! Benedic mihi morienti!

Credo, mi Deus, quicquid vis me credere: si ero,
quicquid vis me sperare: amo, quicquid vis me
amare: odi quicquid vis me odisse!

Doleo, doleo, doleo! quod unquam ullo modo Te maximum, dulcissimum, optimum DEUM meum offendiderim: & vellem dolere ex motivo summi amoris, qui unquam ullius Petri, Augustini, Magdalena, aut cujuscunque verè poenitentis, vel a-mantis Te cor penetravit, ô bone, ô altissime, ô pulcherrime Deus meus!

Doleo! non propter infernum, vel purgatorium;

ASPIRATIONES

quæ tamen credo, & timeo! Doleo! non propter
cælestem gloriam, quam tamen credo, & spero; sed
doleo propter Te, optime super omnia, pulcherri-
mè super pulchra omnia, dignissime super omnia
DEUS; quem amo, & amare cupio in æternum.
Gratias tibi, DEUS, gratias tibi, verâ & una Tri-
nitas, una summa Deitas, sancta & una Unitas,
Approbo quicquid boni factum, vel futurum est: &
utinam augere bona illa possem in infinitum! *Dete-
ctor,* quicquid mali factum, vel futurum est: & utinā
potuissem, ac possem omnia impedire, ac in totidem
bona convertere! Fides me doceat meliorem te esse
omnibus iis, quæ mihi dare potes: Spes, absque
præsumptione te præ illis omnibus exspectet: Cha-
ritas te amet super illa omnia, etiam super cæli gau-
dia & felicitatem. Omnes sancti Martyres, impe-
trate mihi fidem vivam, pro qua mortui estis, & pro
qua utinam possem & ego mori, amore Domini
Dei mei! Omnes sancti Confessores, impetrare mi-
hi spem solidam, in qua mortui estis; & in qua spero
me moritum! Omnes Sancti & Sanctæ Dei, im-
petrate mihi charitatem perfectam, in qua vixistis,
mortui estis, & viveatis immortaliter in æternum;
ut vivam & ego vobiscum!

Credo, quæ revelasti, spero, quæ promisisti; sed
plus illis amo Te; Te, qui promisisti, Deus fidei,
Deus spei, Deus charitatis meæ. Captiva, Domine,
intellectum meum in obsequium fidei vivæ: exhi-
lara cor meum lætitia spei veræ: accende volunta-
tem meam illâ, quæ tibi maximè placet, erga te cha-
ritate. Deus intellectus, Deus cordis, Deus volun-
tatis meæ! Domine JESU, tu es Christus, Filius
DEI

Dei vivi, Filius MARIÆ Virginis; tu sis mihi resurrectio, & vita: da, ut optimo quovis modo vi-vam, & credam in te: quia omnis, qui vivit, & credit in te, non morietur in æternum. Da, ut moriar, & videam te. Da, ut ita credam, atque si vidisse omnia miracula, quæ fecisti, da, ut ita sperem, atque si vidisse illa omnia, quæ promisisti, da, ut ita te amem, sicut te amavit S. Joannes, S. Paulus, S. Augustinus, S. Franciscus, S. Ignatius, S. Catharina Senensis, S. Theresia, & omnes ii, quos tui amore maximo, tenerrimo, dulcissimo, solidissimo, per omnem vitam; & maximè in mortis articulo, accendisti. Munda, & desponsa tibi animam meam in fide: dota illam spe: duc illam in domum tuam; & in charitate perpetua dilige illam, & attrahe illam miserans, per dulcissimam Virginem Matrem tuam & omnes electos tuos. Gratulor tibi de te! gaudeo de infinita gloria tua! Volo pati, quæ me vis pati: & gaudeo, quod in te nullus dolor possit cadere; quod tibi ita bene sit semper, ut male esse nunquam possit. Utinam operibus, lumini fidei veræ semper consentaneis, suissem testatus fidem meam vivens; & utinam possem illam moriens cruentâ morte testari per te factus dives in fide, dives in spe, dives in charitate ô dives in omnes Deus! Da mihi, ut assequar beatum illum præcepti finem, qui est charitas de corde puro, & conscientiâ bonâ, & fide non fictâ. Da, ut sim justus tuus, quia justus tuus ex fide vivit, in spe vivit, in charitate vivit. Sperat justus in morte sua; sed per mortem tuam Crucifixe JESU!

O Mater Dei, per pretiosissimam mortem tuam,
& illos actus amoris Dei, quos tunc eliciisti; per
omnem misericordiam, quâ ulli succurrissi; me-
mento mei nunc, & tunc. Gere curam mei finis;
ut tua defensione munitus ingrediar beatam æter-
tinatem. Experiar te Matrem pulchræ dilectionis,
& timoris, & agnitionis, & sanctæ spei. In te, post
JESUM, est gratia omnis vitæ & veritatis: in te
omnis spes vitæ & virtutis, Spiritus Filii tui, & tuus,
super mel dulcis; & hereditas illius super mel &
favum. Per te accepi gratias; per te redbo gratias:
in manus, & per manus tuas commendo & offero
spiritum meum Deo meo; ut illum videam, videam,
videam; amem, amem, amem, æternum!

Sit spes mea in JESUM Filium tuum, salvan-
tem me. Qui timet illum, nihil trepidabit, &
non pavebit: quoniam ipse est spes ejus. Ti-
mentis illum beata est anima ejus. O JESU, ro-
go te per JESUM; ô JESU, & MARIA, rogo vos
per SSS. Trinitatem: ô SSS. TRINITAS,
rogo te per amorem, quo JESUM, quo MARIAM,
quo te amas; miserere mei, ut felix moriar, ad
majorem tuam gloriam, & amorem; ut vos a-
mem æternum!

Pro indulgentius identidem repetendum. Amo Te,
& ideò doleo quod Te offenderim, Deus meus,
Bonitas infinita! JESUS, MARIA, JESUS,
MARIA:

C O M P E N D I U M
T H E O L O G I A E C Æ L E S T I S ,
sive

Aspirationes ad impetrandam à Deo gratiā
de spiritualibus rebus persanctè colloquendi;
cùm DEO id apprimè sit gratum.

Finis Auctoris hujus anni Calestis fuit, ut materiam præberet Lectori pro oratione mentali, & pro spiritualibus colloquijs, qua duo sunt præsentissima præsidia ad optimam præparationem pro morte felicissimè obœunda. Hac Theologia, sive de DEO locutio aut sermo, discenda in Academia cœlesti; docetq; nos amare DEV.M. Nam & sapè, & libenter loquimur de eo, quem amamus & inflammamur sapè loquendo. Optimos Theologos nos faciet Magister IESVS, DEL Mater, ac omnes Theologi Sancti & Sancta DEI; quorum exemplo ac ope, discamus esse Theophili atque Theologi, sic ergo licet adspirare ad illos pro illa gratia obtinenda: In singulos menses v. g. unius diei, poterit esse usui una ex his Aspirationibus, qua sequuntur:

I. Chriſte mi JESU, cujus tota post resurrectionem tuam vita erat, ut cœlestem de divinis rebus loquendi Theologiam doceres Apostolos, apparenſeis, & loquens de regno DEI, qui S. Gertrudis labiis nomen JESU justi, aureis & vivis literis impressisti, primo anni die: ac dixisti; gratissimum tibi munus fore pro novo anno, loqui de te. Reple os meum laude tuâ, verbis illis, quæ maximè tibi placent: doce me loqui de te!

II. S. Coleta V. circa quam de divinis rebus colloquenter conspecti sunt considentes duodecim Apostoli: quibus postea in cælum euntibus, tu quoque visa es in cælum attolli. O sancti Apostoli, quandoquidem ita placent DEo, ac Cælitibus pia colloquia, erudite linguam meam. S. Coleta, impetra mihi cor & linguam plenam DEo: linguam, quæ me, ac eos quibuscum loquier, in cælum vechat, non præcipitet in infernum!

III. S. Aldetrudis V. super cuius labia lucidi è cælo mellis favus est visus. Impetra mihi è cælo rorem lucidi mellis; ut diffusâ in labiis meis gratiâ multos alliciam ad dulcissimum DEum meum!

IV. S. Bonaventura, qui conspectâ post triginta duos annos adhuc integrâ S. Antonii de Padua linguâ, dulcissimo suspirio exclamâsti: O beata lingua, que non nisi de divinis, novit texere sermonem! Impetra mihi tale cor, talem linguam!

V. S. Enthymi Abba, qui ubi S. Cyrilli os divino quodam succo ter unxisti, eum facundum ad cælestia reddidisti. O sancte Euthymi, & S. Cyrille, facite, ut lingua mea, sit lingua eucharis, venusta, facunda in Theologia cælesti, ut eructet cor meum verbum bonum, plenum succo cælesti!

VI. S. Joannes Abba Reomanensis, qui postquam ad sepulchrum tuum, muto linguæ usum restituisti, dixit ille postea, igniculum quendam instar stellæ ardoris, è sepulchro tuo prodeuntem, claustrum sui oris, istu validissimo percussisse. Impetra cordi, & linguæ meæ illum igniculum instar stellæ ardoris, qui os meum validissimo istu percellat, & inde recedere jubeat verba illa, quæ DEo dispiacent, inferat illa, quæ pla-

placent: ut cum Augustino omne meum cum DEo,
ac de DEo colloquium sit sacrificium de manu lin-
gue; dicatque DEo: Te laudet anima mea, ut
amet Te!

VII. S. MARIA, magistra, & cum DEo, & de Deo
quam optimè colloquendi, quæ tuo sacerdoti,
linguae ab hæreticis ademptæ loco, novam linguam
dedisti. Insere in cor, & os meum linguam novam,
sanctam, cuius igneum sit de DEo, de Te, de Sanctis,
eloquium vehementer: sicut S. Bernardino tuo te-
ste, tanta tibi erat dulcedo charitatis, & amoris DEI,
ut nihil potueris loqui, nisi de amore DEI, sit lingua
mea, cordis, oris, linguae tuæ discipula, filia, &
ancilla!

VIII. S. Sebastiane M. qui cùm de divinis rebus
colloquereris, visus es ex aperto Angeli coram te li-
bro dicere omnia, quæ dicebas. Ex libro dæmonis
de promunt foeda illa verba, quæ loquuntur linguae
immundæ. Tu pro me ora, ut mea colloquia talia
sint, tanquam ea ex aperto Angeli mei custodis
libro pronuntiem!

IX. S. Charalampi M. cui dixit vox è cælo audi-
ta: Terræ lampas es, mæq; alloquio dignus: Sit
sermo tuus medicina agrotantibus. Misit olim DEus
verbum suum, & sanavit eos, qui ab ignitis ser-
pentibus erant læsi, & eripuit eos de interitionibus
eorum. Ora pro me, ut mittat per os & linguam
meam verbum suum DEus, & sanet ab interitioni-
bus suis eos, quos inferni serpentes ignei momor-
derunt!

X. S. Agnes V. M. cuius de divinis rebus loquen-
tis verba omnia Christus charactere aureo & longè

latèque splendente scripta ostendit, visumque est,
in manu tua thuribulum aureum gemmis distin-
ctum, symbolum pretiosi cordis tui, & verborum,
DEi amore ardentium. Doce me sic loqui de divi-
nis, ut cor meum, ac lingua plena sint DEo;
& verba mea digna sint scribi auro puro in libro
amoris DEi!

XI. Magister JESU, qui Sanctæ tuæ Gertrudi
petenti, quomodò *summam dilectionem in opere de-*
mōnstrare deberet; respondisti: Pasce cor tuum
divinis meditationibus, *os tuum salutaribus locutioni-*
bis; oculos tuos sacris lectionibus, aures tuas uti-
libus admonitionibus, manus tuas continua exer-
citationibus. Nam quoties horum unicuiq; studue-
ris, hoc semper fuscipiam *pro summa exhibitione di-*
lectionis. Scio, Domine, quòd non omnis qui dicit ti-
bi, Domine, Domine, intrabit in regnum cælorum,
neq; qui loquitur tantùm, sed qui & facit, ille tibi
acceptus est; tamen tuum est facere, ut faciam id,
quod placet: tuum, ut dicam id, quod tibi placet
ita, ut quicquid ago, & quicquid loquor, sit ad te,
& de te, amore tui, *pro summa exhibitione dilec-*
tionis. Fac, ut toto corde imbibam, & exequar
id, quod nos aureo Augustini tui calamo docu-
isti: Audite auribus, accipite mentibus, ait ille,
Ergo & verba, opera sunt? plane ita est. Nam prefecto
qui proximum loquendo adificat, bonum opus opera-
tur. Tuum est illud: *ex verbis tuis justificaberis,* &
ex verbis tuis condemnaberis. Fac, ut deinceps nun-
quam te offendat, & plus quam unquam Te offen-
derit, serviat Tibi os meum, sitq; ancilla tuæ gloriæ
lingua mea! nam sicut sermo vanus citò polluit,

sic divinus mundat mentem; & facile agitur, quod libenter dicitur, ac auditur!

XII. S. Catharina Senensis, quæ Confessario tuo, tecum de divinis rebus colloquenti, impetrâsti, ut illo colloquio inflammatus, in affluentissimas puræ contritionis lacrymas effunderetur, quam tu *Bullam indulgentia plenaria*, à DEo illi concessæ, vocabas. Doce me ita loqui, & audire cælestia, ut inflammer; & colliquescam doloris victima, & amoris!

S. Catharina Senensis, quæ inter pia cum eodem colloquia ab eodem visa es Christo, pro ut pingitur, toto vultu esse simillima: eique attonito dixisti: *Ille te afficit, qui est.* Loquere cordi meo: doce linguam meam sic de DEo loqui, ut Christus illuminet vultum suum super me, siamq; illi sanctâ imitatione simillimus!

S. Catharina Senensis, quæ divino amore absorpta: corde disrupto atque aperto expirâsti, & post quatuor horas resurgens, dixisti te vidisse DEum, gloriam Beatorum, ac damnatorum, purgatoriis tormenta, & Christum tibi colloquiorum materiam suggesterentem audisse. Expende nunc, & vide quantâ gloriâ se privent ii, qui meis præceptis non obtemperant; & quomodò plectantur. Vade, ad illos revertere, ut illes hac doceas. *Ego ero semper tecum.* ita de novissimis locuta; plures inflammâsti sanctis colloquiis, suggere cordi, & linguae meæ viva illa verba æternitatis!

XIII. S. Francisce, à Seraphino crucifixo vulnerata; qui latentem in corde amoris ignem linguâ probebas, ad Deū, vel de Deo semper loquens, & ut cæ-

lestè hoc idioma tuos filios doceres, cum illis perspè de rebus cælestibus disserebas: quo in colloquio apparuit in medio cætūs illius tecum de D^Eo colloquentis venusto aspectu amabilis adolescens J^Esus; & omnibus benè precatus, datâ benedictiōne ostendit, quantoperè illâ tuâ, tuorumque de piis rebus collocutione delectaretur. Qui etiam alias de aliis quibusdam servis suis acerbè queri auditus est, quòd cùm essent facundi ad alia, & valdè effusi, ad loquendum de pietate vix os aperirent: O sancte mi Seraphici cordis & linguae vir, impetra mihi linguam eruditam ad sermones Dei; ut cogitationum, & colloquiiorum meorum amabile thema sit super omnia. D^Eus meus & omnia, quandoquidem ille queritur de iis, qui de illo tacent; iis delectatur, ac benedicat, qui piis ferendis colloquiis sunt addicti!

XIV. S. Maria Magdalena, quæ dilexisti multum, ideo didicisti de amore D^Ei multum & cogitare, & loqui, & audire, sedens ad pedes loquentis J^Esu, cuius cor igneum ostensum est S. Mechtildi: & illa divinitus est edocta, in eo, qui ardet divino amore successus, omnia, quæ cogitat, agit, & loquitur, (velut ligna flammarum injecta) in amoris ignem commutari, & sic divini amoris ignem angeri, fierique igneam animam illam totam. Impetra ignem illam animæ meæ, ut è corde igneo, lingua ignea, ignea verba depromat!

XV. O vivum æterni Patris Verbum in carne, D^Eus J^Esu! qui dulcissimi infantis specie conspectus es à B. Dorothea Ferrariensi, benedicens illis, ac blandiens animabus illis, quæ de rebus spiritualibus loque-

loquebantur: & visus es non sine iræ significacione averti, atque abire, cùm à spiritualib[us] ad vana colloquia diverterent. Fac, ut ea loquar, quæ tibi summè placent; ut te delectem iis, quæ cogito, quæ loquor, & quæ ago!

XVI. SS. Joannes, & Paule, MM. fratres germani, disertissimi ad sermones de DEo serendos, unde canit de vobis Ecclesia: *Lingue eorum claves celi factæ sunt.* Facite, ut exemplo & verbo sic loquar, ut per sancta exempla, & pia colloquia, lingua mea fiat *clavis celi*: sicut multæ pessima loquentium linguae multis fiunt claves inferni!

XVII. S. Genesi M. qui inter tormenta de DEo loquens, ajebas: *Christum mihi de ore, Christum mihi de corde, auferre non poteritis.* Fac, ut audeam pia colloquia ferere: neque sinam mihi *Christum de ore*, Christum de corde auferri ullis humanis respectibus!

XVIII. S. Scholastica V. quæ cum S. Benedicto fratre tuo totum diem duxisti, in *DEI laudibus*, *sacrisque colloquijs*, usq; dum tenebræ incumberent inter *sacra colloquia*: quorum tu adhuc avida, densum imbrem à DEo impetrâsti, ne ille à te posset discedere: sive factum est, ut totam noctem pervigilem duceretis, atque per *sacra spiritualis vita colloquia vos satiaretis*. Impetrare mihi illam divinorum colloquiorum famem, ac sitim: impetrare tales socios, qui me accendant, & à quibus accendar, tollite omnia, quæ me impedire possunt, ne id faciam, quod in vobis adeò placeuit DEo, ut id miraculo fuerit contestatus!

S. Scholastica Virgo, cuius animam post tri-

dnum

duum à sancto illo colloquio, vedit S. Benedictus egressam de corpore tuo, in columba specie, cali secreta penetrare. Impetra mihi à DEo cor tuum, linguam tuam, pro felici præparatione ad mortem: ut ea cogitem, loquar, faciam, quæ cogitarem, loquerer, facerem, si scirem mihi post triduum esse moriendum!

XIX. SS. Crispine, & Crispiniane, Romani nobiles, qui sedentariam futorum artem idcirco didicistis, ut sacris de Christo colloquiis plures ad Christum converteretis, postea Martyres gloriosi. Facite, ut cor meum, & lingua mea serviat Christo meo: ut multos ad illum ad gaudia æterna perducam. Impetrare mihi à Deo id, quod olim æternum cœli gaudium meditans, S. Anselmus petebat sibi concedi; niempe artem de illo sanctè, sanctèque loquendi. Meditetur mens mea, loquatur inde lingua mea. Amet illud cor meum: sermocinetur os meum! & S. Laurentius Justinianus experiebatur, ita DEo loquens: Mens mea tuo saluberrimo amore succensa tibi spirans, nihil habet dulce, nisi de te loqui, de tua charitate audire. Nam tuus amor cordis palato sapit, ideo jucundè eum pronuntio dilectoribus tuis. Si linguis hominum loquar & Angelorum, parum loquar. O SS. Martyres, ô S. Anselme, ô S. Laurenti, facite, ut amem, ut amem DEum, amem ex toto corde meo, ex tota anima mea, ex tota mente mea, ex omnibus viribus meis, ex tota fortitudine mea, ita facietis, ut de DEo, ac de amore DEi exemplo vestro loquar ex toto corde meo, ex tota anima mea, ex tota mente mea, ex omnibus viribus meis, & ex tota fortitudine mea. Nam, ut ajebat sanctus Johannes Chrysostomus, hoc veri amoris natura facit,

ut iij, qui nobis chari sunt, semper in ore nostro, ac lingua versentur. Amem ergo DEum, & loquar ex amore DEi!

XX. S. Joannes de Matha, qui moriens illam seram; quā labia tua claudere solebas, discipulis tuis legāsti, tanquam hæreditatem sanctam. Impetra ostio oris mei auream divini amoris seram: ut claudatur ad vana & inepta, aperiatur ad ea, quæ alendo divini amoris igni sunt opportuna!

XXI. S. Frodoberte Abba, qui, dum Spiritu sancto plenus, cum hospite quopiam fructuosum, ac spirituale colloquium sereres, audivisti Angelorum chorus harmonicā suavitate ineffabilique concentus, celestes hymnos, ad SS. Trinitatis gloriam, concinantes. Effice efficacissimis tuis precibus, ut benē sciam & exercem hanc artem delectandi DEum & Angelos, ad fructuosa & spiritualia colloquia serenda, exemplo ac ope tuā incitatus.

XXII. S. Nile Abba, qui venientibus ad te Cæsareæ aulæ optimatibus, pia cum illis de paucitate salvandorum colloquia miscuisti & id Christi, ac Sanctorum idem dicentiū, auctoritate conformans, illos DEi timore concusso, monuisti tandem pro compendio pii colloquii: *Nisi virtute præditi fueritis & magnâ virtute præditi, nullus vos liberabit à pœnis inferni.* Suggere cordi, & linguae meæ, cogitationes, ac verba ignea, ut his caleant mea colloquia, quæ ad æternitatem paucorum serio quærendam inflammet me, ac eos, qui audiunt me!

XXIII. S. Joannes Calybeta, nobilissime adolescens, qui uno hospitis ascetæ pio colloquio ad æternæ incensus, postea à JESU visitatus, admirabile he-

roicarum virtutum exemplum, in domo paterna
ignotus & contemptus præbuisti; neque nisi ex-
tremo vitæ die aperuisti patri ac matri, quis esses:
post mortem quoq; à DEo miraculis honoratus.
O felix illa scintilla primi spiritualis colloquii, quæ
deinde in tantum divini amoris incendium exar-
sit! eruði tuis illis ignibus lingua meam!

XXIV. S. Augustine, qui à sancta lectione ad
sancta cum Alipio miscenda colloquia incalescens,
cumque accendens, atque ab eo vicissim accensus,
narratis & auditis Cælitum exemplis adeò exarsisti,
ut clamares ad DEum: *Sagittaveras tu cor nostrum*
charitate tua; & gestabamus verba tua transfixa
visceribus, & exempla servorum tuorum, quos de ni-
gris lucidos, & de mortuis vivos feceras, congesta in
sinum cogitationis nostra, urebant & consumebant
gravem torporem, ne in ima vergeremus; & accende-
bant nos valide. Postea & cum S. Monica matre tua
colloquebaris valde dulciter, qualis futura esset vita
eterna Sanctorum: & ascendebatis, cogitando, &
loquendo DEum: & dum loqueremini, attigistis vi-
tam illam, modicè, toto ictu cordis, unde dicebas
DEo: *Domine, tu sis, quod illo die, cum talia lo-*
queremur, mundus iste nobis inter verba vilesceret,
cum omnibus delectationibus suis. O sancte fili, ô san-
cta mater, obtineti mihi à Deo tales ictus cordis,
tales ardores, talia colloquia, inter quæ mihi, & iis
quibuscum loquor, dulcescat pretiosus Deus, & vi-
lescat mundus cum omnibus delectationibus suis.
Tu de amore Dei loquendum esse sugerens, ajebas
lectori tuo: *Rape ad Deum tecum, quos potes.* & dic
eis: *Hunc amemus, hunc amemus.* Dic eis ista: & sic eos

rape

rape tecum ad D^EV M, quia de spiritu ejus hac dicit
eis, si dicis, ardens igne charitatis.

S. Augustine, impetra mihi, quod olim pro te
petiisti; Præsentissime, & pulcherrime D^Eus, quid
dicit aliquis, cùm de te dicit? Et va tacentibus de te?
Quid mihi es: Miserere, ut lsquar. O quam libenter
me tuis laudibus totus effunderem, suppliciter rogo, ut
non respicias tantum ad id, quod modo dico, sed ad id,
quod dicere opto. Cupio enim desiderio magno de te elo-
qui, quod oportet, Et decet. Amo te D^Eus meus; amo-
re magno, magisque te amare cupio: ut totus dulcedine
tui amoris plenus, totus flammam charitatis tua succen-
sus, diligam te D^Eum ex toto corde meo, totisque me-
dullis præcordiorum meorum, habens te in corde, in ore,
Et pra oculis semper Et ubique.

S. Augustine, qui ad cælestia de divino amore
colloquia omnes aceendens, dicebas, & scribebas:
Quod agis tecum, id agendum cum proximo est: hoc est,
ut etiam ipse perfecto amore diligit D^Eum. Age, san-
cte mi, ut hoc agam, ita fiet, ut etiam dum loquor,
agam aliquid, quod placeat D^EO, & quod proficit
proximo, dilecto propter D^Eum!

XXV. S. Joannes Chrysostome, à cuius colloquiis
überimæ profluebant lacrymæ, ex oculis audien-
tium, qui semper in tuo conclavi habebas pietatem
inferni imaginem, sæpè de inferno, ac de rebus DEi
loquebaris, idemque aliis persuadebas, dum ita di-
ceres, & scriberes: Nihil est aque utile, ac de gehenna
differere, nullus ex ijs, qui gehennam habet ante oculos,
incident in gehennam. Nihil ita gratum est D^EO, Et ita
cura, ut animarum salus. Pra omnibus alijs vita hu-
ies curis, de salute animarum loquamur proximis.
fua-

suadebas item ad mensam spiritualia colloquia. Rogamus charitatem vestram, ut dictorum situs mores; & una cum sensibili mensa, cum hinc abieritis, apponite & spiritualem mensam, & dicat vir aliquis eorum, qua nunc hic sunt dicta: audiam autem mulier, discant pueri, discant & familiares; statque domus Ecclesia; ut effugetur diabolus. Et alibi: Semper lingua tua de judicio loquatur: de illis supplicijs loquatur; ut tremenda timens judicia, se ipsa melior fiat. Doce me sic sentire, ac loqui!

XXVI. B. Nile Ep. M. pro Christo igne consumpte, cuius apophagma erat illud: Sanctorum gaudie colloquio. Beatus, à cuius lingua lex non recedat! ab hujus enim tabernaculo Deus non separabitur. Inscribe cordi ac linguae meæ igneam DEI legem; ut de illa cogitet, ac loquatur!

XXVII. B. Ignati Conf. qui de DEo etiam rudibus libenter loquebaris, & colloquio hanc coronidem imponebas: Amate DEum ex toto corde, ex tota anima, & ex tota voluntate, cuius nomen, qui ignorabant, nominiis tui loco dicebant: ille Pater, qui calum tam sapè aspicit; & de DEO loquitur tam libenter. Qui inter prima regularum rudimenta tuis filiis legem hanc præscripsisti, ut purum, & amore DEI flagrans peccatus perpetuò custodirent; & cum Deo, ac de Deo sermocinarentur, evitatis semper ius, quo ad animarum progressum, bonumq; non facerent. Qui ajebas, te cum nullo mortalium, seu bonus illèsit, seu pessimus; unquam sermonem de DEo contulisse, quin inde plurimum emolumenti acceperis: cuius cœlestibus colloquiis accensus Xaverius, alatum illud æternæ vitæ axioma: Quid prodest homini

si mundum universum lucretur, anima verò sua detrimentum patiatur? & ut se amore Dei ubique pervincere assuesceret; menti impressit, aliosque idem in familiari colloquitione docens, id se à te didicisse, ajebat. Incende cor meum tuis flammis, & impetra cordi ac lingvæ meæ illum spiritualium colloquiorum magistrum, qui tibi in tuo cubiculo Romæ in igneis lingvis apparuit, cuius instinctu scripsisti filii tuis, ut curent, etiam privatis proximum piis colloquiis ad meliora promovere. Et: E-niti debent, in colloquiis spiritualibus, ad majorem utilitatem proximorum, ac exemplo tuo Xaverius, Faber, deinde B. Borgia, B. Aloysius, B. Stanislaus, & alii, admirabiles fuere ad loquendum de Dèo, & accendenda corda ignito eloquio vehementer. Fac me ita sentire de Deo, uti tu & illi; ita loqui, uti ta & illi!

XXVIII. S. Cæcilia, cordis & oris Angelici Virgo Martyr, cuius cor igne cœlesti ardebat; ideoque nequo diebus, neque noctibus cessabas à colloquiu divinis & oratione, Evangelium Christi semper gerens in pectore, unde eructabat cor tuum verbum bonum. Imple cor meum igne illo, lingvam prunis illis ardentibus; ut flagrantissimo studio loquar cum Deo & de Deo, in oratione, atq; colloquiis divinis, ut amem Deum cogitatione, verbo, & opere!

XXIX. S. Ambrosi, in cuius infantis ore examen apum confesuisse dicitur, unde melleo illo tuo rore plenus, Augustinum non tantum concionibus, verum & privatis tuis colloquiis convertisti, da cordi & linguae meæ melleam, & cœlestem illam vim & efficacitatem in congressu, familiarique colloquio,

im-

impetra mihi spiritum labiorum à Dei amore profectum: ut sermones mei sint, quasi sermones Dei, per me loquentis: ut auditorem flectam, ad quod efficiendum Spiritus Sanctus uitetur lingvâ hominu, quasi quodam instrumento: ipse autem est, qui perficit operationem interioris. Impetra cordi & lingvæ meæ, ut sint instrumenta Spiritus Sancti; ut fuit tua lingvâ!

XXX. S. Birgitta, quæ virum tuum ad virtutem piis colloquiis, efficacibus verbis adhortata, postea iisdem Romæ plurimos ad amorem divinum vehementer accendisti, cui beatissima Virgo dixit: Humilitas veræ contritionis inducit hominem in cor Dei, & in colloquium spirituale. Impetra cordi & ori meo cogitationes igneas, & verba efficacia, quibus plurimos ad amorem Dei vehementer accendam, impetra mihi à JESU Rege, & à MARIA, Matre humilium, humilitatem illam, quæ me inducat in cor Dei, & in colloquium spirituale: cùm Spiritus ille, qui nos de Deo lingvis igneis loqui docet, non requiescat, nisi super humiles corde. Venit ille in lingvis igneis, ut ait Bernardus, ut Apostoli verba ignea loquerentur, & legem igneam lingua ignea predicarent. Impetra mihi cinerem veræ humilitatis, sub quo ignis iste lateat & servetur, ut in me ardens, alios accendat!

XXXI. S. Benedicte, qui Placidum tuum spiritualibus colloquiis eruditum vocabas fructum labiorum tuorum: & auditio ejus martyrio, gratias Deo agens, dicebas: Gratias tibi nunc promo, cunctorum vita, salusque, qui fructum labiorum meorum, dilectissimum Placidum, singularem & unicum mei pectoris filium, ad tuum fecisti descendere solium.

Im-

Impetra mihi à DEo, ut diffusâ in labiis meis ejus gratiâ, ea loquar, quæ non sint sterilia, sed in iis, qui- buscum colloquor, pretiosum labiorum meorum fructum ferant; & fructus ille maneat, sitq; DEo meo gratissimus!

XXXII. S. Pancrati Ep. M. qui cùm loquereris cælestia suavissimis mellitissima lingua verbis, dicebaris ignes ore jaculari; Jaculare in cor meum ignes illos: & imple cor ac os meum suavissimis mellitissima lingua verbis; ut omnes ad DEUM traham!

XXXIII. S. Niceta, qui non nisi de divinis volebas texi sermonem, facetiis, à Religioso tuorum contubernio planè proscriptis; cùm diceres: *Hac enim odit Spiritus sanctus* Impetra mihi, ut ea & agam, & loquar, quæ Spiritus sanctus amat; oderim, quæ ille odit!

XXXIV. S. Ursula V. M. quæ cum datas tibi comites, in divini amoris observantiâ p̄ijs exhortationibus erudires, illæ corda cum manibus in calum levantes, te audiebant. Incende me quoque, ut sic loquar, & sic audiar; & sic audiam alios de divino amore loquentes, ut alii ab aliis ardeamus; & ea quæ loquimur, opere expleamus, atque ac corda cum manibus in calum levemus!

Plura de his suppeditat: *Annus Cœlestis, Annus meditationum cordis; Diurnum di- vini authoris, Et menses amoris DEI.*

Quia spes est libellos hos in plurium felicem mortem-
serio exoptantium manus venturos, adjicere placuit ge-
minum hoc faciens praesidium; alterum commune Chris-
tianus omnibus, alterum ad solos spectans Sacerdotes,
utrumque auctoritate publicâ & multorum usu com-
probatum.

FOEDUS ANGELICUM.

Coaluit non ita pridem piorum hominum societas,
ope, operaque Angelorum tutelarium, beatam sibi invi-
cem mortem expetentium, his adjungi volenti, hac
tria praestanda sunt, sine tamen obligatione vel minimi
peccati.

Primò decernes; quotannis semel, in eorundem ho-
norem, ad sacram synaxin accedere; ut tibi & foederatu-
s omnibus ipsos concilis in horam mortis, id tacite fi-
eri posset, post acceptum panem caelestem hâc utendo

FORMULA.

Mi amantissime & humanissime Angele, custos
corporis & animæ meæ, cuius me tutelæ com-
misit bonus Deus omni tempore; sed potissimum
in vitæ meæ termino. Doleo ex animo; quod tibi
usque eò ingratus haec tenus vixerim: ideoque, in
conspictu divinæ Majestatis, sanctè nunc statuo ac-
decerno, te, cuius praesidio, secundùm JESUM & MA-
RIAM, felicem ex hac vita discessum præcipue spe-
ro, religiosius deinceps colere, impensiusq; revo-
reri & amare. Unicè deinde id à te peto, quod tu
unicè mihi præstare desideras: ad sis mihi in hora
mortis meæ, omnibusq; eum in finē mihi foederatis.
Ad hoc obtinendū, propono firmiter, (1) semel mi-
nimum per annum, honori tuo, sacrosancto Christi
pasci corpore: (2) sacellum quoque aut imaginem
tuam

tuam piè visere: (3) quotidie piarum tibi precum certum pensum persolvere. Exaudi me, quem tantopere diligis: confirma me in prælio isto supremo, unde salus mea æterna dependet: deduc me ad cælum; quia ad hoc duxtor mihi datus es. Amen.

Secundò statues, semel saltēm quotannis visere locum, in quo erit imago Angelis Custodis: aut si nullus ibi calis, ubi moraris, adire facillum, aut imaginem B. Virginis, quam honorabis, uti Reginam Angelorum.

Tertiò propones, ad impetrandum gratiam bene moriendi, quotidie semel recitare Officium parvum, vel Litanias de SS. Angelis, aut Protestationes S. Caroli, aut (subjuncta oratione Dominica, ac Salutatione Angelica) preculam sequentem:

Angele DEi, quem singularis DEi providentia meum custodem esse voluit, illumina me, protege me, deduc me, & omnes mihi foedere conjunctos, in via æternitatis felicis, & in hunc finem subveni nobis in horâ mortis nostræ. Amen.

Qui nescit legere, dicet quotidie & Pater & Ave in honorem SS. Angelorum, ad exorandum foederatus in orbe omnibus eorum in momentum ultimum praesens & singulare subsidium.

Si cui haec minus probentur, is minimum in sacrificio Misse, dum sacra hostia attollitar, dicet: MI Deus, in manus tuas commendo animam meam, & animas omnium foederatorum meorum, suscipe illas in hora mortis nostræ,

De hoc argumento (Deo benè propitio) vulgabuntur propediem libelli ubiores, habe nunc tibi hoc quoque loci, directas ad S. Angelum Custodem pro preparacione ad felicem mortem obeundam, ab innumeris quotidie recitari solitas pulcherrimas.

PROTESTATIONESS.CAROLI CARDINALIS BOROMÆI.

I. In nomine sanctissimæ Trinitatis, Patris, Filii,
& Spiritus sancti, ego infelix & miser peccator, protestor in præsentia tua, ô Angele Dei, assignate mihi à divina sua majestate pro ductore, cùm primùm natus sum, velle & desiderare me mori in ea sola, vera, & Catholica fide, quam sancta Romana & Apostolica tenet & profitetur Ecclesia, & in qua omnes Sancti, quotquot fuerunt unquam uspiam, mortui sunt; nec desidero diutius vivere, quam placeat DEo meo, cui omnem meam voluntatem integrè & ex toto subjicio.

II. Protestor etiam, ô Angele DEi, desiderare & velle me sub tua sancta custodia ac protectione, discedere ex hac vita, cum spe divinæ misericordiæ, sine ulla titubatione in fide; non obstante quacunq; multitudine & gravitate peccatorum meorum, certò sciens ac firmissimè credens, etiam unam solam guttam pretiosissimi Sanguinis Domini Nostri JESU Christi sufficienter futuram fuisse, non solum me salvandi, sed universum etiam genus humanum, quin & mille mundos, si ita placitum fuisset divinæ suæ majestati.

III. Si-

III. Similiter protestor, ô Angele sancte, petere
quæ ex intimo corde, participem fieri misericordiæ
Redemptoris & Domini nostri JESU, remissio-
nemque omnium peccatorum meorum consequi,
scientem, quod ipse eam nulli peccatori, quantum-
vis gravi & abominabili, neget ritè contrito & con-
fesso: idque per & propter merita amarissimæ suæ
passionis & mortis, & virtutem pretiosissimi San-
gvinis sui, pro me indignissimo in ligno Crucis eo-
piosè effusè; per merita demùm sanctissimæ Ma-
tris suæ, Virginisque MARIAE, & omnium Sancto-
rum & Angelorum.

IV. Iterùm protestor, sanctissime mi Custos sup-
plicare me divinæ pietati, ut dignetur me recipere
in numerum eorum, quos ab æterno prædestinavit
in suam gloriam; etiamsi oportet me pati ob pec-
cata mea in purgatorio ad novissimum usque Ju-
dicii diem, dummodò tandem, per ipsius infinitam
misericordiam, consequar vitam æternam.

V. Sanctissime & vigilantissime Custos, protestor
demùm, constituere me, te Procuratorem Testa-
menti ultimæque voluntatis animæ meæ, ad impe-
trandum mihi, à Domino meo JEsu, tres grati-
as. Prima est, ut mihi docet unum solùm lacry-
mosum suspirium, ex infinitis illis, quæ habuit ipse,
dum per tres horas vivus fuit in Cruce, quorum
efficaciâ & virtute, mitigentur lacrymabiles illi
singultus cordisque pressuræ & angustiæ, quibus
in hora mortis affligar. Et ut glorioissima Mater
Dei MARIA dignetur me vel unico etiam aspectu,
ex iis, quos ipsa sub Cruce stans habuit, defigendo
in unicum Filium suum virgineos oculos, susci-

piendo me in eorum numerum, qui ejus precibus & meritis, in die judicii, obtinebunt salutem & vitam sempiternam. Altera gratia est, ut tu, fidelissime Custos meus, in illa potissimum hora mihi succuras, quando anima mea separabitur à corpore meo; ut inveniam benignum Judicem, merito flagrantissimæ illius charitatis, quâ paternum ipsius pectus in Cruce fuit inflammatum pro salute peccatorum. Ultima demum gratia est, ut tu idem piissime Custos meus, animam meam tibi habeas commendatam, eamque de ergastulo corporis egressam, dexteræ tuæ potentiam, Redemptori meo offeras; ut eum unâ tecum, & cum Sanctis omnibus, in cæli gaudiis videam, perfectè amem, eoque æternaliter fruar, cui sit laus, honor & gloria in omnem æternitatem. Amen.

Oratio ad S. Angelum Custodem.

O Bsecro te, Angelice spiritus, Custos ac Tutor meus fidelis, ut me custodias ac protectioni tuæ ex divina bonitate commissum, in via pacis, prosperitatis & salutis hodie semperque dirigas; atque ab omni spiritu malo, gravique tentatione defendas.

Nôsti, mi dulcissime Custos, qui conditus sum ad Dei ipsius, nostri Creatoris imaginem; redemptus quoque pretio tam magno id est, Christi Sangvine; de potestate satanæ; Tibi verò Dei providentiâ in curam & tutelam traditus; & quorsum hæc omnia? nisi, ut non perderet hostis invidia, quem tanta circumdat Dei bonitas & clementia.

Ad-

Adsistē tu ergo mihi fidei custodiā, ne frustren-tur in me tanta divinæ bonitatis insignia. Rogo te, charissime Angele, per amorem clementissimi Dei, quo, cæteris Angelis reprobis de fastigio felicitatis suæ per superbiam corruentibus, tu unā cum bonis in gratia & gloria servatus es; precor, inquam, ut & ego te favente & curante sentiam efficax Dei auxilium, quo server à lapsu & periculis, in gratia vero, bonisque operibus, & Dei Creatoris mei cultu & amore constans permaneam; donec ad visionem ejus in cælesti patria perveniam, eumque unā tecum, & cum Sanctis omnibus, laudem per omnia sæcula. Amen.

Angele Dei, qui custos es mei, me tibi commis-sum pietate supernâ hodie illumina, custodi, rege, & gubernā. Amen.

Exsolvo promissum, & subiecto alterum Sacerdotum aliquot ad impetrandum sibi mutuis conatibus, IESV morientis amorem & felicem obitum.

PIUM FOEDUS.

Cum duo sint principes Sacerdotii functiones, altera efficiendi ex conceptis verbis, ac sumendi Corporis & Sanginis IESV Christi, altera pœnitentij ritè ab solvendis videntur inde Sacerdotes ad duo præsertim urges.

Primum est, ut præcipuo quodam per cæteris amore ferantur erga IESVM, eumque in oculis gerant, quem stupente ad beneficium magnitudinem calo, toties excipiunt manibus; sancteque depereant, atque intimo sinu foveant suavissimum illum non tantum sui pectoris hospitem, sed velut fructum labiorum

Te fuorum

suorum, & partum oris sui, Deum verbo enitentis, ad imitationem propè Patris eterni, & Immaculatae B. MARIÆ Virginis; qua & ipsa verbo Verbum Dei concepit. Neque id tantum ex primo Sacerdotij munere sequitur; sed quod proximum & affine est, nec ab amore Christi discreturn, ut nimurum tenerrimo pietatis sensu duci studeant erga sanctissimam ejus Passionem ac mortem, quam & divina charitatis apicem norunt, & ipsi tories ex officio velut in scandent exhibitione viva, abst ut emortuâ fide, vel stupida ad tanta dilectionis memoriam voluntate.

Obvium vero satis est alterum illud, ad quod Sacerdotes ipso sui muneric exercitio admoniti perurgentur; videlicet, ut sibi à fôrdibus caveant, qui mundandis alijs sunt prefetti; atque ut juvandis ad pie obeundam mortem hominibus destinati, potiorem in hac re sibi curam impendant, sanctumque obitum omni sibi oratione procurent.

Id scilicet, fuit causa, cur Sacerdotes aliquot in sanctam Societatem convenerint, ut mutuas sibi praestarent operas, ad obtinendum gemina hujus gratia beneficium: quam in rem paci sunt, ut singuli singulis mensibus semel votivum de Passione Sacrum die Veneris offerant Deo pro se, iisque omnibus, qui in consociationem adoptati idem Sacrum fecerint, vel facturi sunt eo mense, aut etiam fieri ab alio curarint, vel curaruri sint, impediente morbo, quò minus id ipsi facere valeant. Quod si votivum ejusmodi Sacrum non licet eo mense, ex Rubricarum directione, facere; (ut non licet, quando Officium non est de feria, nec quando resumenda est Missa Dominica præcedentis, qua fuerit impedita, nec in feriis Adventus, Quadragesi-

ne. Quatuor Temporum, Rogationum, Vigiliarum posse erit aliud Sacrum substitui.

Porro Sacerdotibus omnibus orthodoxis sit potestas in hoc sacrum consorium concedendi: neque ad id alio ita opus est, quam ut foederatis etiam absentibus veit jungi, idemque Sacrum ipsam conditionibus facere, neque sint majoris, ut vocant; Excommunicatis censurā percussi cum pro ejusmodi Ecclesia exoribus Sacrum offerre sit nefas. Omnes autem monitos esse oportet, nullam in hac societate obligationem imponi; sed tantum eos, qui constitutum Sacrum non fecerint aliquo mense, non fore participes Sacrorum, ab alijs eodem mense factorum, instar eorum, qui patto steterint.

Quia vero tum IESV Christo gloriosus, tum singularis foederatis compendiosus futurum est fœdus, quod sociorum magis excreverit numerus; invitantur socii omnes, ut quam poterunt plurimos ad ineundam hanc societatem hortentur; ac prætereò, ut ipsi non tantum in Sacro ex pactione, statuto, sed & omnibus alijs sacrificiis, Deo studiò commendent eos omnes, qui in societatem istam convenerint eoque mense predictum Sacrum obtulerint, aut sint oblaturi, modo superius declarato. In hac verba, si lubeat, concipi potest Sacri oblatio.

Domine JESU, Filii Dei, ac Deus verè, qui te Deo Patri in pretiosam charitatis victimam & in amoris hostiam nimis amabilem obtulisti suscipe, quæso, vicissim, quod suavissimæ dilectioni tuæ rependo, non tantum impar cordis mei tibi deo-tissimi holocaustum; sed & par oblationi tuæ sa-

crifcium Corporis & Sanguinis tui sacrosancti,
 quod apparo, tibiq; totâ memoris animi devotio-
 ne offero: tum in actionem gratiarum, pro summo
 illo amore, quo acerbissimam mortem nostra cau-
 sâ subiisti; tum pro me, iisq; omnibus, qui me-
 cum fœdere sociati, Sacrum ex pætione consti-
 tutum fecerunt, vel facturi sunt hoc mense; aut
 etiam morbo impediti, fieri per alium curârunt,
 vel curabunt: ut, qui mortem ex amore nostri
 amantissimus obiisti, sanctum nobis omnibus tui
 morientis amorem, & felicem in tuæ charitatis
 amplexibus obitum concedas. Amen.

*Ad majorem DEI, DEIpare, ac San-
 ctorum omnium Gloriam, & ultimi ago-
 nis nostri solatium sanctum!*



IN-

NDICULUS IN PARTEM IV. ANNI CÆLESTIS.

A.

- A** Cetum vinum, 325.
 Adamantinus murus, 342.
 Æternitas, 227. 325.
 Agnus, 302. *bis*.
 Agon extremus, 239. 253. 282. 290. 324. 325. 329.
 333. 346.
 Alæ, 323.
 B. Aloysius, 206. 357.
 Amor erga DEum, 208. 219. 221. 227. 238. 261. 262.
 273. 286. 290. 293. 300. 301. 305. 357. 360. 303. 306.
 Amoris DEi civitas, 57.
 vexillum, 258. 261.
 Amor erga DEiparam, 302.
 Amplexus, 303. *bis*.
 Angeli, 246. 254. 285. 294. 299. 300. 303. 368.
 ibidem.
 Angeli in concione, 319.
 irati, 257.
 Animarum zelus, 294. 300. 304. 318.
 Annulus, 286.
 Annus ultimus, 265.
 Apes, 326. 328. 355.
 Aqua balsamum, 260.
 benedicta, 225. 189.
 vinum, 312.
 Aquila, 219. 315.
 Arbor, 221.

Arbor

INDICULUS

- Arbor cæli, 370.
JESU, 357.
Ardentes ægri, 308.
Ave MARIA, 286. 296. 324. 347. 351.
Aulicus, 206.
sanctus, 253. 322. 331.
Aurum, 337. 346.
Aurea camera, 240.
litera, 296.
manus, 305.
mysteria, 357.
- B.
- Balsamum ex aqua, 260.
Baptismus, 340.
B. V. amor gratus Christo, 351.
B. V. apparitio, &c. 218.
concio, 246. 364.
consilium dat, 303. 337. 347. 349. 368.
corona, 319. 367.
faces, 242.
B. V. imago, 209. 229. 344. 262. 269. 283. 296. 341.
laudanda, 290.
B. V. laborantem juvat, 244.
B. V. liber, 204. 322. 372.
pro liberandis captivis, 355.
in morte, &c. 216.
Officium, 211.
protectio, 204. bis, 222.
vita, ibid.
cum S. Ursula, 242.
Benedictio è mortuo, 367.

Cada-

PARTIS IV.

C.

- Cadaver, 308.
Cæcitas, 314. 340.
Cælum, 216. 220. 221. 236. 255. 309. 310. 321.
324. bis. 325. 330. 340. 341. 351. 354. 359.
Cælum aspice, 309.
Calamus sanctus, 291.
Calumnia, 288. 303. 311. 343.
Cancer, 320.
Canis rabidus, 309.
Canonicus, 343.
Cantus, 325. 357. 360.
Caput in manu, 213. 216. 217. 230. 232. 248. 292.
Caput inter Angelos, 265.
Castitas, 225. 253. 264. 266. 269. 272. 287. 289. 309.
302. 304. 306. 354.
S. Catharina, 307.
Cervus, 265.
Charitatis Sodales, 316.
Chrisma ē cælo, 202.
Christus minister, 236.
Christianus sum, 339. 353.
Cibus, 302. 305.
Cogitationes de amore DEi, 365.
Colloquia pia, 208. 210. 215. 248. 301. 307.
329. 365. 371.
Columba, 202. 208. 215. 227. 257. 260. 305.
313. 333.
Comes sanctus, 225. 256. 307. 331. 348.
Compendium Theologiae, 365.

INDICULUS.

- Concio, 312.
Confessio quotidiana, 268. 310. 317.
Congregatio B. V. 362.
Conjuges, 248. 300. 316.
Consilia, 306.
Consil. B. V. 259. 281. 309.
Constantia, 303. 305.
Cor, 210. 290. 291. 366.
Cor, B. V. 259. 290.
JESU, 261. 290. 295.
Cor corrossum à serpente, 260.
Corona, 203. 215. 261. 270. 274. 284. 293. 300. 313.
325.
Corona colenti B. Virginem, 350.
Corona spinea, 287.
Crucifixus 202. 208. 214. 227. 228. 343. 286. 290.
bis. 292. 310. 350. 336. 362. 372.
Vulnera, 260. 261. 300.
Crucis signum, 266. 292. 323. 325. 342.
Crux, 314.
Curiosi oculi, 271.

D.

- Dæmon, 207. 288. bis.
Dei deliciæ, 366.
Deo gratias, 207. 231. 352.
Dei nomen, 215.
præsentia, 293.
Deliciæ mortuales, 296.
Differre nocet, 213.
Draco, 301. 372.

E. Elec

PARTIS IV.

E.

- Eleemosyna, 235. 245. 250. 254. 267. 278. 279. 284.
293. 315. 316. 320. 322. 323. 327. 343. 345. 368.
373.
Episcopus, 324. 327.
Epistola, 288.
Eucharistia, 216. 305. 308. 309. 323.
Examen consc. 259.
Exemplum, 211. 213. 219. 237. 242. 320. 321.
335.
Exempla colloquentium de rebus spiritualibus, 366.
Exercitia S. Ignatii, 267.

F.

- Familia sancta, 202. 251. 252. 255. 260. 267. 269.
311. 317. 321. 333. 351. 358. 389.
Febris, 210. 228.
Feria sexta, 320.
Festum, 302. 332. 333. 363. *ibid.* 374.
Flores, 279. 280. 284. 330. 333. 360. 363.
Fons vitæ, 264. 302.
caelus, 265.
Fratres sancti, 208. 210. 230.

G.

- S. Gabriel, 251.
Gladius cœlestis, 306.
Gratiss. Deo puritas, 169.
& colloquia sancta, 366.
S. Gregorius, 291.

INDICULUS

H.

S. Hieronymus, 319.

Hortus, 233.

Humilitas, 201. 262. 291.

I.

S. Jacobus, 370.

Jaculatoriæ, 215.

JESUS puer, 286. 289. 355. 356. *bis.* 357. 360.
361. 362. 363.

S. Ignatius Loyola, 239. 296.

Item bibens, 333.

Ignis coronæ spineæ, 224.

Imago Christi, 252. 276.

Imitatio, 370.

Infernus, 217. 294.

Inspirations, 371.

S. Joannes, 238. 258. 288. 290. *bis.* 311. 363. *ibid.*

S. Joseph, 229.

Ira, 221. 266. & seq.

Judicium, 211.

L.

Labores, 216. 274. 291. 330.

Lætitia sancta, 373. 371.

S. Lambertus, 312.

Lectio. liber, 248. 258. 286. 291. 300. 301. 359.
365. 371.

Lectus, 216. 307. 342. 346.

Leo gratus, 325.

Lilia, 336. 351.

Lingua, 253. 266. 292. 304. *bis.* 320.

Litanie, 262.

Lupus, 308.

Magni-

PARTIS IV.

M.

- Magnificat, 336.
Manus, 294. 305. 355. 359.
S. Marcus, 258. 318.
Mare, 322.
S. Maria Magd. 258. 262. 305.
S. Martinus, 201. 231. 314.
S. Mater, 318. 359.
Mensa, 217.
S. Michæl, 222. 230. 321. 351.
Miles, 220. 234.
Misericordia, 253. 270. 312.
Mola spontanea, 271.
Monile charissimum, 301.
Monita, 225. 329.
Mons motus, 288. 318.
Morbus, 228.
Mors, 201. 210. bis. 241. 245. 282. 287. 348. 373.
Mors læta, 253. 265. 290. 293. 295. 312. 318. 341.
Mors res optima, 234.
Mortificatio, 227. 229. 233. 251. 267. 286. 287.
303. 308. bis. 319. 326. 328. 336. 346.
Mundus, 217.

N.

- Navis Angelica, 334.
Navis Sanctorum, 351.
Nives, 333.
Nocturna oratio, 319.
Novitia, 205. 366.

INDICULUS

O.

- Obedientia, 228.
Oculi, 204. 233. 241. 300. 318. 336. 340.
Opera loquuntur, 201.
Oratio, 202. 210. 216. 220. 221. 223. 246. 252. 263.
271. 283. 289. 293. 301. 323. 340. 368. 371.
373.
Osculum Angelicum, 371.
Osc. misericordiæ, 273.
Otium, 239.

P.

- Panis, 228. 236. 241. 279. 294. 344.
Paradisus, 330.
Parvuli, 247. 289.
Patientia, 207. 210. 273. 219. 233. 237. 252. 255.
265. 257. 260. 261. 264. 303. 320. 322. 334. 339.
352. 359. 361. 368.
S. Paulus, 286.
Pax, 214.
Peccatum, 202. 214.
Pennæ igneæ, 270. 300.
Pestis, 212. 229. 273. 316.
S. Petrus, 209.
Pœnitentia, 215. 245. 257. 261. 269. 310. 311.
322.
Prædestinatio, 201. 202. 207. 235. 247. 249. 285.
303. 363. 367.

Prunæ

PARTIS IV.

Prunæ in capite, 210.

Pulchritudo, 242. 296. 306. 308. 369.

Purgatorium, 204. 224. 228. 239. *bis.* 255. 292.
304. 307.

R.

S. Raphaël, 226. 245.

Reliquiæ Sanctorum, 202. 218. 220. 235. 241.
245. 262. 288. 291. 293. 295. 296. 300. 302. 305.
313. 329. 336. 348.

Renovatio, 286. 305. 355.

Respectus humerus, 323. 324. 325. 328.

Resuscitatus, 211. 265. 287. 295. 368.

Rete, 287.

Rex sanctus, 211. 257.

Rosæ, 240.

Rosæ B. V. 313.

S.

Sabbatum, 337. 368.

Sacerdos, 346.

Sacrifica te, 237.

Sacrum, 224. 233. 252. 255. 265. 273. *bis.* 278.
293. 297. 301. 302. 324.

Sagita

INDICULUS

- Sagittæ, 324.
Sagitta amoris DEi, 262.
Sagittâ cordis, 238.
Sancti, 211. 256.
Sanguis, 208. 238.
Scala cæli, 351.
Semen cæli, 300. 322.
Senex sanctus, 216. 254.
Sepulchrum, 330. 367.
Sepulchrum Angelorum, 237.
Seraphini, 227. 238. 295. 357. 360.
Seraphinorum cantus, 357. 360.
Serpens, 337.
Situs, 253. 292. 302.
Socii malî, 340.
Solis radius, 272.
Sol nascens, 299.
Somnus, 269. 328.
Sorores sanctæ, 243. 247.
Spes, 229. 246.
Stella, 256. 360.
Stola, 265.
Sudor Crucifixi 320.
Sursum, 221. 246.
Susanna vir, 343.
Sutor, 241. 248. 318.

T.

- Tactus, 272.
Templum, 254. 285. 288. 291. 302. 306. 344. 362.
Templi silentium, 221.

Ten -

PARTIS IV.

- Tentatio, 230. 225. 243. 245. 247. 289. *bis*, 293.
295. 310. 325. 338. 347. 354.
Tepor, 239. 286. 294. 306. 318. 372.
Thesaurus DEI, 217.
Timor DEI, 365.
Tintinnabulum mortis, 210
Triduum, 209. 219. 301. 359.
SSS. Trinitas, 322. 323. 327,
Tyro miles, 275. -

V.

- Væ mundo, 324.
Vena, 246.
Venatio, 265.
Verecundia, 225.
Vesperi, 267.
Vestigium, 251.
Vestis, 272. 293. 305. 324.
Viaticum, 285.
Victima, 333.
Victoria, 325. 354.
Vincula, 269. 270. 277. 302. 327. 333. 354.
Visiones flammeæ, 230.
Viri vestis in fœmina, 343.
Vitæ SS. 303. 312.
Vocatio, 240.
Urbs adjuta, 238. 241. 274.
S. Ursula, 232.
Uxor, 221.

X.

- S. Xaverius, 249. 317.

Zelus

INDICULUS PARTIS IV.

Z.

Zelus animarum, 218. 223.

Hæc fusiùs legi poterunt in ipso fonte, seu Vitis Sanctorum, quæ in ANNO CÆLESTI non nisi breviter sunt indicata.

Omnès Sancti & Sanctæ DEi, intercede pro nobis, nunc, & in hora mortis nostræ! Amen.

CLAUSULA QUOTIDIANA

Ad omnes Sanctos.

OMNES SANCTI, quos felici morte defunctos hodie felici æternitate donavit DEus.

Omnes Sancti mei nominis, & meæ patriæ, ac Patroni mei menstruī omnes.

Omnes Sancti nationis, & conditionis meæ.

Omnes Sancti, quibus sacra est illa, quæ mihi nascenti prima fuit dies.

Omnes Sancti, quibus sacra est illa, quæ mihi morienti ultima erit dies.

Omnes Sancti, & Sanctæ Dei, vos potissimum, qui in hac vita maxime excelluistis in amore Dei: tuque, ô MARIA, Mater agonizantium orate pro omnibus hodie nascentibus, & hodie in agone supremo periclitantibus: impetrare mihi à Crucifi-

xo JESU felicem mortem, beatam æternitatem:
Amen.

Credo, spero, amo, adoro te, pulcherrime, ac
optime, super omnia, Deus meus ! & ideò de pec-
catis meis doleo, ac desidero plus dolere & confi-
teri. Doleo super omnia, quòd te tam ingratus
offenderim, Deus meus, & omnia! In gratiarum
actionem & satisfactionem, offero tibi hujus diei,
& vitæ meæ totius aëtiones, atque momenta sin-
gula, conjuncta omnibus lacrymis pœnitentium
Sanctorum, omnibus guttis lacrymarum, & San-
gvinis IESU, omnibus meritis JESU, & MARIAE, &
omnium Electorum tuorum: ut te videre, ac ama-
re, unà cum illis, & unà tecum, merear in æter-
num. Amen.

ORATIO AD S. ANGELUM CUSTODEM.

AMANTISSIME, dulcissime, solertissime mi Angele
Custos, dux, protector, magister, amice verè
fidelis, verè thesaurus immortalitatis meæ! Gratias
ago DEo meo, pro te mihi dato, & pro donis
omnibus, quibus ornavit te. Gratias ago tibi, quòd
me sanctè, à prima nativitatis meæ horâ, prote-
xeris. Perge, usque dum me sistas DEo ibi, unde
ad me custodiendum es missus. Doleo, quòd non
semper fuerim ad omnem tuum nuturn; quòd te
contristaverim, quando feci aliquid, quod place-
bat angelo tenebrarum! Suggere cordi meo, quæ
DEus vult; & tardi cordis mei duritiem, ac sur-
ditatem vince. Sensus meos omnes, & cor meum
guber-

guberna. MARIAM Reginam nostram, & Sanctos omnes, ac Sanctas Dei, præcipue Patronos, & Patronas meas, tibi pro auxilio adjunge: totum me sacratissimæ Trinitati, per JESU Sangvinem, & MARIAE manus, ex toto dedica, in holocaustum æternum: omnes omnino (etiam quas indiferentes dicimus) actiones meas, ad majorem Dei gloriam, offer ad thronum gratiæ ejus, & gloriæ. Nunc, & in hora mortis, ita mihi, cum sociis tuis Angelis, & Sanctis, ope tuâ assiste, ut omnia & singula momenta vitæ, ac mortis meæ, sint mihi, tibique, æterno solatio; J E S U, & MARIAE, æterno honori, & amori, in felici beatorum Angelorum æternitate, in qua, gratulor, quod manseris fidelis, cum fidelibus Seraphinis; ac aliis, non verò consenseris rebellibus, neque cum illis præceps rueris in ignem æternum. Conserva me quoque, ut sim fidelis usque ad mortem, ac immortaliter amem Deum, unâ cum aliis: & sim socius fidelium, non rebellium, Angelorum. Amen.

AD SANCTUM, & SANCTOS TUI NOMINIS.

Sancte N. cujus nomine, ac patrocinio me, jam inde ab ipsa baptismi mei hora, munivit optimus Deus meus; commenda me Deo, divinæ Matri, ac Sanctis omnibus, illis potissimum omnibus Eletis Dei, quicunque hoc tuum, ac meum nomen in terris olim magnâ virtute ornârunt, respicite, o Sancti mei, ex illa æternæ securitatis, ac lœtitiae Urbe, me

me vobis cognominem, h̄ic, adhuc, inter quotidiana æternum pereundi pericula, exulem, ac timentem. Efficite, ut, sicut idem vobiscum nomen gerō; ita vestro & nomini, & exemplo, sanctā heroicorum vestrorum factorum imitatione, respondeam. Gratulor Deo, & vobis. Gratias ago Deo, quod vos prædestinaverit ad gloriam, & dotibus ad illam necessariis decoraverit. Gratulor, & gratias ago Angelis vestris custodibus, à quibus adjuti estis. Juvate & vos me; ut felicem hujus nominis catalogum nomine meo augeam, in libro vitae. Placebit hoc Deo, qui me vobis, hoc nominis velut peculiari vinculo clientem obstrinxit, & nunc me supplicem ad vos mittit. Juvaretis me potentem, si hic essetis, ubi tamen, si adhuc essetis, minus possetis; juvate nunc supplicem, cum ibi estis, ubi plus potestis, & ubi charitas longè magis perfecta est. Juvate me, ut me vincam; facite me, me ipso quotidie meliorem. Tollite à me id, quod me impedit: impetrare id, quod mihi magis expedit ad salutem; nec me deserite, usque dum, una vobiscum, coram Deum videam, & amem, atque illi, & vobis, agam gratias in æternum. Amen.

*Qui plura habet nomina, plurali numero
uti poterit: Sancti NN. quorum, &c. vel
singulorum seorsum invocare.*


FINIS.

PROTESTATIO
AUCTORIS.


Protestor, me haud alio sensu, quicquid
in hoc ANNO refero, accipere, aut accipi
ab ullo velle, quam quo ea solent, que hu-
manâ duntaxat auctoritate, non autem di-
vinâ Catholicæ Romanae Ecclesie, aut S. Se-
dis Apostolice, nituntur; ijs tantummodo
excepis; quos eâdem S. Sedes, Sanctorum,
Beatorum, aut Martyrum catalogo ad-
scripsit; juxta Decretum URBANI VIII.
5. Julij, anni M. DC. XXXI.

JOANNES NADASI
è Societate J E S U.

d
i



06637



~~SECRET~~




othe~~c~~ca 500,-
nsium in Bielany

otece Jagiellońskie~~j~~



06537

T.T.27





485204 Bibliotheca 500,-
P.P. Camaldulensium in Bielany

Depozyt w Bibliotece Jagiellońskiej



06537

T.T.27

N. West

